

序

予點定東萊左氏博議既疏明其旨趣以示學文課試之程間有辨駁以繩其未能全合於道者將私諸子弟及受學之士非敢謂有當也坊人遽請刻以問世於是東萊自謂白其病於諸公長者之側而予亦竊附其病以諗觀者焉魏冰叔有言古人之文自左史而下各有其病學古人者必知古人之病而力洗滌之不然者吾既自有其病而又益以古人之病則天下之病皆萃於吾之一身其尙可以爲人乎哉予嘗服膺其言竊以爲好逞臆見以翻古人之說與夫不明是非而曲徇古人之說皆無當於古人而自誤以誤人者也是故學古之道在於精義而立言之法貴乎反經有以窺聖人之意而不失乎人心之所同然乃可行遠而不敝以予之鄙陋內之濡染既未能

承中原文獻之傳外之游處又未嘗有林胡汪張朱諸公之講索乃於是編不止於疏明而閒有辨駁金石珠玉曰非重黼黻文章曰非美鐘鼓琴瑟曰非樂此其病非狂則愚非曠則聾而已矣君子之取益於天下也不貴其美疢而貴其藥石則予之所以與東萊相繩者東萊之所樂也天下之諸公長者苟不我棄而我繩焉豈非我之所樂歟雖然予之所以辨駁者義理也若其文則雖止爲課試之先資而實有不可得而廢者以今之從事於課試者勦襲雷同鄙倍浮僞其病殆必割皮解肌訣脈結筋搦髓腦揲荒爪幕而後治焉惟是編可以藥而生之則又願各取以治今人之病而毋甘於沈痼而不可起也宿松朱書字綠序

博議之文共八十六篇內闕二篇今搜古本補訂也家大人因此者  
考課儒童先試小學論而坊間所刻諸論皆猥鄙不足觀因取是編  
稍加批點以示及門受學之士而坊賈請梓以行世遂以授之嘗語  
及門諸子曰博議之文原爲諸生課試而作故文體不甚高所謂道  
取順時者也然初學之士其於周秦漢唐之書茫乎不知其闡域之  
何屬也安能闡其藩而升其階惟是編文取其從字取其順其駿發  
也萎荅者讀之足以振其懦而爽朗也塵悶者讀之足以破其昏其  
排宕也板滯讀者之足以達其氣其峭拔也平庸者讀之足以淬其  
鋒且也得首尾盤旋之法而結構不懈得無中生有之法而波瀾不  
窮得推拓援證之法而觸類引伸隨取而不盡文章之能事由此而  
深造之其又奚難卽其理間有未醅而分別讀之無一可廢學者以

此爲經史之嚆矢而諸大家之入門不亦可乎小子識之謹記其說  
因以爲讀是書者告焉庚辰夏月男曉曙同識

東萊博議自序

左氏博議者爲諸生課試之作也。始予屏處東陽之武川，仰林俯壑，出戶而望，目盡無來人居。半歲里中稍稍披蓬翳，從予游談，餘語隙波及課試之文，予思有以佐其筆端，乃取左氏書理亂得失之蹟，疏其說於下旬，儲月積浸，就編帙。諸生歲時休沐，必抄寘褚中，解其歸裝，無虛者。並舍姍黨，復從而廣之。身衍四出，漫不可收。客或咎予之易其言，予徐應之曰：子亦聞鄉憐之求賢者乎？深痼隱疾，人所羞道，而諱稱者，搢之大塗，惟恐行者不閱閱者不播，彼豈覲然忘恥哉？德欲蓄而病欲彰也。予離羣而索居，有年矣。過而莫予輔也，跌而莫予挽也。心術之差，見聞之誤，而莫予正也。幸因是書而胸中所存所操，所識所習，毫愆髮謬，隨筆呈露，舉無留藏。又幸而假課試以爲媒，借

逢掖以爲郵徧致於諸公長者之側或矜而鐫或愠而謫或侮而譙一語聞則一病瘳其獲不旣豐矣乎傳愈博而病愈白益愈衆於予也奚損遂次第其語以諭觀者凡春秋經旨概不敢僭論而枝辭贅喻則舉子所以資課試者也東萊呂祖謙伯恭序

以兩層立意爲諸生課試是一層暴露病徵使醫者自至是一層意義深厚詢旨委婉讀之便有仁義藹如之色

朱字綠評

重刻東萊博議序

余自涖泗後奉文兩進是州之童子而試之見其文氣卑靡體裁靡雜胸無成竹空弄筆頭以故

聖朝文教覃敷薄海內外皆爭自濯磨而泗獨以僻處水窪之故未暇肆力於詩書意其父兄師友之轉相傳述者率皆以今世之所謂時文者爲優孟衣冠若曰苟能是是亦足矣倖博一衿輒詡然自負而不復求進於聖賢天人義利之辨每構一題千喙同聲勢如蚊聚士氣不振莫此爲甚抑不知時文者皆所以發明聖賢義理今以俗情而代聖賢之口吻宜其不肖也夫言爲心聲唐虞用人敷奏明試後世以明經取士卽古者考言之法故自明迄今時文之卓然傑出者莫不本諸六經子史伸紙直書與聖賢宛肖所

以鬱爲

國華致身青雲良有以也今世之士不求實學務取捷徑苟取青紫無裨實用文章政事致成兩橛分道揚鏢莫能合一又其下則專已守殘頭童齒豁猶不自知其非怨天尤人識趣之卑陋無藥堪醫嗚呼亦足悲矣余忝爲州守於此邦士子有師教之責苟聽其隨波逐流無能一洗其舊非所以仰體

聖朝作人之至意故旣建義學延師教授又思所以教之之方未有先於博議一書者博議者東萊呂伯恭先生教諸生課試之所爲作也評之者不一家予取其確當者仍之篇末必附以己意僭評數語以誌景仰其文皆獨抒己見深入顯出按之聖賢義理精微之奧不差毫髮真天下之至文也學者得是書而讀之豈特取功

名如拾芥卽以之爲升堂入室之階梯亦無不可又何患乎文氣之卑靡而體裁之龐雜也哉刻將成特走筆而弁其端并附刊虛字註釋六卷於後以俟讀是書者相與觀厥效焉古絳張文炳題於東楚官舍

東萊博議箋註序

有明以四書文取士 國朝因之法積久而大備亦積久而弊生  
試官命題輒割裂聖賢語脈文體壞而世道人心亦因之大壞  
今上赫然發憤改舊章下明詔以經義策論試天下士俾講求經  
濟以煥新猷甚盛典也多士爭自淬厲皆思裨補闕漏敷奏以言  
崇論宏議上溯乎周秦下逮乎唐宋唐文之粹者莫如韓子宋文  
之粹者莫如呂成公博議一書其建議也如名將料敵無堅不摧  
其析理也如老吏決獄無幽不燭辨義利之疆界立臣子之大防  
洵足以羽翼聖經維持世道者矣第以援引奧博莫可端倪初學  
讀之猶河漢而無極是非箋註不爲功僕不揣固陋抒其一得以  
助啓蒙凡六旬而斷手焉迫於時日語焉不詳鴻儒碩士幸勿以

爲笑倘賜以教言則惠我良多矣尤願讀此書者身體力行處爲  
良士出爲純臣宏濟難難不徒以干祿畢乃事是則予之厚望也  
夫時

光緒壬寅二月初吉大城劉鍾英紫山甫撰

東菴先生傳略

呂祖謙字伯恭好問之孫自其祖始居婺州祖謙學本家庭有中原文獻之傳長從林之奇汪應辰胡憲游與張拭朱熹友講索益精初蔭補後舉進士復中博學宏詞科歷太學博士兼史職輪對勉孝宗以聖學且言恢復規模當定方略當審召試館職先是試者前期從學士院求問目獨祖謙不然而文特典美嘗讀陸九淵文喜之而未識其人考試禮部得一卷曰此必江西小陸之文也揭示果九淵人服其精鑑父喪除奉祠越三年除祕書郎國史院編修官實錄院檢討官重修徽宗實錄書成進秩嘗面對言曰願陛下虛心以求天下之士執要以總萬事之機勿以圖任或誤而謂人多可疑勿以聰明獨高而謂智足徧察勿詳於小而忘遠大之計勿忽於近而忘壅蔽

之萌又言國朝治體有遠過前代者有視前代爲未備者夫以寬大忠厚建立規模以禮遜節義成就風俗此所謂遠過前代者也故於倣擾艱危之後駐蹕東南踰五十年無纖毫之虞則根本之深可知矣然文治可觀而武績未振各勝相望而幹略未優故雖昌熾盛大之時此病已見是以元昊之難范韓皆極一時之選而莫能平殄則事功之不競從可知矣臣謂今日治體視前代未備者固當激厲而振起遠過前代者尤當愛護而扶持遷著作郎以疾請祠歸先是書肆有書曰聖宋文海周必大言去取差謬委館職銓擇孝宗以命祖謙遂斷自中興以前崇雅黜浮類爲百五十卷上之賜名皇朝文鑑詔除直祕閣尋主管沖祐觀明年除著作郎兼國史院編修官卒年四十五謚曰成祖謙學以關洛爲宗而旁稽載籍不見涯涘心平氣

和不立崖岸一時英偉卓犖之士皆歸心焉少卞急一日誦孔子躬自厚而薄責於人忽覺平時忿懷渙然冰釋朱熹嘗言學如伯恭方是能變化氣質其所講畫將以開物成務既臥病而任重道遠之意不衰居家之政皆可爲後世法修讀詩記大事記皆未成攷定古周易書說闡範官箴辨志錄歐陽公本末皆行於世晚年會友之地曰麗澤書院在華城中既沒郡人卽而祠之

重刊東萊博議例言

一博議原本爲篇百六十有八朱書本載八十六篇張文炳本篇

數同蓋卽明人刪節之本以便於簡摩故通行今世舊刻有脫

文譌字屬署內桂友昌山以錢塘瞿世瑛足本參校沈友古宜

姪棣生同校朱張本古體字改從今體

一宋人避諱如周桓王魯桓公齊桓公晉桓叔桓避作威周匡王

匡避作正之類茲悉更正

一篇目下載左傳文其文過繁者節錄國語公羊亦然俾讀者於

事迹本末開卷了然可省檢閱

一朱書本旁評多本孫執升先生之舊篇段句字諸法言之頗詳

間有脫佚數字難尋繹者亦有全篇闕旁評者今仍之由張文

炳本增入僅數條

一字書敬避字樣如書○德升聞避作元論語人能○道避作宏天之○數在爾躬避作歷萬國咸○或避作甯並依恭代

一朱張本楚滅弦黃篇秦晉遷陸渾篇舊闕今補仿朱張總批僭綴評語他篇亦間附管見以誌景仰

增批輯註東萊博議註釋

雙芙蓉館藏本

大城劉紫山輯註

起語虛字 接語虛字

分順逆二項

轉語虛字 襯語虛字 束語虛字 歇語虛字

分實順虛逆二項

起語虛字

起語者前此無之句以虛字起之或前文已畢而以虛字另起也

且

發語詞且天之生物也之類又未定之詞如我且直之之類○又與況字略同如且爾言過矣之類又亦發明且哲與時文且也二字轉下者皆進一步之詞○作實字則抑且苟且也○又音疽語助詞詩

經多用之八股中無此體

謂

與之言也非與之言而或稱其人勉其人責其人亦曰謂有所指而言亦曰謂此之謂自謙是也稱其言亦曰謂其斯之謂與是也總之作說字看

夫

亦發端字與蓋字相似但夫字是為將指此事此物此理而發與蓋字作推原者不同夫人幼而學之是也又語已詞為句絕之餘聲意婉而聲衍亦有歎息意必子之言夫是也又有用在句中作語助詞

者小子何莫學夫詩是也亦意婉而聲衍又有所指之詞夫二三子是也○作實字則音字大夫丈夫之類

蓋

發端字也即大凡之類欲作文字先用蓋字以發端也如蓋上世嘗有不葬其親者是蓋一節之發語字也○作實字則覆也車蓋也又古沓切甘入聲乃齊邑又名同蓋字

且夫

從寬遠說起之詞且夫枉尺而直尋是也

今夫

即今所論事理而發端之詞今夫天下之人物是也

今以

以者有所據之詞或據事或據理以言之皆可用

原夫

原推原也推究其本而言也

嘗思

思想也亦追憶之詞

嘗觀

觀也亦有所憑弔之詞又借專發論歷攷其實者亦用之

嘗稽

稽考也亦有所稽考而立言也

慨自

有所感歎而追溯之詞

以為

推原其意以為如此也

若以猶若謂若曰言意思若此說也

謂夫謂說也夫語助也又夫者有所指之詞謂夫莫之禁而弗為者是也

甚矣欲大言下文故先著此二字以起之也亦危之之詞甚矣吾衰也是也

接語虛字凡承接上文順勢講下不復作轉者用之 分順逆

此指定之詞又彼之對也 茲此也此此字略婉 是此也又指上而順斷之詞又非之對也 斯此也此字顯而直斯字文而輕又則也即也如其斯之謂與作此字看斯得民

矣作則字即字看又語畢之詞詩經多用之

故所以也又緣故也因上文而生猶云為此緣故是以云云也故君子必慎其獨是也又是故者猶云因是之故也是故君子先慎乎德是也故曰者在先會有此語今舉而證之也故曰配天是也又有故字

在句末者如時又則何以故之類○作實字則舊也故舊不遺是也又已然也○求其故是也

則此頂接緊要字口氣最直捷最有力與斯字同意猶言即也就也中間著不得一些迂緩如則近道矣是也○作實字法也凡制度式皆曰則又則效也

蓋推原上文之詞與起語蓋字略異以起語乃空指此則實領上文

由是由從也跟上文引抑之詞 由此 由茲 由斯義同 自是 自此 自茲 自斯 從此

從茲皆同

是其跟上文而指點之詞此其與上大

及夫及乎至於迨夫及即至字意也施及蠻貊之類又旁及也及其所不愛之類若及夫及乎至於皆跟上文而推引之詞但夫乎於微有別耳當相其口氣

用之難以筆盡迨即及也又及其推引而有所指之詞也迨至至到也由此及彼之詞及至義同甚至極言所至之詞

何則頓住上文作問將欲答之之詞何者順上文而有何也順上文作問之詞則字健者字平也字輕

是何也是何何哉何以何如如之何皆文中自問之辭所以引起下文來何則則字聲微緊於者字是何也語

勢比何也更平婉下文當如江河滔滔汨汨流去是何二字下文語勢峻急如水落高難是何異於刺人而殺之三句是也何哉言何故如此也如不待其招而往何哉是也何以二字有用意猶俗云把甚麼也何以伐為是也何如乃怎樣意其詞直好樂何如是也如之何乃婉其詞而詳議之且疑且問口氣然則舜如之何是也

故夫有所因而言也故夫三桓之子孫微矣是也

是以指上推原之詞猶云惟其如此所以如此也與是以略同又原之詞所以二字在句中是推進一步意如君子之所以異於人者之類蓋以原上而順推之詞

將以以用也承上推原其將然之詞將以反說約是也誠以確然推斷之詞

是知

接上而有所解悟之詞

一似

單拈一說摹擬之詞

一若

同上

亦以

亦與也同亦以猶也爲也因

所謂

所說也原其說而進解之詞

所爲

猶云所擇也京其稱而進斷之詞

蓋謂

推原且說之詞亦可用於起處

以謂

義同

以爲

自揣如是之詞 是爲

指上斷之詞

如此

直指上文將有後說之詞如此則無敵於天下是也有時用此煞脚其自任以天下之重如此是也

如是

若是

若此

若然

此等字眼亦皆

同意但口氣略有輕重不同若然二字卻不可用在煞脚

於此

猶云在此也但比在字虛

於是

於斯

於茲

等皆同

似乎

想像之詞

恍若

恍同恍荒上聲彷彿形容之詞

宛若

宛駕上聲同上

以前諸字是跟上文而順用者

豈

是怎字意則吾豈敢是也又斷決詞此豈山之性也哉是也蓋豈者怎也詎者豈也反說以見意也非然之詞也但詎字較豈字略婉○豈又作愷樂也當實字用

寧

願詞也俗言寧可如此是願如此也兩相比而願其一也禮與其奢也寧儉是也○作實字則安也

非

不是也但比不是婉轉些○作實字則詆毀也言則非先王之道是也

何

亦反詞又奚同上○又歎怪問之詞 奚同上 烏同上○又歎詞同惡字

豈不

猶云怎麼不也 是折辨之詞

豈得

猶言怎麼得也抑折之詞

豈非

反言其意猶言怎麼不是也

豈可

禁止之詞

豈有

反言不有也

豈能 反言不能也

豈必 反言不必如此也

詎必 詎能 詎有 詎可 詎得 詎非 詎

不 同 甯必 較豈必略婉 甯不 甯非 甯得 甯可 甯能 同甯有 同甯

有商量意

甯不 甯非 甯得 甯可 甯能 同甯有 同甯

字在安豈二字之間

寧得

亦折抑之詞又有所望而未遂之詞

焉得

同上

烏烏

反折之詞

惡得

同上

何必

反折之詞

奚必 奚能 奚有 奚可 奚不

同上

同上

同上

同上

同上

同上

同上

同上

同上

得不

猶豈得不安得不也此省上一字法

疇不

疇誰也人有同然之詞

疇能

誰能也

疇得

誰得也

孰意

孰誰也。意意料也。猶云誰人意料到此也。

豈意

誰意

何意

疇意

同上

豈謂

猶云豈是。如此說也。

甯謂

同上

孰能

誰能也。言必不能也。孰能與之是也。亦詰問口氣。孰能一之是也。

孰有

誰有也

孰得

誰得也

孰非

誰非

烏能

反言不能也

何能

安能

烏能

奚能

同上

烏足

反言不足如此也

何足

安足

焉足

奚足

同上

此豈

指上文而反指之詞

茲豈

是豈

斯豈

同上

此非

指上文而直斷之詞

是非

茲非

斯非

同上

豈其

反折而有所指之詞

何其

反詰而有所指之詞

抑何

轉一層反詰之詞

又何

進一步反詰之詞

毋乃

疑而審度之詞

不幾

反言即至於此之詞

### 以前諸字是跟上文而逆用者

#### 轉語虛字

文章從無直行者必用轉筆相生或正起反轉或反起正轉或深一層轉或開一步轉皆須以一二虛字領之

然

是承上過下起頭的字眼凡轉上文接上文換出一層意思若非此字便轉接不去矣轉上文換出一意如然而夷子葬其親厚是也接上文接出一意如然則小固不可以敵大是也至若儻然油然鬱鬱然又是形容之語助詞○雍之言然然字是也若火之始然然字燒也皆作實字看

苟

誠也累也苟志於仁矣是也亦用若字看苟無其位是也○作實字則苟且也無所苟而已矣是也

或

或之者疑之也未定之意有不指明其人但以或字代之者或問禘之說是也又有未有此事預度其事設若如此而曰或者如或知爾是也又有事之多端連下數或字以指陳者或遠或近或去或不去是也○又同或無或乎王之不智也但時又不可用

倘

設或之意猶若也如也凡反語皆用之

如

設或之意如或知爾是也又有也似也如追放豚是也又摹擬之詞申申如也是○作實字則往也

若

設或之意若殺其父兄是也又有也似也若決江河是也又摹擬之詞如時文中肅若雖若是也又指定之詞以若所為是也○作實字則汝也項籍傳吾與若北面懷王是也又順也堯典欽若昊天是也

設

假設之詞未然而為或然之想者則有之

使 設使也。比字尙字設略實。○作實字則令也。役也。又去聲音試將命者。又遣人聘問曰使。

但 前有一說。又別有一說。者用。第 但也。○作實字則次第。又此轉之。又任從之詞。又徒也。第宅也。○俗以第解但。

雖 不足上文之詞。言雖是如此。更有云云也。

乃 發語詞。乃若其情是也。又詞之緩也。有不遽然意。乃所謂善也。是也。又難詞也。如會由與求之會字。又繼事之詞。乃積乃倉是也。迺字同此。

而 語助詞。亦小轉之詞。文非此字。則血脈不通。貫無以成。文見意矣。作語助詞。動而世為天下道是也。小作轉詞。和而不流是也。又句首首著而字。亦是承上轉下意。而謀動于戈於邦內是也。○又作汝字。抑而強與是也。又語終助詞。如室是遠而之類。入股中。無作語終助詞之式。

況 此更將別人物別事理。來與前說相形。猶言輕者如此。況重者乎。重者如此。況輕者乎。又況夫者。句更端也。況於者。就句轉也。夫字意悠揚於字意。切近微有分別。矧字同此。○作實字則譬擬也。又況味也。

抑 發語詞。抑王與甲兵是也。又反語詞。抑亦先覺者是也。又轉語詞。抑亦立而視其死與是也。又亦然之詞。抑為采色不足。視於目與是也。大約深一層。開一步。又講一說者。用之句末。多以乎歟字助語。押之。

○作實字則邊也。屈也。損也。

獨 推問別說。單 惟 獨也是有力字。惟此時為然之類。○ 唯 獨也。唯天為大之類。○又音委應聲也。講一說之類。 作實字則思也。入股中用作思者少。 會子曰唯是也。○惟唯二字皆專詞。如

俗語只字之意。惟從心之專也。唯從口口之專也。

東 萊 博 議 註 釋

顧

跟上文而進論之詞又反語詞在乃然二字之間○作實字則視也又眷顧也

固

本然之詞如固將朝也之類○作實字則堅也又執一也又陋也儉則固是也

彼

別有所指之詞又此之對也又外之之詞彼哉彼哉是也

奈

如也如之何曰奈何又問人某事當如何之何亦曰奈何無如之何亦曰奈何

然而

反上意而圓轉之詞言如此矣而又不然是一說口氣

然後

言既如此方如彼也夫然後行是也

然則

然猶如此也猶言如此則云云承上文而直斷之也是承

上過下之詞

否則

否不然也猶言不然則云云反上過下之詞

雖然

頓住前文另轉下文之詞猶言雖是如此更有云云雖然今日之事是也

不然

反掉上文將為論斷之詞猶言若不如也文虛而意婉與直斷其人與言之不是者大異

設使

前

設令

假使

假令

藉使

借令

俱同

若夫

乃若

至若

彼夫

此皆欲又指別事理別人物以言之故以此等字眼轉換起耳

言之故以此等字眼轉換起耳

言之故以此等字眼轉換起耳

言之故以此等字眼轉換起耳

言之故以此等字眼轉換起耳

既而

是既如彼而又如此也如既而曰是也

已而

是已如彼而又如此也與楚狂章已而大異

今也

今焉

今則

今乃

或已說前人物前事理而轉到今時之人物事理故又著此等字

必也

擬而決斷之詞

獨是

解見前

惟是

同上

但以

解見前

第以

同上

況乎

解見前

無如

猶言無奈

更有

進一步語

尤有

尤更也

仍有

仍還也

意必

凝而未決之詞

意者

擬度之辭

或者

亦擬度之詞比意者略虛

有如

猶言設有如此亦擬度之詞

或曰

乃假作他人之言而下答以己意也說者曰亦同

借曰

即俗云假如說也

不知 前說未嘗轉作曉論之詞猶言止知其一不知其二也

非然者 前說已是特作一反以申前說之詞猶言若不如也

不寧惟是 猶言不獨如此跟上不但此也義同

襯語虛字 文章一句中必用虛字以為襯貼或用於句首或用於句中或用於句末所謂助語是也

之 此字取用不同作助語詞喜怒哀樂之未發是也作的字看大學之道是也作於字看之其所愛敬而辟焉是也又有所指之詞博學之指理言莊以蒞之指人言○作實作看之往也之三子告是也

以 有所依據之詞與因字同不以言舉人是也又用也為政以德是也又為也視其所以是也又作己字看無以則王乎是也替為字己字二者時文中不可用○又能左右之曰以詩經侯疆侯以是也然在

時文中只作虛字用

於 音迂語詞也即也向也在也與于字大同小異猶云自此而於彼也吾之於人尋也作在字造次必於是也作向字志於道是也作即也於從政乎何有是也總之語詞也○又作嗚歎詞

于 音余也指定那人物事理等而言如于彼乎于此乎于一于字以指定之與於字相類但較於字意略重○又音吁歎詞也

所 語助詞非身之所能為是也又指物之詞察其所安是也○作實字則方所也居其所是也 攸 所也有攸不為臣是也

其 隨在而指之詞先治其國則指國其人存則指人其心休休則指心又語助詞奚其為為政是也又贊數之發語詞其威矣乎是也○又音基己語詞詩經夜如何其是也又音記語助詞彼其之子是也皆

非時文之體 厥 其也亦語詞匪 故不宜用 厥元黃是也

乎

音胡本歇語詞然用於句中則與於字同意而略帶虛活不明乎善是也○作歇詞則疑而未定之詞 君子者乎是也又詠歎詞不亦說乎是也又詰問詞學詩乎是也又辨別詞不敬何以別乎是也又商 量詞以與爾鄰里鄉黨乎是也○ 又作呼嗟歎詞於乎不顯是也

諸

與之字於字同亦歇語可用於句中者君子求諸己是也○作歇語則審問而未定之詞與乎字略同 子路問聞斯行諸是也又其諸語詞也其諸異乎人之求之與是也○又作實字衆也舉直錯諸枉是 也

不

與未非二字相類 未 未嘗也既之反也己之對也有將然且然未必之意比不字轉婉曲 ○又音否同否 時文中有用未也二字是一轉深入之意猶未也是又一轉之意

猶

似也如也若也文若吾猶人也之類又還也尚也猶可 以爲善國之類○作實字則同猷但時文只作虛字用

由

自也從也由湯至於武丁是也又因也由是則 生而有不用是也○又率循也小大由之是也

尤

甚矣更也字義與殆尤甚焉相類○作實字則過也言寡尤是也又責也不 尤人是也○猶由尤三字音同而義各異雖猶尤二字古通用而今宜分別

亦

俗說也字之義 巫匠亦然也

既

已然已往之詞○作 必 決然 實字則盡也又同餽 之詞

莫 禁止詞勿也不可也○又定也  
詩經求民之莫又音慕同暮

殆 蕩海切臺去聲發語詞殆有甚焉是也又約略評論之詞易繫辭其殆  
庶幾乎是也○作實字則危也○又去聲度耐切同意字時文不宜用

姑 聊且如此之意亦活字也姑舍是是也  
○作實字則夫之母父之姊妹皆曰姑

凡 一統總說之意大概也凡有四端  
於我者是也○作實字則庸常也 皆 同然之意

相 彼此交合之詞不想為謀是也○作  
實字則去聲視也又助也又備相也

方 將然之詞又纔也爰方啓行是也又且也周公方且膺之是也○作實字則向也且也方也之類又  
逆也方命虐民之類又比也子貢方人之類又四方也方法也方策也又桴也詩經方之舟之是也

將 未然而將然之詞我將見楚王是也又虛擬之詞將使卑踰尊是也亦漸近之詞將  
五十里是也○作實字則大也送也奉也養也助也又音醬將帥也又統兵曰將兵

遽 急卒也 忽 突然也 倏 同忽又  
不足意也

當 該當理也合如此也○作實字則敵也文王何可當也是也又承也當也不讓於  
師是也又值也禹禋當平世是也又去聲與當也又中也谷云當乎理中乎理也 宜 亦當也又相  
稱相合之意

與 及也同也與其弟辛是也又許也與其進也是也又助也是與人為善是也又授也與之釜是也○  
又音預參也王天下不與存焉是也○作歇語則平聲音于同歟君子人與是也古多以與作歟

祇 音支佾也亦祇以異是也又適也揚  
子茲若也祇其所以為樂也歟是也

僅音僅略也少也  
他無可取之意

庶蕩幸之詞又近也○作  
實字則衆多也又嫡庶

盍何不也盍各  
言爾志是也曷何也曷敢有  
越厥志是也

可許之之詞肯也否之對也  
可僅足之詞可也爾是也

否不可也不然也○又音鄙不  
淳也又批上聲器也卦名

束語虛字行文收束處股頭多用  
二字以收束一篇之局

總之上結文  
而言要之此文領之要也文勢至末因欲  
生波遂以切要處再提出來說

大約約略大  
概之詞大抵同上

歇語虛字文字之住足處也虛歇實歇順歇  
逆歇各有所不同須隨文勢押之分虛實順逆

也語之餘詞之終也凡文勢平平落下高不太揚抵不太煞者用之太約此字有四用有作決詞者末之  
有也是也自足訓釋之詞者仁者也是也人有作歷數之詞者修身也九句是也又有一句中半落復

起思之爲語助詞者其爲人也孝弟  
是也○又作亦字有時文中不可用

矣

語已詞亦助語詞又決詞也故又中用矣字必上用則字或斯字單任方是語氣字義比也字更緊如今人了字一般作助語詞吾必謂之學矣是也上用則字單任則何益矣是也上用斯字單任斯疏矣

是也作了字看焉音延語終詞亦決詞比也字輕清些四十五十而無闕焉語終既富矣是也詞也斯天下之民至焉決詞也又音煙作豈字看焉得儉是也

耳

亦語詞此字亦有含蓄亦有將然而未然之意亦轉文之煞字亦是軟活字軟活看者爾語詞也耳作實字也

則汝也

已

語終詞可謂好學也已是也又大也是皆已甚是也又既者即物而醜塾之詞當看上文何如上文也今乘輿已駕矣是也四作實字則止也已而已而是也是人則指人無友不如己者是也上文

是物則指物以其所有易其所無者是也上文是理則指理知仁勇三者是也以分別界限之詞仁者人也是也又語助詞而好犯上者是也

云

說同詩云是也又謂也禮云樂云是禮之謂樂之謂也有用時在文尾句末則為語助詞大意謂如此說也有悠然不盡之意但要斟酌用又有用云云者猶言如此如此指其中所說不必言也然而八股

中無此禮

者也

有所指而順落之詞文意已畢多用之如好古敏以求之者也之類

也者

二字連下必有後句接應而也己順落上文而用其止此之意

也矣

順勢收已矣意足而緊煞之詞煞之句言止此無他也

者矣有所指而收煞之詞者焉有所指而輕住之詞者耳有所指而順落之詞

焉耳平提而順落之詞已耳文畢而順落之詞

也夫順落而又帶咏歎之詞矣夫緊煞而帶咏歎之詞

焉而已一提一轉一煞之詞三字連用文若極搖曳上祇用一二實字為妙焉耳矣焉字一提耳矣是順煞之詞有止此無餘意

焉者矣焉字一提者矣是有所指而結煞之之詞

而已矣收轉到此文義盡絕之詞

以前諸字凡文之實寫順寫者多用之

乎解見前

哉語詞又贊歎詞孫煞脚字亦與乎字略同但不可竟作疑詞若乎哉二字連下亦疑詞也細玩之雖是句絕而有嗟歎之意又有驚怪意又有自得意又有口以為然心不以為然之意如人焉廣哉是煞脚

字水哉水哉是贊歎字其何以行之哉是與乎字略同君子多乎哉是疑詞觚哉觚哉是嗟歎詞異哉子叔疑是驚怪詞吾何為不豫哉是自得詞○又始也武城篇厥中月哉生魄是也時文不可用

歟語未疑詞也與乎字相近但乎字輕歟字穩乎字疑也未定歟字則有疑而不疑者在如其為仁之本與可以例觀

耶

于遮切夜平聲古以邪作耶歎語終疑詞也與乎哉字相近但有咏歎之意又有婉轉詰問之意又有疑怪之意較乎字意味覺長

者乎

有所指而疑問之詞

也乎

順勢虛落之詞

矣乎

語煞而意不盡之詞

已乎

不止於此故作止此之問者用之

已耶

同上

者哉

有所指而咏歎之詞

也哉

搖曳咏嘆之詞其音甚長

矣哉

煞語而帶咏嘆之詞

夫哉

語止於此之意

者歟

有所指而虛敬之詞

也歟

與也哉略同但音義更覺蘊藉

者耶

有所指而疑問之詞

也耶

音長而亦虛文之喝醒者用之情之感慨者用之

否耶

上文言是接此二字猶言不是是耳

否乎

同上

焉否耶

焉字連上文一截復押否耶二字亦不是兩問之詞

而已乎

與已乎同意但而字多作一轉

焉者乎

焉字輕提者乎二字是有所指而輕住之詞

焉爾乎

輕提虛問之詞其文甚婉

乃爾乎

爾猶言這樣也乃爾乎亦有指而問之意

也歟哉

三字連用咏嘆搖曳之詞亦帶疑怪意

也乎哉

同上

以前諸字凡文之虛寫逆寫者多用之

增批輯註東萊博議目次

卷一

鄭伯克段於鄆

周鄭交惡

宋穆公立殤公

臧僖伯諫觀魚

用兵

隱公問羽數

鄭伯侵陳

盟會聘享失禮

穎考叔爭車

齊魯鄭入許

息侯伐鄭

羽父弒隱公

臧哀伯諫郟鼎

晉封曲沃曲沃併晉

齊鄭衛戰於郎

鄭忽辭昏

詹父以王師伐虢

虞叔伐虞公

楚莫敖屈瑕

祭仲殺雍糾楚殺子南

盜殺伋壽

桓公文姜如齊

楚武王心蕩

卷二

鄧三甥請殺楚子

魯莊公圍郕

妖祥

齊魯戰長勺

宋萬弑閔公

鄭厲公殺傅瑕原繁

王賜虢公晉侯玉馬

鬻拳兵諫

卜筮

曹劌諫觀社

晉殺其世子申生

齊侯救邢封衛

管仲言宴安

齊仲孫湫觀政

晉里克

衛懿公好鶴

齊寺人貂漏師

齊伐楚

楚文王寵申侯

卷三

葵邱之會

梁亡

宋人圍曹

宋公楚人戰於泓

成風請封須句

子圍逃歸

成得臣卻獻子

賦詩

周與晉陽樊溫原攢茅之田

鄭孔叔申侯

楚滅弦黃

齊桓公辭太子華

衛侯遜位激民

用人祀神

隨伐楚

魯饑而不害

秦晉遷陸渾

魯卑邾不設備

晉懷公殺狐突

衛禮至爲銘

鄭子臧好聚鵲冠

楚滅夔

臧文仲分曹田

卷四

穆伯襄仲

先軫死師

相術

晉侯朝王伐衛

宋蕩意諸

楚范山請圖北方

楚文無畏戮宋公僕

長狄

周公王孫蘇訟於晉

狼曠死秦師

楚人滅江

陽處父

宋華耦辭宴

季文子出莒僕

宋昭公子武氏族

宋華元羊斟

楚鬪椒

楚子問鼎

楚箴尹克黃

荀林父伯宗

公孫歸父言魯樂

增批輯註東萊博議卷一

雙芙蓉館藏本

大城劉紫山輯註

鄭伯克段于鄆

隱公元年初鄭武公娶於申曰武姜生莊公及共叔段莊公寤姜氏故名曰寤生遂惡之愛共叔段欲立之亟請於武公公弗許及莊公即位

為之請制公曰制嚴邑也號叔死焉他邑唯命請京使居之謂之京城太叔祭仲曰都城過百雉國之害也先王之制大都不過參國之一中五之一小九之一今京不度非制也君將不堪公曰姜氏欲之焉避害對曰美氏何厭之有不如早為之所無使滋蔓蔓難圖也藜藿猶不可除況君之寵弟乎公曰多行不義必自斃子姑待之既而太叔命西鄙北鄙貳於己公子呂曰國不堪貳君將若之何欲與太叔臣請事之若弗與則請除之無生民心公曰無庸將自及太叔又收貳以為己邑至於廩延子封曰可矣厚將得衆公曰不義不暱厚將崩太叔完聚繕甲兵具卒乘將襲鄭夫人將啓之公聞其期曰可矣名子封帥車二百乘以伐京京叛太叔入於鄆公伐諸鄆五月辛丑太叔出奔共

釣者負魚魚何負於釣獵者負獸獸何負於獵莊公負叔段叔段何負於莊公且為釣餌以誘魚者釣也為陷阱以誘獸者獵也不責釣

朱字緣曰  
博議之文  
為課試而  
作故於時

文為近比 籍起手排 立三語後 用喻意正 意夾行逼 出莊公是 一險人未 復推開四 層用四正 欲字兩莊 公欲三字 應前三使 之字起伏 收束各極 其法至尾 取喻意作 收斷出莊 公至拙吃 然而止有 山迴海立 之勢意雖 未必盡當 而文章機 軸卓然一 家莊公 養成叔段 之惡即左

者而責魚之吞餌不責獵者而責獸之投阱天下寧有是耶莊公雄

猜陰很視同氣如寇讎而欲必致之死故匿其機而使之狎縱其欲

而使之放養其惡而使之成甲兵之強卒乘之富莊公之釣餌也百

雉之城兩鄙之地莊公之陷阱也彼叔段之冥頑不靈魚爾獸爾豈

有見鈞餌而不吞過陷阱而不投者哉導之以逆而反誅其逆教之

以叛而反討其叛莊公之用心亦險矣莊公之心以謂亟治之則其

惡未顯人必不服緩治之則其惡已暴人必無辭其始不問者蓋將

多叔段之罪而斃之也殊不知叔段之惡日長而莊公之惡與之俱

長叔段之罪日深而莊公之罪與之俱深人徒見莊公欲殺一叔段

而已吾獨以為封京之後伐鄆之前其處心積慮曷嘗須臾而忘叔

段哉苟興一念是殺一弟也苟興百念是殺百弟也莊公之罪顧不

足上文意情嚴空

二句斷盡莊公

難喻意

欲心之法只一掃字可文一章一篇血所實寫險字便前蓋其

其欲其惡惡數語可悟文家淺味之法

莊公定案

伏下自云目習

尚第到成

氏謂之鄭志說失教之義然段為人臣子至特諱而驕詭制之後竟不復請增取國邑繕甲兵具卒乘此豈人臣所得為者縱無與鄭之謀而處視其君亦甚矣莊公之失在平昔不教而濫與兵以伐之為有殺弟之心耳以封許叔而有悔心卒使之有後此自是莊公天理民彝不至

大於叔段耶吾嘗反覆考之然後知莊公之心天下之至險也祭仲

之徒不識其機作四續寫反諫其都城過制不知莊公正欲其過制諫其厚將

得衆不知莊公正欲其得衆是舉朝之卿大夫皆墮其計中矣鄭之

詩人不識其機又刺其不勝其母以害其弟不知莊公正欲得不勝

其母之名刺其小不忍以致大亂不知莊公正欲得小不忍之名是

舉國之人皆墮其計中矣莊公之機心猶未已也魯隱之十一年莊以是節

公封許叔而曰寡人有弟不能和協而使其餬口於四方其况能久

有許乎其為此言是莊公欲以欺天下也魯莊之十六年鄭公父定叔段之

叔出奔衛三年而復之曰不可使共叔無後於鄭則共叔有後於鄭

舊矣段之有後是莊公欲以欺後世也既欺其朝又欺其國又欺其東始有收拾否

天下又欺後世噫嘻岌岌乎險哉莊公之心歟將欲欺人必先欺其則平衍矣

斷絕處君  
子許人改  
過處予  
之復以爲  
欺天下後  
世然則不  
悔不置後  
乃爲仁愛  
其弟乎即  
置姜氏於  
城穎母子  
已絕莊惡  
已極及聽  
言而爲母  
子如初則  
其大性之  
復萌有不  
可得而漸  
滅始盡者  
安待并融  
融洩洩以  
爲世而斥  
絕之也穀  
梁以爲賤  
段而甚鄭

心莊公徒喜人之受吾欺者多而不知吾自欺其心者亦多受欺之  
害身害也欺人之害心害也哀莫大於心死而身死次之受欺者身  
雖害而心自若彼欺人者身雖得志其心固已斲喪無餘矣在彼者  
所喪甚輕在此者所喪甚重是釣者之自吞鈎餌獵者之自投陷阱  
也非天下之至拙者詎至此乎故吾始以莊公爲天下之至險終以  
莊公爲天下之至拙

鄒伯克段於鄆註釋

釣餌

莊子胠篋篇鈎餌罔罟罾  
荀之智多則魚亂於水矣

陷阱

禮記中庸驅而納諸罟獲陷阱  
之中朱子曰阱坎地以陷獸者

吞餌

白居易詩魚爛緣  
吞餌蛾焦爲撲燈

陷阱

雷州書跋揚震觸  
機陷阱以陷患害

雄猜

謝靈運擬鄴中詩序  
漢武帝雄猜多忌

陰狠

蘇洵辨姦論陰賊  
險狠與人異趣

同氣

周興嗣千  
字文孔懷

縱欲

說苑孔子曰中人之情有餘則侈不足  
則儉無禁則淫無度則失縱欲則敗

冥頑不靈

韓愈鱷魚文不然則  
是鱷魚冥頑不靈

亟治

史記倉公傳君有病  
不亟治卽入濡腎

無辭

左傳襄公二十三年其人  
曰其盟我乎臧孫曰無辭

惡長

長上聲論衡人之善性養而致之  
則善長惡性養而致之則惡長

伯最得其平謂段無負於莊公亦太過身評多仍

張明德曰篇中擒定

處心積慮

殺梁傅鄭伯克段鄭伯處心積慮成於殺也

識機管輅別傳聽鳥鳴而識神機

一弟

徐陵為陳武帝與北齊黃陵城主書一兒一弟無所遺悵

舉朝

舊唐書王求禮傳舉朝嗤笑以為口實

墮其計

南史王懿傳元嘉中劉彥之北侵懿有憂色曰諸賢不諳北土情偽必墮其計

鄭之詩人

毛詩

鄭風將仲子篇序曰刺莊公也不勝其母以害其弟弟叔段失道而公弗制祭仲諫而公弗聽小不忍以致大亂焉

機心

莊子天地篇子貢南游於楚條有機械者必有機事有機事者必有機心

岌岌

孟子萬章篇天下殆哉岌岌岌乎朱子曰岌岌不安貌

欺心

呂氏春秋淫辭篇言不欺心則近之矣

哀莫大於心死

莊子田子方篇顏淵問於

仲尼條哀莫大於心死而人死亦次之

斲喪

左傳哀公十五年天或者斲喪公室以陳氏為斧斤斲喪公室

天下險

宋史徐徽言傳晉甯號天下險險杜甫詩西蜀地形天下險

至

拙糴康答難養生論若以仲尼之至妙資田夫之至拙

一念

宋史湯漢傳一念之敬上帝臨汝祥風慶雲所從出也一念之肆上帝震怒妖浸陰沴所從主也

百念

何遜相送

詩客心已自念孤游重千里

欺後世

蘇軾春秋定天下之邪正論非有仁者之素而欲一旦竊取其名以欺後世

欺心

說苑義士不欺欺天下心廉士不妄取

李翱薦所知書彼二子皆知言者豈欺天下之人哉

周鄭交惡

隱公三年鄭武公莊公為平王卿士王貳于虢鄭伯怨王王曰無之故周鄭交質王子狐為質于鄭鄭公子忽為質于周王崩周人將昇虢公政四月鄭祭足帥

取溫之麥秋又取成周之禾周鄭交惡君子曰信不由中質無益也

天子之視諸侯猶諸侯之視大夫也季氏於魯如二君矣而世不並

承出兩客

一險字如  
老吏斷獄  
使其無可  
縱肉未復  
轉必先自  
者其心以  
敢其心以  
一附字宜  
奪其魄使  
死而自知  
死於九愧  
矣於九愧  
作法於者  
於法於者  
後也東菜  
博議皆本  
此義著筆  
此真有關  
世道人心  
之文不可  
草草讀過  
鍾伯敬曰  
末一段有  
無限感慨

稱之曰魯季陳氏於齊如二君矣。而世不並稱之曰齊陳。蓋季陳雖強猶魯齊之臣也。烏可以君臣並稱而亂其分乎。周天子也。鄭諸侯也。左氏敘平王莊公之事始以為周鄭交質。終以為周鄭交惡。並稱周鄭無尊卑之辨。不責鄭之叛周而責周之欺鄭。左氏之罪亦大矣。罪亦重吾以為左氏信有罪。周亦不能無罪焉。周之東遷也。鄭伯入為卿士。與以下天子之尊卑若此也君臣之分猶在也。君之於臣賢則用之不賢則去之。復何所隱哉。平王欲退鄭伯而不敢退。欲進虢公而不敢進。選懦闇弱反為虛言。以其臣固已失天子之體矣。又其甚至於與鄭交質。交質鄰國之事也。今周降其尊而下質於鄭。鄭忘其卑而上質於周。勢均體敵尊卑之分蕩然矣。未交質之前周為天子。鄭為諸侯。既交質之後周鄭等耳。亦何所憚哉。溫之麥。洛之禾。宜其稔載而不顧也。向若平王始惡

朱字緣曰  
 主意責天  
 子自委其  
 柄先以並  
 稱周鄭責  
 左氏書法  
 引起其端  
 後到孔  
 子作春秋  
 隱打迴  
 左氏書法  
 之失首尾  
 相映章法  
 極爲嚴密  
 張明德曰  
 先責左氏  
 所以甚周  
 罪也蓋當  
 時壞法亂  
 紀皆自王  
 朝始又何  
 怪乎尾大  
 不掉耶齊  
 治均平之  
 業必本於  
 修身真儒

鄭伯而亟黜之鄭雖跋扈不過一叛臣耳天子之尊伏不以天子自處猶自若也苟與

之質是自處以列國而不敢以天子自處矣歲改月移豈知周之爲

君哉指取禾麥一曰用兵而不息非諸侯之叛天子也是諸侯之攻諸侯也使

周素以天子自處至尊至嚴之分鄭豈敢犯乎惟周以列國自處故

鄭以列國待之天下亦以列國待之左氏亦以列國待之周不自伐

鄭未必敢伐之也無王之罪左氏固不得辭周亦分受其責可也雖

然左氏所載君子之言固出於左氏之筆然亦推本當時君子之論

也其論周鄭概謂之二國而靡所輕重是當時之所謂君子者舉不

知有王室矣戎狄不知有王未足憂也諸侯不知有王未足憂也至

於名爲君子者亦不知有王則普天之下知有王室者其誰乎此孔

子所以憂也此春秋所以作也此春秋所以始於平王也

之識純王  
之治所藉  
以長存者  
也

### 周鄭交惡註釋

如二君左傳昭公元年秦后子有寵於桓如二君於景杜注其權寵如兩君畔周漢書五行志桓公與周之東遷國語周語

西京三川皆震十一年幽王乃滅周乃東遷君臣之分陳書章昭達傳與世選懦後漢書清河孝王慶傳選儒之

也作異閻弱周易蒙亨疏蒙者微降尊禮記三獻之介君專席而勢鈞體敵宋史蘇轍傳

事王安石及勢鈞力敵則傾陷安石甚於仇讎捆載國語齊語諸侯之使垂囊天子尊駱賓王帝京篇不覩拔扈

扈音枯後漢書質帝紀目梁冀為跋扈將軍按跋扈猶強梁也自若賈誼過秦論雍州之地殺函之列國左傳襄公二十七年

也我列國也至尊賈誼過秦論履至尊而制六自伐孟子離婁篇國必無王易林下泉苞

王室商書胤征爾衆諸侯不知有王左傳莊公二十二年諸侯有王王有巡狩困學紀聞

君以尊王室此孟列國史通五行雜駁篇案周之東遷日以微弱事同列國自處新語輔政篇

子所以卑管晏也變雅為風又歐陽修正統論平王東遷遂同列國夫居高者目

處不可以不安履危者任杖不可以不固宋穆公立殤公公羊傳隱公三年宋宣公謂穆公曰以吾愛與夷則不若愛汝以為社稷

朱字綠口  
主公羊說  
立論深罪  
宋宣讓與  
夷好高奇  
以自詭致  
禍其國而  
先以常中  
二字壓之  
此即文家  
對面相照  
之法至以  
堯舜傳賢  
為常而非  
奇中而非  
高惟效之  
奇以爲高  
常而先失  
禍亂此似  
創說而實

曰先君之所為不與臣國而納國於君者以君可為社稷宗廟主也今逐君之二子而將致國乎與夷此非先王之意也且使子而逐逐則先君其逐臣矣穆公曰先君之不爾逐可知矣吾立乎此攝也終致國乎與夷莊公馮弒與夷故君子大居正宋之禍宣公為之也

有國者傳之子常道也中道也宋宣公必傳於弟以為奇為高焉一

傳穆公而使之逐其子再傳殤公而使之殺其身公羊氏以為君子

大居正宋之禍宣公為之也其說既無以加矣吾嘗推宣公之意必

以為聖人建國使父子之相繼者為眾人設也堯何人哉不傳之子

而傳之舜舜何人哉不傳之子而傳之禹吾何為以勞人自處而不

慕堯舜至奇至高之行乎殊不知道無不常亦無不中傳賢之事自

眾人視之則以為奇以為高自堯舜視之則見其常而不見其奇也

見其中而不見其高也扛萬鈞之鼎烏獲以為常而他人以為勇遊

千仞之淵沒人以為常而他人以為神未至堯舜而竊效焉是懦夫

而舉烏獲之鼎稚子而入沒人之淵也何住而不敗哉

宋穆公立殤公註釋

常道毛詩周頌陳常于時夏注中道周易蠱卦九二象曰一傳雲笈七籤元始之再傳孟子

盡心篇不仁而得天下未之有也鄭氏曰自秦以來不仁而得天下者有矣然皆一再傳而失之猶不得也殺其身禮記文王世子殺其父子相

繼揚子法言天地設故貴賤分四時序故父舜何人孟子滕文公篇舜烏獲史記秦本記武

鄒烏獲孟賁皆至大官呂氏春秋務千仞之淵柳宗元與崔連州論石鐘乳書北山之以爲

神戰國策楚策非知懦夫孟子萬章篇懦夫有立稚子陶潛歸去來沒人莊子達生篇顏

條乃若夫沒人則未嘗見舟而便操之也黃按没人善泅者也

藏信伯諫觀魚

隱公五年春公將如棠觀魚者臧僖伯諫曰凡物不足以講大事其材不

軌取材以童物采謂之物不軌不物謂之亂政亂政亟行所以敗也故春蒐夏苗秋獮冬狩皆于農隙以講武事也三年而治兵入而振旅歸而飲至以數軍實昭文意明貴賤辨等列

順少長習威儀也鳥獸之肉不登于俎皮革齒牙骨角毛羽不登于器則公不射古之制也若夫山林川澤之寶器用之資皂隸之事官司之守非君所及也公曰吾將略地焉遂往陳

至理文祇三層却有長江萬里之勢國得滿如日夷子臧季札及宋太宗之事皆足以爲鑒戒然東海王之於漢明宋王之於唐元輝照千古建於建文兩太宗有手刃靖難之變北魏孝文北齊高祖皆希世賢君嗣子不克負荷未幾亡滅魏有弟縹齊有弟縹並賢藩

若能割愛  
忘怨兄弟  
相及國祚  
未可不知  
未嘗不恨  
其不能讓  
也事有常  
變道有經  
權非可執  
一而論也

張明德曰  
讓國而反  
讓禍病根  
祇在好高  
好奇處遂  
致啟後世  
推刃同氣  
之變憂之  
深故其言  
之切不徒  
作文字觀  
可也

朱子祿曰  
主意在以  
吾道之樂

魚而觀之

進諫之道使人君畏吾之言不若使人君信吾之言使人君信吾之

言先說貴使君樂乃推說悟之以心也兩層淺深有法不若使人君樂吾之言戒之以禍者所以使人君之畏也喻之以

理者所以使人君之信也悟之以心者所以使人君之樂也舉天寶

之亂而不能敬宗驪山之行舉臺城之圍而不能解憲宗佛骨之

惑豈非徒以禍戒之而未嘗以理喻之耶論朝會之禮而不能止莊

公之觀社論律呂之本而不能罷景王之鑄鐘豈非徒以理喻之而

未嘗以心悟之耶蓋禍固可使人畏然遇驕慢而不畏者則吾說窮

矣理固可使人信然遇昏惑而不信者則吾說窮矣臧僖伯之諫隱

公先之以不軌不物之禍次之以蒐狩治兵之理其言深切著明可

使人畏可使人信然訖不能回隱公觀魚之轅者殆未嘗以心悟之

易觀魚之樂卻以畏信二字陪講層層變化首尾迴合有八門五花之奇

張明德曰觀魚而如業此聲色貨利之非於中而悟語言可悟也大君臣以道格君在平時不在臨事任一臨事不在口心不在口舌真純儒之論也篇中祇是以吾道之樂易觀魚之樂為一篇骨子卻先以畏字信

也彼隱公之心方溺於觀魚之樂雖有顯禍將不暇顧雖有至理將不暇信信伯無以開其心而徒欲奪其樂亦疎矣為信伯者誠能以吾道之樂易觀魚之樂使隱公之心怡然自得醉於面益於背暢於四肢則將視犬馬聲色珠玉文繡曾土芥瓦礫之不如矣雖與之觀天池之鯉龍門之鯉鬣翻雲而鱗橫海者猶不足以易吾之真樂況一勺之棠水乎吾嘗論之人君之遊宴畏人之言而止者是特不敢為而未知其不當為也信人之言而止者知其不當為而未知其不足為也惟釋然心悟然後知其不足為雖勸之而亦不肯為矣況諫之者乎

臧僖伯諫觀魚註釋

進諫

中鑿或問進諫受諫孰難曰進諫之難也以受諫之難故也若受諫不難則進諫斯易矣

喻之以理

蘇洵諫論上說之術可為諫法者五理喻之勢禁之利誘之激

字引其端  
層層駁發  
前後之照  
應更有千  
奇百怪之  
狀

怒之隱  
諷之  
**悟之以心**  
蘇軾八陣碑詩至人  
已心悟後世徒妄說  
**天寶之亂驪山之行**  
通鑑詳覽唐敬宗寶曆  
元年十一月上帝幸驪

山温湯拾遺張權輿伏紫宸殿下叩頭諫曰昔周幽王幸驪山而為犬戎所殺秦始皇幸驪山而亡國  
元宗幸驪山而祿山亂先帝幸驪山而享年不長上曰驪山若此之凶邪我宜一往以驗彼言幸温湯  
而還謂左右曰彼叩頭者之言亦安足信哉  
**臺城之圍**  
**憲宗之惑**  
韓愈論佛骨表梁武帝在位四十八年前後  
三度捨身事佛其後竟為侯景所逼餓死臺

城國亦尋滅蘇軾潮州韓文公廟碑故公之  
精誠能開衡山之雲而不能解憲宗之惑  
**朝會之禮**  
**莊公觀社**  
左傳莊公二十三年夏  
公如齊觀社非禮也曹

刺諫曰不可夫禮所以整民也故會以訓上下之則制  
用之節朝以正班爵之義帥長幼之序非是君不舉矣  
**律呂之本**  
**景王鑄鐘**  
國語周語景  
王將鑄無射

而為之大林單穆公諫王不聽卒鑄大鐘王謂伶州鳩曰鐘果和矣對曰上作器民備樂之則為和  
今財亡民罪莫不怨恨臣不知其和也又王將鑄無射問律於伶州鳩對曰律所以立均出度也  
**以**

**理喻之**  
蘇洵諫論上理而喻之主雖昏  
必悟勢而禁之主雖驕必懼  
**驕慢**  
漢書五行志王  
賀驕慢不敬  
**深切著明**  
史記太史公自  
序我欲載之空

言不如見之於行  
事之深切著明也  
**觀魚樂**  
孟浩然詩重以觀  
魚樂因之鼓棹歌  
**不暇顧**  
五代史契丹附錄德光曰吾解擐甲土  
冑以定中原太常之儀不暇顧也

**芥瓦礫**  
左傳以民為土芥是其禍也北史李安  
世傳聖朝不貴金玉所以同於瓦礫  
**天池之鯢**  
莊子逍遙遊篇窮髮之北有溟海  
者天池也有魚焉其廣數千里其

名為  
鯢  
**龍門之鯉**  
埤雅魚躍龍門過  
而為龍惟鯉為然  
**鬣翻雲**  
水元虛海賦巨鱗  
插雲鬣刺天  
**鱗橫海**  
抱朴子寸鮒遊  
牛迹之水不貴

橫海之  
巨鱗  
**一勺水**  
禮記中庸今夫  
水一勺之多  
**不足為也**  
說苑心之得萬  
物不足為也

# 用兵

宋襄公不禽二毛不鼓不成列遂敗於泓陳餘不用奇謀詭計遂為韓信所殺

君子之用兵無所不用其誠世未有誠而輕者敵雖欲誘之烏得而

誘之世未有誠而貪者敵雖欲餌之烏得而餌之世未有誠而擾者

敵雖欲亂之烏得而亂之用是誠以撫御則眾皆不疑非反間之所

能惑也用是誠以備禦則眾皆不怠非詭謀之所能誤也彼向之所

以取勝者因其輕而入焉因其貪而入焉因其擾而入焉因其疑而

入焉因其怠而入焉一誠既立五患悉除雖古之知兵者環而攻之

極其詐計於十百千萬君子待之一於誠而已矣彼之詐極其萬而

不足我之誠守其一而有餘彼常勞而我常逸彼常動而我常靜以

逸制勞以靜制動豈非天下常勝之道乎然則論天下用兵之善者

固無出於君子矣然自古書帝籍而勒景鐘者黥髡相望而宋襄陳

孫執升曰 蘇氏之文 議者謂為 掉鬮縱橫 戰國之遺 風讀此知 為儒者之 文 朱字緣曰 本為宋襄 輩用君子 之道而致 敗亡恐人 以仁義為 迂闊特地 將誠字痛 發以爲用 兵之本而 於宋襄輩 則勸之以 一日之誠 破百年之 詐二語排

岩飄忽所  
謂化陳腐  
為神奇者  
也

張明德曰  
揆定一誠  
字立論便  
可無攻不  
克而宋襄  
則斷之以  
一曰之誠  
欲破百年  
之詐未有  
不立見其  
敗則宋襄  
之敗原是  
不誠之過  
並非誠之  
過也仁義  
二者豈真  
迂闊哉賢  
議森嚴真  
堂堂正正  
之師懸之  
國門可以  
辟易萬人

餘之流。每為天下笑。抑又何也。蓋盡小人之術者。方無愧於小人之  
名。盡君子之道者。方無愧於君子之名。以偽君子對真小人。持一日  
之誠。而欲破百年之詐。安得而不敗哉。以一杯之水。而救一車薪之  
火。不能息焉。謂水之微。則可。謂火勝水。則不可也。安得以宋襄輩。遂  
疑君子之短於兵哉。

### 用兵註釋

餌敵

晉書伏乞國仁載  
記宜抑威餌敵

撫御

宋史高繼勳傳有  
機略善撫御士卒

反間

問去聲孫子用間篇故用間有互有鄉  
間有內間有反間有死間有生間反間

者因其敵  
間而用之

備禦

左傳昭公七年君其  
備禦三鄰慎守寶矣

一誠

稽康論上以周孔  
為關鍵舉志一誠

取勝

漢書趙充國傳臣聞  
帝王之兵以全取勝

環

而攻之

孟子公孫丑篇三里之城七  
里之郭環而攻之而不勝

一於誠而已

朱子論語集注楊氏曰君子一  
於誠而已然未有誠而不明者

常勞

常逸

北史韋孝寬傳攻  
者自勞守者常逸

常動常靜

關氏易傳天常動地常靜常  
動柔克者也常靜剛克者也

常勝之道

列子常勝之  
道曰柔不常

勝之道  
曰剛

帝籍

黃庭堅詩早  
通玉帝籍

景鐘

國語晉語魏顆以其身卻退秦師於輔氏親  
止杜回其勳銘於景鐘韋注景鐘景公之鐘

黥髡

黥墨刑也  
髡髮為

豈獨為幼學楷模

孫執升曰經書初獻

六羽穀梁曰始僭樂

矣尸子曰始厲樂矣

厲減也使知初獻為

初獻自為僭矣

朱字綠曰前推隱公

不安而問中代衆仲

作答後歸到惟聖人能知聖人祇此三層意委折遂灑自成邱壑要知隱公亦未必

城旦 宋襄 事見卷三宋公 陳餘 史記淮陰侯傳韓信張耳欲東下井陘擊趙趙王成安君陳餘聚兵井陘號稱二十萬廣武軍李左車欲從間道絕甘繒東成

安君儒者也不作詐謀奇計不聽廣武君策信則大喜乃使萬人先行出背水陣信建大將旗鼓出井陘口趙開壁擊之信乃佯棄旗鼓走水上軍軍皆死戰不可敗趙空壁逐利奇兵馳入趙壁拔趙旗立

漢赤幟趙軍大驚於是漢軍夾擊大為天下笑 賈誼過秦論而七廟隳身死人手為天下破趙軍斬於安君泓水上擒趙王歇 笑者何也仁義不施而攻守之勢異也

隱公問羽數 隱公五年九月考仲子之宮將萬焉公問羽數于衆仲對曰天子用八諸侯用六大夫四士二夫舞所以節八音而行八風故自八以下公從之于是初獻六

羽始用六倫也

凡謂之問者非有所未知必有所未安也心知之身安之又何待於

問耶隱公生於魯長於魯君於魯其視魯之舞樂用於禴祀蒸嘗不

知其幾祭也動於屈伸綴兆不知其幾成也至於考仲子之宮始問

羽數於衆仲豈真不知耶是必有大不安也自成王以天子之禮樂

祀周公至隱公蓋數百年矣以成王之賢而賜之以伯禽之賢而受

之舉世莫知其非也其後因而用之羣公之廟舉國亦莫知其非也

主客兩意並起

以不安兩字生出

文家無中生有法

此○出○主○意

兩解、排、若

果不安於  
僭樂祇是  
文章家無  
中生有法  
耳

張明德曰  
隱問羽數  
直推到惟  
聖人能知  
聖人處不  
是寬衆仲  
正是爲隱  
公一問借  
耳其文勢  
直似東波  
留侯范增  
諸論

隱公生於數百載之後。獨能疑數百載之非。蹙然不安。發於問焉。其  
天資亦高矣。衆仲告之以先王之正禮。使六羽之獻。復見於仲子之  
廟。不可謂無補也。然隱公之問。豈止爲仲子一廟而止哉。特因仲子  
之廟而發耳。爲衆仲盍申告之曰。周公制禮作樂。以致太平。天子八  
佾。諸侯六佾。是乃周公所作之樂也。周公制是樂舞之數。蓋欲行之  
天下。傳之萬世也。周公在諸侯之位。而薦天子之樂。豈非欲尊周公  
之身。而廢周公之樂耶。周公欲行之天下。而子孫已亂之。欲傳之萬  
世。而身沒已違之。使周公而有知。吾知其不享魯祭矣。君盍因是舉  
正禮樂之僭。復諸侯之舊。請於天子禮朝。告於周公之廟。使天下再  
見周公之禮樂。是魯有二周公也。今獨用六佾於仲子之廟。是以禮  
處仲子。而不以禮處周公。何其待仲子之厚。而待周公之薄耶。雖然。

此非所以責衆仲也忽○謬○開○一○步○文○屬○壯○關當成王祀周公以天子禮樂雖召公舉公之賢

未嘗固爭至孔子始慨然而有言曰魯之郊禘非禮也周公其衰矣

蓋必入聖人之域然後知聖人之心降聖人一等應○前○兩○莫○判○雖召公舉公猶不

能盡知況衆仲乎惟衆仲一失其機故末流之弊至以陪臣而舞八

佾重形夫子之歎嗚呼隱公之問在於三家未興之前夫子之歎在

於三家既盛之後防於未興之前者衆人之所易禁於既盛之後者

聖人之所難吾是以益爲隱公惜也筆○有○餘○情○

### 隱公問羽數註釋

所未安

朱子論語集注疑者所未信殆者所未安

生於魯

史記孔子世家孔子生於魯昌平鄉陬邑後漢書戴良傳我若仲尼長東魯大禹出西羌獨步天下

樂

舞

舞樂當改作樂舞漢書郊祀志有元鼎四年禘祠太一后土始用樂舞

禴祠蒸嘗

毛詩小雅又說苑春祭曰祠夏祭曰禴秋祭曰嘗冬祭曰蒸

屈伸綴

兆

禮記樂記屈伸俯仰綴兆舒疾樂之文也陳注綴舞者行位相連綴也兆內外之營兆也

成王以天子之禮樂祀周公

禮記明堂曰成

王以周公為有勳勞於天下名魯  
公世世祀周公以天子之禮樂  
成王賜之困學記聞魯有天子禮樂殆平王賜之非成王也魯

成王之世魯已郊矣則惠公奚請  
焉惠公事見呂氏春秋仲春紀  
舉世莊子舉世而舉之而不加勸舉世而非之而不加沮  
莫知其非也史記伯夷傳

不知其非矣  
羣公公羊傳文公十三年周公稱正禮三國魏志韓傳崇明暨正六羽之獻公

傳初獻六羽何注獻者下奉上之辭羽  
者鴻羽也所以象文德之風化疾也  
無補傳或詩進則云無周公制禮作樂禮記明堂

禮作樂領度量而天下大  
天子八佾論語注佾列也天子八佾諸侯六卿大夫四士二顏師古

傳之萬世宋史宗澤傳天下者太祖太宗之天尊周公漢書五行志昔周公制禮樂成周道

周公不享魯祭左傳昭公十年秋七月平子伐莒取郟獻俘始用天子之朝晏子春秋

迷惑入於天子之朝  
敢問吳王燕乎存  
周公之廟漢書五行志太廟周公之廟說苑桓魯之郊禘非禮

也周公其衰矣禮運孔子曰嗚呼哀哉我觀周道幽厲傷之吾聖人之域蘇洵上田樞

學者孰不欲一蹴  
而指聖人之域  
末流人物志無恆依倚謂之末陪臣曲禮列國之大夫入天子之國曰某士

臣盜竊  
之人  
流末流之質不可勝論  
陪臣自稱曰陪臣某漢書五行志季氏乃陪

### 鄭伯侵陳

隱公六年五月庚申鄭伯侵陳大獲往歲鄭伯請成于陳陳侯不許五父諫曰親仁善鄰國之寶也君其許鄭陳侯曰宋衛實難鄭何能為遂不許君子曰善不可

及惡不可長其陳桓之謂乎長惡不峻從自及也雖欲救之其將能乎商書曰惡之易也如火之燎于原不可禦邇其猶可撲滅周任有言曰為國家者見惡如農夫之務去草焉芟夷蕪崇之絕其本根勿使能殖則善者信矣

唐荆川曰首三語已括盡通篇大意

朱字綠曰點題後推開排衍四層又接層再排四層暢發禍生於忽之意即插入何能為一語如龍之點睛尤喜其章法整而能變

張明德曰

天下之事勝於懼而敗於忽懼者福之原忽者禍之門也陳侯以宋衛之強而懼之以鄭之弱而忽之遂以為鄭何能為而不許其成及兵連禍結不發於所懼之宋衛而發於所忽之鄭則忽者豈非禍之門耶然則推鄭何能為之一語實國敗家亡之本古人所謂一言而喪邦者也秦弱百姓而備匈奴豈非懼匈奴之勢強而謂百姓何能為乎然亡秦者非匈奴也漢抑宗室而任外戚豈非懼宗室之勢迫而謂外戚何能為乎然亡漢者非宗室也晉武帝以戎狄何能為而不徒故卒亡於戎狄隋煬帝以盜賊何能為而不戒故卒亡於盜賊

篇中何能為三字凡十三見總從一忽字中討出如徐熙畫梅拂草縈波皆有奇趣

是則何能為之一語安得不力詆之人君必謂民怨何能為故敢暴虐必謂財匱何能為故敢淫侈必謂諍臣何能為故敢拒諫必謂窮兵何能為故敢黷武是則何能為者萬惡之所從生也苟不探其本則何能為之一言雖有致亂之端而未有致亂之形雖有可畏之實而未有可畏之迹非知幾之君子孰能遏滔天之浪於涓涓之始乎

鄭伯侵陳註釋

敗於忽

說苑夢申生於所忽禍起於細微

禍之門

說苑金人銘曰誠不能慎之禍之根也曰是何傷禍之門也又曰福之禍之門也五代馮道詩口是禍之門舌是斬

身一語

宋史鎮王竑傳若一語泄者吾與君皆族矣

兵連禍結

漢書匈奴傳兵連禍結三十餘年

年伊將軍蒙恬伐匈奴收河南地築長城

漢任外戚

漢書王莽傳贊王莽始起外戚而太后為之宗主故特肆其姦慝以成篡盜之禍

勢迫

後漢書竇融傳西涼地勢

局晉武帝不徙戎

通鑑魏晉武帝太康十年夏四月鮮卑慕容廆降以為鮮卑都督冬十一月以劉淵為匈奴北部都尉時太子洗馬江統作徙戎論以警朝廷朝

不能

亡於戎狄

通鑑賀善贊曰武帝昧於防

隋煬帝不戒盜賊

通鑑魏晉隋煬帝大業十二年內史郎盧

世基以帝渠道賊道不以聞由是盜賊徧海內楊義臣破降河北賊數十萬列狀上聞世基曰小竊雖多未足為患

民怨禮記樂記角亂暴虐尚書泰誓沈湎財匱樂記徵亂則危其事淫侈呂氏春秋晉厲公淫侈

諱臣李經諫諍章昔者天子有爭臣七人諸侯有爭臣五人大夫有爭臣三人拒諫史記殷本紀知足以拒諫言足以飾非窮兵延篤與段

爾書知窮兵黷武後漢書劉虞傳公孫瓚累為袁紹所敗而猶攻之不已虞患其黷武且慮得志不可復制探其本漢書董仲舒傳謂一為元者視大始

而欲正本也春秋深探其本而反自費者始致亂朱子論語集注惡不仁之人而使之無所容則必致亂可畏五代史唐紀明宗唐澄疏曰國家深可畏者六賢士藏匿深可

畏四民深業深可畏上下相徇深可畏廉恥道消深可畏毀譽深可畏直言不聞深可畏也涓涓家語孔子觀周廟金人之銘曰涓涓不滅炎炎若何涓涓不壅終為江河亡秦

者非匈奴也史記秦本紀燕人盧生使人海還以鬼神事因奏錄圖書曰亡秦者胡也注胡胡亥秦二世名也秦見圖書不知此為人名反備北胡

盟會聘享失禮春秋時君臣盟會聘享始於失禮終至死亡者凡二十餘條如篇中所引祇四條隱公七年陳五父如鄭泣盟敵如忘桓公九年曹太子朝魯奏樂

而數僖公十一年天王使賜晉侯命受玉脩昭公二十五年宋公與叔孫昭子坐語相泣也

又誤作起觀人之術在隱不在顯在晦不在明顯與明人之所畏也隱與晦人

之所忽也人之所畏雖小人猶知自飾人之所忽雖君子不能無疵

朱字綠曰  
主意是受  
病於隱晦  
則必發見

於明題欲  
先說明人  
在明題不  
在明題再  
說明題難  
持明題易  
飾明題難  
入諸人於  
盟會享  
不能勉  
須與始透  
發本意而  
歸於君子  
欲無得罪  
於衆先無  
得罪於獨  
作結仍是  
在隱不在  
顯在晦不  
在明之意

泣衆之容。必肅於燕閒之日。對賓之語。必嚴於私昵之時。又況盟會  
聘享之際。金石在庭。籩豆在席。擯相在前。三揖在下。目失色於堂暮  
傳笑於國。片言之誤。可以起萬口之譏。人情好勝而惡辱。豈不能勉  
強於須臾耶。今考左氏所載。其周旋揖遜。可唾可指者。相望於冊。此  
理之不可曉者也。嗚呼。吾得之矣。凡人情欲欺世而售其姦者。每爲  
善於人之所見。爲惡於人之所不見。胡不反觀一身。以近取譬乎。肝  
受病則目不能視。腎受病則耳不能聽。脾受病則口不能食。心受病  
則舌不能言。受病於人之所不見。則其病必發於人之所見矣。是故  
隱顯晦明。本無二理。隱之所藏。待顯而露。晦之所蓄。待明而彰。彼春  
秋之公卿大夫。未嘗致力於暗室屋漏之學。及盟會聘享之際。雖欲  
勉強修飾。終有時而不能掩敵血而忘者。不自知其忘也。受玉而惰

掩映下勉強須臾

方入正題

一句轉

以發下發明病在隱海發於明顯是正意

主意在此此二句

倚住

題緊切

四段一樣法

勉強修飾終有時而不能掩敵血而忘者不自知其忘也受玉而惰

第一關頭此春秋所聘書會盟聘享之失所由來也篇中欲無得罪於衆二語是書龍點時處

者不自知其情也。奏樂而歎者不自知其歎也。相語而泣者不自知其泣也。方正冠鳴珮儼然肅然自謂中禮而不知人已議其後矣。平居暇日暗室屋漏之所為至於此時無不發見吾以是知顯者隱之影明者晦之響也。君子欲無得罪於衆必先無得罪於獨苟徒以一日之敬而蓋終身之邪是濁其源而清其流斧其根而漑其葉也。雖然春秋之時旁觀竊議者持為瞽史之學者耳而愆失謬戾已不能逃其目使有知道者立於其側又將若之何。

盟會聘享失禮註釋

無疵

莊子人間世篇為人之所為者人亦無疵焉

泣衆

周易明夷象曰君子以泣衆用晦而明

燕間

莊子知北遊篇孔子問於老聃曰今日燕間敢問至道

對賓

吳萊詩北海誰求隱京都或對賓

私昵

尚書說命官不私昵惟其能

聘享

漢書食貨志王公宗室朝聘聘享必以皮幣薦璧

金石

左傳襄公九年

以金石之樂節之杜注

擯相

論語君召使擯節朱子曰此一節為君擯相之容

三揖

左傳哀公二年公子郢曰君夫人在堂三揖在下杜注三揖卿大夫

士失色

表記子曰君子不失足於人

傳笑

韓愈論佛骨表傳笑四方非細事也

片言

朱子論語集注片言半言

萬口

蘇軾詩詩

句明朝

好榮而惡辱

惡去聲呂氏春秋論威篇人情欲生而惡死欲榮而惡辱又欲壽而惡夭欲安而惡危欲榮而惡辱欲逸而惡勞按此則作勝非也

須臾

說苑君獨不能忍吾須臾乎

隱顯晦明本無二理

五燈會元十一祖說偈曰迷悟如隱顯明暗不相離

屋瀨

毛詩大雅抑之篇相在爾室尚不愧

於屋

修飾

晉書元帝紀修飾時譽者各以名聞

歃血而忘

左傳隱公六年陳及鄭平十二月陳五父如鄭泣盟歃如忘杜注曰志不在於歃血

受玉

而惰

左傳僖公十一年天王使召武公內史過賜晉侯命受玉惰杜注諸侯即位天子賜之命圭

奏樂而歎

左傳桓公九年冬曹太子來朝賓之以上卿禮也享曹太

子初獻樂

相語而泣

左傳昭公二十五年春叔孫婁聘於宋宋公享昭子昭子明日宴飲酒樂宋公使昭子右坐語相泣也

鳴佩

劉勰新論下莊子之昇殿

庭也鳴佩趨踰溫色怡聲

議其後

齊東野語近世諸公多作者異證誤糾謬等書亦安知無議其後者

濁其源

庾信演連珠水之激也實濁其源木之蠹也將拔其根

斧其根

舊唐書魏徵傳德不處其厚情不勝其欲斯亦伐根以求木茂塞源而欲流長者也

竊議

漢書匡衡傳一夫竊議語流天下

瞽史

國語周語單子對曰

吾非瞽史焉知天道韋注瞽主樂太師掌知音樂而詔吉凶史太史掌袍天時與太師同車皆知天道者

愆失

北史杜弼傳上因飲酒積其愆失遣使就州斬之

謬戾

嚴君平道

德指歸論陰陽謬戾繼弛紀締

無疵

荀子賦篇知賦明達純粹而無疵也

不可曉

史通正史篇伏生年且百歲言不可曉

### 穎考叔爭車

隱公十一年夏公會鄭伯于郊謀伐許也鄭伯將伐許五月甲辰授兵于大宮公孫閱與穎考叔爭車穎考叔挾舟以走子都拔棘以逐之及大逵弗及

子都怒秋七月公會齊侯鄭伯伐許庚辰傳于許穎考叔取鄭伯之旗蜚弧以先登子都自下射之顛

朱字緣曰因穎考叔有孝名能一言格君遂斷其不能推贊孝思至於爭車以死須得其空中結撰之妙

張明德曰起乎從理氣二字發端直快闢輿入題後層層翻駁似痛似惜學後人無限推廣擴充之意先生之文從六經四子中來肯復

理之在天下猶元氣之在萬物也。一氣之春播於品物。根莖枝葉華色芬臭。雖有萬不同。然曷嘗有二氣哉。理在天下。遇親則為孝。遇君則為忠。遇兄弟則為友。遇朋友則為義。遇宗廟則為敬。遇軍旅則為肅。隨一事而得一名。名雖千萬而理未嘗不一也。氣無二氣。理無二理。然物得氣之偏。故其理亦偏。人得氣之全。故其理亦全。物得其偏。非物之罪也。氣之偏也。至於人。則全受天地之氣。全得天地之理。今守一理而不能推。豈非人之罪哉。穎考叔以孝聞於鄭。一言而回莊公念母之心。固可嘉矣。使能推而極之。則塞乎天地。橫乎四海。天下之理。未有出乎孝之外者。奈何伐許之役。反爭一車而殺其身。惜哉。其與莊公問答之際。溫良樂易。何其和也。其與子都鬪爭之際。忿

吳擄奪何其暴也。一人之身前後如此。當賜食之時。則思其親。至授兵之際。獨不思其親乎。當舍肉之時。則思其親。至挾輶之際。獨不思其親乎。前則思之。後則忘之。是見親於羹。而不見親於車也。苟考叔推事親之敬。爲宗廟之敬。必不敢爭車於大宮矣。推事親之肅。爲軍旅之肅。必不敢挾輶於大達矣。惟其不能推。故始得純孝之名。而終不免鬪很危父母之戒也。或曰。考叔之伐許。輕身以先登。豈亦不能推其孝乎。曰。爭車者私也。不孝也。先登者公也。孝也。愛其身者事親之孝。忘其身者事君之忠。忠孝豈有二道乎。曾子以戰陳。無勇爲非孝。則考叔之勇。正曾子之所謂孝也。然不死於先登之傷。而死於子都之射。死於私。不死於公。此吾所以深惜其不能推也。昔左氏嘗舉孝子不匱。永錫爾類之詩。以美考叔。自今觀之。能舍肉而不能舍車。

則其孝有時而匱矣。能化莊公而不能化子都。則其類有時而不能錫矣。考叔三復是詩。能無愧乎。

### 穎考叔爭車註釋

元氣 白虎通地者元氣 所生萬物之祖

一氣 莊子知北遊篇通天下一氣耳注通 天下萬物皆一氣之所陶鑄者也

品物 韓詩外傳水者天地 以成羣物以生國家

以寧萬事以正 一一氣 文中子中說地有二氣 則洩人有二氣則病

華色 曹植車渠檉賦 云華色燦爛

芬臭 蘇軾顏樂亭 詩芬之有臭

宗廟

釋名宗廟宗尊也廟貌 非先形貌所在也

軍旅 禮記仲尼燕居以之軍 旅有禮故武功成也

一名 尚書堯典序疏言 帝者天子一名

千萬 魏文帝樂 府追念往

古事浩潰

二理 齊書柳世隆傳立 人之本二理同極

得氣 班固答賓戲言得氣 者蕃昌失時者零落

一言回莊公念母之

心 左傳鄭公元年鄭伯克段于鄆遂置姜氏于城穎而誓之曰不及黃泉無相見也既而悔之穎考叔 為穎谷封人聞之有獻于公公賜之食食舍肉公問之對曰小人有母嘗嘗小人之食矣未嘗君之

羹請以遺之公曰爾有母遺緊我獨無穎考叔曰敢問何謂也公語之故且告之悔對曰公何患焉若 閱地及泉遂而相見其誰曰不然公從之遂為母子如初君子曰穎考叔純孝也愛其母施及莊公詩

曰孝子不毀永錫 爾類是之謂乎

塞乎天地橫乎四海

禮記祭義會子曰夫孝置之而塞乎天地溥 之而橫乎四海施諸後世而無朝夕者也

一

車 晉書王徽之傳公 以得獨擅一車

溫良 禮記儒行溫良 者仁之本也

樂易 唐書李紆傳紆性 樂易喜接後進

鬪爭 杜甫詩客 至雞鬪爭

忿戾

朱字綠曰  
以三國善  
處功利立  
論先用共  
患易引起  
亦對面法  
也說人情  
味親切有  
味抑揚水

潛夫論忿戾怨  
攘奪元倉子以耳目取  
一人之身淮南子天地宇宙一人之身  
見於羹

後漢書李固傳舜坐則見  
敬宗廟南史范雲傳臣聞王者  
鬪很危父母孟子離婁篇好男

不孝忘其身說苑夫鬪者忘其身  
一一道禮記檀弓且臣  
戰陣無勇非孝禮記祭義會

勇非孝也  
三復三去聲論語先進篇南  
根莖枝葉淮南子傲真訓根  
得氣之徧唐書五行

行之全氣以生故於物最靈其鬪爭淮南子說山訓立  
餘勳植之類各得其氣之徧謹者非學鬪爭

齊魯鄭人許隱公十一年公會齊鄭伐許穎考叔先登鄭師畢登遂入許許莊公奔衛齊

公孫獲處  
許西偏

共患易共利難患者人之所同畏也利者人之所同欲也同有畏心

其勢必合同有欲心其勢必爭自古及今變親為疎變恩為怨鮮不

以共利者吁亦難矣吾觀三國之克許何其善處功利之間也當伐

許之際先登者鄭之大夫而齊魯之大夫無與焉畢登者鄭之師而

嘆文有餘情

張明德曰

入手六字

陸絕峭拔

通篇意義

全從無中

生有其中

見大其寄

託甚遠非

他人接離

捫壁者所

可彷彿其

為初學入

門程式何

患不推倒

一世

齊魯之師無與焉。是則克許之功獨出於鄭。以許歸鄭固其所也。然恆人之情戰則避患而居後。勝則爭利而居前。不慚已之無功。反不

容人之有功。昔鄧艾鍾會同伐蜀。艾平蜀而會殺之。王濬王渾伐吳。

濬平吳而渾劾之。使齊魯之君亦如鍾會王渾。則三國禍矣。許地雖

褊亦古之建國也。一兔在野百人逐之一金在野百人競之。況一國

之利乎。今舉以與齊而齊不敢受。舉以與魯而魯不敢受。卒歸之鄭。

而鄭伯猶不敢絕許之祀。縣許之疆。嗚呼。孰謂春秋爭奪之世。而復

見羣后德遜之風乎。齊魯無功而不敢攘人之功。鄭雖有功而不敢

恃已之功。是善處無功者莫如齊魯。善處有功者莫如鄭也。是心也。

豈特可用之戰陣之間哉。大而共政小而共財。推是心而居之。將無

入而不自得矣。

提○清○

插○兩○會○使○覺○文○情○屬○遠○

一○吐○清○

總○束○

大○合○

法○一○事○必○有○端○也○而○論○之○也○一○步○法○也○緊○一○步○法○

齊魯鄭入許註釋

共患史記越世家范蠡遺大夫種書曰越王為人長頸烏喙祗可與共患而不可與共安樂子何為而不去 共利莊子四母之內共利之謂悅共給之謂安 同欲晉書

潘尼傳天下猶我故與天下同欲 固其所也左傳襄公二十三年公鉏謂季孫曰孺子職固其所也 避患毛詩君子所依小人所躋疏將帥君子之所依乘成役小

人之所 居前後漢書光武帝紀諸部喜曰劉將軍平生見小敵避患 爭利戰國策張儀曰爭名者于朝爭利者于市 鄧

艾鍾會伐蜀通鑑輯覽漢炎興元年魏遣鄧艾鍾會將兵入寇帝禪出降漢亡魏咸熙元年春正月魏以檻車徵鄧艾鍾會謀反伏誅監軍衛瓘襲艾殺之 王濬

王渾伐吳通鑑輯覽晉咸寧五年冬十一月晉大舉兵分道伐吳太康元年三月龍驤將軍王濬以舟師入石頭吳主皓出降其明日王渾乃濟江甚悅憤表濬遠詔不受節度帝乃詔

渾進爵為公以濬為輔國大將軍 地雖編孟子梁惠王篇齊國雖編小吾何愛一牛 古之建國禮學記是故古之王者建國君民教學為先 一粟

百人逐之呂氏春秋慎勢篇慎子曰一兔走百人逐之 戰陣韓非子境內教戰陣閱士卒 共政尚書盤庚古我先王亦惟圖任舊人共政 共

財禮器丹漆絲纁竹 建國說苑楚成王使魯君為萊魯君致諸大夫而謀曰我雖小亦周之建國也

息侯伐鄭穩公十一年鄭息有違言息侯伐鄭鄭伯與戰于境息師大敗而還子是以知息之將亡也不度德不量力不親親不徵辭不察有罪犯五不韙而以伐人其喪

師也不亦宜乎

李本寧曰  
立論感妙  
宋儒絕妙  
文字

朱字綠曰  
通篇分  
段前半篇  
安常立論  
後半窮人  
情之變見  
常之所以  
當安祇是  
一意

張明德曰  
從人情中  
提出一段  
至理世情  
翻翻覆覆  
一經先生  
道破真有  
無入不得  
氣象非學  
問到優入  
聖域田地  
豈能夢見

居○理○微○突○然○而○起○。賤○平○承○三○段。惡勞居貧惡困居難惡辱皆禍之招也。天下之理賤不與勞期

而勞自至貧不與困期而困自至難不與辱期而辱自至不知其不不期自○至○即○伏○下○常○字○意

可離而欲離之此自投於禍也。君子以爲勞者賤之常困者貧之常仍平承三二段

辱者難之常彼其所以冒於禍者特不能處其常而已。自處於勞則

在賤而安矣。自處於困則在貧而安矣。自處於辱則在難而安矣。處

小國之道亦猶是也。息之爲息至微也。介乎大國之間祇栗危懼猶○○句○轉○人○

恐不保況敢與人爭較哉。當其與鄭違言之際能自處於小國之常○○意○前○不○能○自○處○其○常○

則鄭必不能自違於息。息亦未必取敗於鄭。今乃不勝一朝之忿忘

小而犯大宜其自取覆敗而五不韙之責皆萃其身也。然鄭息有違

言鄭不加兵於息。息反先加兵於鄭。何耶。蓋小國之心常疑人之陵一語

我。故忿心易生。此息師所以先動也。是心也。非特息侯爲然。凡人之後半○文○字陵推○之○論○之○譚○議○事○用

此等境界  
我篇內使  
後貴句下  
朱書本旁  
評少一詞  
瞿世瑛清  
吟閣正本  
有我之為  
我亦自若  
也一句

此處困厄其最不平者莫甚於人之陵。吾將有以曉之。當貴盛之時人

之奉我者非奉我也。奉貴者也。當貧賤之時人之陵我者非陵我也。

陵賤者也。奚以知其然耶？使我先貴而後賤，我之為我自若也。而奉

我者遽變而見陵，則回視前日之奉我者，豈真奉我乎？使我先賤而

後貴而陵我者，遽變而見奉，則回視前日之陵我者，豈真陵我乎？彼

自奉貴耳，我何為而喜彼自陵賤耳？我何為而怒心者？我之心固將

治我之事也。何暇助貴者之喜，助賤者之怒哉？

### 息侯伐鄭註釋

居貧居字華章篇為貧者

賤不與勞期而勞至

此文法取諸戰國策趙策公子牟曰夫貴不與富期而富至富不與梁肉期而

梁肉至梁肉不與驕奢期而驕奢

在賤蔡邕釋誨思危難而自豫故在賤而不恥

在難左傳哀公二年鄭勝亂從晉午在難至微晉書

李密傳今臣亡國

祇栗栗與慄同懼也宋史樂志天官景從莫不祇栗

危懼尚書湯誥慄慄危懼若將隕於深淵

爭校王粲為劉荊州與袁譚書豈宜

同生分誘爭校得失乎作較者非論語顏淵篇一朝之忿忘其身以及其親非感歎一朝之忿史記藺相如傳強秦之所以不敢加兵於趙者以吾兩人在也加兵

困阨漢書王章傳疾病困阨不自激昂乃涕泣何也最不平李商隱詩玉作彈棋局中心最不平貴盛北史李穆傳一門執象笏者百餘人貴盛當時無比

陵我左傳昭公十六年幾為之笑而不陵我杜注言數見笑則必陵侮我又十六年春秋苾丕使石越討慕容農農曰越有智勇之名今不南拒大軍而來此是畏王而陵我也奚

以知其然莊子逍遙遊篇奚以知其然也朝菌不知晦朔蟪蛄不知春秋王引之曰也猶耶也先貴而後賤諒苑雍門子周條臣之所能令悲者先貴

而後賤先富而後貧者也奉我左傳僖公三十三年晉原軫曰秦違蹇叔而以貪勤民天奉我也見陵國語晉語文子曰若皆卸國如是則大不喪威而小不見陵矣先

賤而後貴漢書敘傳先賤而後貴者和隋之珍也

羽父弒隱公隱公十一年羽父請殺桓公將以求大宰公曰為其少故也吾將授之矣使營菟裘吾將死焉羽父懼反譖公子桓公而請弒之公之為公子也與鄭人戰于狐壤止焉鄭人囚諸尹氏賂尹氏而禱于其主鍾巫遂與尹氏歸而立其主十一月公祭鐘巫殉于社廟館于寤氏壬辰羽父使賊弒公于寤氏立桓公而討寤氏有死者不書葬不成喪也

嗚呼敗天下為義之心者隱公之弒也利者人之所趨義者人之所掩○直○起○小○另○作○冒○頭○曠○史○贊○多○知○此

憚使為義而無禍人猶且不肯為況重之以禍乎隱公輕千乘之國

朱字綠曰  
重責隱公  
為義不盡  
先說隱公

為義受禍 既責隱公 為義不盡 仍先發隱 公力於 義俱是善 於反壓之 法後用兩 將字作左 證言之繫 繫使貪惜 者知所警 未復歸到 勉天下為 義之心何 等嚴密 隱公發義 不盡其初 逆探先君 之邪志舉 國而授桓 己為不明 大義蓋惠 公既無嫡 子隱長而 桓幼則隱 宜君魯夫

而推之桓公桓公反不亮其心而弑之有甚高之節而罹甚酷之禍

世將指隱公為戒而諱言義矣吾之所聞則異於是焉人皆以為隱

公之弑敗天下為義之心吾獨以為可以勉天下為義之心是何耶

隱公之弑非坐為義也乃坐為義不盡耳隱公遜國之節心甚明迹

甚顯當桓公幼弱之時隱公苟有他志微見風采立可齎粉桓公在

隱公之掌握十有一年不惟無纖芥之隙又且長育而輔翼之上有

天下有地其心迹不可誣也所可恨者特為義不盡貪數年之權而

去位不亟耳惟其去位不亟故貪慕顧惜之形見於外羽父因得入

殺桓公之謀焉使隱公勇退高蹈之風凜然在人則不仁者不敢至

其牆不義者不敢至其廬況敢以戕殺之謀狗彘之行挽我乎今羽

父敢對隱公明發戕賊之言而不忌是必隱公貪慕顧惜之形有以

復何疑乃  
因先君溺  
愛而欲成  
其私意是  
特小不忍  
之流耳至  
使小人動  
於惡又在  
其後伯恭  
因成邪志  
之說前人  
已言之故  
不勇立論  
為明德曰  
四字是一  
篇大主腦  
借前車之  
覆為後車  
之鑒真儒  
文字總是  
有關世教  
勿斷新以  
時又目之

召之也。隱公尙不自警。方且告羽父曰。為其少故也。吾將授之矣。使

營菟裘。吾將老焉。將之一字是隱公貪慕顧惜之心形於言者也。當

授卽授。何謂將。當營卽營。何謂將。營投機之會。間不容髮。豈容有

所謂將耶。此所以召羽父之侮。起桓公之疑。而卒於殺其身也。噫。隱

公遜國之義。心如此之明。迹如此之顯。秋毫不盡。遽受大禍。況心迹

不如隱公之可見者。其敢不自勉乎。然則君子之為義。夜以繼日。不

敢不用其極者。非特就義亦所以避禍也。向無隱公之禍。迫之則為

義者。立一善修一行。沾沾自足。怠而不復前矣。故曰勉天下為義之

心者。隱公之弑也。

羽父弑隱公註釋

無禍荀子私行而無禍縱欲而不窮輕千乘之國左思吳都賦輕脫躐於千乘論語道千乘之國禍酷庾闡檄石虎文含幼

**弱** 史記五帝紀黃帝弱而能言 **他志** 禮記檀弓或敢有他志以辱君義 **微見風采** 三國吳志諸葛瑾傳瑾與權談說諫喻未嘗切

諤微見風采粗陳指歸 **蠶粉** 莊子列禦寇篇人有見宋王條使宋王而寤子為蠶粉也矣 **織芥** 南史虞寄傳胸中豁然會無纖芥 **長育**

**輔翼之** 左傳哀公十六年楚子西曰勝如卵余翼而長之禮記文子世子保也者慎其身以輔翼之而歸諸道者也 **心迹** 文中子中說心迹之判久矣又杜甫詩云心迹喜雙

**親不可誣也** 蘇軾潮州韓文公廟碑古今所傳不可誣也 **可恨** 宋書衡陽文王傳可歎可恨豈復一條 **戕賊** 韓琦詩君子戒戕賊守道不為怪

**顧惜** 陸游上天竺復菴記傾竭高裝無所顧惜 **投機** 全唐文李嶠碑文踏穿投機入三塗而鼎沸 **間不容髮** 曾子大圓篇其間不容髮 **秋毫**

朱子孟子集注秋毫之末毛至秋而未銳小而難見也 **夜以繼日** 孟子離婁篇仰而思之夜以繼日 **就義** 後漢古風露傳去憑就義功名並著 **修一**

**行** 阮籍大人先生傳東身修行日暈一日又漢書東方朔傳該達多端不名一行行去聲 **沾沾** 史記魏其侯傳沾沾曰喜沾沾沾自整頓也 **有他志** 史記吳世家伍

員知光有他志故引 **掌握** 淮南子精神訓玩天地於賞榷之中 **甚高之節** 歐陽修春秋論隱公有讓桓之志未及行而見殺其甚高之節難名之善

亦何望於春秋乎

**臧哀伯諫郕鼎** 桓公二年宋督弑瑯公召莊于子鄭而立之以郕大鼎賂公四月取郕大鼎于宋納于大廟非禮也臧哀伯諫曰云云不聽周內史聞之曰臧孫達

其有後於魯乎君遠不忘諫之以德

古語

卿國之賢敵國之讎也。權門之良公門之蠹也。蕭何韓信之徒高祖

視之則為忠。項羽視之則為賊。杜欽谷永之徒王鳳視之則為忠。漢

至視之則為賊。然賊篡君之忠臣庸非治世之賊臣耶。臧哀伯之諫

郤鼎其言則是其所與言者則非也。臣弑君凡在官者殺無赦。子弑

父凡在官者殺無赦。桓公以弟弑兄以臣弑君凡在魯國者雖牧圉

斯養亡賤皆可剽刃以戳之。況哀伯魯之世卿有祿於國有賦於軍

有職於祭甯忍坐視而不救乎。力能討則誅之可也。力不能討則去

之可也。今乃低首下心日趨於朝又發忠言以補其闕其於桓公信

無負矣。獨不負於隱公耶。斬關之盜人不責其穿窬殺人之囚人不

責其鬪毆以斬關而概穿窬餘事也。以殺人而概鬪毆微罪也。彼桓

公親為弑逆而不忌況可責其取亂人之一鼎乎。宜其說之不納也。

朱字緣曰 忠於寇 罪不可道 立論嚴正 文排宕而 出屋折 窮哀伯 世臣不能 討賊而事 之罪則難 免然隱桓 皆吾君之 子也與敵 國外寇不 同以已嚴 然君為苟 才不能逃 守位於朝 可無不進 忠謀之理 以為無影 生之禍便 不足報隱 公此是世 說信知所 言必顯覆

魯之計釋  
而於於  
人乃為忠  
於魯公乎  
袁伯之罪  
與羽父自  
不可同羊  
而語也建  
成死而唐  
臣不可不  
忠於太宗  
明文亡而  
明臣不可  
不忠於成  
祖若謂明  
皇敗於綠  
山乃是以  
快建成英  
宗敗於土  
木乃足以  
快建文恐  
建建成文  
有知亦不  
出此

張明德曰  
祇就袁伯

德○東○  
由前言之則不忠由後言之則不智一進說而二失具焉人謂袁伯

納○有○中○

○引○卷○兩○段○平○列○正○意○

為賢吾不信也嗚呼嚴尤匈奴之策奇策也然君子不謂之奇以其

所告者王莽耳陳子昂明堂之議正議也然君子不謂之正以其所

告者武后耳臧哀伯郤鼎之諫忠諫也君子不謂之忠以其所告者

桓公耳觀人之言當先考其所處之地然後聽其所發之言苟失身

○謂○其○實○

於篡逆之區雖有忠言嘉猷未免為助公也向若桓公用哀伯之言

○照○前○句○之○不○納○人○能○一○變○

動遵法義自附於逆取順守之說則終無彭生之禍而隱公之目永

不瞑於地下矣哀伯之罪顧不大耶吾嘗之羽父之請為桓公畫篡

○借○羽○父○以○甚○哀○伯○之○罪

國之謀哀伯之諫為桓公建保國之策始亂者羽父也成亂者哀伯

也正名定罪不當置哀伯於羽父之下

### 臧哀伯諫郤鼎註釋

所處地位  
立論攻詰  
無餘士若  
子不幸而  
值此等時  
勢只有一  
死聊可塞  
青耳先生  
為萬世君  
臣立坊及  
借他人酒  
杯以自已  
塊物勿得  
以太宗例  
哀伯而承  
斯文尚有  
遺議也

**敵國** 孟子告子止篇則無**權門** 後漢書明帝紀權**公門** 禮記曲禮衿絺  
敵國外患者國恆亡 門請託殘與放手 給不入公門 杜欽 漢書杜欽傳  
欽字子夏南

陽人屯帝元舅大將軍王鳳以外戚 輔政奏請欽為大將軍軍武庫令 **谷永** 漢書谷永傳永字子雲長安人成帝委政  
志成帝建始三年王鳳始為上將秉政其 後王氏兄弟父子五侯秉權至卒篡天下 漢室 後漢書鄧皇后紀永  
後王氏兄弟父子五侯秉權至卒篡天下 安漢室綏靜四海 **忠臣** 漢書劉向傳忠臣  
雖在畎畝猶不忘

君 **治世** 三國魏志武帝紀武帝嘗問許子將我何 **賊臣** 漢書五行志天子不恤同姓而爵其賊  
如人子將曰子治世之能臣亂世之姦雄 臣又賊臣在國厥咎甚生爵又凡日食  
不以晦朔考 臣 **弒君子弒父** 鹽鐵論臣罪莫重於弒 皂隸 左傳皂隸牧 **廝養** 史記張耳  
國臣將乘起 君子罪莫重於弒父 圍皆有親暱 陳餘傳有

前齊卒謝眺李白皆有郎 **傳刃** 唐韻傳音越插刀也史記張耳陳餘 **世卿** 公羊傳尹氏者何天  
郭才人嫁為別妻卒婦詩 傳莫敢傳刃公之腹中者 作郭非 子之大夫也其稱尹  
氏何 世卿 有祿於國有賦於軍 左傳昭公十六年子產曰孔張君之昆孫子孔之力  
世卿非也 後也有祿於國有賦於軍杜注軍出卿賦百乘

能計則誅之不能則去之 蘇軾范增論為增計者力能誅羽則誅 **低首下心** 韓愈  
之不能則去之豈不毅然大丈夫也哉 鯁魚

文刺史諸駑尚亦安肯為 **忠言** 孔子家語良藥苦口利 **補其闕** 左傳成公十六年子反曰民  
鯁魚低首下心伏伺明視 於病忠言逆耳利於行 生敦龐和同以聽莫不盡力

以從上命致 **斬關** 左傳襄公二十三年冬十月乙亥臧紇斬鹿門之關以出 **穿窬** 朱子論語集  
死以補其闕 奔邾季孫盟臧氏曰無或如臧孫紇于國之紀犯門斬關 注穿窬穴窬

窬 **一鼎** 尚書召誥小序疏九牧貢金 **一失** 五代史南平世家高季興曰吾行有二失宋史富弼  
為鼎故稱九鼎其實一鼎 德仲淹坐爭廢后事貶弼上言是一舉而二失也

嚴尤匈奴之策

漢書匈奴傳王莽新即位拜十二部將軍三十萬衆齋三日日糧同時十道並出追匈奴莽將嚴尤諫曰今既發兵宜縱先至者令臣尤等深入靈擊且以創

艾胡虜莽不聽

陳子昂明堂之議

魏鑑魏武后垂拱四年二月太后毀乾元殿作明堂玉海明堂

之統二十四氣八風十二月四時五行二十八宿莫不率備願按周禮月令而建之

正議

左傳昭公三年吾不可以正議而自與也

忠諫

晉書王忱傳聶舜周

以其款誠之心者也 嘉猷 尚書君陳爾有嘉謀嘉猷則入告爾后于內

篡逆

潘安仁西征賦 殃厥父之篡逆

助亂

左傳昭公二十八年食我

之法義

騶冠子左法仁則春生殖前法忠則夏功成右法義則秋成熟後法聖則冬閉藏

逆取順守

史記陸賈傳湯武逆取而以順守之文武並用長久之術也

瞑目地下

蘇軾諫用兵書則臣雖老死溝壑瞑目於地下矣

篡國

漢書五行志平帝無嗣莽遂篡國

保國

史記三王世家保國艾

而得可 以保國

正名定罪

韓愈潮州刺史謝上表 正名定罪萬死猶輕

目不瞑於地下

蘇洵上用樞密書然則孔子孟軻之目將不瞑於地

矣下

晉封曲沃曲沃併晉

桓公二年初晉穆侯之夫人姜氏以條之役生大子命之曰仇其弟以千畝之戰生命之曰成師師服曰異哉君之命子也夫名以

制義義以出禮禮以體政政以正民是以政成而民聽易則生亂嘉耦曰妃怨耦曰仇古之命也今君命大子曰仇弟曰成師始兆亂矣兄其替乎惠之二十四年晉始亂故封桓叔于

曲沃靖侯之孫欒衰傅之師履曰吾聞國家之立也本大而末小是以能固故天子建國諸侯立家卿置側室大夫有貳宗士有隸子弟庶人工商各有分親皆有等衰是以民服事其

上而下無覲觀今晉甸侯也而建國本既弱矣其能久乎惠之三十年晉潘父弑昭侯而納桓叔不克晉人立孝侯惠之四十五年曲沃莊伯伐翼弑孝侯翼人立其弟鄂侯鄂侯生哀

侯哀侯侵陘庭之田陘

庭南鄙啓曲沃伐翼

○天字作主

嫡庶長幼天之所生而非人之所為也聖人制為定分有國家者傳

於長嫡為支子者咸知其出於天而不出於人由開闢以來共守是

分而不敢變非專畏聖人也畏天也是故微子不敢代紂目夷不敢

代襄公子西不敢代昭王季札不敢代諸樊以數子之賢苟承祀繼

統可以大前人之業可以啓無窮之基然終遠巡卻避者豈非不忍

以一己之私欲利害而啓千萬世爭奪之禍乎嫡庶長幼之定分古

今聖賢不敢輕變晉穆侯何人也乃敢首亂之溺於私愛命名之際

妄有輕重馴致曲沃之禍卒覆宗國為周王者又從而寵秩之自古

聖人所恃以塞千萬世之爭端者至是皆壞後王始知人可勝天庶

王胤洲日  
嫡庶長幼  
歸之於天  
令人恨不  
得急不得  
爭不得自  
是文章得  
大主腦處

朱字綠曰  
借晉穆命  
名之異為  
古今定嫡  
庶之分是  
有關係又

張明德曰  
曲沃之封  
在惠之二  
十四年後

以庶奪嫡  
實有莫可  
如何之勢  
篇中以天  
字作主歸  
罪穆侯千  
萬世篡弑  
之禍自此  
弭矣真是  
絕大文字

可奪嫡幼可凌長篡奪之禍史冊相堊納中國於蠻貊之域者未必  
非晉與周啓之也噫至貴之無敵至富之無倫染指垂涎者至衆也  
使勇者守之遇勇之倍者則奪之矣使智者守之遇智之尤者則之  
之矣守以盟誓則有時而渝守以法度則有時而廢守以城郭則有  
時而隳守以甲兵則有時而岌惟守之以天然後人莫敢與之較是  
則嫡庶長幼定分之出於天者乃有固者之所恃也無故而亂天之  
定分是自伐其恃也嗚呼殆哉

晉封曲沃曲沃併晉註釋

嫡庶

唐書岑文本傳時魏王泰修第舍冠諸王文本上書勸節儉陳嫡庶之分宜有抑損帝善之

長幼

禮記祭統見長幼之序焉

天之所生

禮記祭義天之

所生地之所養人爲大

非人之所能爲也

孟子萬章篇非人之所能爲也天也

長嫡

南史徐湛之傳身居長嫡爲文帝爲禮

定分

善部騶傳上全天恩下完性必皆定分有死無二

支子

曲禮支子不祭祭必告於宗子

開闢以來

楊子法言開闢以來未有秦也又劇秦美新開闢以來未有未之聞也

畏聖人言畏天

論語季氏篇畏天命畏大人畏聖人之言

無窮之基

尚書畢命建無窮之基亦有無窮之聞

微子不敢

代紂

史記殷本紀帝乙其子曰微子啓母賤不得嗣少子辛辛母正后帝乙崩子辛立天下謂之紂呂氏春秋帝乙欲以微子啓爲太子太子據法而爭之曰有妻之子不可置妾之子紂故爲後

目夷不敢代襄公

左傳僖公八年宋公疾太子茲父固請曰目夷長且仁君其立之公命子魚子魚辭曰能以國讓仁孰大焉臣不及也且又不順遂走而退

子西不敢代昭王

左傳昭公二十六年九月楚平王卒令尹子常欲立子西子西怒曰王有嫡嗣不可亂也

季札不敢代諸樊

左傳襄公十四年吳子諸樊既除喪將立季札季札辭曰君義嗣也誰敢姦君

承嗣

毛詩商頌龍旂承嗣

輕變

北史長孫紹遠傳輕變古典趣改樂章

首亂

韓充傳又責首亂者千餘斥出境由是內外接堵

私受

後漢書循吏傳敘宮房無私愛左右無偏恩

有輕重

後漢書竇融傳舉足左右便有輕重

覆宗國

鮑照河清頌序阿紂纂組之縹衣覆宗國

寵秩之

左傳昭公八年子旗曰吾誨之猶懼其不濟吾又寵秩之

爭端

左傳昭公六年民知爭端矣將棄禮而徵於書

人

勝天

免周書兵強勝人人人強勝天

少陵長

左傳隱公三年且夫賤防貴少陵長遠間親新間舊小加大淫彼義所謂六逆也

蠻貊之域

常據南中

志序蠡幽南域在彼要荒漢武德振蠻貊是攘

貴無敵

富無倫

揚子法言貴無敵富無倫利孰大焉

染指

左傳宣公四年染指於鼎嘗之而出

垂

延

黃庭堅詩吟哦口吐涎

勇者守之

列子齊景公游於牛山北臨其國而流涕曰使古無死者寡人將去斯而之何晏子對曰使賢者而常守之則太公桓公將常守之矣使

勇者而常守之則莊公靈公將常守之矣

盟誓

左傳成公十三年申之以盟誓重之以昏姻

法度

左傳夫晉國將守唐叔之所受法度以經緯其民

城郭甲

朱字綠曰  
開手以盡  
所當為無  
足誇人立  
論所謂中  
有主外物  
不能為輕  
重者也入  
鄭忽小善  
而驕一層  
頓住按入  
何其壯也  
壯氣安在  
兩層伏氣  
盈氣固然  
後透闢言  
之歸到一

兵韓愈原道為之城

莫敢校

漢書淮南王傳天子之兵  
有征無戰言其莫敢校也

守分

淮南子來經訓各  
守其分不得相侵

齊鄭衛來戰于郎

桓公六年北戎伐齊齊侯使乞師于鄭鄭大子忽帥師救齊六月大  
敗戎師獲其二帥大良少良甲首三百以獻于齊于是諸侯之大夫

戍齊齊人饋之餼使魯為其班後鄭鄭忽以其有功也怒故有郎之師十年冬齊衛鄭來戰  
于郎我有辭也初北戎病齊諸侯救之鄭公子忽有功焉齊人饋諸侯使魯次之魯以周班  
後鄭鄭人怒請師于齊齊人以衛師  
助之故不稱侵伐先書齊衛于爵也

天下之事曰是曰正曰善皆所當為也曰非曰邪曰惡皆所不當為

提明

也。事雖有萬不同。豈有出此兩端之外哉。古今以驕矜為通患。抑未  
之思也。盍反觀吾之所行。果不當為耶。方且愧懼之不暇。何敢誇人  
果當為耶。則亦飢食渴飲之類耳。何足誇人。雖舜之孝。禹之功。皋陶  
之謨。稷契之忠。夷齊之清。孔孟之學。冠萬世而絕出者。其實皆人之  
所當為也。世之人。僅有一善。遽以為過人。亦惑矣。人之為人。非聖人  
莫能盡。今受人之形。而反自謂過人。豈將翼而飛。鬣而馳耶。甚矣其

身無主不能復主一國前後線索一串後幅尤警策動人  
張明德曰當為與不當為二意持論甚正

惑也。鄭忽救齊。雖曰有功。然救災卹鄰。亦諸侯之所當為耳。遽軒然伐其功。輕周室之爵祿。而欲躡之。又從而加兵於魯。嗚呼。使小國有功。而可躡處大國之上。則臣有功。可陵其君子。有功。可傲其父矣。吾嘗觀鄭忽始敗戎師之時。囚二帥。陳俘馘。振旅以獻於齊。氣吞諸侯。邈視王爵。餽饋之際。暫為人所先。至連三國之兵而伐之。何其壯也。及其嗣位。微弱不振。其出奔。其復歸。斥其名而赴諸侯。甚而詆以狡童。曾不以君視之。受侮至此。前日之壯氣安在耶。蓋忽之為人。得志則氣盈。而自視其身。不勝其大人。少慢之。已不能平。失志則氣涸。而自視其身。不勝其小人。甚賤之。反不能較。其中初無所主。惟視外物。以為輕重。隨物而盈。隨物而涸。隨物而大。隨物而小。乍驕乍沮。乍勇乍怯。已亦不能自知也。一身不能自主。況欲主人之國哉。

伏氣。滿一段。

波瀾。起。

伏氣。起一段。

收得。調。怒。

齊鄭衛來戰於郎註釋

有萬不同

莊子天地篇行不崖異之謂寬有萬不同之謂富

驕矜

史記信陵君傳意驕矜而有自功之色

通患

晏子春秋大國貪於實此諸名小國貪於實此諸

侯之愧懼

薄屠書許圍師傳嘗有官吏犯賊事露圍師但賜清白詩以激之犯者愧懼遂改節為廉士

一善

說苑曾子曰見一善忘其百非易事也

受人

之形

莊子大宗師篇特範人之形而猶喜之若人之形者萬化而未始有極也

翼而飛

莊子人間世篇顏淵見仲尼條閉以有翼飛者矣未聞以無翼飛者也

鬣

而馳

鬣而馳者馬也

甚矣其惑也

左傳昭公二十七年知者除譏以自安也今子愛譏以自安也甚矣其惑也

救災恤鄰

左傳僖公十三年

年百里曰放災御鄰道也行道有福

連三國之兵

漢書五行志晉外滅二國內敗王師連三國之兵大敗齊師

何其壯也

歐陽修祕演詩序歌吟笑

呼以適天下之樂何其壯也

嗣位

春秋公伐齊納糾注鄭忽既受命嗣位是以書其出也

微弱

毛詩揚之水字昭公微弱國人將叛而歸曲沃焉

不振

香書劉洎

傳管轄玩弛網紀不振

狡童

毛詩鄭風狡童篇序曰刺忽也

受侮

毛詩邶風柏舟篇受侮不少

壯氣

唐書杜正倫傳諸杜所居號杜

固其地得志

周易白賁無咎上得志也

氣盈

朱子論語集注有壯氣驕氣盈吝氣歉

鄭忽辭昏

桓公六年初齊侯欲以文姜妻鄭太子忽忽辭人問其故曰齊大非吾耦也詩云自求多福在我而已大國何為及其敗戎師也齊侯又請妻之固辭祭仲曰必取

君多內寵子無大援將不立三公子皆君也弗從十一年鄭莊公卒祭仲立忽宋人誘祭仲而執之曰不立突將死祭仲以突歸而立之忽奔衛十五年鄭伯突出奔蔡忽復歸于鄭

十七年鄭高渠  
彌紇昭公忽

為國者當使人依己不當使己依人己不能自立而依人以為重未

有不窮者也以己為一段一所依者不能常盛有時而衰不能常存有時而亡一旦

驟失所依將何所恃乎衰不引可嗚呼此特論依之不可常耳抑有甚焉者使

所依者常盛常存可矣猶未足恃也晉方主盟諸夏宋謹事之想其

心自以為得所依矣及阨於楚師析骸易子晉迫於狄坐視而莫能

救也言不獨所依之國不可恃以為安且因之得禍當時諸侯之強盛者宜莫如晉猶不可依況其他乎嗚呼此

特論人之不足依耳抑又有甚焉者魏孝武脅於高歡所恃者宇文

泰耳一旦脫身虎口杖策入關捨所畏而得所依天下之樂有過於

是乎然孝武之禍不在於所畏之高歡乃在於所依之宇文泰以是

論之非惟人之不可依而禍實生於所依也外物之變不可深窮恃

朱字綠曰前半極言依人之不可恃人鄭忽貽昏事取存我而已大國何為而立者為自立者勸末復推所言之使人驚心動魄文陣一氣卷舒真何杆軸由心之樂因不失其親士大夫且然國君亦何獨不然夏后相依樹晉鄰以與晉文依秦繆

以霸亦視其人可親與否耳若開國之君依人起事者尤衆沛公依義帝光武依更始明祖依滁陽王尤其彰彰者要之非自立則依人不能自立則依人反授之柄故自立之說無論依人不依人皆不可不勉也

張明德曰人生天地貴於自立然後可以

外以爲安者其患夫豈一端耶世皆咎鄭忽之辭昏不能依大國以

爲固殆非也使忽不辭則彭生之禍不在魯而在鄭矣豈有禍魯而

福鄭者哉然則忽之辭昏固亦未可厚非也後世徒見其以微弱致

禍遂并以辭昏譏之殊不知忽得之於辭昏而失之於微弱一是一

非兩不相掩烏得以後之非廢前之是哉忽之言曰自求多福在我

而已大國何爲斯言也古今之篤論也在我之福以堯爲父而不能

與丹朱以周公爲兄而不能與管蔡以周宣爲子而不能與厲王彼

大國亦何有於我哉苟忽能充是言則洪範之五福周雅之百祿皆

我有也尙何微弱之足患乎論者不譏忽之不能蹈其言而反譏其

言之失亦惑矣後之君子苟不以人廢言釋然開悟則天下之福無

在我之外者豈曰小補之哉

### 鄭忽辭昏註釋

依人

易林犬畏虎 狼依人作輔

晉主夏盟

左傳襄公三十四年 晉主夏盟為范氏

析骸易子

春秋經宣公十四年秋楚子圍宋十五年夏五月宋

人及楚人平左傳宋人使樂嬰齊告急於晉晉侯欲救之伯宗曰君其待之乃止宋人易子而食析骸以爨

強盛

三國吳志諸葛恪傳當人強盛山河可拔一朝羸縮人情萬端

魏

孝武

通鑑輯覽南北朝梁大通四年魏高歡入洛陽廢其主恭及朗而立平陽王修自為大丞相永熙三年夏六月高歡舉兵反秋七月魏主修奔長安以宇文泰為大丞相十二月宇文泰進毒

獄其君修 諡曰孝武

脫身虎口

莊子盜跖篇料虎頭編虎鬚幾不免虎口 哉李商隱詩脫身離虎口移疾就猪肝

杖策

魏徵述懷詩杖策謁天子驅馬出關門

以為固

賈道過秦論慷慨丈之 地臨不測之谿以為固

一是一非

淮南子若夫是於此而非於彼非於彼而是於此者此之謂一是一非也

篤論後

詩王充傳稽之 篤論將為傲矣

堯不能與丹朱

蘇洵上田樞密書天之所以與我者豈偶然哉堯不得以與丹朱舜不得以與商均

何有於我

哉

論語述而篇誨人不倦何有於我哉朱子曰何有於我言何者能有於我哉

洪範五福

尚書洪範九五福一曰壽二曰富三曰康寧四曰攸好德五曰考終命

周

雅百祿

毛詩小雅天保篇馨無不宜受天百祿

不以人廢言

論語君子不以人廢言 舉人不可以人廢言

開悟

尚書詩言志疏以導胄子之志使開

也 悟 豈曰小補之哉

孟子盡心篇上下與天地同流豈曰小補之哉

常存

新語輔政篇遲重者為常存

開悟

新語道基篇圖畫乾坤以定人

道民始 開悟

操之在我 徒依人成 事未免無 主此意先 定依人之 言不足恃 幅引伸觸 類以言之 說得淋漓 盡致情事 透觀真有 把柄文字

孫月峯曰  
所謂分者  
理之分也  
犯分即犯  
理字字名  
言

詹父以王師伐虢

桓公十年虢仲譖其大夫詹父子王詹父有辭以王師伐虢夏虢公出奔虞

屈天下之理以信天下之分非善持名分者也世之持名分者皆曰  
理分可勝理理不可勝分不幸而聽上下交爭之訟寧使下受抑勿使  
上受陵所屈者一夫之理所信者萬世之分亦何為而不可哉嗚呼  
分固不可屈也理其可屈乎宜人之滋不服也虢公譖其大夫詹父  
於王詹父有辭王為之伐虢而出虢公以臣逐君固可罪矣然人之  
咎是者不過曰虢公雖曲君也詹父雖直臣也桓王不當以曲直之  
理而廢上下之分耳其罪桓王則是也其所以罪桓王則非也數傳  
而至於襄王晉文公以元咺執衛侯而請殺之襄王曰夫君臣無獄  
今元咺雖直不可聽也為臣殺其君將安庸刑襄王之意豈非以矯  
桓王之失乎所謂君臣無獄者固可以為萬世訓至若元咺雖直之

朱子綠曰  
前半俱用  
反擊後半  
論到理分  
合一方是  
正論雖無  
甚論動處  
意亦透關  
不具底無  
耳亦無不  
是底對故  
曰臣罪當  
誅今大王  
聖明雖以  
紂之虐而  
文王不敢  
懈心服事  
之也然則  
德也然則  
面折廷爭  
得母見君  
乎曰平居  
自陳善則  
邪之忠則

一語猶未免隨世俗之見也。苟如襄王之說，是元咺之理未嘗不直。以上論所以不可聽者，恐亂君臣之分焉耳。有所謂理，又有所謂分。是理與分判然二物也。君子言分必及理，言理必及分。分不獨立，理不虛行。仍用前論得則俱得，失則俱失。豈有既犯分而不犯理者乎？子之證父者，先有證父之曲，不必復問其所證之事也。弟之證兄者，先有證兄之曲，不必復問其所證之事也。臣之訴君者，先有訴君之曲，不必復問其所訴之辭也。當詹父元咺未訴君之時，其理固直。既啓訴君之口，則已陷於滔天之惡矣。是詹父之直，因訴虢公而曲也。元咺之直，因訴衛侯而曲也。周王苟以是正其罪，則二人者，釋然內省其理之曲，沒齒無憾矣。又推而上之，則知君臣之際，本非較曲直之地。臣之理雖直，其敢自謂直以加吾君乎？蚤朝晏退，戰戰兢兢，上不知君之曲，下不

臨難有百折不回之氣若讒諸而諛者方其希寵求榮事事以君爲是及其勢敗事去反事不以君爲不

知我之直所知者盡臣道而已安得有犯上之釁耶惜夫桓王昧之而不知襄王知之而不盡此分與理所以終離而不可復合也後空爲治者非合分與理爲一亦安能洗犯上之習而還於古哉

詹父以王師伐虢註釋

名分莊子天下篇詩以道志書以道事禮以道行樂以道和易以道陰陽春秋以道名分信天下之分信古伸字分不可屈李康運命篇其

身可抑而道不可屈其位可排而名不可奪理屈蕭子良狀非尊相千每爲理屈襄王曰夫君臣無獄國語周語温之會晉人執衛成公歸之於

周周晉侯請殺之王曰不可夫君臣無獄今元咺雖直不可聽也君臣皆獄父子將獄是無上下也而叔父聽之一逆矣又爲臣殺其君其安庸刑韋注曰庸用也刑法也萬世訓困

紀聞宋人請孟復於衛衛人汝勿與石祁子曰天下之惡一也名臣之言可訓萬世理直潛夫論理直則持正而不撓一物孫綽蘭亭集後序焉復覺鷓鴣之二物哉子

證父論語吾嘗有直躬者其父攘羊而子證之弟姪兄孟子姪兄之臂而奪之食則得食滔天之惡尙書堯典象恭滔天注外貌謙恭中藏莫測之

惡正其罪後漢書蘇章傳遷冀州刺史故人有爲清河太守者章行部按其姦贓遂舉正其罪君臣之際晉書傳祇傳論崎嶇危亂之朝匡救君臣之際早

朝晏退晏退問疾弔喪務鎮撫百姓戰戰兢兢毛詩小雅小旻篇我戰兢兢朱子曰戰戰恐懼兢兢戒謹盡臣道

世皆蠅螿

宋字錄曰  
移台自之  
念以求遠  
移以守道  
全以守道  
亦尋常議  
論卻甲否  
吐之筆使  
人驚疑急  
欲看其如  
何用食如  
何用客如  
此騰挪如

孟子離婁篇欲為君盡君道欲為臣盡臣道

犯分

荀子性惡篇然則從人之性順人之情必出於爭奪合於犯分理亂而歸於暴又正論篇犯分亂理驕暴貪利

犯理

新序晉平

公欲伐齊條臣欲犯其理而太師知之論語管仲器小章注奢而犯禮其器之小可知○博議作理亦通

證父

淮南子汜論訓直而證父信而溺死雖有直信孰能貴之

無憾

淮南

受抑

宋書孝武帝紀其士庶或受抑吏司或負擯州里

### 虞叔伐虞公

桓公十年初虞叔有玉虞公求旃弗獻既而悔之曰周諺有之匹夫無罪懷璧其罪吾焉用此其以買禍也乃獻之又求其寶劍叔曰是無厭也無厭將

及我遂伐虞公故  
虞公出奔共池

虞公以貪失國虞叔以吝逐君貪吝非二法也名雖不一而同出於

嗜貨焉使虞公思吾求劍之心即虞叔守劍之心必不至於貪矣使

虞叔思吾守劍之心即虞公求劍之心亦必不至於吝矣惟其不能

交相怨而反相責此其所以釀莫大之釁也然則如之何曰不過以

貪治貪以吝治吝而已至理之中無一物之可廢人心之中無一念

之可除貪吝之念苟本無耶安從而有苟本有耶安得而無是貪吝

足動人

張明德曰

作文先要

主意主意

拿得定橫

衝直撞都

是有善落

語非同影

響

文之妙處

不在用貪

吝二字在

善于用貪

吝二字吞

吞吐吐一

步緊一步

此善于騰

固不可強使之無亦不必使之無也吾心半吐仍令人驚疑一旦渙然冰釋則曰貪曰  
 吝孰非至理哉蓋事有善惡而念無善惡是念加於事之善者則名  
 善念加於事之惡者則名惡念所謂念者初無二也世所以指虞公  
 為貪者以求財不厭耳苟用是念以求道立而不已必求與權賢而  
 不已必求為聖則與夫子學而不厭何異世所以指虞叔為吝者以  
 其守財欲不失耳苟用是念以守道與生俱生與死俱死欲不能遷  
 威不能奪則與顏子服膺弗失何異向之惡今之善特因物而改其  
 名耳曷常有二念哉

### 虞叔伐虞公註釋

失國

左傳昭公十一年國不忌君君不顧親能無卑乎殆其失國

逐君

左傳昭公二十五年子以逐君成名子孫不忘不已傷乎

一法

唐書百官志以二法平物一曰

物量二曰權衡

莫大之釁

陸機表莫大之釁日經聖聽

嗜貨

柳宗元梓人傳余甚笑之謂其無能而貪祿嗜貨者

渙然冰釋

杜預春秋序渙然冰

釋始然 善念惡念 却掃編補康靖公概置二器凡上曰吾平日與一善念則投一黃豆與一惡念則投一黑豆近者二念俱忘則不復投矣 求道 尚書有言逆於

汝心必 立權 論語可與立 學而不厭 論語學而不厭誨人不倦 守道 三國志崔琰傳清貞守道 服膺弗失 中庸

回之爲人也得一善則一 念 注見

### 楚莫敖屈瑕

桓公十一年楚屈瑕將盟貳鄆人軍於蒲騷莫敖患之鬬廉曰君次於郢以禦四邑我以銳師宵加於郟若敗郟師四邑必離莫敖曰盍請濟師於

王對曰師克在和不在衆又何濟焉曰卜之對曰不疑何卜遂敗郟師於蒲騷十二年楚伐絞屈瑕曰絞輕則寡謀請無扞樵者以誘之從之大敗之十三年楚屈瑕伐羅鬬伯比見

楚子曰必濟師始子入告鄧曼曰莫敖狃于蒲騷之役將自用也羅與盧戎兩軍之大敗之莫敖綏於荒谷

設喻起又是○一法 楚人有習操舟者其始折旋疾徐惟舟師之是聽開帆擊楫雲飛鳥

逝一息千里於是小試於洲渚之間平瀾淺瀨水波不興投之所向

無不如意不知適有天幸遂以爲盡操舟之術矣遽謝遣舟師傲然

自得沼視溟渤而杯視江湖椎鼓徑進亟犯大險吞天浴日之濤排

山倒海之風轟逐澎湃奔鯨駭蚪乃徬徨四顧膽落神泣墮槳失柁

鍾伯敬曰前借操舟爲喻論定末以天子庶人一段繳結大有關係目文氣波瀾洋盜

朱字綠曰一層用人

者常勝一  
 層自用者  
 必敗一層  
 不用人而  
 自用之初  
 敗為幸勝  
 為不幸祇  
 此三層處  
 處縮定本  
 題既用三  
 層應引符  
 堅亦以三  
 層應推到  
 天子庶人  
 俱於不用  
 人而自用  
 之初實難  
 於先而有  
 所懲以基  
 福母易於  
 先而有禍  
 輕以召禍  
 真能暢所  
 欲言  
 張明德曰  
 引喻處說

身膏魚鼈之腹。為世大戒。然則召今日之危者。豈非前日之幸乎。使  
若○若○情○理○離○然○  
 其自試之時。已遇風濤之變。則將知難而悔。終身不敢言舟楫矣。屈  
 暇之禍。不幸類是。當屈暇與鄖師相距於蒲騷。自知將略非長。委計  
 鬪廉。教以次郢。禦四邑者。鬪廉也。教以銳師。宵加於鄖者。鬪廉也。教  
 以師不在。眾不疑。何卜者。又鬪廉也。無小無大。惟鬪廉之謀。是從。以  
 成厥功。豈不猶操舟者。其始惟舟師之是聽乎。屈瑕徒見用奇之功。  
自○用○之○之○始○明○廉○  
 而欲竊效焉。伐絞之役。是身試於洲渚之時也。幸而絞人偶入其計。  
 志滿氣揚。自謂算無遺策。凡天下之言兵者。無出我之右矣。彼區區  
自○用○之○之○甚○暗○應○  
 之羅人。正須折筆答之耳。削規破矩。任意直前。變出不圖。軍債身蹶。  
總○計○時○意○發○其○  
 其得禍。蓋與操舟者無異。鄧曼推其禍端。歸之蒲騷之役。吾以為  
暗○應○前○自○試○之○時○遇○風○濤○之○變○  
 成屈瑕之禍者。在絞而不在蒲騷。方伐絞之初。屈瑕雖欲自用。尙未

得親知入  
情始役以  
騷之而招  
自用而招  
殃禍伏于  
得志之先  
文能層層  
剝發以見  
招禍之由  
順筆寫來  
無非至理

敢却難兩。得意自信也。苟受挫於絞人，必思昔以用人言而勝，今以自用而敗。將

益求其所未至，不敢以兵為戲矣。彼既見其謀之驗，忘其幸而矜其

能，心口相語，以為蒲騷之勝，借曰鬪廉之謀。今採樵誘敵之策，豈亦

鬪廉教我乎？此所以堅其自用之意，而趣其荒谷之溢也。屈瑕之死

生在於伐絞之勝，敗驕之於先，而陷之於後。庸非天欲斃之乎？苻堅

之治秦，一則王猛，二則王猛，猛之死，下詔以新失丞相置觀以聽訟。

其辭至兢兢也。繼踵而張掖西域之捷，交至其心，始縱謂天下之事

止此耳。猛雖亡，吾豈不能獨辦乎？迄自用而致淝水之辱，嚮若猛死

之後，其鋒嘗小挫，必不敢遽輕天下。堅之喪國，即屈瑕之喪師也。由

天子至於庶人，免於師傅之嚴，而驟欲獨行其志，遇事之易者未足

喜，遇事之難者未足憂。蓋先遇其易，則以易為常，是禍之源也。先遇

却難兩。得意

用代法。寫其意。

總收

收在敘案

照絞人之勝自用之始

照羅之敗自用之甚仍

收人本意再在開

再取自試遇風障意暢

言之

其難則以難為常。是福之基也。世固有以一勝累一國。以一能敗一身者。豈不甚可畏耶。

楚莫敖屈瑕註釋

操舟

莊子達生篇顏淵問乎仲尼。餘津人操舟若神。

折旋

禮記玉藻周旋中規。折旋中矩。

開帆

李白詩開帆入天鏡。直向彭湖東。杜甫詩滿峽重江水。開帆八月舟。

擊楫

晉書祖逖傳。江中流擊楫而誓曰。祖逖不能清中原而復濟者。有如大江。

雲飛

隋煬帝親征高麗。詔高駼電逝巨艦雲飛。

鳥逝

本元虛海賦。望濤遠決。罔然鳥逝。

逝

淮南子夫華駟綠耳。一日而至千里。

洲渚之間

陳時中碧淵堂賦。作堂洲渚之間。兼美山川之會。

淺瀨

柳宗元詩。月光搖淺瀨。

瀨水波不興

蘇軾前赤壁賦。清風徐來。水波不興。

投之所向無不如意

蘇洵上田樞書。投之所向無不如意。

適有天

幸

史記郭解傳。適有天幸。窘急常得脫。

舟師

左傳哀公十年。徐承率舟師將自海入齊。

溟渤

鮑照詩。築山擬蓬壺。穿池類溟渤。溟渤海也。

杯視江湖

李太白大鵬賦。塊視三山。杯觀五湖。

椎鼓

後漢書光武帝紀。椎鼓數千通。

大險

呂溫秋梁公傳。贊序蒙大恥。履大險。登節振美以持世心。

浴日

陶宏景水仙賦。窮髮送鵬浴日。

或池浴日

倒海之風

陸游詩。五更顛風吹急雨。倒海翻江洗殘暑。

轟豕

應呼友切。喧聲也。韓愈詩。轟豕逐融冶。

澎湃

宋史河渠志。浙江東接海門。胥瀆澎湃。

奔鯨

陶潛詩。逸蚪遶雲奔。鯨駭流。

四顧

許棠過洞庭詩。四顧疑無地。中流忽有山。

神泣

蘇軾詩。未死神已泣。

墜梁

音獎。權也。

失柁

後漢書。趙

查傳安危亡於旦夕肆情懲於目前奚異涉海失柁積薪而待然耶

**魚腹**

原鴻父辭再赴相流葬於江魚腹中

**大戒**

周易繫辭傳小懲而大戒此小人之福也

**風濤**

唐書陸元方傳使嶺外方涉海風濤驚壯舟人咸懼元方曰我受命不私天豈害我韓愈祭張員外文洞庭汗漫黏天無壁風濤相廝中作霹靂

**知難**

左傳知難而有備乃可以逞

**舟**

楫周易繫辭傳舟楫之利以濟不通

**無小無大**

毛詩魯泮水篇無小無大後公於邁

**用奇**

劉勰新論用奇出於不意少可以挫多弱可以折強

**志滿**

諸葛亮絕盟好議且志望已滿無上岸之情

**氣揚**

史記管晏列傳意氣揚揚甚自得也

**算無遺策**

淮南子主術訓不用通然之術而行自然之道故萬舉之而無遺策

矣漢晉書春秋鍾會自淮南以來算無遺策

**言兵者**

蘇軾孫武論古之言兵者無出於孫子

**出其右**

史記田叔傳上召與語廷臣無能出其右者

**折筆**

**笞之**

華杖也笞打也南史侯景傳景反於豫州武帝聞之笑曰是何能為吾以折笞笞之

**不圖**

左傳女叔齊曰思莫在公不圖其終

**身蹶**

戰國策秦策恐天下見臣盡忠

而身蹶湯居月切頤也

**矜其能**

尚書說命矜其能喪厥功

**誘敵**

六韜左有梁溝右有阮卓高下如平地進退誘敵此騎之陷地也

**斃之**

左傳昭公十一年天

將假手於楚以斃之

**苻堅失王猛**

通鑑輯覽晉武帝寔康三年秋七月秦丞相清河侯王猛卒秦王堅詔曰新失賢輔百司或未補朕心可置聽訟觀五日一臨以求民隱

**繼踵**

史記范雎蔡澤傳贊二人繼踵入秦繼踵取卿相

**張掖西域之捷**

通鑑輯覽晉武帝太元元年秋七月秦遣兵擊涼州八月張天錫降七年秦遣將軍

呂光將兵擊西域焉耆諸國皆降

**淝水之辱**

通鑑輯覽晉孝武帝太元八年秦王苻堅大舉入寇詔征討都督謝石冠軍將軍謝元等帥師拒之冬十一月謝石謝元等大破秦

軍於淝水殺其大將苻融秦王堅走還長安

**小挫**

韓愈蘭離聯句中休事未決小挫彭益倍

**免於保傅之嚴**

漢書賈誼傳太子既冠免於保傅之嚴則有記

過之史微 喪國禮記是故喪 喪師揚子法言屈國 福之基也國語晉語夫德福之基也無

南史顏延之傳恭 一勝孫子講攻篇不知彼 一國史記秦本純一國之政由一身一 一能准

敬樽節福之基也 而知已一勝一負 治不知所以治此真聖人之治也 一能南

### 祭仲殺雍糾楚殺子南

桓公十五年祭仲專鄭伯用之使其壻雍糾殺之將享諸郊 雍姬知之謂其母曰父與夫孰親其母曰人盡夫也父一而

已胡可比也遂告祭仲曰雍氏舍其室而將享子于郊吾惑之以告祭仲殺雍糾尸諸周氏 之汪公載以出曰謀及婦人宜其死也襄公二十二年楚觀起有寵於令尹子南未益後而 有馬數十乘楚人申之王將討焉子南之子棄疾為王御士王每見之必泣棄疾曰君三泣 臣矣敢問誰之罪也王曰令尹之不能爾所知也國將討焉爾其居乎對曰父戮子居君焉 用之洩命重刑臣亦不為王遂殺子南於朝觀起於四境子南之臣謂棄疾請徙子尸於 朝曰君臣有禮唯二三子三日棄疾請尸王許之既葬其徒曰行乎曰吾與殺吾父行將焉 入曰然則臣王乎曰棄父 事讎吾弗忍也遂縊而死

先出題 後發。論

雍糾將殺祭仲而謀於其女楚子將殺子南而告於其子為其女為  
其子者將若之何父也君也夫也鼎立為三綱而世未有能輕重之  
也全彼則害此全此則害彼豈非天下之至難處而君子所當先講

朱字綠曰  
主意貴消  
變而賤當  
變卻不呆  
講消變方  
略祇說君

子不必講 而其事可 決其必不 遇文勢便 離奇動日 要知君子 何以必不 遇有其平 日之消之 者在也消 之之法不 專是人法 忍告以戕 殺已親其 事祭仲也 早消其傳 其爭子南 也早消其 觀起之寵 有幾諫之 法有涕泣 道之以法 內有以回 其親心外 有以結其 君心用幾 上下交而

乎曰是不必講也。有是事則有是理。無是事則無是理。若雍姬棄疾

之事。君子之所必不遇也。伐國不問仁人。對孝子而公言將殺其親。

世之所無也。君子之深愛婉容。望者意消。雖欲微詆其親。猶忸怩而

不能出口。矧曰殺之云乎。聞君子死親之難矣。不聞人敢以殺其親

之謀告君子也。里閭之相毀訾者。遇其所厚在席。必為之止。父子夫

婦。閭豈朋友比哉。雍糾不以雍姬為可忌。而謀之。楚子不以棄疾為

可憚。而告之。固可占知二人之為人矣。平居暇日。誠不足以動人。禍

已至此。告者殺夫。不告者殺父。左右皆坑谷也。果君子則必不至聞

此言。果聞此言者。則必非君子。兩者烏可並立耶。吾之所憂者。不能

造君子之域耳。未有既為君子而復遇此變者也。今緩於為君子而

急於講二人之得失。不欲消此變而欲當此變。抑末矣。故曰雍糾棄

不必講也。妙。妙。

必有遇也。更妙。

必不遇。

所講者此耳。

必不遇。

借照。雍甚。只似閒情。

是大國。頭急須講完。

此言者此耳。

必不遇。

禍可免也  
文卻不苛  
犯實做祇  
說必不遇  
其意悠然  
可思孫執  
升以爲見  
識高又以  
爲避難以  
爲含蓄殆  
得之矣

瞿昆湖曰  
前後有擄  
有縱有結  
有伏甚有

疾之事非君子所當講也。

祭仲殺雍糾楚殺子南註釋

鼎立晉書周處傳漢末三綱馬融論語注三綱者君為臣綱父為子綱夫為妻綱伐國不問仁人漢書董仲舒傳魯君問柳下惠

吾欲伐齊何如柳下惠曰不可歸而有憂色曰吾聞伐國不問仁人此言何為至於我哉 深愛婉容禮記祭義孝子之有深愛者必有和氣有和氣者必有愉色有愉色者必有婉容

容意消求子田子方篇子方待坐於魏文侯條物無道 忸怩忸女六切怩音尼尚書五子歌顏厚有忸怩朱子曰惡忸怩色也

里閭唐書高霞寓傳於先五代不異居孝聞里閭 平居曹植詩念我平常居 坑楊雄長楊賦夷坑谷拔鹵莽坑從阜作阮非 君子之域

盜殺伋壽桓公十六年初衛宣公弑於夷姜生急子屬諸右公子為之娶於齊而美公取之生壽及朔屬壽於左公子夷姜縊宣姜與公子朔構急子公使諸齊使盜待諸莘 消變姜子揆天消變總攬羣謀保全民命 死親之難淮南子泰族訓死君親之難視死若歸義重於身也

和氣致祥乖氣致異二氣之相應猶桴鼓也物之祥不如人之祥故

國家以聖賢之出為祥而景星喬雲神爵甘露之祥次之物之異不

只八是乖氣致異到底不爽

理趣

朱履安曰  
乖氣致異  
說不解道  
不能說得  
奇快若此

朱字緣曰  
乖氣致異  
邪亂之家  
異臣異即  
祥亦異推  
到天生善  
人於不善  
之家以見  
天理之常  
存不善之  
家誰有善  
人而亦不  
能化其不  
善以見天  
齊之不可  
恃愈出愈  
奇越奇越  
正

如人之異。故國家以邪佞之出為異。而彗孛飛流龜孽牛禍之異。次

之。是以王季文王迭出於古公之裔。武庚祿父實育於商紂之門。亦

各從其類也。衛宣公之無禮昏縱悖亂。腥聞於天。乖戾之氣所召者。

宜其為凶。為逆。為奸。為惡。而伋壽二子並生其家。然則天理有時而

舛乎。曰。是所以為天理也。世皆以人欲滅天理。而天理不可滅。彼衛

宣公之家。三綱壞矣。五典隳矣。凡生民之常性。皆剝喪而無餘矣。而

二子之賢。忽生於至醜至污之地焉。是知上帝之降衷。雖在昏縱悖

亂之中。未嘗不存也。二子自幼而長。所見聞者何事。而介然自守。習

不能移。豈得之於人乎。是天以二子彰此理之未嘗亡也。嗚呼。天理

固然矣。在宣公之無道。天反以賢子孫遺之。亦有乖氣而或致祥者。

乎。曰。二子之賢。君子之所謂祥。而衛國之所謂妖也。彼以其邪。我以

制亦確論奇

張明德曰  
彼壽之賢  
卻生於宣  
公天道其  
可問耶構  
此題吾幾  
欲閣筆文  
妙在偏以  
此爲天理  
未滅絕處  
不有二子  
則衛宣之  
惡不彰不  
致惠公之  
逐構致黔  
牟之放又  
不致有左  
右公子之  
誅此天子  
所以明目  
張膽顯示  
其禍於宣  
公也天道  
其可問耶  
其不可問  
耶先生洞  
見本源爲

其正彼以其濁。我以其清。自淫朋惡黨視之。豈不猶妖孽哉。讒譖交作。致二子之死。又致惠公之逐。又致黔牟之放。又致左右公子之誅。其爲變孰大焉。吾是以知天道之不誣。乖氣之果致異也。天雖降祥。人無以承之。則祥變而爲異。使宣公因二子之賢。一念悔悟而復於正。正宮闈以正朝廷。正朝廷以正百官。正百官以正萬民。風驅雷動。萬惡皆消。固可以移匏葉桑中之詩。而爲漢廣行露之章矣。此豈宣公之所及哉。宣公固不足責。以二子之賢。受之於天者如此。反不能已。衛國之亂者。何歟。曰。黍稷種。稂之種。受於天也。如是而播。如是而植。如是而耘。如是而穫。者人也。鹵莽滅裂。而坐待倉箱之盈。可乎。二子之受於天者。大舜之資也。其處頑父嚚母之間。終至格姦。雖守區區之介。死於無名。成父母之惡者。無他。其所以充養而廣大之者不。

此千古創  
論真所謂  
愈出愈奇  
愈奇愈正

如舜耳觀二子之生則知天理之不可滅觀二子之死則知天資之不可恃是道也非洞天人之際達性命之原何足以知之

盜殺伐壽註釋

和氣致祥乖氣致異

漢書劉向傳和氣致祥乖氣致異

一氣感應

周易咸卦彖傳二氣感應以相與

桴鼓

桴音李擊

鼓杖也漢書李尋傳古之王者尊天地重陰陽敬四時嚴月令順之以正政則和氣可立致猶桴鼓之相應也

景星

孫氏瑞應圖景星如半月生於晦朔助月為明王者不私人則見史記曰景星

者德也 商雲 西京雜記雲外赤內青謂之商雲初夢記雲三色曰商雲亦瑞雲也

神爵

爵古雀字漢書宣帝紀神爵元年應邵曰前年神爵集長樂宮故改年也

甘露

又甘露元年乃者鳳凰至甘露降故以名元年

邪佞

唐書李崑傳疾惡如讎不容於眾邪佞切齒

彗孛飛流

彗孛皆妖星也漢書天文志彗星飛流日月薄蝕

龜孽 漢書五行志貌之不恭時則有龜孽

牛禍

尚書太傅五行傳次五事曰思心思心之不容時則有脂液之妖華孽牛禍

王季文王

史記周本紀古公有

長子曰太伯次曰虞仲太姜生少子季歷季歷生昌有聖瑞古公曰我後世當有興者其在昌乎尚書金縢乃告太王王季文王

武庚祿父

史記封商紂子祿父武王乃使其弟

管叔紂霍叔度相禘父治殷管蔡武庚等率淮夷而反周公與師東伐誅管蔡殺武庚

各從其類

周易文言傳本乎天者親上本乎地者親下則各從其類也

悖亂

漢書五行志邯鄲狗與彘交悖亂之氣近犬豕之禍也

腥聞於天

尚書酒誥腥聞於天註腥穢聞於上天

乖戾

潛夫論天地日月星辰何非氣然及其乖戾天之尊

也氣裂地之大也氣動日月神  
也氣蝕之星辰虛也氣隕之  
凶逆顏氏家訓羊侃抗拒凶逆  
奸惡潛夫論張湯增定律令以防奸惡有利於民  
人欲滅天

理禮記樂記人化物也者滅天理而窮人欲者也  
三綱見上  
五典尚書皇陶謨勅我五典註曰五典五倫也  
上帝降衷尚書湯誥惟

於下民若後漢書王充傳裁  
自守節嗜欲頤神自守  
淫朋尚書洪範凡厥庶民無有淫朋  
惡黨唐懿宗登寶位赦書元和未黨惡前後處斷人數已多自今以

後宜一讒譖詩彼譖人者疏彼讒譖  
復歸於正蘇軾潮州韓文公廟碑天下雖然  
宮闈晉書

后妃傳序陰發洽於  
正朝廷二句漢書董仲舒傳正心以正朝廷正朝廷以正百官正百官以正萬民  
萬惡雲笈七籤為一惡以至於萬惡

一一而皆有禍應  
匏葉毛詩邶風匏有苦葉序曰刺衛宣公也公與夫人並為淫亂之事  
桑中鄘風桑中篇序曰刺奔也衛之宮室淫亂男女相奔也  
漢廣周南

漢廣篇序曰德實所及  
行露召南行露篇序曰召伯聽訟也強暴之男不能侵陵貞女也  
種稊音董六說文曰先種後熟曰種後種先熟曰稊周禮天官

內宰上詔王后帥六宮之人  
人生憧幸之種而獻之於王  
鹵莽滅裂莊子則陽篇長梧封人條昔余為禾耕而鹵莽之則其實亦鹵莽而報余耘而滅裂之其實亦滅裂而報余

來年變齊深耕而熟  
倉箱柳宗元鏡歌鼓吹曲富兵戎盈倉箱  
頑父嚚母嚚音銀史記五帝本紀舜父叢瞽頑母嚚左傳僖公二十四年心不見德

義之經為頑口不  
天資高適詩李侯懷英雄骯髀乃天資  
天人之際世說何平叔註老子始成王輔嗣曰若斯人者可與論天人之際矣  
汲

壽一子毛詩邶風二子乘舟篇序曰二子乘舟思及壽也衛宣公之二子爭相為死國人傷而思之故作是詩以刺之  
風驅雷動柳宗元衡州刺史史呂君諫齒舌噉

噉雷動  
風驅

### 桓公文姜如齊

桓公十八年春公將有行遂與姜氏如齊申繻曰女有家男有室無相瀆也謂之有禮易此必敗公會齊侯於濼遂及文姜如齊齊侯通焉公諱之

以告夏四月丙子享公使公子彭生乘公公薨於車魯人告於齊曰寡君畏君之威不敢寘居來修舊好禮成而不反無所歸咎而於諸侯請以彭生除之齊人殺彭生

天下同知畏有形之寇而不知畏無形之寇欲之寇人甚於兵革禮

之衛人甚於城郭而人每不能守禮者特以欲之寇人無形可見故

狎而翫之耳殊不知有形之寇其來有方猶可禦也至於無形之寇

遊宴之中有陷阱焉談笑之中有戈矛焉堂奧之中有虎豹焉鄉鄰

之中有戎狄焉藏於杳然冥然之間而發於卒然忽然之際非聖人

以禮為之防則人之類滅久矣國君夫人父母沒則使大夫甯於兄

弟禮也姑姊妹已嫁而反兄弟弗與同席亦禮也是二禮者人不過

以為別嫌明微耳亦未知其為甚急也及魯桓文姜犯是禮以如齊

通退谷曰以城寇為喻立意高而格奇

絲執升曰提禮字作一篇主意

虛神幻筆不迂不腐變化千端

可為時文堆垛之藥

朱字綠曰守禮遠欲

本是老陳言卻從有

形之寇無  
起前一段  
說無形之  
寇已入十  
分警動入  
題後一段  
止以淡折  
頓宕了之  
復以君子  
執禮以遠  
寇曷快言  
之然後以  
城高衛嚴  
作結結構  
嚴密文氣  
鬱勃奇情  
警思往往  
溢於行間

轉盼而罹拉幹之禍身死異國為天下笑將去禮得禍只六二語一將去禮得禍只六二語去於禮而禍遽至此人

其可以斯須去禮耶君子視欲如寇視禮如城彼其左右前後伺吾

之失守而將肆其吞噬者不可勝數稍怠則墮其手矣吾之所以孤

立於爭奪陵犯之場得保其生者恃禮而已無此禮則無此身升降

俯仰之煩豈不勝於屠戮我殺之酷弁冕環珮之拘豈不勝於刀鋸

斧鉞之加人徒見君子常處至勞之地而不知君子常處於至安之

地也世俗所以厭其煩而惡其拘者亦未見其害耳城之圍於寇者

樓櫓雖密猶恐其疎隍塹雖險猶恐其夷豈有厭樓櫓之太密惡隍

塹之太險者哉苟人果能真見無形之寇則終日百拜猶恐其逸曲

禮三千猶恐其簡也況敢厭其煩與拘耶

桓公文姜如齊註釋

兵革毛詩鄭風野有蔓草篇序曰民窮於兵革男女失時思不期而會焉城郭禮記禮運大人世及以為禮城郭溝池以為固守禮管子守禮莫若敬狎而

翫之左傳昭子二十年子產曰水懦弱民狎而玩之則多死焉游宴晉書羊琇傳喜游宴以夜繼日陷阱見鄭伯克段篇談笑梁書揚公則傳登樓臺觀城中

縱神蜂擊射之矢貫戈矛毛詩秦風無衣胡牀公則談笑如初堂奧聞見前錄皇極經世以太極為堂奧以乾坤為門戶鄉鄰孟子鄉鄰有闔者禮

為之坊禮記坊記君子之道譬坊與大為之坊民猶踰之故君子禮以坊德刑以坊淫命以坊欲人之類滅久矣韓愈原道如古之無

聖人之類滅久矣 夫人父母沒毛詩周南葛覃篇凡諸侯之女父母在得歸寧父母沒則使卿寧於兄弟左傳曰楚司馬子庚聘於秦為夫人寧禮也是父母歿不得歸寧

也 姑姊妹已嫁而反曲禮姑姊妹女子子已嫁而反兄弟弗與同席而坐弗與同器而食陳註專言兄弟者遠同等之嫌 二禮禮記祭義

報以 別嫌明術禮記禮運是故禮者君之大柄也所以別嫌明微 魯桓文姜毛詩齊風序曰微荀刺文姜也魯桓公微弱不能防閑文姜使至於淫亂

為二國 犯禮韓維穎王擇妃疏風俗流靡犯禮者衆 轉盼曹植洛神賦轉盼流精光潤玉顏 拉幹左傳使公子彭生乘公薨於車枉註上車曰乘彭生多

力拉公幹 異國李陵答蘇武書遠託異國昔人所悲 為天下笑賈誼過情論一夫作難而七廟隳身死人手為天下笑 去禮禮記故壞國喪家亡

人必先 斯須去禮禮記君子曰禮樂不可斯須去身 左右前後尚書罔命實賴左右前後有位之士 失守左傳子臧曰聖達節次守

節下失節為君非吾節 孤立梁武帝旁求後人詔孤立在上如臨深谷 戕殺金史完顏伯嘉傳戕殺無辜 俯仰家語子貢曰夫禮死生存亡之

禮將左右周旋進退 弁冕左傳昭公元年吾與子弁冕端委以治民臨諸侯禹之力也 環佩後漢書皇后紀居有阿保之訓動有環佩之響 刀鋸

斧鉞國語魯語滅文仲曰大刑用甲兵其次用斧鉞中刑用刀鋸 至勞元結至勞詩序古有勞王能執勞儉以成大業故為至勞之詩 未見其害耳

戰國策趙策魯連曰梁樓櫓三國吳志孫韶傳繕治京城起樓櫓修器械以禦敵釋名曰樓無屋為櫓 隍塹塹音塹隍塹塹城壕也水經註谷水又東徑苦縣

故城中水泛則 終日百拜樂記壹獻之禮賓主百拜終日飲酒而不得醉焉 曲禮三千禮記經禮三百曲禮三千其致一也 吞

噬史通劉縯為劉虞孫瓚自相吞噬

### 楚武王心蕩

莊公四年春王三月楚武王荆尸授師子焉以伐隨將齊入告夫人鄧曼曰余心蕩鄧曼歎曰王祿盡矣盈而蕩天之道也先君且知之矣故臨武

事將發大命而蕩王心焉若師徒無虧王薨於行國之福也王遂行卒於櫛木之下令尹闕祁莫敖屈重徐道梁漾營軍臨隨隨人懼行成莫敖以王命入盟隨侯且請為會於漢汭而

還

氣聽命於心者聖賢也心聽命於氣者眾人也凡氣之在人逸則肆

勞則哀樂則驕憂則懼生則盈死則涸氣變則心為之變有不能自

覺焉志者氣之帥也今心隨氣變而氣反為志之帥矣氣反為志之

鍾伯敬曰  
輪治心養  
氣精微透  
徹深得天  
人合一之  
旨然鄧曼

一婦人前  
既知其數  
之心敗今  
又知王祿  
之月其  
慧心明眼  
自不可掩

孫執片曰  
前傳說理  
此傳說氣  
便是大關  
頭是源委  
卻每於非  
筆處可嫌  
嬖婢上舉  
致江上舉  
青秋浪鏡  
去使手低  
回不能已

朱字祿曰  
亦祇是考  
生常談而  
文致斐然  
令人把玩

帥而吾心志之盛衰惟氣之為聽。則心者氣之役也。聖賢君子以心止論

御氣而不為氣所御。以心移氣之不為氣所移。歷山之耕南風之琴每有此開拓頓宕之奇

勞逸變於前而舜之心未嘗變也。姜里之囚虞芮之朝憂樂變於前排二二段。應前。勞。逸。憂。樂。生死。

而文王之心未嘗變也。辟席之時易簣之際生死變於前而曾子之

心未嘗變也。楚武王憑陵諸夏臨敵多矣。迨其季年伐薨爾之隨而此段言楚武王以氣用事無治心之理。故隨氣而蕩。

心蕩焉。彼初未知治心之理所恃者血氣之剛耳。平時臨敵非真能

不動也。氣方剛也。死期將至血氣既蕩心安能不隨之而蕩乎。彼鄧

曼者方且歸之天而又歸之鬼神。抑不知心即天也未嘗有心外之

天心即神也未嘗有心外之神。烏可捨此而他求哉。心由氣而蕩氣

由心而出。蠶生於稼而害稼者蠶也。蚋生於醯而敗醯者蚋也。氣生

於心而蕩心者氣也。使楚武而悟則賊吾心者豈他在耶。將不得而彼錄

不置前  
篇君子守  
禮意用在  
後此篇君  
子治心意  
用在前  
篇結處以  
城不載高  
作波此篇  
以賊不可  
去作波文  
家變化隨  
處不同學  
者知此可  
不走入死  
路矣

遁矣。賊既不得遁，蓋亦鉏治是氣，絕其本根以去心之賊乎？吁，又非不也。浩然之氣與血往初無異體，由養與不養二其各爾。苟失其養，則氣為心之賊。苟得其養，則氣為心之輔。亦何常之有哉？潰亂散越，臨死生而失其正者，是氣也。泰定精明，臨死生而得其正者，亦是氣也。凌煙圖繪之功，臣誰非前日之勅敵耶？

### 楚武王心蕩註釋

不自覺

唐書魏徵傳徵謂太宗曰比年勉強受諫而終不平帝曰人苦不自覺耳

志者氣之帥

孟子公孫丑篇夫志氣之帥也氣體之充也

歷

山之耕

史記五帝紀舜耕歷山歷山之人皆讓居

南風之琴

樂記昔者舜作五弦之琴以歌南風尸子南風之詩曰南風之薰兮可以

解吾民之愠令南風之時

勞逸

韓詩外傳勞逸適乎筋骨寒煖適乎體膚

羨里之囚

史記殷本紀崇侯虎曰西伯積善累聽諸侯皆嚮之

將不利於帝帝紂乃囚西伯於羨里

虞芮之朝

孔子家語虞芮二國爭田不決乃相謂曰西伯仁人也盍往質之入其境則耕者讓畔行者讓路虞芮之君曰噫吾儕小人也不可

以履君子之朝遂以所爭之田為閒田

憂樂

申鑒為世憂樂者君子之志也

辟席

孝經開宗明義章曾子辟席曰參不敏何足以

截而結處  
又以養氣  
為關鍵文  
入妙來無  
過熱此為  
得之

知 **易簣** 簣音責竹席也禮記檀弓曾子寢疾病童子曰華而皖大夫之簣與曾子曰 **憑陵** 左

襄公二十五年今陳介 **諸夏** 論語八佾篇不 **臨敵** 漢書胡建傳贊臨 **季年** 左傳文公元年

恃楚眾以憑陵我敝邑 **諸侯** **蕞爾** 蕞音蕞小貌左傳昭公七年子 **氣方剛** 論語季氏篇及其 **死期將至** 周易

傳既辱且危死期將 **至** 妻其可得見耶 **蝨** 蝨音牟爾雅釋蟲食根 **害稼** 呂氏春秋蝗螟農夫得而 **蚋** 蚋音內蚊

蚋聚焉 **不得遁** 莊子大宗師篇若夫藏天下於天下 **狙治** 蘇軾與錢濟明書邊政積 **絕**

**其本根** 左傳隱公六年周任有言曰為國家者見惡 **浩然之氣** 孟子公孫丑篇我 **得其**

**養** 孟子告子篇故苟得其養無 **何常之有** 左傳昭公元年疆場之 **憤亂** 金史世宗紀尙

聞老母病割私 **散越** 越揚也國語周語氣 **泰定** 莊子庚桑楚篇心字泰定者發乎天光註心

心憤亂自憤非 **凌煙圖繪功臣** 唐書太宗紀貞觀十七年二月戊申圖功臣於凌煙閣韋述兩京記太極宮

公魏徵梁國公房玄齡鄂國公尉遲敬德衛國公李靖宋國公蕭瑀褒國公段志元夔國公劉宏基蔣

國公在突蒲真國公殷開山誰國公柴紹邳國公長孫順德鄭國公張亮陳國公侯君集鄭國公張公

謹肅國公梓知節水興郡公虞世南渝國公劉政會莒國公唐儉英國公李勣 **勅敵** 勅其京切強

胡國公秦瓊二十三人圖形凌煙閣呂溫贊有申國公高士廉為二十四人 **也左傳僖公**

二十二年子魚曰勅敵之  
人隘而不列天贊我也  
諸夏淮南子諺言訓楚勝  
乎諸夏而敗乎柏莒

增批輯註東萊博議卷一終

宋字終曰  
縱殺楚子  
尚滅楚國  
縱有楚國  
尚滅楚國  
縱有楚國  
尚滅楚國  
縱有楚國  
尚滅楚國  
縱有楚國  
尚滅楚國

# 增批輯註東萊博議卷二

雙芙蓉館藏本

大城劉紫山輯註

## 鄧三甥請殺楚子

莊公六年楚文王伐申過鄧鄧祁侯曰吾甥也止而享之驪甥與甥  
養甥請殺楚子鄧侯弗許三甥曰亡鄧侯者必此人也若不早圖後

抑社稷實不血食而君焉取餘弗從還年楚子伐鄧十六年楚復伐鄧滅之

陰陽風雨晦明天之六氣也。陰淫寒疾，陽淫熱疾，風淫末疾，雨淫腹  
疾，晦淫惑疾，明淫心疾。有醫語之，謂六氣者，致疾之原，必使無陰陽  
風雨晦明而疾可除。世甯有是理耶？不咎人而咎天，此天下之拙醫  
也。守身在我而疾不在於六氣，守國在我而患不在於四鄰，端汝視  
履，齋汝精神，時汝飲食，審汝藥石。六氣雖診於汝身，何有哉？豐汝德

寫得曲折  
變化不可  
端倪是篇  
之氣疎古  
絕無排比  
之習又進  
一格

張明德曰  
借古人之  
迷謬伸吾  
道久安長  
治之策炳  
如燎原遠  
則賈山之  
至言近則  
宣公之奏  
議庶可與  
方駕齊驅  
至其文氣  
疎古絕去  
排比之習  
又其餘事

澤明汝政刑固汝封疆訓汝師旅四鄰雖暴於汝國何有哉鄧之三

甥不知國之存亡繫於我之治亂反謂繫於楚子之死生汲汲然欲

殺之何其疎也抑不知亡鄧之原曷嘗專在於楚乎環楚而國者如

陳如蔡如鄭如許下至於江黃道柏之屬不可一二數也楚不先加

兵而唯急於滅鄧者豈非見鄧有可乘之釁乎吾國有可乘之釁置

而不憂顧以鄰敵為憂雖楚子可得而殺猶有楚國存焉雖楚國可

得而滅猶有諸侯存焉為吾憂者未始有極也當是時強凌弱眾暴

寡滅國之事相望於策使鄧有釁可乘諸侯將爭欲滅之豈獨一楚

哉必若三甥之計非盡吞四鄰不可亦迂矣嗚呼四鄰固不可盡吞

縱盡吞之亦未可恃以為安也秦不亡於六國未滅之前而亡於六

國既滅之後隋不亡於南北未一之前而亡於南北既一之後亡國

之覺夫豈在於鄰敵耶三甥之言繆戾明甚而世猶有追憾鄧侯不用其言者蓋小人之情咎人而不咎己也用此心以觀古人宜其咎楚而不咎鄧也桀既放於南巢語人曰吾侮不殺湯於夏臺吁桀雖偶能殺湯天下豈無放桀者耶桀為萬惡僅有不殺湯之善耳反自侮以為失是恥一善之尚存欲萬惡之皆備也哀哉

鄧三甥請殺楚子註釋

天有六氣

左傳昭公元年醫和曰天有六氣曰陰陽風雨晦明也陰淫寒疾注曰寒過則為冷陽淫熱疾注曰熱過則喘渴風淫末疾注曰末四肢也風為緩急雨淫腹急注曰雨

濕之氣為泄注晦淫感疾注曰晦夜也寢寢過節則心惑亂明淫心疾注曰明書也思慮煩多心勞生疾

拙醫

鹽鐵論夫拙醫不知脈理之脹血氣之分

四鄰

左傳昭公二十三年

古者天子守在四夷天子卑守在諸侯諸侯守在四鄰諸侯卑守在四竟

視履

周易履卦視履考祥其旋元吉注視履之終以考其祥周旋無虧則得元吉

固封疆

禮記

月令固封疆備邊境

明政刑

孟子公孫丑篇及是時明其政刑

三甥

左傳杜註三甥皆鄧甥仕於舅氏者

國之存亡

左傳成公十二年國之存

亡天也童

亡鄧

史通品藻篇楚王過鄧三甥請殺之鄧侯不許卒亡鄧國

江黃道柏

見後楚滅弦黃篇題註

乘釁

後漢書鄧禹傳光武籌赤

眉必破長安欲乘燧并關中鄰敵荀子王制篇夫威強未足以殆鄰敵也未始有極也莊子大宗師篇若人之形者萬化而未始有極也強

凌弱眾暴寡淮南子主術訓強凌弱眾暴寡於是堯乃身服節儉之行滅六國漢書五行志始皇滅六國二世而亡謬戾省心錄與陰陽之謬

反者為小人故兇詐姦邪悔不殺湯於夏臺史記殷本紀桀召湯而囚之夏臺己而釋之諸侯皆歸湯湯伐桀桀走鳴條遂放而死桀謂人曰吾悔不殺湯於夏臺

臺至此淮南子汜論訓桀囚於焦門隋歐陽修正統論隋得陳然後天下一

### 魯莊公圍郕

莊公八年春治兵於顛禮也夏師及齊師圍郕郕降於齊師仲慶父請伐齊師公曰不可我實不德齊師何罪罪我之由夏書曰臯陶邁種德德乃降姑

修德以待時乎秋師遺君子是以善魯莊公

事之相反者莫如勇怯而相近者亦莫如勇怯奮然勁悍與怯相反

者小勇也退然溫克與怯相近者大勇也曷謂小勇勝小敵者是已

曷謂大勇勝大敵者是已寇敵之來雖多至於百萬知兵者談笑而

磨之猶摧枯振槁然豈足為大敵哉大莫大於心敵忿欲之興鬱勃

熾烈內焚肺腑劍不能繫戟不能撞車不能衝騎不能突自古賁育

茅鹿門曰  
大凡修題  
文字須要  
反復下難  
使他分疏  
不得方為  
有體此文  
深得之  
孫執升曰  
勇者不欲

校法者不能校耳  
不校校耳  
讀之發笑  
兩段設難  
層層折倒  
直令入地  
三尺

朱子終曰  
前半言懲  
忿之為大  
勇見怯有  
可以為勇  
者後半辨  
明莊公實  
怯託徵分  
之辭以自  
飾而非真  
勇結歸定  
君父之讎  
而從之連  
兵伐人當  
勇不勇為  
不能自克  
其心則爭  
讓其非罪

韓白之徒戰必勝攻必取者未嘗不受屈於是敵也賁育韓白冠古

今之勇者也今勝賁育韓白之所不能勝得不謂之大勇乎然非有

攻城略地之可紀也非有伏尸流血之可駭也非有獻俘奏凱之可

誇也內克大敵犯而不校與怯者相去不能以寸世又將以怯名之

矣此勇怯相近而難辨者也齊魯同伐郕而齊專有其功人情之所

必校也莊公斂兵不校罪己而不罪齊抑不知莊公勇者歟怯者歟

吾斷之曰莊公蓋怯者也大勇不校大怯亦不校勇者不校是不欲

校也怯者不校是不能校也勇者以義不當校故勝其私心而不校

使遇義所當校者出其餘勇天下已不能當矣彼魯莊之視齊襄乃

君父不戴天之讎義所必校者也反畏怯而俛首為讎人之役坐視

其取郕而不校者特畏其強而不敢校耳姑託罪己修德之辭以自

說大勇似

上句起○注○

說明○注意

不是

未不校○立義字○辨

人慮○行○徐○有○度

續下

議論聳拔  
波瀾老成

張明德曰  
心敵二字  
直透紙背  
更妙在以  
義字作關  
紐則大勇  
小勇不辨  
自知君父  
之讎不報  
而復通於  
齊救得倒  
末一結更  
為後人開  
一救世法  
門傳世行  
遠夫復何  
疑

解於衆豈其本心哉。莊公之不校與勇者正相反。烏得比而同之耶。  
又○生一○波○言莊公非○量力實是○不敵校為真  
或曰世固有以弱犯強以○補語○不○及○小犯大不量力而取斃者。莊公雖不得為  
勇亦庶幾善量力者也。曰論義者不論力。君父之讎義所必討。不幸  
而力不勝死於讎敵亦足以自獻於先王矣。以仇牧之怯豈能勝南  
宮萬之勇哉。閔公之難忘怯而直前雖斃於南宮萬之手世未有以  
不量力罪之者也。若是則莊公當與齊爭歟。曰莊公忘君父之讎而  
與齊通又與之連兵而伐郕及不得郕而爭則是爭利之師而非復  
讎之師也。然則莊公之是役爭亦失不爭亦失失在於通齊之始耳。  
一失其始進退上下何往而非罪哉。故曰君子作事謀始。

魯莊公圍郕註釋

勇怯

國語吳語法  
盡應三軍皆謹

相反

朱子論語集註  
脚與慾正相反

溫克

毛詩小雅小宛篇人  
之齊聖飲酒溫克

大勇

孟子公孫  
丑篇吾嘗

聞大勇於孟子梁惠王篇 小敵大敵後漢書光武帝紀劉將軍牛生見小敵怯今見大敵勇甚可怪也 知兵蔣子

論知兵之將國之行主民之司命古者重之 談笑而磨之蘇軾潮州韓文公廟碑獨韓文公起布衣談笑而磨之天下靡然從公復歸於正蓋三百年於此矣 摧

枯後漢書耿弇傳發空騎以麟鳥合之衆如摧枯折腐耳又宋史曹彬傳如摧枯拉朽 振槁荀子秦師至而郢鄢舉如振槁然 鬱勃武帝內傳雲彩鬱勃盡爲香氣

戟撞撞音幢戰國策秦策寬則兩軍相攻迫則杖戟相撞 騎突杜甫詩鋒先衣染血騎突劍吹毛 賁育漢書袁盎傳雖賁育之勇不乃陛下也註孟賁夏育皆勇

也韓信白起也 戰必勝攻必取漢書高祖本紀戰必勝攻必取吾不如韓信 受屈韓愈奇盧同詩先生受屈未曾語

攻城略地漢書張耳陳餘傳蒯通見武信君曰聽臣之計可不攻而降城不戰而略地傳檄而千里定可乎 伏尸流血戰國策魏策秦王曰天子之怒

伏尸百萬流血千里淮子修務訓伏尸流血不過一卒之才又人間訓伏尸流血數十萬 獻俘奏凱左傳僖公二十八年秋七月丙申振旅愷以入於晉獻俘受馘疏兵樂曰

凱唐書太宗紀王世充降凱旋太宗被金甲陳鐵騎前後鼓吹獻俘於太廟 犯而不校論語又傳咸叩頭蟲賦犯而不校誰與爲仇 不能以寸孟子離婁

篇則賢不肖之相去其間不能以寸 餘勇左傳成公二年欲勇者賈其餘勇 罪己左傳莊公十一年禹湯罪己其興也浮焉 俛首史記秦始皇紀俛首係頸委命

下爲讎人役荀子仲尼篇楚六千里而爲讎人役 不敢校戰國策秦策楚燕之兵雲翔而不敢校 自解關尹子世之愚拙者妄援聖人之愚

拙以自解 比而同之孟子滕文公篇子比而同之是亂天下也 不共戴天曲禮父之讎弗與共戴天 不量力左傳隱公十一年不度德

不量力淮南子人間訓螳螂知進而不知却不知量力而輕敵

論義

三輔黃圖太學北槐市諸生朔望會雍容揖讓論義樹下

自獻於先王

尚書微子自靖

我自獻於先王

直前

漢書外戚傳熊佚出園攀楹欲上殿左右皆驚走馮捷子直前當熊而立

連兵

蘇軾賈誼論灌嬰連兵數十萬以決劉呂之雌雄君

我不顧行遂

子作事謀始

大勇

蘇軾賀歐陽少師致仕啓大勇若怯大智若愚

天下不能當

歐陽修為君難論稍括善言兵自為天下莫能當

妖祥

左氏所載妖祥之事凡數十條今以文多不錄

怪生於罕而止於習赫然當空者謂之日粲然徧空者謂之星油然

布空者謂之雲隱然在空者謂之雷突然倚空者謂之山渺然際空

者謂之海使未識而驟見之豈不大可怪耶其所以舉世安之而不

以為異者習也煮蒿悽愴之妖木石鱗羽之異世爭怪而共傳之者

以其罕接於人耳天下之理本無可怪吉有祥凶有稜明有禮樂幽

有鬼神是猶書之必夜也何怪之有哉夫子之不語怪非懼其惑眾

朱字綠曰  
正意祇是  
吉有祥凶  
有稜明有  
禮樂幽有  
鬼神猶書

邱壇山曰  
引聯之文  
以贊子路  
文字恍然  
惚然一似  
左氏一似  
莊子

右○力○只○一○句 作○水

一○樣○掛○六○句

丁○行○二○一○字

習○罕○一○字○口○就○俗○情○言○本○無○怪○方○見○說○理○

之必夜數  
語盡之却  
以習罕二  
意爲首以  
見聞不見  
聞爲腹以  
死生人鬼  
陰陽合一  
便怪怪奇  
奇不可端  
倪

張明德曰  
識蹟顯顯  
理超象外  
黃鍾大呂  
之音不似  
錚錚細響

也本無怪之可怪也人不知道則所知者不出於耳目之外耳目之

細說

所接者謂之常耳目之所不接者謂之怪怪則辯之常則輕之抑不

用○註○子○意○

知耳之所聞者聲爾而聲聲者初未嘗聞目之所見者形耳而形形

者初未嘗見日星也雲雷也山海也皆世俗既聞而厭見者也至於

日星何爲而明雲雷何爲而起山海何爲而峙海何爲而淳是孰知其

所以然者乎其事愈近其理愈遠其跡愈顯其用愈藏人之所不怪

用○註○子○

者有深怪者存焉吾日用飲食之間行不著習不察尙莫知其端倪

反欲窮其辨於荒忽茫昧之表何其舛於先後也天下皆求其所聞

而不求其所以聞皆求其所見而不求其所以見使得悟於既聞厭

以下說怪在○於○常○歸○

見之中則彼不聞不見者亦將釋然無疑矣子路學於夫子以事鬼

刊○山○明○合○一○

神爲問又以死爲問子路之心蓋以人者吾所自知不知者鬼神而

已生者吾所自知。不知者死而已。吁。至理無二。知則俱知。惑則俱惑。

若○新○

安有知此而不知彼者哉。果知人則必無鬼神之問。果知生則必無

死之問。觀其鬼神之問。可以占知其未知人也。觀其死之問。可以占

知其未知生也。夫子答之曰。未能事人。焉能事鬼。未知生。焉知死。子

路深省於一言之下。故白刃在前。結纓正冠。不改其操。則人鬼生死。

索○合○符○也○

之際。子路其自知之矣。在睽之歸。妹曰。睽孤。見豕負塗。載鬼一車。先

張之弧。後說之弧。匪寇婚媾。往遇雨則吉。其象曰。遇雨之吉。羣疑亡

也。幽明實相表裏。幽鄰於明明。鄰於幽。初未嘗孤立也。是爻居睽之

終。子然孤立。睽幽明而爲兩塗。睽生疑。疑生怪。故負塗之豕。載車之

鬼。陰醜詭幻。無所不至。然至理之本同。然者終不可睽。疑則射解。則

止疑則寇解。則婚向之疑。以爲怪者。特未能合幽明而爲一耳。猶陽

之發見陰之伏匿陽明陰幽常若不通及二氣和而為雨則陽中有陰陰中有陽孰見其異哉陰陽和而為雨則羣物潤幽明合而為一則羣疑亡融通灌注和同無間平日所疑蕩滌而不復存矣子路之聞豈非遇雨而羣疑亡者乎惜乎左氏不足以知此

妖祥註釋

怪生

國語晉語奇生怪怪生無常

赫然

揚子法言赫赫乎日出之光羣目之用也

突然

史通敘事篇夫景日流景則列星耀桑榆既夕而辰象粲然元結月夜

詩可漢星不見

油然

孟子天油然作雲朱註油然雲威貌

隱然

陸游詩隱隱雷車意未平

突然

韓愈謁衡岳廟詩須臾淨掃衆峯出仰見突兀撐霄

空渺然

高適曲江詩回首見黛色渺然波上秋

可怪

王弼易傳啖卦註曰見鬼盈車吁可怪也

煮蒿悽愴

禮記祭義巨氣發揚於上為昭明煮蒿悽

愴煮音薰朱子曰鬼神露光處是昭昭其氣蒸上處是煮蒿使人精神悚然是悽愴

木石

瑞木瑞石之類

鱗羽

南史宗測傳性同鱗羽愛止山壑

明則有

禮樂幽則有鬼神

禮記樂記

惑衆

韓愈佛骨表不令惑衆也

耳目外

何遜詩暫喧耳目外還保性靈中

形形者

列子天瑞篇故有生者有生者有形者有形者生之所生者死矣而生生者未嘗終形之所形者實矣而形形者未嘗有

日星

禮運天乘陽垂日星

雲雷

周易屯卦象傳

雲雷屯君 **山海** 隋書經籍志山海經二十三卷郭璞註 **山峙** 王粲白雪樓賦超超山峙奔奔雪浮 **海淳** 卞蘭贊述太子表博納多容海淳岳峙

**日用飲食** 毛詩小雅篇天保民之質矣日用飲食 **行不著習不察** 孟子盡心篇行之而不著焉習矣而不察焉 **端倪** 莊子反覆

終如不知端倪 **荒忽** 後漢書張衡傳超荒忽出重陽 **飫聞厭見** 韓愈燕喜亭記次其道塗所經宜其於山水飫聞而厭見 **不聞不見** 面燈錄壽

州道而禪師條野人伎倆有窮老僧不見不聞無盡 **知己知彼** 孫子謀攻篇故曰知彼知己曰戰不殆不知彼而知己一勝一負不知彼不知己每戰必敗 **白刃**

**在前** 戰國策秦策韓非說秦王曰曰刃在前斧質在後 **結纓** 左傳哀公十五年太子聞之懼下石乞孟懿敵子路以弋擊斷之纓子路曰君子死冠不免給纓於死 **自**

**知之矣** 戰國策魏策張旄曰攻韓之事王自知之矣 **孤立** 漢書張湯傳禹在泰公孤立而湯舞知以衛人 **兩塗** 白行易詩四座且勿喧聽我歌兩塗 **無**

**所不至** 論語陽貨篇苟患失之無所不至矣 **陽明** 尚書堯典暘谷疏陰陽相對陰闇而陽明故以陽為明 **陰幽** 柳宗元罵尸蟲文陰幽譏反而寓乎人以

賊厥 **陽中有陰陰中有陽** 素問天元引大論天有陰陽地亦有陰陽故陽中有陰陰中有陽 **陰陽和而為雨** 王弼

易傳睽卦註曰君於遇雨和 **灌注** 唐明皇喜雨賦或噴薄而攢集或瀉而灌注 **蕩滌** 後漢書明帝紀蕩滌宿惡以報功農 **鱗羽** 李賀

新軍陸大光詩天地山行川草木鱗羽之瑞

**齊魯戰長勺** 莊公十年春齊師伐我公將戰曹請以見其鄉人曰肉食者謀之又何閒焉 劇曰肉食者鄙未能遠謀乃入見問何以戰公曰衣食所安弗敢專也必以

孫執升曰戰刑之大者也折獄目可通於戰勝無論宋陳御孫異向足知之如此射擊王道存焉故以得民心結之

魯許公與齊戰於長勺。兩軍相望。此為何時。而以聽訟。用情對曹劌。之問戰何其迂闊。而遠於事情耶。是言也。持以語宋襄陳餘。則見許矣。持以語孫武吳起。則見侮矣。彼曹劌遽以一戰許之。意者劌亦迂儒曲士之流歟。觀其從莊公戰。以我之盈乘彼之竭。以我之整逐彼之亂。機權暫略。與孫武吳起並驅爭先。初非宋襄陳餘儕匹也。使莊公之言誠迂闊。而不切事情。豈足以動劌之聽耶。其所以深賞而亟許之者。步必有說也。馬之不敢肆足者。銜轡束之也。民之不敢肆意者。法制束之也。銜轡敗然後見馬之真性。法制弛然後見民之真情。

分人對曰小惠未徧民弗從也公曰犧牲玉帛弗散加也必以信對曰小信未孚神弗福也公曰小大之獄雖不能察必以情對曰忠之屬也可以一戰戰則請從公與之乘戰於長勺公將鼓之劌曰未可齊人三鼓劌曰可矣齊師敗績遂將驂之劌曰未可下視其轍登轼而望之曰可矣遂逐齊師既克公問其故對曰夫戰勇氣也一鼓作氣僅而衰三而竭彼竭我盈故克之夫大國難測也懼有伏焉吾視其轍測望其旗靡故逐之

此本事實入劌起。

翻。

徐徐說。來緩急起旋筆情。宕住。

再。翻。

可翻。

出落仍含著。設喻又完開。

先說。民之真情在。照結。

引子羔反復論之然後合題數語歸到用樂死之民於所以取地所以取勝復引士為之言為證而斷抑宗元之非以結之大開大合又勢討展戰有戰本戰術得民心本也將臣士屬地形之屬及曹劇所謂以我之盈逐彼之竭以我之整逐彼之亂皆術也術率樂死

困之不敢怨虐之不敢叛者劫之於法制耳大敵在前搶攘駭懼平

日之所謂法制者至是皆渙然解散矣法制既散真情乃見食馬之

思羊羹之怨思思怨各以其情而報上苟非豫暇之時深思固結

於法制之外亦危矣哉凡人之易感而難忘者莫如窘辱怵迫之時

子羔為衛政別人之足衛亂子羔走郭門則者守門曰於此有室子

羔入追者罷子羔曰吾親則子之足此乃子報怨之時也何故逃我

則者曰君之治耳也先後臣以法欲臣之免於法也臣知之獄決罪

定臨當論刑君愀然不樂臣之所以脫君也夫人在縲絏之中錙銖

之惠有若鈞石子羔特一有司耳有哀矜之意無哀矜之實人猶報

之若是況莊公君臨一國小大之獄皆必以情之人思報豈子羔比

耶獄死地也戰亦死地也昔居死地嘗受其賜今安得不赴死地以

耶獄死地也戰亦死地也昔居死地嘗受其賜今安得不赴死地以

之民徒相與就白起長平之坑是夫子所謂棄之者也是故禮樂慈愛機權韜略二者相需缺一不可以戰

張明德曰王道以得民心為本非獨論戰然也然古今常勝之策卒不出此此先生之文能於小中見大字字皆廟堂勝算不當以應試小技目之

答其賜哉。民既樂死，則陷堅卻敵，特餘事耳。蓋嘗論之，古人論戰與

後人之言戰不同。蓋有論戰者，有論所以戰者。軍旅形勢者，戰也。民

心者，所以戰也。昔晉士蔣嘗曰：禮樂慈愛，戰所畜也。當時之論兵者

每如此。柳宗元論長勺之役，乃謂徒以斷獄為戰之具，吾未之信。歷

舉將臣士卒地形之屬，宗元之所言皆所謂戰而非所以戰也。烏足

以知之。

### 齊魯戰長勺之註釋

兩軍相望

吳子武侯問曰：兩軍相望，不知其將我欲相之，其術如何。

迂闊遠於事情

史記孟子傳：梁惠王不果，所言則見以為迂遠而闊於事。

宋襄

見卷三宋公楚人戰於泓篇題註

陳餘

見卷一用兵篇

孫武

史記孫子武者，齊人也。以兵法於見吳王闔廬，以為將，破楚入郢。北威齊晉，顯名諸侯。

吳起

史記吳起傳：吳起者，衛人也，好用兵。司馬穰苴不能過也。於是魏文侯以為將。

見悔

莊子天下篇：宋鈃尹文見悔不辱，救民之闕。

曲士

莊子秋水篇：曲士不

可以得於道者，束於教也。

機權

晉書郝超傳：謝安入掌機權。

韜略

史記太公兵法有六韜。註文：韜武韜、龍韜、虎韜、豹韜。犬韜。又李康運命論：張良受黃石之符，三略之說。

**並驅爭先**

諸葛武侯集答關公書孟起資兼文武雄烈過人當與翼德并驅爭先猶未及髯之絕倫超羣也

**銜轡**

荀子前有銜轡之制後有鞭策之威加之以造父之

馭然後一日而致千里也

**法制**

後漢書仲長統傳君子用法制而至於化小人用法制而至於亂

**馬之真性**

莊子馬蹄篇斲草飲水翹尾而蹏此馬之真性也

**駭懼**

劉琨表城塢駭懼志在自守

**食馬**

呂氏春秋愛土篇昔者秦繆公右服失繆公自往求之見野人方將食之於岐山之陽繆公笑曰食駭馬之肉而不飲酒余恐其傷汝也

於是徧飲而去處一年為韓原之戰野人三百有餘人畢力疾關逐大克晉反獲惠公以歸淮南子秦族訓秦穆公為野人食馬肉之傷也飲美美酒韓之戰以其死力報非卷之所能責也

**羊羹**

元系四宋華元羊斟篇又淮南子羊羹不斟而宋國危

**固結**

張平子東京賦洪恩素蓄民心固結

**窘辱**

史記留侯世界上曰雍齒與我故怨嘗窘辱我我欲殺之

**迫**

漢書賈誼傳怵迫之徒或趨西東

**子羔為衛政**

此條見說苑臣之所以脫君也下有孔子聞之曰善為吏者樹德不善為吏者樹怨公行之也其子羔之謂歟

**錙銖**

算法十黍為菑十菑為銖二十四銖為兩八兩為鎰也

**鈞石**

尚書蔡註二十斤為鈞百二十斤為石劉勰新論鈞石雖平不能無抄撮之較

**哀矜**

語曰

如得其情則哀矜而勿喜舊唐書高宗制務盡哀矜之旨副朕乃眷之心

**戰死地**

孫子九變篇圍地則謀死地則戰又九地篇疾戰則存不亟戰則亡者為死地

**樂死**

吳子

與師動輒而人樂戰交兵接刃而人樂死呂氏春秋拔柙一鼓使三軍之士樂死若生

**陷堅卻敵**

史記魏商武安侯傳戰常陷堅宋書蒯恩傳陶堅破敵不避難險說苑一言而

適可以餘事

漢書敘傳著作者前列之餘事

**戰所蓄也**

僖公二十七年孔疏謂國若教民畜聚此然後可與人戰故云戰所畜也

**論兵**

李白詩莊周空說劍墨翟恥論兵

孫執升曰蘇家作文自誇縱橫如意行乎不得不行止乎不得小止果是妙境而談理處往往排宕如此等之精警不密一絲不走走有老泉之嚴謹無東坡之供蕩辭冷雖並諱不難以道學先生易之也、通篇以鼓舞豪傑立論以拘縱二字作骨子此

### 宋萬弒閔公

莊公十二年秋宋萬弒閔公於蒙澤遇仇牧於門批而殺之遇太宰督於東宮之西又殺之立子游羣公子奔蕭公子御說奔亳南宮牛猛獲帥師圍亳

先引兩。客突然而起

陞戟警蹕公孩述之待馬援也岸憤迎笑光武之待馬援也以述之蕭反取并蛙之譏光武之嫚而援委心焉然則樸遼小禮果非所以待豪傑耶英雄豪悍之士磊落軼蕩出於法度之外為君者亦當以度外待之破崖岸削邊幅拊背握手以結其情箕踞盛氣以折其驕朝誦謔浪以盡其歡慷慨歌呼出肺肝相示然後足以得其死命是非樂放肆也待豪傑者法當如是也南宮萬之勇聞於諸侯宋閔公未嘗以法度之士遇之其斬侮之者豈非欲略去細謹自謂得待豪傑之法耶然終召萬之怨至於見弒何也袒裼暴虎必馮婦而後可怯夫試馮婦之術適足以劇虎牙耳古之嫚侮者莫如漢高帝漢高之嫚侮豈徒然哉踞洗以侮黥布隨以王者之供悵嫚罵以挫趙將

不過漢高帝以術籠絡天下每為豪傑觀破王者之御將開心見誠之妙猶未夢見莫謂儒者之言迂闊不近情事

朱字綠曰宋侯以嬉謔召禍本無足道却生出駕馭一豪傑意一為公孫述之拘而敗一為光武之縱而興高帝使羈天動地似駕馭豪傑草過於縱

隨以千戶之侯封。用不測之恩。降霜霰於炎蒸之時。轟

雷霆於閉蟄之際。顛倒豪傑。莫知端倪。此高帝所以能鼓舞一世也。

無鼓舞之術。拘則為公孫述。縱則為宋閔公。何往而不敗哉。噫。此不

足論也。若漢高之術。可謂至矣。猶時而窮。故嫚侮之患。卒見於末年。

此所以厭拔劍擊柱之爭。而俯就叔孫通之儀也。高帝豈不欲早用

叔孫通之儀哉。彼見其所謂儀者。拘綴苛碎。決非武夫悍將所能堪。

天下未定。而遽行之。必失豪傑之心。故甯蔑棄禮法。而不顧。殊不知

名教之中。自有樂地。豈叔孫輩所能測哉。采薇出車。東山之詩。雨雪

寒煖。草木禽蟲。僕馬衣裳。室家婚姻。曲盡人情。呢呢如兒女語。文武

周公之待將帥。開心見誠。蓋如此。初未嘗如陋儒之拘。亦不至如後

世之縱也。漢高明達。最易告語。惜乎無以是詩曉之。

東高帝即東公孫述即宋

與公文法。緊嚴使人變化。不測

此段又就漢高轉入一將鼓舞之術。進以名教樂地而提。

情度。理出析。周至

此一得更深

兵氣象

收東周匝

寫出聖世用

熾轉漢高有情

之一法忽又時到擊柱之爭覺縱不如何又進到采蔽出車東山之詩則別開一境如入澤壺三鳥知塵凡之不足道也文必湛深經術乃可高出古今觀此篇歸宿可知矣經為世將帥與君門閣能或終身不患在拘至專兵閫外淫掠自如而君不能問則其慮

# 宋萬弒閔公註釋

## 公孫述待馬援

後漢書馬援傳公孫述稱帝於蜀魏營使援往觀之述威陳陞衛以延援入會百官於宗廟中述警蹕就車轡折而入欲授援大將軍位援曉之曰天下

雌雄未定公孫不吐哺走迎國士與圖成敗反修飾邊幅如偶人形此何足稽天下士乎歸謂曰子陽井底蛙耳而妄自尊大建武四年冬援奉書至洛陽世祖迎笑謂援曰卿邀遊二帝間今見卿使人

大慚援曰陛下恢廓大度同符高祖乃知帝王自有真也帝甚壯之 僕邀 漢書息夫躬傳諸曹以下僕邀不足 博議作僕非 小禮 管子凡牧

之有禮也欲民之有禮 磊落 杜甫詩我能拔爾 抑憲磊落之奇才 軼蕩 漢書楊雄傳博覽無所 度外 後漢 則小禮不可不講也

謂諸將曰且當置此二子於度外耳 崖岸 唐書鄭羣傳天性和樂 邊幅 見拊背 史記劉 熹傳熹子入侍公孫述遠據邊陲帝 不為崖岸斬絕之行

搯其吭拊其背 握手 後漢書李通傳通弟軼往迎光武共語移日握手極 箕踞 史記陸賈 未能全其勝也 歡韓愈柳子厚墓志銘握手出肺腑相示指天日涕泣

結箕踞 盛氣 史記趙世家左師觸驪作願 嘲諷 樂善錄王景亮與仕族浮薄 謔浪 毛詩邶 見陸生 見太后太后盛氣而胥之入 子數人結為一社純事嘲諷 風終風

篇謔浪 盡其歡 禮記禮弓啜菽 出肺肝相示 見得其死力 漢書李陵傳陵將軍 笑傲 飲水盡其歡

命放肆 唐書嚴武傳武在蜀頗放肆用 聞於諸侯 左傳昭公二十八年 宋公靳之 非 度無藝或一言之悅實至百萬 主以不賄聞於諸侯

左傳莊公十一年乘邱之役公以金僕姑射南宮長萬公右歐孫生搏之衆人請 細謹 史記鄴食 之宋公靳之曰始吾敬子今子魯囚也吾弗敬子矣病之 杜註戲而相愧曰靳 其傳舉大

又在繼宗

宗從都

城入半

敵營入

州因復

清師復

永四城

守檢關

功昭昭

日官為

皇所洞

乃讒人

事不細謹威

相楊暴虎

馮婦

劉虎牙

趙將

炎蒸

雷震

雷震

悔來欲自殺

喜過史通

記故事千

以上封侯

霜霰

炎蒸

雷震

雷震

作吾驚之

閉執

不測

鼓舞

鼓舞

鼓舞

鼓舞

鼓舞

亡國賴高

高祖力也

末年

叔孫通

叔孫通

叔孫通

叔孫通

叔孫通

高帝車之

振恐請敬

傳所修格

武夫悍將

武夫悍將

武夫悍將

武夫悍將

武夫悍將

至裸體者

教內自有

采薇出車

采薇出車

采薇出車

采薇出車

采薇出車

采薇出車

德不辭讓

叔于田篇

孟子晉人有馮

婦者善搏虎

史記黥布傳淮南王至上

方

揚子法言茅焦逆許

而順守之雖辯厠虎

牙漢高嫚侮

如奴耳非有上下禮節吾不忍復見也

史記黥布傳淮南王至上

方

悔來欲自殺

齊楚以擊平城功侯七百戶玉堂雜

趙將

記故事千

霜霰

淮南子北方之極有凍寒積冰雪霰

炎蒸

雷震

雷震

以雷霆

閉執

不測

鼓舞

鼓舞

鼓舞

鼓舞

侮之患

漢書張耳傳子敖嗣立為王尚高祖長女魯元公主高祖從平城過趙王且暮自上食

亡國賴高

末年

叔孫通

叔孫通

叔孫通

叔孫通

高帝車之

振恐請敬

苛碎

苛碎

傳所修格

武夫悍將

武夫悍將

名教自有樂地

名教自有樂地

至裸體者

教內自有

采薇出車

采薇出車

還又東山

僕馬

於本朝僕馬之眾充塞城郭

呢呢兒女語

呢呢兒女語

使君臣時時相見得呢呢如兒女話則承宗必不為諱夫所拘良臣必不縱言乎為國以禮無天下者無論有事無事所當與講也張明德曰轉折明快落舉如獅子躍地通身有跳擲之勢

願相爾汝 將帥漢書昭帝紀大鴻臚廣明 開心見誠後漢書馬援十開心見誠無所隱伏闊達多大節略與高帝同 陋儒  
荀子勸學篇末世窮年不免為陋儒而已 破崖岸韓愈藍田縣丞廳壁記破崖岸而為之 拘綴韓愈答侍御書倘矜其拘綴不得走請  
鄭厲公殺傅瑕原繁莊公十四年鄭厲公自櫟侵鄭及大陵獲傅瑕傅瑕曰苟舍我吾公初內蛇與外蛇鬪於鄭南門中內蛇死六年而厲公入公問之問於申繻曰猶有妖乎對曰人之所忌其氣燄以取之妖由人興也人無釁焉妖不自作人棄常則妖興故有妖厲公入遂殺傅瑕使謂原繁曰傅瑕貳周有常刑既伏其罪矣納我而無二心者吾皆許之上大夫之事吾願與伯父圖之且寡人出伯父無襄言入又不念寡人寡人憾焉對曰先君桓公命我先人典司宗祫社稷有主而外其公其何貳如之苟主社稷國內之民其雖不為臣臣無二公天之制也子儀在位十四年矣而謀召君者庸非貳乎莊公之子猶有八人若皆以官爵行路勳貳而可以濟事若其若之何臣聞命矣乃縊而死  
禍莫甚於內叛開曰即立論案 莫甚於中立此言語似似德 一者之罪孰為大曰中立之罪為大南○而○有○所○折○ 是何也內叛之罪易見中立之罪難知人臣之叛君即讎者五尺童子皆知疾之雖所謂讎敵者資之以集事亦未嘗不賞其功而疑其心也今日為我所誘而叛君安知他日不為人所誘而叛我乎吾位

重發中立  
之論定立  
其罪以為  
大於內叛  
此誅心之  
法也內叛  
之罪易見  
中立之罪  
難知自是  
確不可易  
文推勘入  
微實了獄  
老吏斷獄  
入亂邦不  
居君子立  
身之大節  
至見危授  
命亦有或  
死或不死  
者故微其  
比于同請  
之仁管仲  
不死反仁  
於能死之  
召忽原繁  
謂子儀君

未定則借之以成功。吾位既定則除之以防患。此傳瑕、叛子儀而納厲公，終不免於厲公之誅也。乃若原繁之自為謀，可謂密矣。自莊公

之世，用事於朝，歷忽、躒、儀、突之變，國四易主，汎然中立，舉無所助，入

則事之出，則舍之，視君位如傳舍，不置欣戚於其間，依阿取容，優游

卒歲，既不為人所愛，亦不為人所憎，自古之持祿保位者，率用此術。

辭遇明主，亦未易察其姦也。厲公以私憾殺之，固非其正。天其或者

假手於厲公，以大警為臣者，歟。觀繁對厲公之辭，曰：苟主社稷，國內

之民，其誰不為臣？信如是說，則苟據君位者，皆奉之無所擇。篡亦君

也。僭亦君也。盜亦君也。讎亦君也。為臣者皆操此心，則人君將安所

恃乎？甚矣繁之姦也。嗚呼！論人臣之罪者，至叛逆而極，然事克則卿

不克，則烹。成敗猶居其半也。至於中立者，自謂無往而不得，志國有

不克則烹。成敗猶居其半也。至於中立者，自謂無往而不得，志國有

形谷中立之姦。應前罪大於叛意。

此段據原繁之語，詳其心。

權勢之歟。

論快之入心。

又借內叛者比論奸深而罪益難寬。

國十四年不可舍之而外召君自是正論未可厚非也但其所以事子議者未可知若何耳繁貴戚之內治其能外御其侮又其權重故其公以無異言為其食則食其食而死其事若位在下僚不幸而國不倖而肉家值以宗臣之變以宗臣之故而去則亦不得遽以中

存亡君有廢興詩有治亂民有安危吾之爵秩常自如也彼何預於我哉其用心可謂姦之尤者矣中立如原繁有時而干厲公之誅則世之取容者果可以長無禍乎吾故表原繁之誅以風中立之士云

鄭厲公殺傅瑕原繁註釋

內叛

唐書蔡慈何力傳二子爭國內叛攜外不戰而禽矣

中立

見後晉里克篇題註

五尺童

古以二歲半為一尺漢書董仲舒傳仲尼之門五尺之童羞稱

五霸為其先詐力而後仁義也

可以集事

左傳桓公五年既而萃於王卒可以集事杜註曰集成也

賞其功而疑其心

戰國策魏策樂

羊為魏將攻中山中山之君烹其子而遺之羹樂羊啜之盡一杯樂羊既取中山文侯賞其功而疑其心

防患

後漢書梁統傳春秋之誅不避親戚所以防患救亂坐安眾庶

用事

漢書中屠嘉傳晃錯為內史貴幸用事

如傅舍

傳去聲旅舍也漢書益寬饒傳富貴無常忽則易人此如傅舍閱人多矣

欣戚

胡長孺詩人間萬得喪欣戚隨所制

依阿取容

晉書懷帝紀倚仗虛曠依阿無心者皆名重海內劉向戰國策序苟以詐偽偷活取容自上為之何以率下

優游卒歲

左公襄公二十一年

詩曰優哉游哉聊以卒歲是也

持祿

荀子不恤君之榮辱不恤國之臧否偷合苟安以持祿養交謂之國賊

保位

尚書咸有一德常厥德保厥位

私憾

左傳

宣公二年以其私憾敗國殄民社註憾恨也殄盡也

天其或者

左傳僖公二十二年天其或者將建諸

假手

左傳隱公十一年鬼神實不逞於許君而假手於我

立之罪加之所當原情以定罪者也

後明德曰道輩便是

原繁樛是此中立之

罪所以不

容於世也

勸懲不

足喻其明也

名分非若

子之身必

皆人特識

寡人杜註曰 **大警** 左傳宣公十二年今 **君位** 晉書天文志房四星 **叛逆** 易林東山舉 **不**

假手借手也 **克則烹** 左傳哀年十六年石乞曰此事也克則為 **廢興** 陳子昂詩太極生 **爵秩** 史記商君

爵秩等級 **何預於我** 柳宗元答韋中立論師道書京兆尹

**王賜虢公晉侯玉馬** 莊公十八年春虢晉侯朝王王饗禮命之皆賜玉五穀馬

君之天守之分 **為天守名分者君也** 天未嘗以名分與人君天特寄人君俾守之耳

**輿地廣輪之博叛籍生齒之繁甲兵乘卒之雄皆君之有獨名分者**

**非君之有也** 周惠王誤視為已物輕以假人當號公晉侯之來朝等

**其玉馬之數不為之隆殺殊不知天秩有禮** 多寡寡不可亂也假

**天之秩以為私惠則天之所以寄我者亂矣** 人心無厭侯而可假公

**之禮則公亦思假王之禮** 惠王既假晉侯以公禮矣後數十年而晉

**文有請隧之舉果欲假王之禮** 非惠王啓其僭心晉文遽敢爾耶聖

尺寸必爭  
忽引河隄  
爲喻氣象  
萬千直能  
推陳出新  
可悟行文  
無死法也  
張明德曰  
起筆謹嚴  
末段引喻  
有波濤石  
動之致出  
奇制勝是  
文之有意  
驚人者

人欲上全天子之尊必先下謹士庶人之分守其下所以衛其上也  
況公侯之近乎吾觀儒者之議禮每力爭於毫釐尺寸之間非特較  
公侯壁馬之多寡也如天子之席五重諸侯之席三重所爭者纔再  
重耳天子之堂九尺諸侯之堂七尺所爭者纔二尺耳由庸人而觀  
天子諸侯之分豈再重之席二尺之堂所能抑揚何儒者之迂耶大  
隄○若○不○可○禦○雲橫屹如山獄其視尺寸之土若不能爲隄之損益也然水潦暴  
至勢與隄平苟猶有尺寸之土未沒則瀕水之人可恃無恐當是時  
百萬生靈之命係於尺寸之土焉尺寸之土可以遏昏墊之害尺寸  
之禮○收○得○可以遏僭亂之源然則儒者力爭於毫釐尺寸之間非迂也勢  
也

王賜虢公晉侯玉馬註釋

名分

莊子天下篇易以道陰陽春秋以道名分

廣輪

周禮地官大司徒之職以天下土地之圖周知九州之地城廣輪之數疏曰東西為廣南北為輪

生齒

周禮

秋官司民掌登萬民之數自生齒以上皆登於版

甲兵卒乘

乘去聲左傳隱公元年繕甲兵具卒乘杜註步曰卒車曰乘博議作乘卒非

非君之有

也

戰國策齊策臨淄即墨非王之有也漢書蕭何傳關中搖足則關西非陛下有也

假人

假借也左傳成公二年唯名與器不可以假人

隆殺

殺去聲降殺也所拜切禮

記卿飲酒義賤明隆殺辨

不可亂也

左傳昭公二十六年王有適嗣不可亂也

私惠

賈誼新書人君有公賜無私惠管子行公道以為私惠註費公以樹私也

無厭

厭平聲見卷一虞叔伐虞公篇題註

請隧

見下卷三周與晉陽樊篇題註

王禮

禮記明堂位是故魯王禮也天子傳之久矣

遽敢爾耶

世說新語郝公條嘉賓若在胤子疎敢爾耶

議禮

禮記無輕議禮宋史禮志大勸初置議禮局於尚書省命詳議檢討官具禮制本末議定請旨

天子之席

禮記

禮器禮自以多為貴者天子之席五重諸侯之席三重大夫再重

天子之堂

又禮有以高為貴其天子之堂九尺諸侯七尺

抑揚

後漢書李膺傳與時抑揚

大

隄雲橫

玉海宋荆南守臣葉衡請修襄陽沿江大隄唐盧肇漢隄詩確爾山固屹如雲橫漢流雖狂堅不可蝕

山嶽

水經註韓王聽訟觀臺嶺基似於山嶽

損

益

禮記三年問而弗可損益也

水潦確至

禮記月令季冬行夏令則水潦敗國漢書王商傳建始三年秋京師民驚言大水至商曰自古無道之國水猶不冒城郭何因

當有大水一日暴至

瀕水

漢書地由志魯地有聖人之教化類洙泗之水其民涉涉幼者扶老唐書高士廉傳秦時李冰導汶江水灌田瀕水者頃千金

生靈

南史齊高帝紀

遺庇生靈志匡宇宙

昏墊

尚書堯典洪水滔天浩浩懷山襄陵下民昏墊

僭亂

尚書呂刑無僭亂辭

水與隄平

韓愈江西觀察使韋公墓志銘築隄

捍江長十二里公去位之明年江水平隄老幼泣而思曰無此隄吾屍其流入海矣

### 鬻拳兵諫

莊公十八年冬巴人伐楚十九年春楚子禦之大敗於津還鬻拳弗納遂伐黃敗黃師於階陵還及湫有疾夏六月庚申卒鬻拳葬諸夕室亦自殺也而葬於經皇

初鬻拳強諫楚子楚子弗從臨之以兵懼而從之鬻拳曰吾懼君以兵罪莫大焉遂自刎也

反。鬻。拳。不。盡。已。而。強。其。君。

朱字錄曰諫君有道在導之使強之使必從此自是益有不盡言之諫亦諫從容片言不費辭說此不盡復之而不聽則去此盡言者也盡言者也之道則盡

人臣之憂在於諫之未善不在於君之未從諫之道難矣哉誠之不  
至未善也理之不明未善也辭之不達未善也氣之不平未善也行  
之不足以取重於君未善也言之不足以取信於君未善也其所憂  
者惟恐吾未盡諫之之道亦何暇憂其從否乎不憂術之未精而徒  
憂病之難治天下之拙醫之不憂算之不多而徒憂敵之難勝天下  
之庸將也臣之納諫也苟尤君而不尤己不能導君使自從而欲強  
君使必從其流弊終至於鬻拳脅君而步耳鬻拳豈欲脅君哉告而  
不聽故出於強強而不聽故出於脅君愈不聽而愈求之於君曾不

入。所。止。妙。且。不。費。十。

先。放。勢。少。

忽。一。文。

言可不盡  
言亦可不  
得諫之道  
而檢之則  
盡言不可  
盡言亦不  
可盡言亦  
吾盡言職  
看之職不  
可得而代  
耳議論名  
淨非徒高  
談巧妙也  
○兵諫不  
可為詎人  
皆知之至  
荀子所謂  
率羣臣百  
吏相與強  
君若雖不  
安不敢不  
聽似亦諫  
中一法然  
由之而敗  
者比也  
若明焉靖  
以後用是

知反求吾納諫之道。盡歟否歟。諫吾職也。聽非吾職也。吾未能盡其  
 職。乃欲越其職。以必君之聽。可乎。當其臨楚子以兵。乃懼楚子不納  
 也。幸楚子不以爲忤耳。苟楚子之不從。吾不知鬻拳將何術以繼之。  
 乎。使不幸爲楚子所誅。則陷於逆亂。其心跡終無以自見於世矣。鬻  
 拳亦知其不可繼。故以則足之心。明吾兵諫之迹。後世欲學吾之兵  
 諫。盍學吾之則足乎。則足不可學。則兵諫亦不可學也。聖人之道。欲  
 後世之皆可學。鬻拳之事。欲後世之不可學。何其與聖人異耶。先之  
 以稱兵。後之以則足。壞於前而修於後。隨失隨救。焦然不甯。吾恐聖  
 人之舉事。不若是之煩且勞也。道有樞。言有會。拖移則舟。轉輪運則  
 車。行夫豈在於用力耶。古之人固有廣廈細旃之上。從容片言。基平  
 治之原者。固未嘗動聲色。費辭說也。牽裾折檻。已爲下策。況動干戈。

○再○駭○一○

○論○心○事○不○在○運○君○之○

○得○明○術○

術者凡三  
見一爭大  
禮一爭國  
本一爭用  
魏忠賢小  
之則殺身  
大之并亡  
國較兵練  
貽禍更烈  
方揚大洪  
之上二十  
四罪論也  
相率請業  
文忠力爭  
文忠不可  
以此幾得  
罪東林至  
今猶有以  
模稜譏之  
也殆未知  
東萊之說  
耳

於君側耶。苟卿儒之陋者也。其論諫諍輔拂。乃曰。自者率羣臣百吏。相與強君。君雖不安。不能不聽。遂以解國之大患。謂之輔拂之說。即鬻拳之說。皆欲以力強其君者也。匹夫所恃以動萬乘者。道存焉耳。苟欲與之較力。是正者與猗頓較富也。危矣哉。

### 鬻拳兵諫註釋

未善也 論語衛靈公篇動之不以禮未善也 納諫 古今註堯立誹謗之木或謂之表木以表王者之納諫也 拙醫 唐本草拙醫療病不如不療 脅君

禮部司弁兵革藏而私 家非禮也是為脅君 諫職 司馬光劄子臣備位諫職三年有半 越其職 韓非子其罪與河以為越其職也 不以為忤

許音悟逆也 晉書周顛傳王導嘗指腹曰此中何所有答曰空洞無物能容卿輩數百人導亦不以為忤 逆亂 漢書昭帝紀贊孝昭幼年即位亦有燕蓋上官逆亂之謀 心跡

社南詩心 助喜餒清 稱兵 禮記月令是月也不可稱兵稱兵必有天殃 聖人之舉事 淮南子聖人之舉事也進退不失其時 道樞 莊子齊物論莫

得其謂 謂 廣廈細旃 廈音夏說文曰屋也五篇曰門之廡也旗同旣漢書王吉傳廣廈之下細旃之上明師居前勸誦在後 動聲色 歐陽修畫錦堂

記進紳正笏不動聲色而措天下 於泰山之安可謂社稷之臣矣 辭說 禮記祝嘏辭說 牽裾 二國魏志辛毗傳文帝欲徙冀州十萬戶毗諫帝不答而起毗隨而引其裾張

蘊古大寶箴亦有魏帝牽裾不止折檻漢書朱雲傳願賜尚方斬馬劍斬佞臣張禹上怒御史將雲下雲攀殿檻

下策漢書溝洫志增卑倍簿動干戈論語季氏篇而謀百吏亢倉子臣道篇夫國

道存焉孟子盡心篇君子之言較力晉書江淹傳難與乞者淮南子說山訓猗盜財而與乞者

頓史記秦始皇紀陶朱猗頓之富水經註猗頓魯之窮士也開陶朱公富往問術焉朱將蘇洵御

然於才將之中者才小者也傑然於才將之中者才大者也

卜筮左氏所載卜筮有驗之事凡十數條今以文多不錄

物莫不能先礎先雨而潤鐘先霽而清灰先律而飛蟄先寒而閉蟻

先潦而徙鳶先風而翔陰陽之氣渾淪磅礴於覆載之間而一物之

微先見其幾如印券符鑰無毫釐之差何也通天地一氣同流而無

間者也一物且然而況聖人備萬物於我乎聖人備萬物於一身上

下四方之宇古今來往之宙聚散慘舒吉凶哀樂猶疾痛疴癢之於

伊明德曰  
主腦祇在  
結一一道  
字逆篇却  
不說波而  
層層變換  
曲曲折折  
都祇為一  
道字伏脈  
蛛絲馬跡  
草蛇灰線

不足以喻其妙也

孫執中曰吉凶禍福

何憑可憑者人心耳

可謂洞見本原之談

掃盡瞽史之妄

朱字綠曰有平排處

有收鎖處

門戶深幽

不覺其盡

龜動乎四

體是敗甲

朽株且與

四體同重

故易以爲

定天下之

我身觸之即覺干之即知清明在躬志氣如神嗜欲將至有開必先  
能覺能知者心也  
 仰而觀之熒惑德星機槍枉矢皆吾心之發見也俯而察之醴泉瑞  
客  
 石川沸山鳴亦吾心之登見也翫而占之方功義弓老少奇耦亦吾  
主  
 心之發見也未灼之前三兆已具未揲之前三易已彰龜既灼矣著  
單承  
 既揲矣是兆之吉乃吾心之吉是易之變乃吾心之變混融交徹泯  
 然無際敗甲朽株云乎哉故曰聖人不煩卜筮在聖人觀之拂龜布  
三四段平排不變  
 蓍已爲煩矣況區區推步揣摩之煩耶卜筮之理嘗見於大舜之訓  
 矣曰卜不習吉而已一吉之外無他語也又嘗見於神禹之疇矣曰  
 龜從筮從而已一從之外無他語也又嘗見於武王之誓矣曰朕夢  
 協朕卜而已一協之外無他語也又嘗見於周公之誥矣曰卜瀆水  
不○求○於○心○吉○凶○無○  
 東瀝水西惟洛食而已一食之外無他語也後世始求吉凶於心外

下之聲響  
著龜古人  
自謂與我  
下至一事  
無不取決  
於卜非聖  
人之心有  
所蔽而必  
於以爲神  
也孟子以  
爲聖人既  
竭心以思  
繼之以不  
忍人之政  
而後人覆  
其一下亦  
卜筮之法  
不傳天下  
憫謂無所  
適從釋氏  
之教乃得  
以慧定之  
說燭斷天

心愈疑而說愈鑿說愈鑿而驗愈疎傳之以瞽史之習雜之以巫覡

之妄千蹊百徑庶幾一中失之於心而求之於事殆見心勞而日拙

矣左氏之所載是已或者以左氏所載巧發奇中動心駭目而不知

起隱訪哀二百四十二年之間其驗者纔數十事耳是數十事者聚

於左氏之書則多散於二百四十二年之間則希闊寂寥絕無而僅

有也乃若誕謾無驗不傳於書者吾意不啻什百千萬於此也謂左

氏之所載彼善於此者如穆姜荀瑩子服惠伯之屬猶庶幾焉是雖

未足少議聖人之卜筮然類能信其心之所安而不奪於瞽史之說

近之矣不信瞽史是真信著龜者也是心之外豈復有所謂著龜者

耶噫桑林之見妄也僂句之應僭也實沈臺駘之崇妖也彼著龜之

中曷嘗真有是耶妄者見其妄僭者見其僭妖者見其妖皆心之所

下於是更  
心默悟以  
爲如於儒  
者之上陸  
王竊釋氏  
睡除原牛  
先王制度  
名物皆以  
爲支離一  
切止求之  
其心謂吾  
自有良知  
何必外求  
於物天下  
遂相率而  
爲外義之  
學更兼謂  
心外無復  
著龜其理  
亦是而未  
免過高使  
人有厭薄  
名物之意  
孫執升乃  
謂朱子晚  
年悔其格  
物支離之

自發見耳著龜者心之影也小大修短咸其自取偃者曲而蹇者跛夫豈影之罪哉

卜筮註釋

礎潤

礎音楚柱下石也蘇洵辨

鐘清

杜詩蔡註俗以鐘鼓聲亮爲晴之占又白居易詩上界鐘而下界聞

灰飛

後漢書律歷志候氣之法

爲室三重布緹幔室中以木爲案每律各工從其方位加律其上以葭莩灰抑其內端按律而候之氣至者灰去

蟄閉

左傳凡祀啓蟄而郊聽見而雩始殺而嘗閉蟄而蒸

蟻易

穢封穴戶

淪渾

列子氣形質具而未相離故曰渾淪

爲翔

淮南子秦族訓故天之目風草木未動而爲已翔矣

覆載

禮記中庸天之所覆地之所載

周禮疏載或之德其功尤盛

印券

元史鐵木兒塔失傳舊法民糴於官倉出印券月給之者直三百文謂之紅帖米

萬物皆備

孟子盡心篇萬物皆備於我矣

宇宙

淮南子齊俗訓往古來今謂之宙四方上下謂之宇

疾痛苛癢

禮記內到疾痛苛癢而敬抑搔之註苛疥也

清明在躬

曹記孔子閒居

清明在躬氣志如神耆欲將至有開必先陳註耆欲所願欲之事也有開必先耆如國家將興必有禎祥也

熒惑

史記天官書熒惑出則有兵入則兵散說苑所謂五星者一曰歲星二曰

熒惑三曰鎮星四曰太白五曰辰星纒槍彗孛旬始在矢蚩尤之旗皆五星盈縮之所生也

德星

史記天官書景星者德星也

檣槍

名肯彗孛妖星主兵者史記天官書

紫宮左三星曰機槍右五星曰天棊

枉矢

漢書天文志枉矢狀如大流星星蛇行而蒼黑望如有毛目然

醴泉

禮記禮運天降醴露地出醴泉

瑞石

玉海祥瑞

學浪東萊  
不更與商  
確可謂惑  
於邪說漸  
乎其旨者  
矣

類唐書太宗紀貞觀十七年十一月壬午涼州獲瑞石赦涼州

川沸山鳴

毛書小雅百川沸騰唐書五行志開元二

朽株

司馬相如諱獵疏枯木朽株盡為難矣

拂龜布著

楚詞卜居詹尹乃瑞策拂龜曰君將何以教之陸游詩筮叟農占手布著

推步

左傳履端於始疏履步也謂推步歷

之初始以為歷之端首後漢書馮緄傳善推步之術北史藝術傳論觀其占候卜筮推步盈虛通幽洞微近知鬼神之情

一吉

韋應物詩一凶復一吉一非

一從素問

一逆一從陰陽表裏雌雄之紀

一食

說苑一食之上豈不美哉尚有哽噎

瞽史

國語周語單子曰吾非瞽史焉知天道韋註瞽主樂大師執同律以聽軍聲而詔吉凶史太史

軍報天時與太師同車皆知天道者

巫覡

國語楚語在男曰覡在女曰巫覡胡歷切

百徑

陸龜蒙詩人皆機巧求百徑無一達

一中

宋史選舉志第三等步射

六斗中十發一中

巧發奇中

史記孝武帝紀李少君資好方善為巧發其中

動心駭目

山海經郭璞嘉榮贊靈惟天精動心駭目

心勞

日拙

尚書周官作德心逸日休作偽心勞日拙

二百四十二年

杜預春秋經傳集解序推此目體以尋經傳觸類而長之附於二百四十二年行事王道

之止八倫之紀備矣

希闊寂寥

漢書禮樂志大樂春秋鄉射作於學官希闊不講舊唐書代宗紀弦誦之地寂寥無聲

絕無而僅有

蘇軾上神

宗皇帝書讀過不吝從善如流秦漢以來之所絕無而僅有

誕慢

北史王忻傳太尉汝南王悅辟為騎兵參軍左右言其誕慢悅曰府惟在此賢不可責也慢從心旁博議作言旁非

無驗

揚子法言無驗而言謂之妄

彼善於此

孟子盡心篇彼善於此則有之矣

穆姜

左傳襄公九年穆姜薨於東宮始往而筮之遇艮之隨姜曰是

於周易曰隨元亨利貞无咎有四德者隨而无咎我皆熱之豈隨也哉必死於此弗得出矣

荀瑩

左傳襄公十年宋公享晉侯於楚邱請以桑林荀瑩辭晉侯疾卜桑林見荀瑩曰我辭禮

矣彼則以之猶有鬼神於彼加之晉侯有間杜註卒林駁天下之舉名蔡林見者崇見於卜兆

子服惠伯

左傳昭公十二年南蒯以費叛枚筮之遇坤之比曰黃裳元吉以為大吉

也示子服惠伯曰即欲有事何如惠伯曰庶幾焉

庶幾焉

左傳昭公三年且孟曰而將無事吉庶幾焉

儻句

儻音旅左傳昭公二十五

年初臧昭伯如晉臧會竊其實龜僕句以下為信與僭僭吉及昭伯從公平子立臧會會曰僕句不予欺也

實沈臺駘

左傳昭公元年晉侯有疾卜人曰實沈臺駘為祟子產曰

昔高辛氏有二子曰伯曰閼伯季曰實沈昔金天氏有裔子曰昧生允格臺駘由是觀之則實沈參神也臺駘汾神也

心影

神仙感遇傳李釜心影不偏賢而好法

小大修

短修長也淮南子原道訓小大修知各有其具

咸其自取

莊子齊物論咸其自取怒者其誰耶

偃者

呂氏春秋高註曰偃脊疾也

慧者

高誘曰慧不能行也淮南子說林訓毋貽盲者鏡毋與盲者相又慧者見虎而不走非勇勢不便也

豈影之罪哉

淮南子繆稱訓身曲而影直者未之有也

聖人

不煩卜筮

淵鑿類函傳曰聖人不煩卜筮

曹劌諫觀社

莊公二十三年夏公所齊觀社非禮也曹劌諫曰不可夫禮所以整民也故會以訓上下之則制財用之節朝以正班爵之義帥長幼之序征伐以討其

不然諸侯有王王有巡守以大習之非是君不舉矣君舉必書書而不法後嗣何觀

春秋之時王綱解紐周官三百六十咸瞻其職惟史官僅不失其守

耳曹劌諫魯莊公曰君舉必書書而不法後嗣何觀當是時人君之

張明德曰眼大如箕識高於頂纔能作此

等文字於今  
人局於拘  
墟之片母  
怪乎格  
不吐。篇  
內引周  
卜師方  
義弓四  
註方功  
弓之各  
開按因  
紀聞云  
氏鑄以  
推之方  
占四方  
事也漢  
帝發易  
知神馬  
西北來  
兆占立  
之。事  
司馬子  
卜戰令  
義兆占  
義之事  
惠伯曰  
信之事

言動史官未有不書者為君者視以為當然當○然○一○字○有○勛○兩○而不怒為史者視以為

當然而不疑此三代之遺直也其後管仲之戒齊桓也曰作而不記

非誠德也管仲之所言雖是而已開作而不記之端也又其後周王

之私犒晉使也曰非禮也勿籍周王之所舉已非而且顯然戒史官

以勿藉矣然一時之史官世守其職公議雖廢於上而猶明於下以

崔杼之弑齊君史官直書其惡殺三人而書者踵至身可殺而筆不

可奪鈇鉞有敝筆鋒益強威加一國而莫能增損汗簡之半辭終使

君臣之分天高地下再明於世是果誰之功哉嗚呼文武周公之澤

既竭仲尼之聖未生是數百年間中國所以不淪喪者皆史官扶持

之力也昧谷餞日之後暘谷賓日之前暮夜晦冥羣慝並作苟無燭

以代明則天下之目瞽矣春秋之時非有史官司公議於其間則胥

可弓兆有  
射後世  
自射覆之  
法并附識

孫執升曰  
開口說破  
主容不作  
承句結斷  
水顯以後  
暢論直史  
之功

來字綠曰  
本意重齊  
太史書崔  
其事却用  
題目引起  
又接一層  
作而不記  
再接一層  
勿籍疑駁  
有史官失  
守之漸矣  
然後涉到  
齊太史事  
抑揚唱嘆

戕胥虐人之類已滅豈能復待仲尼之出乎史官非特有功於仲尼  
之未出也使其阿諛畏怯君舉不書簡編失實無所考信則仲尼雖  
欲作春秋以示萬世將何所據乎無車則造父不能御無弓則后羿  
不能射無城則墨翟不能守大矣哉史官之功也

讀史諫觀社註釋

王綱解紐

于寶晉紀總論名  
齊反得天綱解紐

周官三百六十

賈公彥引禮正義字按明堂位云有虞  
氏官五十夏后氏官百殷二百周三百

周官云有虞氏官六十夏后氏官  
二百殷二百四十周三百六十

曠其職

韓愈諍臣論孔子嘗為  
委吏矣亦不致曠其職

史官

史通史記家篇因傳史  
舊名目之曰史記自是

世史官所撰補稱史臣

作而不記

左傳僖公七年管仲曰夫諸侯之會其德刑禮義無國不記  
記姦之位君盟替矣作而不記非威德也君其勿許鄭必受

官失其守

杜預春秋經傳集解序  
周德既衰官失其守

三代遺直

論語斯民也三代之所以直道而行也  
左傳叔向曰古之遺直也史通直道篇

考以人之得事  
蓋古之遺直歟

周王犒晉使

右傳成公二年晉侯使鞏朔獻齊捷於周王弗見禮之如侯伯克  
敵使大夫告慶之禮降於卿禮一等王以鞏伯宴而私賄之使相

告之曰非  
禮也勿籍

守職

管子之上之人明其  
道下之人守其職

公議

唐書武后紀后柔屈不恥以就大  
事帝謂能奉已故拔公議立之

崔杼弑君

悠然有神  
復以有功  
春秋之時  
有孔子之  
兩曾足之  
真覺精采  
百信

張明德曰  
通篇揚挖  
史官正喻  
發大言之  
畫畫此先  
點題後發  
揮之法擬  
之其家可  
爲制勝之  
師

春秋經襄公二十五年夏五月乙亥齊崔杼弑其君光左傳太史書曰崔杼弑其君崔子殺之且弟嗣書而死者二人其弟又書乃舍之南史氏聞太史盡死執簡以往聞既書矣乃註齊有直史崔杼之罪所直書其惡史通直書篇苟直書其事不掩其瑕殺三人禮記檀弓殺三人不可亦足以反命矣

也而志不可奪也  
也而志不可奪也  
也而志不可奪也  
也而志不可奪也  
也而志不可奪也  
也而志不可奪也  
也而志不可奪也  
也而志不可奪也  
也而志不可奪也  
也而志不可奪也

半辭史記信陵君傳今吾且死而侯生君臣之分陳書

天高地下禮記樂記天高地下萬再明於世孟子由堯舜至於湯章程

淪喪尚書微子篇扶持力社甫古伯行扶

昧谷餞日尚書燕與分命和仲宅西曰昧谷寅餞納賜谷賓日又分命義仲宅賜夷曰

無燭代明戰國策秦策江上處

胥戕胥虐尚書梓材無胥戕無胥虐註阿諛後漢

失實後漢書崔駰傳駰以典籍爲業未無車無弓

墨守淮南子修務訓楚王

目警韓愈畫月詩戲

畏怯宋史陳安石傳文

荀子儒效篇造父者天下之善御者也無與馬則無所見其能羿者天下之善射者也無弓矢則無所見其巧劉驥新論羿無弧矢不能中微

作爲雲梯之械設以攻宋曷爲弗取墨子曰令公輸設攻臣請守之於是公輸設設攻宋之械墨子設守宋之備九攻而墨子九卻之弗能入於是乃偃兵輟不攻宋

### 晉殺其世子申生

莊公二十三年晉獻公患桓莊之族偪士薦曰去富子則羣公子可謀也士爲與羣公子謀譖去之二十四年又與羣公子謀使殺游氏

之二子二十五年士爲使公盡殺羣公子乃城聚而處之冬晉侯圍聚盡殺羣公子二十八年年初晉獻公蒸於齊姜生申生伐驪戎得驪姬生奚齊驪姬嬖欲立奚齊譖申生僖公四年十二月戊申太子縊

直起

晉殺其世子申生孰殺之士薦殺之也殺申生者實驪姬之譖士薦

何與焉士薦開其隙驪姬乘其隙也羣公子之出於桓莊者實他人

哉其尊者固不待言其卑者猶獻公之從父昆弟也士薦逢獻公之

惡反覆詭詐陷之於死地使獻公屠其宗族昆弟如刈草菅略無慘

怛不忍之意其於族宗昆弟之間既如此何獨難於其子乎此所以

來驪姬之譖也對伯夷者不敢論賄賂對此干者不敢論阿諛驪姬

雖髮苟非習見獻公之殘忍亦豈敢一日遽譖其三子哉彼士薦憂

朱字綠曰前半罪士薦逢君之惡謀殺羣公子以爲

孫執升曰開隙乘隙得得到此出私字總之滅且天性故至此

士蔣 雖憂太。子而殺機 已開不可復止

申生之不得立憂蒲屈之不可城終日焦然憂晉之禍憂之誠是也

抑不知造是禍者果說乎驪姬之譖驪姬之譖即襲吾前日譖富子之術也蒲

屈之城即襲吾前日城聚之術也使我不能之彼烏得而和之使我

不先之彼烏得而繼之是故開獻公殘忍之心者士蔣也教驪姬離

間之術者亦士蔣也已開則不可復閉已教則不可復悔授賦以刃

而禁其殺人世寧有是理耶雖使一法吏蔽是獄亦必首士蔣而從

驪姬也吾嘗考晉國之本末推開一亡非元士蔣一言開讀者必受其

矣魯反覆正穆侯之二子長則文侯而桓叔其季也而自桓叔以來視文侯

之子孫不啻寇讎必鋤其根而奪其國者不過欲啓子孫之業耳殊

不知殺文侯之子孫是殺吾之子孫也殺私之字是後半篇而脈吾私其子而殺其昆弟則吾

之子亦私其子而殺其昆弟矣然則桓莊之族雖曰獻公殺之其實

倡後半極 言殺人殺 子即自殺 其子路載 然兩段總 是一意昔 穿息人君 堂老吾老 以及人之 老幼吾幼 以及人之 幼骨肉之 間不可先 啓戎心也 語多警切 可以戒 萬世 張明德曰 自古篡弒 嫉忌之禍 未有不先 後一轍者 天道好還 而彼昏不 知猶曰逞 其私愛私

憎亦未嘗  
知有此等  
文預為著  
耳讀作亦  
明

桓莊殺之也。桓莊親其子而讎昆弟於一族之中，分親與讎，其私已甚。及獻公親奚齊而讎申生，又於諸子之中分親與讎，可謂私之私矣。私曰勝，則心曰狹。當桓莊殄滅文侯子孫之時，其心必謂是害，既除則吾子孫可以享無窮之利也。豈自料害其子孫者，乃吾子孫耶？當獻公殄滅桓莊子孫之時，其心必謂是害，既除則申生可以享無窮之安也。豈自料害申生者，乃吾身耶？嗚呼！私生於愛而害愛者，莫如私天下。未有私而能愛者也。獻公始私申生，至於盡滅桓莊之族，以除其偏愛之亦至矣。曾未閱時，嬖於驪姬，遽移其愛於奚齊，其為奚齊而殺申生，即為申生而殺桓莊之族者也。向之愛申生之心，果何所在？耶申生之愛，既可移於奚齊，則異時奚齊之愛，亦可移而之他矣。不惟昔之愛申生者不可保，即今之愛奚齊者亦未可保也。然

去○之○愛○私○一○字○又○出○一○真○字○

則徇私者豈能真有所愛哉果出於真則必不可移矣林回棄千金

之璧負赤子而趨天性之愛豈外物所能移耶獻公苟能悟此愛之

則○愛○天○性○中○本

非真一念之中識天性之愛則本根枝葉與生俱生而不可離何憂

乎○之○可

乎士蔦何畏乎驪姬

### 晉殺其世子申生註釋

開其隙

漢書匈奴傳論王莽篡位始邊隙

乘其隙

蘇賦晁錯論惟其欲自固其身而天子不悅奸臣得以乘其隙

從父昆弟

爾雅釋親兄之

子弟之子相謂為從父昆弟從音仲

詭詐

隋書王充傳充捲髮射聲沈猜多詭詐

陷之死地

孫子九地篇投之亡地然後存陷之死地然後生

艾草

菅

艾刈古字通貫誼陳政事疏其視殺人若艾草管然

慘怛

禮記中心慘怛愛人之仁也

殘忍

鹽鐵論以儒術擢為上卿而有奸利殘忍之心

士蔦

憂申生不得立

左傳閔公元年晉侯作二軍公將上軍太子申生將下軍以滅耿滅霍滅魏還為太子城曲沃士蔦曰太子不得立矣分之都城而位以卿先為之極又焉得

立 憂蒲屈不可城

僖公五年初晉侯使士蔦為二公子築蒲與屈不慎宣新為公使讓之士蔦稽首而對曰君其修德而固宗子何城如之三年將尋師焉焉用慎

離間

唐書王重榮傳上書劫今後離間方鎮

法吏

漢書司馬遷傳身非木石獨與法吏為伍

蔽獄

蔽斷也南史沈約傳罰罪之詔日聞於早朝蔽獄之書亟

勞於晏寢

其來遠矣

國語魯語有隼於陳侯之庭而死仲尼曰隼之來也遠矣

子孫業

史記王翦傳臣亦及時以請園池為子孫業耳

晉國

本末

左傳晉封桓叔於曲沃師服曰吾聞國家之立也本大而末小是而能固

不可保

左傳宣公十二年知勝之不保保紂之百克而卒無後

林回

莊

山林篋棄千金之璧負赤子而趨何也林回曰彼以利合此以天屬也

一念

陳師道詩意在千山表情生一念中

本根枝葉

左傳公族公室之枝葉也若去之則

本根無所庇廢矣

與生俱生

韓愈原性篇性也者與生俱生也情也者接於物而生也

齊侯救邢封衛

閔公元年狄人伐邢僖公元年諸侯救邢邢人潰出奔師師遂逐狄入具邢器用而遷之師無私焉閔公二年狄伐衛戰於榮澤衛師敗績遂滅衛

立戴公以廬于曹僖公二年春諸侯城楚邱而封衛焉

王者之所憂奇快霸者之所喜也王者憂名奇快霸者喜名奇快何為而可憂耶承名王者憂

不經桀之暴民不知有湯不經紂之惡民不知有武使湯武幸而居

唐虞之時無害可除無功可見與斯民相忘於無事之域則聖人之

志願得矣功因亂而立名因功而生夫豈吾本心耶是故雲霓之望

非湯之盛也乃湯之不幸也壺漿之迎非武王之盛也乃武王之不

朱字綠曰從孟子驢虞線瞭兩意看出王霸之辨即以緩於救邢衛立說遂使桓公不能置喙其奇快莫真足令庸

者倚蒙者  
亮學之發  
人神智  
桓之緩於  
用兵或其  
勢未集或  
其與未合  
應觀生平  
甲兵皆鄭  
重萬全而  
後出故無  
大勝亦無  
大敗不似  
晉之輕用  
其鋒也當  
日情事未  
必盡然但  
文自入妙  
耳

張明德曰  
王霸之分  
祇在誠偽  
一字此文  
推勘至隱  
將霸者較  
計心事曲

幸也○傳○茲○霸○者○喜○名○。王者恐天下之有亂○奇○快○。霸者恐天下之無亂○奇○快○。亂

不極則功不大。功不大則名不高。將隆其名必張。其功將張其功必

養其亂。狄以閔之元年伐邢。其後二年而齊始遷邢於夷儀。狄以閔

之二年滅衛。其後二年而齊始封衛於楚邱。齊桓之恤二國必在於

二年之後者何也。所以養其亂也。齊桓之心以為當二國之始受兵。

吾亟卻之則亦諸侯救災恤鄰之常耳。其迹必不甚奇。其事必不甚

傳。其恩必不甚深。曷足以取威定霸哉。先饑而後食之則其食美。先

渴而後飲之則其飲甘。今吾坐養其亂待其社稷已頽都邑已傾屠

戮已酷流亡已衆然後徐起而收之拔於危蹙顛頓之中置於豐樂

平泰之地是邢衛之君無國而有國邢衛之民無身而有身也。深仁

重施殆將淺九淵而輕九鼎矣。故其功名震越光耀赫然為五霸首

曲寫出何  
祇秦鏡高懸

向使絕之於萌芽則名安得如是之著耶嗚呼邢衛之難曰君曰卿

曰士曰民肝腦塗中原膏液潤野草苟仁人視之奔走拯救不能一

朝居也今齊桓徒欲成區區之名安視其死至於二年之久何其忍

耶長人之亂而欲張吾之惠多寇之虐而欲明吾之勳是以萬人之

命而易一身之名也是誠何心哉人乍見孺子將入於井怵惕惻隱

之心不期而生此人之真心也真心一發不可禦豈暇計其餘哉有

人於此謂彼未入於井而全之其功淺既入於井而全之其功深

手旁觀俟其既墜乃褰裳濡足而救之則其父母必以為再生之恩

鄉鄰必以為過人之行義概凜凜傾動閭里回視前日未入井以救

之者父母不謝鄉鄰不稱若大不侔然則為孺子計者甯遇前一人

耶寧遇後一人耶噫此王霸之辯也

用○反○揅○法○  
用○背○數○法○斷

用○引○證○法○結

舊語 出新意

似○結○開○似○結○離○愈○淡○愈○後○

一○句○陡○住○有○千○鈞○力○

### 齊侯救邢封衛註釋

**王者霸者**

孟子盡心篇霸者之民驩虞如也王者之民皞皞如也

**喜名**

史記吳起傳吳起為人廉節而自喜名也

**湯桀武紂**

淮南子詮言訓

湯武之王也遇桀紂之暴也桀紂非以湯武之賢而暴也湯武遭桀紂之暴而王也故雖賢王必待遇又齊俗訓湯武之累行積善可及也其遭桀紂時也

**唐虞**

曹毗詩啓基天命道均唐

虞又論語泰伯篇唐虞之際於斯為盛

**雲霓之望**

孟子莊暴篇湯一征自葛始天下信之東面而征西夷怨南面而征北狄怨曰奚為後我民望之若大旱之望雲霓也

**壺**

**漿之迎**

孟子陳代篇其君子實元黃於篋以迎其小人其君子其小人簞食壺漿以迎其小人

**本心**

論語季氏使閔子騫為費宰章謝氏曰求也為季氏附益夫豈其本心哉

**一**

**國**

史通模稜篇狄滅二國君死城屠齊桓行霸興亡繼絕

**受兵**

戰國策秦策先得齊宋則韓氏鏃韓氏鏃則楚孤而受兵也

**救災恤鄰**

左傳僖公十三

年救災恤隣道也行道有福

**取威定霸**

左傳僖公二十七年先軫曰報惠救患取威定霸於是乎在矣

**都邑**

尚書盤庚疏商自成湯以來屢遷都邑左傳凡邑有

先君宗廟之主曰都無曰邑

**流亡**

鹽鐵論細民不堪流亡遠去

**危蹙**

後漢書光武帝紀盜賊日多羣生危蹙

**豐樂**

三國蜀志蜀中殷威豐樂先主大置

酒享士卒

**深仁**

孟郊詩此地獨何力我公布深仁

**重施**

左傳僖公十三年重施而報君將何求施去聲

**九淵**

列子黃帝篇鯢旋之潘為淵止水之潘為

淵流水之潘為淵濫水之潘為淵沃水之潘為淵洑水之潘為淵雍水之潘為淵汙水之潘為淵肥水之潘為淵是為九淵焉按字典潘當作審水河也

**九鼎**

左傳武王克商遷九鼎於洛邑

**震越**

蕭子良諫射雉啓下情震越心懷驚悚

**為五霸首**

戰國策管子一匡天下九合諸侯為五霸首名高天下光昭鄰國

**肝腦一旬**

司馬

相如難蜀父老文肝腦  
塗中原膏液潤野草

絕萌芽

漢書李尋傳誅放  
佞人防絕萌芽

不能一朝居

孟子告子篇雖與之  
天下不能一朝居也

萬人之命

說苑今君不愛萬人之命  
而傷一人之死奚其過也

一身之名

後漢書周顯傳六  
世一身皆知名云

一發

齊書扶南  
國傳一發

善提心二  
乘非所期

功深

列子造物者其  
巧妙其功深

縮手旁觀

韓愈祭柳子厚文巧  
匠旁觀縮手袖間

褰裳濡足

後漢  
書崔

駟傳時人其太元靜答曰與其有事則褰裳濡足冠挂不顧人溺不拯則非仁也世說新語荀  
中郎在京口登北固望海云雖未觀三山便自使人有凌雲意若秦漢之君必當褰裳濡足

再生

之恩

晉書劉羣傳如蒙錄召繼絕興  
亡則陛下更生之恩望古無二

義概

後漢書孔融傳論若夫文舉之高  
志直情其足以動義概而近雄心

閭里

周禮天  
官小宰

聽閭里  
以版圖

管仲言晏安

閔公元年管敬仲言於齊侯曰戎狄豺狼不可厭也諸夏親暱不可棄也晏  
安酖毒不可懷也詩云豈不懷歸畏此簡書簡書同惡相恤之謂也請救邢

以從簡書  
齊人救邢

先設反勢又是一法。

王鳳洲曰  
冷棒熱喝  
最可發人  
深省  
朱字綠曰

以言警世者不可為駭世之論。管仲告齊桓公之言曰：宴安酖毒，不可懷也。酖，入人之口，裂肝腐腸，死不旋踵。宴安雖敗德，其禍豈遽至如是之裂哉！意者仲有警世之心，而不免於駭世之病歟。殆非也。使



其所以去彼而取此者見衆人之宴安放肆偷惰百殃並集其心戚然不甯乃憂患之大者耳君子外雖若憂勤中有逸樂者自強不息心廣體胖無人非無鬼責其安殆若泰山而四維之也然則善擇宴安誰如君子哉

管仲言宴安註釋

醜毒

左傳杜注醜鳥名其羽有毒以釐酒飲之則死韻府曰鳩大如鴉紫綠色頸長七八寸食蛇蝮雄名運日雌名陰諧醜鳩並直禁切

腐腸

枚乘七發甘脆肥醜命曰腐腸之藥

死不旋踵

說苑太公兵法陷陣取將死不旋踵

駭世

莊子外物篇賢人所以駭世聖人未嘗過而問焉

天下皆是也

論語微子篇浴

浴者天下皆是也

敗德

五車韻瑞何承天論敗德之人甘醇醪

慘酷

史記酷吏傳雖慘酷斯稱其位矣

羊腸

隋書崔暉傳太原北九十里羊腸坂

康衢

謝朓詩周道如砥康衢載直

瞿唐

潛確類書瞿唐峽在四川夔州府城東兩崖對峙中貫一江乃三峽之門

溪澗

漢書晁錯傳上下山陂出入溪澗

端居

孟浩然詩欲濟無舟楫端居恥聖明

氣惰

宋史兵志周必大曰兵久不用自然氣惰今陛下激勸告戒人人皆勝兵

業廢

蕭子良墾田表民貧業廢地利久蕪

草木同腐

唐書高倫傳贊古來賢豪不遭興運與草木俱腐者可勝嘆哉

忘返

孟子梁惠王篇從流下而忘返謂之流從流上而忘返謂之連

弛備

唐書

寶建德傳世雄稍弛備建 忘患 劉勰新論智者見利而思難闇者見利而忘患思難而難不至忘患而患反生 衆惡 令狐楚賀破賊狀既摧衆惡之

鋒必喪元 兇之胆 滅國 孟子滕文公篇 滅國者五十 項背相望 後漢書左雄傳監司項背相望與同疾痰 耳目鼻口 禮記耳目鼻口

呂氏春秋貴生篇夫耳目鼻口生之役也莊子淮南子皆作耳目鼻口淺人改爲口鼻謬之甚矣 先據 杜篤論都賦用霸則兼拜先據則功殊 偷惰 宋史仁宗紀贊吏治

若偷惰而任事蔑殘刻之人刑 百殃 尚書伊訓作善降之百祥作不善降之百殃 憂勤 五車謂瑞朝夕思念至於憂勤 逸樂

史記伯夷傳終身逸 自強不息 周易乾卦象傳天行健君子以自強不息 心廣體胖 禮記大學富潤屋德潤身心廣體胖 胖音盤

安舒 無人非無鬼責 莊子刻意篇聖人之生條故無天災無物累無人非無鬼責 泰山四維 戰國策秦策今有計可以一切而使君富

貴千萬歲 裂肝 李翱祭韓侍郎於泰山四維 文決裂肝胸

齊仲孫湫觀政 閔公元年冬齊仲孫湫來省難書曰仲孫亦嘉之也仲孫歸曰不去慶父魯難未已公曰若之何而去之對曰難不己將自斃君其待之公曰魯可

取乎對曰不可猶秉周禮周禮所以本也臣聞之國將亡本必先顛而後枝葉從之魯不棄周禮未可動也

夫。禮。分。也。禮。之。禮。是。俗。操。政。字。俗。字。作。主。通。篇。之。勢。已。舉。觀政在朝觀俗在野政之所及者淺俗之所得者深此昔之善規人

之國者未嘗不先其野而後其朝也入單父之野而見棄漁之俗則

朱字綠曰 湫只說魯 猶秉周禮 未可動未

會說到風俗之美文偏勸到魯之朝無一人乘周禮便坐定民間皆乘周禮此是特識有此識論縱橫皆自此生讀此方知夫子所謂齊變至魯實非齊所及也淋漓排宕自是雄文

已知子賤之政矣。入中牟之野。而見馴雉之俗。則已知魯恭之政矣。彼所以一見其俗。遽許二人之賢。不復考察其政者。殆有說也。蓋善政未必能移薄俗。美俗猶足以救惡政。自武而成。自康歷三世。而利口未殄。自高而惠。自惠而文。歷三世而諄語猶存。以政移俗。其難如此。以商之善數百年。而為宋以堯之儉餘千年。而為晉。實流風遺俗扶持之力也。彼覘國之興亡者。不占諸風俗。尚誰占耶。齊仲孫湫之對齊侯曰。魯秉周禮。未可動也。湫之所謂秉周禮者。果誰歟。閔公魯君也。哀姜君母也。慶父大臣也。閔公生甫八年。固未識所謂周禮。若哀姜則棄位而姣。若慶父則弑逆之賊。凡周禮之大禁。舉犯之矣。觀魯之朝三綱淪九法。數指何物。以為周禮耶。吾是以知湫之觀魯。不觀其政。而觀其俗也。魯自周公伯禽以來。風化浹洽。其民耳濡

問淪肌浹  
膚雖一時  
政或不經  
而民俗猶  
敦古處此  
國家之幸  
也末路致  
望魯君感  
慨作結具  
有曲終江  
上之致

句○法字法俱○妙

目染身安體習無適而非周禮者揭於觀藏於府講於泮宮流於洙

泗被於絃歌形於冠服郁郁乎其文也洋洋乎其聲也井井乎其條

也雖經哀姜慶父之難能易其主而不能易其禮能奪其權而不能

奪其俗舉魯國之俗皆秉周禮其為惡者獨哀姜慶父二三人耳舉

一國之美俗豈二三人之惡所能遽移乎湫可謂善覘國矣周公伯

禽培其風俗於數百年之前而其效見於數百年之後其規模遠矣

哉子孫之不能常賢也國之不能常安也法之不能常存也政之不

能常善也固也雖聖人亦末如之何也是數者既末如之何獨有養

其禮義之風俗以遺後人使衰亂之時猶可恃之以復振四鄰望之

而不敢謀其慮後世亦深矣世之敝精神於簿書期會視風俗為迂

闊者果足以知此哉魯之風俗能存魯於既壞之餘盛矣苟魯之嗣

君當閒暇時因已成風俗倍加以政事其治孰能禦之耶救已壞之政甚難因已成之俗甚易今風俗尙能救政事之疵而政事反不能因風俗之美是風俗不負魯而魯負其風俗也悲夫

### 齊仲孫湫觀政註釋

覘國

禮記檀弓孔子聞之曰善哉覘國乎

單父

孔子家語宓子賤為單父宰孔子使巫馬期往觀政焉入界見漁者得魚輒舍之期間焉曰魚之大者為鱒鱒吾大夫愛之其小者

名鯀吾大夫欲長之是以得二者輒舍之淮南子秦族訓宓子治單父巫馬期往觀化焉見夜漁者得小即釋之非刑之所能禁也

中牟

後漢書魯恭傳中牟今專以德化為理建初七年

螟不入中牟河南尹袁安使仁恕椽肥親往廉之恭隨行阡陌俱坐桑下有雉過止其旁旁有重兒親曰兒何不捕之兒言雉方將雛親瞿然而起與恭訣曰所以來者欲察君之政迹耳今蟲不犯境此一

異也化及鳥獸此二異也豎子有仁心此三異也還府以其狀白安安因上書言狀帝異之

考察

杜預上黜陟課法略宏宣六典以詳考察

善政

孟子公孫丑篇沛風善政

猶有存者

薄俗

漢書元帝紀民漸薄俗去禮義觸刑法豈不哀哉

美俗

荀子無國而不有美俗無國而不有惡俗

惡政

新語明誠篇惡政流於民則蟲

災生於地

利口

尚書畢命商俗靡靡利口惟賢餘風未殄公其念哉

俗遺

漢書賈誼傳母取箕箒立而詳語

語諄

孟子公孫丑篇其故家遺俗流風善

政猶有存者

風俗

漢書地理志凡民函五常之性而其剛柔緩急音聲不同繫水土之風氣故謂之風俗好惡取舍動靜無常隨君上之情欲故謂之俗又樂書博采風俗協比聲律

棄

位而姣

左傳襄公九年棄位而姣不可謂貞杜注姣淫之別名英按位謂君夫人之位也

三綱淪九法斃

韓愈與孟尚書書楊墨交亂而聖賢之道

不明三綱淪而九法斃周禮夏官大司馬掌建邦之九法以佐王平邦國

觀其俗

白帖觀察使觀風察俗振領提綱

風化浹洽

漢書禮樂志於是教化浹

洽民用和睦

耳濡目染

韓愈文耳濡目染不學以能

身安

周易繫辭傳是以身安而國家可保也

體習

孔叢子執節篇昔我夫子欲作文武

而至焉作之不變習與體成習與體成則自然矣

揭於觀

左傳新作雉門及兩觀周禮天宮與象以其賈揭而藏之

藏於府

淮南子汎論訓凡此之屬皆不可著

於書策而藏於宮府者也

泮宮

禮記明堂位頌宮周學也毛詩魯頌思樂泮水朱子曰諸侯之事鄉射之宮謂之泮宮

洙泗

禮記檀弓吾與汝事夫子於洙泗之間

紘

歌

論語陽貨篇子之武城聞絃歌之聲

冠服

蘇軾詩何時神武門相約挂冠服

井井

周易井卦往來井井

舉魯國

莊子田子方篇哀公曰舉魯國

而僑服何謂少乎

規模遠矣

漢書高帝紀雖日不暇給規模宏遠矣

常善

謝靈運撰征夫庇常善之罔棄憑曲成之不遺

蔽精神

莊子列禦

冠篇蔽精神乎蹇淺

簿書期會

漢書賈誼傳大臣特以簿書不報期會之間以為大故

成俗

禮記昏義教順成俗外內和順國家理治

已壞之

後

韓愈與孟尚書書孟子不能救之於未亡之前而韓愈乃欲全之於已壞之後

晉里克

閔公二年晉侯使太子申生伐東山靡落氏里克諫曰太子奉冢祀社稷之粢盛以朝夕視君膳者也夫帥師專行謀誓軍旅非太子之事也故君之嗣適不可以帥師

未張本篇內自告父以慈句下較原文脫

君其舍之公曰寡人有子未知其誰立焉不對而退見太子太子曰吾其廢乎對曰告之以臨民教之以軍旅不共是懼何其廢乎且子懼不孝無懼弗得立修已而不責人則免於難

去四百七十一字今  
十一世瑛清  
吟謝正本  
補錄如左  
。告子以  
孝其處父  
子之間者  
至矣其後  
驪姬殺申  
生之謀已  
成憚克而  
未敢發使  
優施以言  
動之克猶  
用前術而  
不知變乃  
曰吾乘吾  
而殺太子  
香不忍遞  
傷故交吾  
不敢中立  
其免乎驪  
姬得其中  
立之言始  
無所憚而  
新城之難

。國語公之憂施通於驪姬驪姬曰吾欲為難安始而可優施曰必於申生既而驪姬告優  
施曰君既許我殺太子而立奚齊矣吾難里克奈何優施曰子為我具特羊之饗吾以從之  
飲酒驪姬許諾乃具使優施飲里克酒中飲優施歌曰暇豫之吾吾不如烏鳥人皆集於苑  
已獨集於枯里克笑曰何謂苑何謂枯優施曰其母為夫人其子為君可不謂苑乎其母既  
死其子又有謗可不謂枯乎里克夜半召優施曰曩而言戲乎抑有所聞之乎曰然君既許  
驪姬殺太子而立奚齊謀既成矣里克曰吾乘君以殺太子吾不忍通復故交吾不敢中立  
其免乎優施曰免里克  
併疾不朝三旬難乃成

天下之理兩不可相無則不得<sub>名。備。</sub>不合兩不可相有則不得<sub>里。克。前。一。截。事。是。調。和。</sub>不爭父子

之出於天性不可相無者也故於不可相無之中而調和於兩間者

謂之智於不可相有之中而依違於兩間者謂之姦蓋兩者並立然

後有兩者之間兩者既不並立指何地而為兩者之間哉醫之於疾

未嘗偏助一藏之氣至於治癰疽則潰肌流血無所愛其視五藏則

若驕子惟恐有毫髮之忤其視癰疽則若讐敵惟恐有毫髮之存是

非前怯而後勇也疾變則術變也况當國家危疑之時其可一其術

作矣是元

知父子之

間當兩全

而不知邪

正不當兩

立也兩刃

之下人不

容足兩虎

之鬪獸不

容號驪姬

申生之際

而不知前後之變耶。是知立乎父子之間。合知而使之兩全。柔者可  
 能也。立乎邪正之間。別白而使之不依違難一勝。剛者可能也。然用其柔於邪  
 正之間。則懦而召姦。用其剛於父子之間。則激而生禍。毫釐之差。千  
 里之謬。何里克之工於前而拙於後也。晉太子申生之將廢也。獻公  
 先遣之伐東山。里克進而見公。則諫以君之嗣適。不可帥師。退見太  
 子。則戒以子懼不孝。告父以慈。君子論小人。則必謂仁人放流之。進  
 諸四夷。不與中國。又何其不怨也。嗚呼。昔之達者。蓋知之矣。

### 晉里克註釋

父子天性

孝經聖治章父子之道天性也君臣之義也

兩間

宋史胡安國傳至剛可以塞兩間一怒可以安天下矣

謂之姦

荀子非十二子

篤勞力而不當民務謂之姦事勞知而不法先王謂之姦心辯說譬喻齊給便利而不順禮義謂之姦說

並立

晉書盧志傳兩雄不俱處功名不並立

若驕子

漢書汲閣

傳虛府庫賞賜發良民侍養若奉驕子

疾變

呂氏春秋察今篇世易時移變法宜矣譬之若良醫病萬變藥亦萬變病變而藥不變德之壽民今為傷子矣

一術

呂氏春秋夫執

奮厲感慨於前所以日節者遇其所長而後所適遇其所短而巳使短而巳使克幸而早死不及見綱姬之費成則其短終不露世亦豈敢少譽之哉雖然人心不可兩用所以處獻公申生之間者准恐其有向背至拒驪姬則又恐其向背之不明也所以處獻公生申

一術而百善至邪去 父子之間 國語晉語獻公曰寡人聞之立太子之道三身鈞以 一勝 天下從者其惟孝也 年年同以愛愛疑決之以下筮子無謀吾父子之間

唐書裴杜傳一勝 召姦 孔叢子公儀篤要利 毫釐千里 禮記經解易曰君子慎 兩全 一負兵家常勢 以召姦非忍行也 始妻若毫釐謬以千里

宋史趙普傳君臣始 不兩立 三國吳志周瑜傳孤與老賊勢不兩 兩刃 唐書闕陵傳善用兩 終之分可謂兩全 立宋史胡寅傳君子小人勢不兩立 刃刀一揮殺數人前

無堅對元稹詩莫邪 兩虎鬪 戰國策秦策今聞大王欲伐楚此 前術 宋書歷志同出 彌 無人淬兩刃幽壤鐵 猶兩虎相與鬪而驚犬愛其傲 前術非見經典

縫左傳桓公五年先偏後伍承彌 中節 中庸發而皆 失節 左傳季札曰聖達 心不兩 縫杜註承偏之而彌縫闕漏也 中節謂之和 節次守節下失節

用 新論使左手畫方右手畫圓而不 有厚薄 論衡秉氣有厚 揖客 漢書汲黯傳夫以大將 能者由心不兩用則手不並運也 薄故性有善惡 軍有揖客反不重耶

擊賊 魏書傳永傳上每歎曰上馬能 一臂 唐書蔣收傳朕 留卿若失一臂 擊賊下馬作露布唯傳修期耳

衛懿公好鶴 閔公二年冬十二月狄人伐衛衛懿公好鶴鶴有乘軒者將戰國人受甲者 皆曰使鶴鶴實有祿位余焉能戰公與石祁子玦與甯莊子矢使守曰以此

贊國擇利而為之與夫人繡衣曰聽於二子渠孔御戎子伯為右黃夷前驅孔嬰齊殿及狄 人戰於榮澤衛師敗績遂滅衛衛侯不去其旗是以甚敗狄人囚史華龍滑與禮孔以逐衛

人二人曰我大史也實掌其祭不先國不可得也乃先之至則告守曰不可待也夜與國人 出狄入衛遂從之又敗諸河初惠公之即位也少齊人使昭伯蒸於宣姜不可強之生齊子

戴公文公宋桓夫人許穆夫人文公為衛之多患也先適齊即敗宋桓公逆諸河宵濟衛之 遺民男女七百有三十人益之以共滕之民為五千人立戴公以廬於曹許穆夫人賦載馳

齊侯使公子無虧帥車二百乘甲士三千人以戰曹歸公乘馬祭服五稱牛羊豕雞狗皆二百與門材歸夫人魚軒重錦三十兩

直起

衛懿公以鶴亡其國。翫一禽之微而失一國之心。人未嘗不撫卷而

竊笑者。吾以為懿公未易輕也。世徒見丹其頂素其羽。二足而六翮

者。謂之鶴耳。抑不知浮華之士。高自標致。而實無所有者。外貌雖人

奇。橫。

平。排。四。段。開。拓。頓。宕。

其中亦何以異於鶴哉。稷下之盛。列第相望。大冠長劍。褒衣博帶。談

天雕龍之辨。蠡起泉湧。禹行舜趨者。肩相摩於道。然擢筋之難。松柏

奇。橫。

之囚。曾無窺左足而先應者。是亦懿公之鶴也。鴻都之興。鳥迹蟲篆

自銜鬻者。日至受爵拜官。光寵赫然。若可以潤色皇猷。及黃巾之起。

奇。橫。

天下震動。未聞有畫一策杖一戈。佐國家之急。是亦懿公之鶴也。永

嘉之季。清言者滿朝。一觴一詠。傲睨萬物。曠懷雅量。獨立風塵之表。

奇。橫。

神峯雋拔。珠璧相照。而五胡之亂。屠之不啻几。上肉是亦懿公之鶴

之間惟恐其有厚薄至拒驪姬則又恐其厚薄之分也克之則又恐其難譽親而舌也揖客而擊賊同而一臂也豈聞其相奪哉太學之說所惡於上母以惡於下母以惡於右母以惡於左母以惡於交於左右之上交於左右之下間皆欲兩全而不傷

何其怨也  
至其論小  
人則以謂  
仁人放流  
之非諸四  
夷不與同  
中國又何  
其不怨也  
嗚呼昔之  
達者蓋知  
之矣

凌以棟曰  
音響悲壯  
頓挫婉約  
此集中不  
易得者故  
人多讀之  
鍾伯敬曰  
借懿公之  
鶴而痛掃  
浮華之士  
有無限淋  
漓感慨  
孫執升曰  
因衛有鶴

也普通之際。朝談釋而暮言。老環坐聽講。迭問更難。國殆成俗。一旦  
侯景逼臺城。士大夫習於驕惰。至不能跨馬。束手就戮。莫敢枝梧。是  
亦懿公之鶴也。奇○是數國者。平居暇日。所尊用之人。玩其辭藻。望其威  
儀。接其議論。挹其風度。可嘉可抑。可慕可親。卒然臨之。以患難。則異  
於懿公。鶴者。幾希是獨可。輕懿公也哉。所用非所養。所養非所用。使  
親者處其安。而使疎者處其危。使貴者受其利。而使賤者受其害。未  
有不蹈懿公之禍者也。抑吾又有所深感焉。鶴之為禽。載於易。播於  
詩。雜出騷人墨客之詠。其為人之所貴重。非凡禽匹也。懿公乘之以  
軒。而舉國疾之。視如鴟梟。然豈人之憎愛。遽變於前耶。罪在於處。非  
其據而已。以鶴之素為人所貴。一非其據。已為人疾惡。如此。苟他禽  
而處。非其據。則人疾惡之者。復何如耶。吾於是乎有感。  
將○浮○推○之○土○作○結○東○

### 衛懿公好鶴註釋

以鶴亡其國

蘇軾放鶴亭記然衛懿公好鶴則亡其國

一禽

孟子滕文公篇終日而不獲一禽

失一國

左傳莊公十三年得二夫而失一國

與惡而乘

竊笑

戰國策臣聞天下成從將西面以與秦為難臣竊笑之

丹頂

李遠失鶴詩初來白雪翎猶短欲去丹砂頂漸深

素羽

張華白鳩篇白

而人者遂  
指出古來  
許多人而  
鶴者為下  
痛棒而其  
文如博奇  
稿如初脫  
世卓然不  
朽

雀呈瑞素

一二足

爾雅釋鳥二足而羽謂之禽四足而毛謂之獸

六翻

韓詩外傳鴻鵠一舉千里所恃者六翻耳

浮華

後漢書章帝紀公卿舉直言極諫者

各一人以綴穴

稷下

史記齊宣王喜文學游說之士鄒衍淳於髡之徒是以齊稷下學士復盛

大冠長劍

說苑大冠若箕長劍掛頤

褒衣

博帶

漢書雋不疑傳褒衣博帶威嚴至門上謁註褒大裙也

談天雕龍

史記齊人頌曰談天行雕龍爽炙髹髡

禹行舜趨

荀子禹行而舜

趨擢筋

戰國策秦策荀晳曰淖齒管齊之權縮閔王之筋懸之廟梁宿昔而死

松柏

戰國策秦策齊王建入策秦人處之松柏之間餓而死齊人歌之曰松柏柏耶住建

共者

窺左足而先應者

漢書昔夫躬傳躬上疏歷詆公卿大臣曰如使狂夫喚譁於東崖匈奴飲馬於渭水邊境雷動四野風起京師雖有精兵未有能窺

左足而先應者也

鴻都

後漢書靈帝紀光和元年始置鴻都門學士註鴻都門名也於內置學諸生為尺牘辭賦及工書鳥篆者相課試至千人焉

自銜

鬻

鬻書也漢書東方朔傳四方士多上書言得失自銜鬻者以千數

拜官

劉長卿詩芸香早拜官

光寵

漢書司馬遷傳取尊官厚祿以為宗族交游光寵

色皇猷

兩都賦序潤色鴻業唐書戴至德傳仗忠節贊皇猷

黃巾起

通鑑輯覽漢靈帝中平元年春二月黃巾賊張角等起注角鉅鹿人賊以黃巾為號旬月之間

破千古所  
瀉憤數足  
非其據球  
束結到處  
加兩層收  
梁實之僅  
以解漢晉  
人而鶴者  
奇絕提出  
可輕便是  
忽轉出未  
人所不齒  
鶴亡國本  
懿公以好  
失字綠曰

之惑至文 奇文。宋 之道學講 賢學也雖 未亡而不 敗為獨善 明之道學 不於私黨 於家國而 立念本非 所以修身 是亦懿公 夫之鶴也 張明德曰 東坡之文 嬉笑怒罵 皆成文章 此始過之 想先生落 車時定有 無數烟雲 繞其筆端

天下 響應 天下震動 漢書張良傳為韓報 贊強秦天下震動 畫一策 揚雄解嘲會不能 畫一奇出一策 杖一戈 左傳孔 伯姬杖

戈而先韓愈與鳳翔邢尚書慕義之人使或願 一傳或願操一戈納君於唐虞收地於河隍 永嘉 永嘉晉懷帝年號晉書衛玠傳 不意永嘉之末復聞始正之音 清言

陸游詩樂 一觴一詠 王羲之蘭亭序一觴一詠亦足以暢叙幽情 傲睨萬物 莊子天下篇獨與天地精 神往來而不傲睨於萬物 風

塵表 晉書王戎傳戎有人倫鑒常目王衍神 姿高徹如瑤林瓊樹自然是風塵表物 神峯 南史梁簡文帝與湘東王令 王威明風韻適上神峯標映 五胡 小學 紺珠

五胡劉淵匈奴石勒羯慕容 鮮卑符洪氏姚襄是為五胡 几上肉 三國魏志吳質傳注曹 子丹汝非屠几上肉 普通 普通梁武 帝年號 釋老 佛

道教 侯景逼臺城 通鑑韜覽梁奉清元年東魏大行臺侯景叛附於 梁三年三月侯景陷梁臺城夏五月梁主衍殂 就戮 晉書衛瓘傳得 報就戮未晚也

莫敢枝梧 漢書項籍傳諸將皆習服莫敢 枝梧注小杜為枝邪杜為梧 辭藻 南史梁簡文帝紀帝讀書十 行俱上傳綜羣書辭藻豐發 風度 北史 齊武

成帝紀論武成風 嘉仰 唐書岑羲傳勁 廉為時議嘉仰 所用非所養二句 史記韓非傳僞者用文亂 法而俠者以武犯禁寬則

瀛名譽之人急則用介胄之士 深感焉 南史顧越傳太子仁柔宣帝有奪宗兆之內 懷憤激乃上疏願留中不泄疏奉帝深感焉 易詩周

中季九二鳴鶴在陰其子和之毛 處非其據 漢書王莽傳贊竊 位南面處非其據 鳴梟 顏氏家訓人讀數卷 書便自高大人疾之

如仇敵惡 吾於是乎有感 歐陽修雜說三然則君子之學也 其可一日而息乎吾於是乎有感

齊寺人貂漏師

僖公二年齊寺人貂始漏師于多魚

邱瓊山曰：得盡引喻，的確誠千古快心之論。

揚升庵曰：識見高卓，筆力遒勁，故字字直刺入小人之骨。

孫執升曰：約者市道也，首括一也，括盡生心事，括盡一篇主意，始與君為市，繼與小人為市，終以國為市，故功利二字，猶是譽詞，千古主

管仲始進說於桓公，盤遊縱佚之屬，皆曰不害霸。其深戒痛絕，以為

害霸者，獨參用小人而已。仲之意，謂有抑必有揚，有操必有縱。故其

得政之始，首與齊桓約，舉一國之樂，皆歸君。舉一國之權，皆歸我。我

與君以樂，君與我以權。以是樂而市，是權兩相貿易。自今日以後，仲

苟進苦言以阻桓公之樂耶，則仲為負桓公。桓公苟用小人以侵仲

之權耶，則桓公為負管仲。其所以得君專持權久成功偉者，恃此約

也。夫彼所謂寺人貂者，崇臺榭，盛狗馬，侈聲色，以奉桓公游宴之樂。

是固仲所許也。今乃恃寵干政，漏洩軍事，則正犯仲之約矣。為仲者

曷質桓公以素約尸貂於軍門可也。願乃隱忍坐視而不爭者，殆必

有說矣。奕者舉棋未竟，斂手而甘敗者，國棋也。倒奩空枰，大敗塗地。

伯之術  
時敗露

朱字緣曰  
從漏師多  
魚處看定  
管仲不言  
推到始進  
時許君任  
用小人以  
樂易權隱  
哀己是奇  
妙又說到  
爭之不可  
性有委曲  
聽從權默  
移於小人  
而不能復  
奪其情其  
勢歷歷如  
見後言將  
死始敢言  
紹以取知  
人之名可  
是推勘入  
微法王道  
之外無垣

爭猶不止則棋之下者耳。仲國棋也。先自見不勝之兆於冥冥之中。安得不知難而止乎。使待舌敝力屈然後始肯處不勝之地。亦何以管仲為哉。仲始與桓公約。既以佚樂與公矣。資人君之樂者君子乎。一氣盤旋凡十數轉波迴瀾湧風起雲湧令人應接不暇。小人乎。名曰佚樂。未有不資小人者。名曰小人。未有不貪權勢者。已許其縱佚樂而禁其近小人。是授人以田而奪其耒耜也。已容其近小人而禁其奪吾權。是與盜者同處而惡其攘竊也。世寧有是理耶。仲急於功利。亟欲得齊國之柄。不暇長顧。卻慮而為是約。至漏師多魚之時。固已嘿然。陰悔初約之謬矣。失之於初而不能救之於後。此仲所以吞聲而不敢較也。若他人居仲之地。必不度事勢而爭之。雖使桓公勉聽其言而逐紹。然逐紹之後。在公左右者。必擁腫鞅掌而後可耳。桓公左右誠皆擁腫鞅掌之徒。則塊然宮中。無以自適。必反

途仁義之  
外無功利  
更爲奇快  
不許霸者  
占去功利  
驚人  
二字創論

張明德曰  
人臣事君  
私心未化  
未有不定  
入此等路  
上夫所以  
仲尼之門  
五尺之童  
羞梅五霸  
由此之風  
文勢如風  
發泉湧不  
可端倪結  
末并將功  
利二字不  
許霸者占  
去功論得  
未會有

賈管仲曰爾所以許我者享爲君之樂也我所以與爾權者亦以易

吾之樂也今吾迫蹙槁乾曾不得少享爲君之樂豈非爾欺我耶是

則用貂之初仲固可持左券而責桓公之負約逐貂之後桓公亦可

持右券而責管仲之負約矣仲之隱忍而不爭者此也總東是六家自貂始進言

之桓公所以敢用貂者以仲許之也當是時仲爲主而貂爲客自貂

變寵之時言之桓公所以未疏仲者以不害貂也當是時貂爲主而

仲爲客君臣之歡潛移主客之勢互變昔也貂爲仲所容今也仲爲

仲所容方且取容之不暇矧曰逐之云乎別證追仲將死始明數貂之姦

列於易牙開方之間欲併逐之音快平時則不敢排擊以爲保身之計將

死則盡言不諱以取知人之名其自爲謀亦巧矣然卒開禍亂之原

庶孽交爭國統殆絕天下之事信非巧者所能辦也嗚呼管仲輔桓

公之初心其自期何如耶。晚節末路至使桓公不能自定其子。區區  
偕仲屬之於宋襄焉。吾讀書至此未嘗不憐其衰而哀其窮也。世之  
詆霸者必曰尚功利。五霸桓公為盛。諸子相屠身死不殯禍且不能  
避。豈功利之敢望乎。是知王道之外無坦途。舉皆荆棘。仁義之外無  
功利。舉皆禍殃。彼詆霸以功利者何其借譽之深也。

齊寺人貂漏師註釋

盤游

張平子歸田賦極盤游之至樂雖日夕而忘劬

害霸

說苑桓公曰何如而害霸管仲對曰不知賢害霸知而不用害霸用而不任害霸任而不信害霸信而復使小人參之害

歸我

管子滕魯之粟四流而歸我若下深谷

崇臺榭

淮南子本經訓崇臺榭之隆侈苑囿之大

游宴

漢書蕭望之傳中書政本宜以賢明之選自武

帝游宴後庭故用宦者非風舊制

宴於之樂

拾遺記漢成帝起宵遊宮劉向切諫於是罷宴游之樂按此則博議當作宴游之樂

恃寵

左傳子太叔曰無怙富無

干政

晉書傳徐傳劉琨恃寵驕恣干預現政

軍事

左傳襄公三年軍事有死無犯為敬

軍門

左傳文公十二年晉申趙穿當軍門呼曰史記項羽紀於

犯約

論衡心險而行詖則犯約而負教

素約

史記韓氏家又非素約而謀伐秦也

負約

史記項羽紀業已講解又惡負約

舉棋

左傳襄公二十五年弈者舉棋不定不勝其耦 **國棋** 王路生集李商隱有送國棋王逢詩 **倒匱** 區音廉棋盒也宋書范蔚宗傳彭城王義康餉孔熙先袍段棋匱 **空**

**枰** 枰音平棋盤也蘇軾詩會合亦何事無言對空枰 **塗地** 史記高祖紀今置將不善一敗塗地無惑也彼獨恃一管仲而仲則死矣 **舌**

**傲** 戰國策秦策舌傲 **力屈** 漢書司馬相如傳百姓力屈恐不能卒業 **佚樂** 莊子讓王篇妾聞有道者之妻子皆得佚樂 **近小人**

毛詩序候人刺近小人也曹共公誘君子而好近小人焉 **攘竊** 尚書微子今殷民乃攘竊神祇之犧牲 **長顧卻慮** 荀子長顧卻慮杜甫初

**約** 史記外戚世家此兩美人笑薄姬初時約 **吞聲** 張奐與崔元始書匈奴若非其罪何肯吞聲 **事勢** 漢書劉向

兩 **擁腫鞅掌** 莊子庚桑楚篇老聃之役條擁腫之與居 **塊然** 淮南子原道訓塊然獨處說苑其尸塊然獨處豈有知哉

**自適** 晉書張翰傳任心自適不求當世 **迫蹙** 文同詩貧雖士之常於我何迫蹙 **左券右券** 史記田敬仲世家公當執左券以責於秦韓又商子以左

券于吏之問法令者主 **隱忍** 後漢書孔融傳雖有重民必宜隱忍賈誼所言擲鼠忌器蓋謂此也 **嬖寵** 左傳僖公二十四年潛

**移** 王湛文樂巴典郡山鬼潛 **排擊** 宋史蔡元定排擊 **盡言不諱** 史記齊世家管仲病桓公問曰羣臣誰可相者

管仲曰知臣章若君公曰易牙如何對曰殺子以適君非人情不可公曰開方如何對曰倍親以適君非人情近公曰豎刁如何對曰自宮以適君非人情難親管仲死而桓公不用管仲言卒近用三子

三子 **禍亂** 漢書平當傳道德平洽制禮 **庶孽** 史記漢興以來諸侯年表 **國統** 史記三王

專權 興樂災害不生禍亂不作 廣強庶孽以鎮撫四海 世家百官

遠慮各遵其職而國統備矣

### 所能辦

三國吳志呂蒙傳注曹公云帝王之起皆有驅除為不足忌此子敬內不能辦外為大言耳

### 晚節末路

漢書鄒陽

傳至其晚節末路張耳陳勝連從兵以叩函谷咸陽遂危

### 屬子於宋襄

左傳傳公十七年齊侯之夫人三王姬徐嬴蔡姬皆無子齊侯好內多寵鄭姬生孝公公與管仲屬孝公

於宋襄公以為太子

### 尚功利

荀子詐尚功利是漸之也教化禮義是齊之也

### 相屠

蘇轍六國論背盟敗約以自相屠滅

### 身死不殯

史記桓公

病五公子各樹黨爭立及桓公卒遂相攻以故宮中空莫敢棺桓公尸在牀上六十七日

### 坦途

柳宗元張公墓誌以闢坦途鬼工來拜

### 荆棘

皇覽孔子瑩中不生荆棘及刺

### 借譽

後漢書宦者傳論或敏才給對飾巧亂實或借譽貞良先時薦引

### 苦言

戰國策商君曰苦言藥也甘言疾也

### 鄭孔叔申侯

僖公三年楚人伐鄭鄭伯欲成孔叔不可曰齊方勤我棄德不祥四年齊伐楚盟於召陵陳轅濤塗謂鄭申侯曰師出於陳鄭之閉國必甚病若出於東

方觀兵於東夷循海而歸其可也申侯曰善濤塗以告齊侯許之申侯見曰師老矣若出於東方而遇敵懼不可用也若出於陳鄭之間共其資糧扉屨其可也齊侯說與之虎牢執轅濤塗五年陳轅宣仲怨鄭中侯之反己於召陵故勸之城其賜邑曰美城之大名也子孫不

忘吾助子請乃為之請於諸侯而城之美遂譖諸鄭伯曰美城其賜邑將以叛也申侯由是

得罪秋諸侯盟王使周公召鄭伯曰吾撫女以從楚輔之以晉可以少安鄭伯喜於王命而懼其不朝於齊也故逃歸不盟孔叔止之曰國君不可以輕輕則失親失親患必至病而乞

盟所喪多矣君必悔之弗聽逃其師而歸七年齊人伐鄭夏鄭殺申侯以說於齊且用陳轅濤塗之譖也

設論起 為世俗之說者曰徇時者通忤時者窮天下堯舜而我獨共鯨是以

王鳳洲曰  
反覆證辨

其勸君子而戒小人者至矣

孫執升曰

世俗第知

御時時

其窮通有

不盡然者

不知人當

辨君子小

人時常辨

治世亂世

此之前後

自不相蒙

實利至理

結構末段

議論尤高

朱字綠曰

孔叔守正

而免禍申

侯反覆而

被誅此亂

有放殛之禍天下桀紂而我獨湯文是以有幽繫之禍亂世之不利設論起此件時為善而得禍

為善猶治世之不利為惡也子欲為善於亂世盍先自省能傲災荒世俗

而輕髡鉗乎能嗜刀鋸而親碓鎖乎如曰未能盍亦隨時上下以傲世俗

寵保身哉是說之行風靡波蕩十人而九矣噫是果何道以排之乎

春秋之時澆偽蠱起之時也徇時而生者吾見其人矣忤時而死者此猶時而生

吾見其人矣祭仲潘崇之顯榮洩冶伯宗之戮辱皆世俗所指以藉此時而死

口者也蓋嘗以齊楚爭鄭之際觀之鄭伯之臣終始主齊不變其說徇時者

者孔叔也反覆趨利且齊且楚者申侯也格之以世俗之說則孔叔此時

之樸固膠滯殆難免乎今之世申侯持譎詭之術遇澆偽之時所謂此時

弁之春稼之秋也然孔叔卒無纖芥之禍而申侯反以殺其身則世轉出正意

俗之說果可盡信耶附丁傳者皆貴於哀帝之朝而朱博以丁傳敗此數人一時得禍

勸且爲反  
覆者警因  
先說世俗  
之論透說  
徇時之利  
反懸題意  
然後轉出  
正意倍見  
精神末復  
言小人生  
於治世以  
有所裁抑  
而不至陷  
於死亡小  
人死於亂  
世以無所  
底止而恆  
多罹于覆  
滅此千古  
名通之論  
所謂善人  
爲邦勝殘  
去殺而火  
炎峴岡則  
玉石俱焚  
者也

獻符命者皆侯於王莽之世而劉棻以符命誅昔之君子介然自守

忤時而不悔者其知之矣嗚呼治世者小人失志之時也亂世者小

人得志之時也抑不知事有大謬不然者小人之在治世片言犯義

則鑄譙至跬步觸法則譴責來含毒蓄險鬱不得吐信乎其不得志

也然抑其惡所以全其身愛小人者孰有加於治世乎嚴師之箠楚

慈母之呵叱吾見其恩而不見其讐也亂世則反是矣貪大者家亦

大詐高者位亦高羣譴輦囂競於爲惡不至於覆宗絕祀不止也有

餌焉以馨其鉤有錦焉以華其阱安得不誘而納之死地乎嗚呼小

人者毋以遇亂世爲幸哉

鄭孔叔申侯註釋

忤時史通有忤時篇

放殛尚書舜典放殛兇於崇山殛鯀於羽山

幽繫

張莒放籠鷹賦啓鸞鳥幽繫之中示皇家不私之務

亂世

荀子榮辱篇反側於

亂世之間是姦人之  
所以取危辱死刑也  
**髡鉗** 漢書刑法志當諒  
者髡鉗為城旦春

質要寵 後漢書謝夷吾傳不殉名  
以求譽不馳騫以要寵  
**風靡** 靡文被切偃也楚辭世從俗  
而變化今隨風靡而成行

海波蕩 匹 十人而九 白居易古冢狐詩忽然一笑  
失橫議 千萬態見者十人八九迷  
**蓬起** 史記項羽紀蜂之將皆  
爭附君注蜂起言多也

論今無行之人貪利以陷  
其身蒙戮辱而捐禮義  
**趨利** 漢書地理志周人之失巧偽  
趨利貴財賤義高富下貧

邵雍戒子孫文凶也者  
語言詭譎勸止陰險  
**無纖芥之禍** 戰國策齊策孟嘗君為相數十  
年無纖芥之禍者馮煖之計也

用事諸附離之者起家至  
二千石注謂丁明傅晏  
**失博** 漢書哀帝紀建平二年丞相朱博有罪自殺  
傳稱順孔鄉事發見詰遂陷誣罔辭窮情得仰藥飲鴆孔子曰久

矣哉由之行詐  
也博亦然哉  
**劉棻** 漢書王莽傳甄尋作符命棻收捕辭  
連隆威侯劉棻以下死者數百人

**志** 賈誼弔屈原文蘭茸  
尊顯兮譎諛得志  
**失志** 劉蛻獻南海崔尚書書不  
得時而顯進者為失志

不然 犯義 孟子離婁篇君子  
犯義小人犯刑  
**跬步** 荀子勸學篇故不積跬步無  
以至千里楊注曰半步曰跬

罪觸法陷 謹讀 唐書魏徵傳帝幸洛陽  
於大戮 次昭仁宮多所謹責  
**含毒** 揚雄太元賦甘餌  
含毒難數嘗兮

形植黎黑憂悲  
而不得志也  
**嚴師** 禮記學記凡學之道嚴  
師為難師嚴然後道尊  
**筆楚** 漢書路溫舒傳捶楚之下向求而不得注  
捶楚打也鹽鉄論以筆楚正刑注筆杖也

**波蕩** 後漢書公孫  
述傳方今四

**世俗** 史記武帝紀其所  
語世俗之所知也

**丁傳** 揚雄解嘲序哀  
帝時丁傳董賢

**介然** 荀子修身篇善在身  
介然必以自好也

**得** 司馬遷報任少卿  
書而事乃有大謬

**大謬不然者**

**觸法** 白帖觸法祗禁柳  
宗元駁復讎議抵

**不得志** 淮南子原道訓  
此齊民之所以

張明德曰：非古之識，正是不能，道隻字每，誦一過輒，款下拜善，乎朱字綠，之評曰萬，歷時黨禍，雖作小人，附會權勢，不過斥逐，君子未能，大得志也，即小人之，禍亦不過，斥逐其身，而止及魏。

楚荆

慈母

淮南子繆垂訓三月嬰兒未知利害而慈母之情愈篤者情也

呵叱

北史王晞傳因奏事大被呵叱而雅步晏然

位高

淮南子人間訓天下

自三危少德而多寵材下而位高身無大功而有厚祿三危也

羣讜輩囂

百川學海所引易林鳩雀喙粟羣讜輩囂

錦阱

柳宗元答吳武陵論非國語書夫為一書

務富文采不顧事實而益之以誣怪是猶用文錦覆陷阱也

遇亂世

荀榮子辱篇人之生固小人又以遇亂世得亂俗是以小重小也

齊伐楚

僖公四年春齊侯以諸侯之師侵蔡蔡潰遂伐楚楚子使與師言曰君處北海寡人處南海唯是風馬牛不相及也不虞君之涉吾地也何故管仲對曰昔召康公命我先君

太公曰五侯九伯女實征之以夾輔周室賜我先君履東至於海西至於河南至於穆陵北至於無棣爾貢包茅不入王祭不共無以縮酒寡人是徵昭王南征而不復寡人是問對曰

貢之不入寡君之罪也敢不共給昭王之不復君其問諸水濱師進次於陘

便用奇快之語直

甚小人之惡者寬小人之惡者也多小人之罪者薄小人之罪者也

小人之懷惡負罪者其心未嘗一日安也一日為人所發情得計露

何辭之敢爭其所以旅拒不服者非小人之罪也治小人之罪也治

小人者疾之太過求之太深謂正指其罪惡未足以深陷小人由是

於本惡之外復增其惡以甚之於本罪之外復增其罪以多之小人

菴用事小  
人誅鋤君  
子駢尸牢  
尸此時貧  
大者家大  
詐高者位  
高其得志  
甚矣然未  
幾而烈皇  
御極或正  
典刑或錮  
逆案豈非  
納之死地  
昔耶治世  
甚愛小人  
亂世非小  
人之幸不  
誣也

茅鹿門曰  
益毀豈獨  
為小人藉  
口往往釀  
成劫解之  
禍伯恭此  
論最深最  
透

方患無以自解也。日夜幸吾一言之誤。一字之差。乘隙以破吾之說。

今吾乃故為溢毀無實之辭。使彼得以藉口。是遺小人以自解之資。

也。彼之惡本實。因吾增之。反變實惡為虛惡。彼之罪本實。因吾增之。

反變實罪為虛罪。則為小人者。惟恐君子增加之不多耳。嗚呼。君子。

何苦坐一偽而喪百真。小人亦何幸借一誣而解百謫乎。濟桓公與。

管仲為伐楚之役。苟直指其不共貢職。以討之。則適投其病。楚必稽。

首而知罪矣。而君臣過計。以不共貢職之罪為不足。遂遠求昭王不。

復之事。欲張楚之罪。大吾出師之名。以蓋侵蔡之私。抑不知膠舟之。

禍。年踰數百。荒忽茫昧。不可考質。楚人肯坐受其責乎。此所以來水。

濱之侮。尚待進師至。陘而僅得其請盟乎。以小人而謗君子。謂之誣。

以君子而增小人之罪。亦謂之誣。小人之誣君子。全體之誣也。君子。

小人之情。側入字。透快。

同。滴。情。謫。言。言。透。測。

先。所。正。意。卻。是。虛。勢。

應。情。得。計。露。何。辭。敢。爭。

張。以。文。無。實。之。辭。

虛。說。一。段。君。子。服。小。人。自。

孫執升曰  
篇內向解  
之資一段  
透情刻理  
字字精金  
美玉  
朱字綠曰  
甚其惡而  
反以輕之  
多其罪而  
反以薄之  
從來未經  
人道凡作  
文必有一  
段不可磨  
滅之識始  
能不朽若  
拾人牙慧  
不越宿而  
腐耳學者  
不可不知  
看博議小  
小結構凡  
創議處必  
是前人未

之誣小人一事之誣也大小雖殊然終同歸於誣而已矣君子方疾  
 小人之爲金而復效其爲誣亦何以服彼哉惜乎伐楚之際無以是  
 語桓公者也然則楚之罪果止於不共王祭而已乎曰否楚聞周之  
 衰竊王號以自誤罪未有先焉者也桓公管仲方求出師之名尙遠  
 取數百年之罪以加楚使知其譖王必無反爲楚隱之理今恬不加  
 問是必不之見也人之求墜簪者簪橫吾之前或瞽亂而不能見簪  
 曷嘗自匿哉心切於求則目眩於視也桓公管仲之不見楚罪其以  
 是哉

齊伐楚註釋

薄罪

韓非子齊桓公發困倉  
賜貧窮論困圍出薄罪

負罪

尙書大甲謨  
負罪引慝

懷惡

穀梁傳孔子曰懷  
惡而討雖死不服

情得

風俗通  
辭窮情

得亦施

旅拒

後漢書黠者旅拒按旅拒驕矜  
貌周書異域傳論強則旅拒

罪惡

詩夫也不良國人知  
之箋言其罪惡著也

本惡

禮記王制  
凡聽五刑

有後人不到故爾可傳

張明德曰先正論又如人欲在高處立閣處行我讀茲篇而尤信

起一段入龍大意左題後駁黃氏譏

之訟節疏觸刑禁而非其本惡故聽訟者本者宿情立其恩義為平量 一言 易林一言不 一字 同乖戾生訟 史記趙世家

老學菴筆記尹少稷嘗於呂居仁舍人 藉口 左傳成公二年若苟有以藉口而 實惡 史記趙世家

善而 實罪 周禮秋官司寇佐王邢邦國 虛罪 宋史選舉志嚴 百謫 漢書陳遵傳西曹 知 實惡 疏過誤者出之實罪者施刑 治虛偽之罪 故事有百謫者斥

罪 左傳襄公十六年 過計 潛虛杞人蚩蚩憂天之 膠船 帝王世紀昭王德衰南征濟於漢船 人以膠船進王王御船至中流膠液

船解王及祭公俱沒於 茫昧 陶潛怨詩天道幽 王號 史記楚世家熊渠立其長子康為句章 王紅為鄂王少子執疵為越章王及周

厲王之時暴虐能渠 自娛 春秋繁露深察王號之大意漢書尉佗報 使知其僭王 僭訛 畏其伐楚亦去其王 文帝書老夫故敢妄竊帝號聊以自娛

督亂 庚信謝滕王集序啓 自匿 史記信陵君傳公子 目眩 說文眩目無常主從 精采督亂頗同宋玉 欲見兩人兩人自匿 目玄擊目眩眩也

楚滅弦黃 僖公五年楚鬬穀於莒滅弦弦子奔黃於是江黃道柏方睦於齊皆弦姻也弦子 恃之而之事楚又不設備故亡十一年黃人不歸楚黃冬楚人伐黃十二年黃人

恃諸侯之睦於齊也不共楚職曰自 郢及我九百里焉能害我夏楚滅黃

天下之禍恃人而不自戒者居其最天下之辱為人所恃而不能保 者居其最恃人而受禍者固可責也所恃者不足恃而納人於禍庸

之非歸罪齊桓作斷推論二國之存亡繫羣蠻之向背從大處落墨發出泉論闕議眼光如炬筆大如椽後以君子小人空中結撰暢所欲言仍與前意相映照此文律細密處全遂疑道不足待句正謂道之足恃爲後之爲君子者勸說理十分國足未接剛喻無非發明此句。朱張

非可責之尤者乎齊桓公攘夷狄以尊中國弦也黃也僻陋在夷慕中國之義自附於齊恃齊忽楚相繼覆亡左氏以恃人而忘備責之抑不知二國之所以忘備者深信中國以爲可恃也終至於翦滅者豈非誤信中國而至於此極乎爲中國者誤人於死地曾不自咎尙忍隨其後譏之甚矣無愧而不知恥也人之汎舟者恃舟師而不戒酣寢沈醉以溺於水是人固有罪矣然岸傍之人罪之可也舟師罪之不可也彼由誰致禍而猶敢罪之耶是溺人者非水也舟師也滅二國者非楚也齊也二國之滅未足深恨吾獨有所深恨者焉中國之不競久矣蠻夷肆行莫之敢遏齊桓獨毅然欲扶衰振廢弦黃又奮然自拔於蠻夷而從之四方諸侯皆將占弦黃之禍福以爲進退是機也中國蠻夷勝負之決也使弦黃既附中國而社稷奠安人民

豐。阜。則。皆。歆。豔。棄。戎。卽。華。楚。雖。倔。強。蠻。夷。間。誰。與。同。惡。者。今。齊。桓。坐  
視。二。國。之。亡。而。不。能。救。附。中。國。者。未。有。福。忤。蠻。夷。者。立。有。禍。人。情。非  
病。風。喪。心。豈。肯。辭。福。而。求。禍。耶。是。驅。天。下。之。人。而。歸。蠻。夷。也。向。若。桓  
公。倡。義。之。初。蠻。夷。皆。不。知。慕。中。國。之。義。漠。然。不。應。其。害。猶。淺。是。何。也。  
彼。雖。未。知。從。中。國。之。有。利。亦。未。知。從。中。國。之。有。害。也。不。幸。弦。黃。首。特  
中。國。而。得。禍。雕。題。文。身。之。俗。必。指。以。相。語。曰。吾。始。所。以。慕。中。國。者。圭  
璧。黼。繡。之。華。也。干。戚。羽。旄。之。美。也。豆。籩。彝。鼎。之。肅。也。磬。筦。鐘。鼓。之。和。  
也。謂。可。託。吾。國。而。無。後。憂。而。今。而。後。乃。知。中。國。之。不。足。恃。彼。聲。明。文。  
物。亦。徒。有。其。表。耳。焉。可。爲。所。誘。而。自。投。於。禍。哉。是。則。二。國。之。滅。猶。未。  
足。深。恨。因。二。國。之。滅。而。絕。蠻。夷。向。中。國。之。心。爲。可。深。恨。也。嗚。呼。中。國。  
猶。君。子。蠻。夷。猶。小。人。小。人。爲。君。子。之。害。猶。蠻。夷。爲。中。國。之。害。也。世。之。

名君子者。招小人而誘之曰。汝術甚危。我道甚安。汝盍去故而就新乎。間有聞風而來者。實無以與之。既奪其小人謀身之術。而不授之以君子藩身之具。未入於仁。而先入於愚。未入於義。而先入於迂。恃其徒善。曾不隄防。輕犯世忌。以蹈於禍。向之儕輩。交責而爭。尤之曰。汝不用吾言。捨便利之舊術。而就緩濡之迂計。今禍福果如何也。向之鄙夷吾黨。而自附於彼。吾謂汝朝升君子之門。暮收君子之利。顧乃顛頓困辱。反不若吾黨循常守故之安。則翦翦拘拘者。果足恃耶。一犬吠形。百犬吠聲。而仁義之道。荒矣。是皆以君子自名者之罪也。以君子自名者。誠不足恃矣。天下安可以此人之不足恃。而遂疑此道之不可恃耶。將之覆軍者。相繼。天下不疑兵書之難行。醫之殺人者。相望。天下不疑醫書之難用。世未有因罪其人。而并罪其書者也。

萬古六經反坐腐儒曲士輩而廢耶。

楚滅弦黃註釋

自戒

詩序言之者無罪 聞之者足以戒

攘夷狄尊中國

漢書五行志桓公能行霸道攘夷狄安中國說 苑桓公三存亡國一繼絕世攘夷狄以尊周室

僻陋在夷

左傳成公八年莒子曰僻 陋在夷其孰以我為虞

至於此極

莊子徐无鬼篇子綦有八子 修吾子何為以至於此極也

無愧

莊子

在齊為嘖甚矣其 無愧而不知恥也

汎舟

左傳僖公十三年 命之曰汎舟之役

酣寢

蘇轍射蛟浦詩祈招 無為賦酣寢盡平生

沈醉

三國蜀志蔣琬 傳先主人蜀除

廣都長衆事不 理時又沈醉

岸旁

李白詩桃 花發岸旁

溺於水

禮記表記子曰小人溺於水 君子溺於口大人溺於民

溺人

禮記緇衣夫 水近於人而

溺人德易狎而難 親也易以溺人

莫敢遏

毛詩商頌如大烈 烈則莫我敢遏

扶衰

淮南子聖人 救敗扶衰

四方諸侯

左傳成公 八年四方

諸侯其誰 不解體

社稷安

漢書文帝紀社稷 之安使萬民之利

豐阜

韻府揚雄詠豐阜 庶卉旅力不射

倔強

韓愈守戒今之通都 大邑介於倔強之間

而不知為之備噫 亦惑矣強上聲

同惡

漢書吳王鼻傳同 惡相助同好相留

未有福

左傳哀公元年今吳 未有福楚未有禍

立有禍

風俗 通葉

君祠祈禱無不如意 若有違犯立得禍

病風喪心

蘇洵諫論下人之心非病心 喪心未有避賞而就刑者

辭福求禍

孟子公孫丑篇 是自求禍也辭

軾超然臺記則可樂者常少而可悲者常多是 謂求偶而辭福夫求禍而辭福豈人之情也哉

倡義

後漢書李通傳通布 衣倡義助成大業

雕題文身

禮記 王制

南方曰蠻雕題交趾東方曰夷被髮文身  
註雕刻也題額也刻其額以丹青涅之  
補繡 范成大詩萬象當樓繡繡張  
干戚羽旄 藥記比音而樂之及干戚羽旄

謂之極陳註干戚武舞也羽旄文舞也  
彝鼎 禮記祭統惺拜稽首曰對揚以辟之勤大命施於蒸彝鼎  
馨筦 毛詩周頌執競篇馨筦將將註曰將將集也筦與管同樂器也

託國 史記鮪布傳必以楚為強可以託國也  
後憂 說苑先憂事者後樂先傲事者後憂  
虛有其表 明皇雜錄蕭嵩草蘇頌為相制云國之環寶帝曰豈

可斥其父名擲於地曰虛有其表謂嵩碩大多髯也  
聲明文物 左傳桓公二年文物以紀之聲明以發之以臨照百官  
深恨 稽康答難養生論深恨無有謂之自

愁 我道 漢書京房傳治易事梁人焦贛常曰得我道以亡身者必京生也  
濟輩 三國魏志武帝紀韓遂請與公相見公與遂同時濟輩於時交馬語移時不及軍事  
去

故而就新 飛燕外傳后揚袖曰仙乎仙乎去故而就新  
謀身 張說詩從來思博望許國不謀身  
藩身 藩衛也左傳昭公元年梁其涇曰貨以藩身子

何愛 徒善 孟子離婁篇徒善不足以為政  
隄防 漢書董仲舒傳夫萬民之從利也如水之走下不以教化提防之不能止也  
不用吾言 左傳昭公十八年梓慎曰舊術不用吾言鄭又將火

舊術 五代史司天考與極舊術則迂回而難用  
顛頓 淮南子今學者無聖人之才而不用吾言鄭又將火  
困

辱 史記張儀傳以子之才能以自令困辱至此  
剪剪拘拘 莊子在宥篇而佞人之心剪剪者註剪剪短也又大宗師篇夫造物者又將以余為此拘拘邪柳宗元與楊

誨之疏解車義第二書今子曰吾不能剪剪拘拘一犬 潛夫論一犬吠形百犬吠聲  
覆軍 孫子九變篇覆軍拘以同世敢拘吾豈教子為剪剪拘拘者哉

可不 兵書 唐書藝文志步告校尉任宏校兵書庚信 曲士 莊子秋水篇曲士不可與語於道者東於教也  
卽華 歐陽

修正統論魏七世至於孝文而去夷即華

### 楚文王寵申侯

傳公七年鄭殺申侯以說於齊且用陳轅濞塗之譖也初申侯申出也有寵於楚文王文王將死與之璧使行曰唯我知女女專利而不厭予取子

求不女疵瑕也後之人將求多於女女必不免我死女必速行無滴小國將不女容焉既葬出奔鄭又其寵於厲公子文聞其死也古人有言曰知臣莫若君弗可改也已

甚語△相△出△前△意

愛而知其惡者天下之至善也亦天下之至不善也人情有所愛則

有所蔽有所蔽則有所忘不蔽不忘卓然知其惡於深愛之中惟天

下之至公者能之何以反謂之大不善乎知而遠之善之善也知而

近之不善之不善也明皇之於李林甫德宗之於盧杞同用小人者

也同以小人致亂者也彼善於此則德宗猶愈焉德宗之言曰人皆

以盧杞為姦邪朕獨不覺其然是德宗之用杞愛而不知其惡者也

不知其惡而用之猶人情也若明皇則既知林甫之妒賢嫉能反尊

寵信任至十九年之久謂之人情不可也是知意在於用賢而不知

朱字綠曰 楚文王寵申侯 沈溺於惡 明知之而 仍愛之此 亦平常選 目卻尋愛 而知其惡 極好的道 理忽加以 至不善之 名色令人 心駭目震 急急看說 分疏方說 出不知其 惡而愛之 其罪淺知 其惡而愛

之其罪深  
主客互見  
情事刻露  
步步挨拶  
愈開愈緊  
眞善於論  
事之文

張明德曰  
起手故作  
驚人之筆  
以後層層  
駁發如剝  
蕉心如抽  
藕絲極行  
文之能事

其惡者德宗也。誤也。意在於用。姦而不恤其惡者明皇也。故也。受欺者其罪小。自欺者其罪大。德宗不過爲杞所欺耳。是杞之罪大而德宗之罪小也。明皇洞視林甫之惡。如見肺肝。是林甫本不能欺明皇。而明皇自用之。罪豈在於林甫乎。楚文王之嬖申侯也。猶明皇之嬖林甫也。明皇知林甫之妒賢嫉能。楚文王亦知申侯之專利不厭。一則終彼之身。任之不替。一則終我之身。寵之不衰。二君之罪。吾未知孰輕孰重也。彼子文不知楚文之失。反追誦其明。亦感矣。古今以郭公惡惡不能去爲大譏。然郭公非愛其惡而不忍去也。實惡其惡而不能去也。郭公雖懦而惡惡之本心猶未失也。豈若楚文與明皇既知其惡而猶愛之乎。聲之不可並者笑與哭也。貌之不可並者慍與喜也。愛其人必不知其惡。知其惡必不愛其人。異哉。楚文明皇既知

皇以定楚案

斷定明

務而

復句

以甚楚文

又引

桶論見奇

其惡又愛其人二者並處於胸中獨何歟蓋有說也善有力惡亦有

力不見可欲而不亂者善力尚淺也他日見可欲安知其不亂也不

見其姦而不怒者惡力尚淺也他日見其姦安知其不怒也見可欲

而不亂則其心深入於善善之力已堅矣見其姦而不怒則其心深

入於惡惡之力已堅矣二君知二臣之姦乃良知之猶未泯者至於

知其姦而尚愛之是為惡所持其力既堅雖良知不能奪也吾故論

發之以為善惡淺深驗

楚文王寵申侯註釋

愛而知其惡曲禮愛而知其惡憎而知其善至公仲長統昌言人主臨之以至公行之以至仁善之善者也漢書趙充國傳

戰而百勝非善之善者也明皇之於李林甫通鑑輯覽唐天寶十一載冬十一月右相李林甫死註元宗委政事於林甫林甫杜絕言路掩蔽聰明妒賢嫉能排

抑勝已屢起大獄誅逐貴臣凡在相位德宗之於盧杞通鑑輯覽唐德宗貞元五年李泌自陳衰老乞更除一相上曰盧杞忠清

十六年養成天下之亂而上不之寤也

前語。援。德。定。有。王。此。題。意。恐。一。邊。卻。善。惡。並。

應。轉。天。下。之。至。善。列。

漢書趙充國傳

通鑑輯覽唐天寶十一載冬十一月右相李林甫死註元宗委政事於林甫林甫杜絕言路掩蔽聰明妒賢嫉能排

通鑑輯覽唐德宗貞元五年李泌自陳衰老乞更除一相上曰盧杞忠清

強介人言杞姦邪朕殊不覺必曰此乃杞之所以為罪姦邪也倘陛下覺之豈有建致亂荀子修身篇小人反

忠之亂乎上復言盧杞小心朕所言無不從必對曰此孔子所謂一言喪邦者也

是致亂而惡人之非己也

致不肖而欲人之賢已也

信任漢書朱博傳股肱大臣上所信任

妒賢嫉能舊唐書盧杞傳杞居相位忌能嫉賢迎吠陰害

其

罪小其罪大孟子告子篇長君之惡其罪小逢君之惡其罪大

自用尚書仲虺之誥好問則裕自用則小

如見肺肝禮記大學人之

視已如見郭公

郭公新序齊桓公遊於野見郭氏之墟問野人曰郭氏何為墟曰善善而惡惡公曰善其肺肝然

善而惡惡人之善行也其所以為墟者何也曰善善而不能行惡惡而不能去是

以為墟也風俗通傳曰郭氏之墟墟者虛也郭氏古之諸侯

不見可欲老子不見可欲使心不亂

良知孟子盡心篇所不慮而知者其良知也

未泯

張嶠裴代封逃封對延陵去國令範猶存太伯辭周遺芳未泯

不能奪也孟子告子篇先立乎其大者則其小者不能奪也

洞視洞音洞朗徹也李漢韓昌黎集

字洞倪萬古  
懲惻當世

齊桓公辭鄭太子華僖公七年秋盟於甯母謀鄭故也鄭伯使太子華聽命於曾言於齊侯曰洩氏孔氏子人氏三族實連君命若君去之以為成我以

鄭為內臣君亦無所不利焉齊侯將許之管仲曰君以禮與信屬諸侯而以姦終之無乃不可乎子父不奸之謂禮守命共時之謂信違此二者姦莫大焉夫諸侯之會其德亦禮義無國不記記姦之位君盟替矣作而不記非盛德也君其勿許鄭必受盟

待○子○一○篇○而○賦○

道無待而有待非道也夫一彼一此而待之名生焉心之與道豈有

道一○字作

唐荆川曰  
莊子道也

遊曰此猶  
有待者也  
齊物論曰  
吾有待而  
然者也此  
篇以待字  
立說實從  
此脫化

徐賈揚曰  
魯力峭勁  
○春秋左  
○史記事之  
○書東萊先  
○理說理至  
○精細處直  
○傳聖人心  
○法可謂說  
○經之宗

孫執升曰  
曰通天下  
無非已不  
見有人之  
可為曰聖  
人之萬  
物皆備是

彼此之可待乎心外有道非心也道外有心非道也古之學者為已

非以人不足為也通天下無非己不見有人之可為也動靜語默出

入起居未有由乎人者飭躬厲行非以揚名也別嫌明微非以避謗

也簡賦省刑非以求名也深謀遠慮非以防患也本無待而作亦豈

有待而止哉有所慕而作者外無慕則止也有所畏而步者外無畏

則作也曰作曰止皆待於外而不出於我則吾之為善既無本矣無

本之水朝滿夕除無本之善朝銳夕墮是烏可恃耶管仲諫桓公之

受子華曰諸侯之會德刑禮義無國不記記姦之位君盟替矣作而

不記非盛德也仲不能以道格君之心使自不為惡反持簡冊之毀

譽以制之噫為惡果待於外使自古無史官諸侯無史籍將放意而

不復為善邪不導其君以心制物而反以物制心是以外制內也幸

兩柱于

義大○而○精○

此○言○有○待○之○非○道○

進○一○步○

駁○得○快○

論學絕頂  
語曰此豈  
管仲所知  
哉先生蓋  
為後學說  
非為管仲  
說也文特  
純粹簡靜

朱字綠曰  
管仲之言  
末為大非  
看出不能  
格君心而  
制以簡冊  
之毀譽便  
見聖人萬  
物皆備史  
記盤盂几  
杖皆屬心  
物的意思  
又有通天  
下人無非  
已的意思  
諸篇以奇  
快見長此  
獨精純然

而桓公以好名之心易好利之心又○就○桓○公○聽○諫○一○般○更○快○僅從管仲之諫若桓公好利之心勝則仲之說窮矣信如是則聖人立左右史以記言動者亦豈以外更○闕○入○制內耶非然也聖人之心萬物皆備不見其為外也史心史也記心中○似○非○也○記也推而至於盤盂之銘几杖之戒未有一物居心外者也嗚呼此豈管仲所知哉

### 齊桓公辭鄭太子華註釋

非道也

禮記中庸道也者不可須臾離也可離非道也

一彼一此

左傳昭公元年疆場之邑一彼一此何常之有

出入起居

尚書問命

出入起居

高適詩臨事恥苟免履危能飭躬

礪行

蔡邕郭有道碑砥節礪行直道正辭博議作厲非

揚名

孝經開宗明義章立身行道揚

名於後世

唐書陸贄傳贄既放荒遠常闔戶避謗不著書祇為古今集驗方五十篇示鄉人云

別嫌明微

禮記禮運是故禮者君之大柄也所以別嫌明微

簡賦省刑

賈誼過秦論輕賦少事以佐百姓之急約法省刑罰以待其後

求名

左傳或求名而不得或欲盡而名彰

深謀遠慮

過秦論深謀遠

慮行軍用

防患

周易履德之基疏六十四卦悉為修德防患之事故履卦為德之初基

無畏

唐書隱逸傳孫思邈曰慎以畏為本故士無畏則簡仁義農無畏則

奇快之氣亦未嘗減張明德曰文特精純諸評以易我無以之

情稼穡工無畏則慢規矩商無畏則貨不殖子無畏則忘朝滿夕除韓愈符讀書城南詩潢潦無根源朝滿夕已除

朝銳夕惰孫子朝氣銳晝氣惰暮氣歸善用兵者避其銳氣擊其惰歸此治氣者也博議作惰非格君孟子離婁篇惟大人為能格君心之非持毀

譽後漢書蘇章傳性強切而持毀譽士友咸憚之史籍漢書劉向傳向父子世典史籍後漢書班彪傳彪才高而好述作遂專心史籍之間放意列子楊朱篇不治並故放

好意所為善後漢書東平王傳日者問玉處好好利管子齊晉之民詔諛葆詐巧佞而好利左右史記言勤

豐記玉藻勳則左史書之言則右史書之心史宋季三山鄭思肖著心史一卷蓋取諸此心記宣和畫譜江南中書舍人韓熙載好聲伎專為夜飲頹閣中夜至其第竊窺之

目識心記繪為盤盂几杖大戴禮武王踐作記盥盤之銘曰與其溺於人也甯溺於淵猶可游也溺於人不可救也几之銘曰皇皇惟敬口生啞口壯口杖

之銘曰惡乎危於忿惡惡乎失道於嗜欲惡乎相忘於富貴。惡音烏

增批輯註東萊博議卷二終

# 增批輯註東萊博議卷三

雙芙蓉館藏本

大城劉紫山輯注

## 葵邱之會

僖公九年夏會於葵邱尋盟且修好禮也王使宰孔齊侯胙曰天子有事於文武使孔賜伯舅胙齊侯將下拜孔曰且有後命天子使孔曰以伯舅耄老加勞賜一

級無下拜對曰天威不遠爾咫尺小白余敢貪天子命無下拜恐隕越於下以遺天子蓋敢不下拜下拜登受秋齊侯盟諸侯於葵邱曰凡我同盟之人言歸於好宰孔先歸遇晉侯曰可無會也齊侯不務德而勤遠略故北伐山戎南伐楚西為此會也東略之不知西則否矣其在亂乎君務靖亂無勤於行晉侯乃還

孫執升曰  
孔子以器  
小譏管氏  
即此意  
朱字錄曰  
通篇兩層  
立意一是  
不可無所

天下之爲治者未嘗無所期也。王期於王，霸期於霸，強期於強，不有以的之孰得而射之，不有以望之孰得而趨之，志也者所以立是期也。動也者所以赴是期也，效也者所以應是期也。汎然而議卒然而行，忽然而罷，汗漫荒忽無所歸宿者，是豈足與爲治哉。故期者聖君

期一是一所  
期不可自  
小而至於  
滿主意重  
在所期不  
可自小而  
至於滿御  
先說不可  
無所期輕  
先於重多  
用此法至  
光采橫驚  
豪宕軼羣  
洵自來自  
往之文

張明德曰  
期於霸而  
復期於王  
此自有無  
限作用何  
患唐虞三  
代不復見  
於今日也  
桓不見及  
此仲更不  
見及此東

賢臣所以先天下之治者也。期固為治之先，亦或為治之害。自期於

強者，至強則止。欲挽之始進於霸，不可得也。自期於霸者，至霸則止。

欲挽之使進於王，不可得也。何則？其素所期者止於如是也。強而止

於強，霸而止於霸，是特安於小耳。雖不足肩盛世而追遐軌，然下視

弱國陋邦，所獲不既多矣乎？謂之無志，則可謂之有害，則未也。抑不

知天下之勢不盛則衰，天下之治不進則退，強而止於強，必不能保

其強也。霸而止於霸，必不能保其霸也。驅駿馬而馳峻坂，中間豈有

駐足之地乎？齊桓公拔管仲於縲紲桎梏之中，屬之國政，立談之間

遽以霸功相期，何其壯也。所期既立，左國右高，前鮑後隰，下逮比閭

族黨之民，夙興夜寐，淬厲奮發，以赴吾君之所期。至於葵邱之會，威

加諸侯，名震四海，天子致胙，王人下臨，環以旌旄，崇以壇陛，幕張燎

○頌住○以○上○是○要○有○所○期

以上期有所得

又頌住

得此一縱文情委曲

用喻作收文氣瀾忽生動

應志者所期是期

應勤者所期是期

萊乃言之  
擊擊篇中  
如言蔡邱  
未會之先  
猶自朔至  
望之月寢  
長而寢盈  
葵邱既會  
之後猶自  
望至晦之  
月寢缺而  
寢盡此等  
識論誰人  
道得出半  
字即使依  
稀言之亦  
不能痛快  
至此此篇  
期字當與  
前編待字  
參看

舉有司戒期。駢圭交舄。抑首就位。弁冕秩秩。穆然無聲。於是桓公降  
寫霸者得。意光。只。也。其。  
阼。遵廷。下拜。王命與俯。跪起之容。翼如也。環佩衝牙之音。鏘如也。降  
寵榮光。焜耀在列。申以五命之嚴。永以載書之信。明約顯命。若挾河  
寫霸者。氣。魄。震。動。赫。弄。光。景。如。畫。  
漢而轟雷。庭區區曹許之君。出於鼠壤蟻封之中。驟見曠古駭俗之  
偉觀。目眩氣奪。莫敢仰視。雖平日跋扈倔強。不受控御。如晉侯者。猶  
膏車秣馬。奔走道路。恐干後至之誅。五霸莫高於桓公。而桓公九合  
之盟。葵邱之會。實居其最。一時文物之盛。騷人墨客。誇談矜語。至於  
今。不衰嗚呼。桓公素所自期者。及葵邱之會。悉償所願。滿足無餘。種  
字。起。下。十。餘。滿。字。願。地。  
之累年。而獲於今日。信可謂不負所期矣。所期既滿。其心亦滿滿。則  
此。方。轉。下。說。期。滿。之。害。文。字。有。次。第。  
驕驕。則怠怠。則衰。近以來。宰孔之譏。遠以召五公子之亂。孰知盛之  
極。乃衰之始乎。吾嘗譬桓公之功業。葵邱未會之前。猶自朔至望之

月也。寢長而寢盈。葵邱既會之後，猶自望至晦之月也。寢缺而寢盡。

蓋未滿則有增，既滿則招損而已。尙安能復增乎？甚矣人心之不可。

滿也。桓公非不知滿之可戒也，所期既滿，其心不得不滿也。使桓公

所自期者不止於霸，詎肯至霸而滿哉？桓公之罪在於自期之時而

不在於既滿之時也。雨暴而沼溢，酒暴而卮翻，沼之所受有常限，卮

之所容有常量，人之所期有常願，踰其限過其量，塞其願雖不欲滿

而不自知其滿矣。我不爲沼，何憂乎十日之霖？我不爲卮，何憂乎千

釀之醴？桓公素不以霸自期，則下視霸功亦蚊蟲之過前耳。吾是以

知自期之不可小也。進霸而至於王極，天下之所期無在其上者，其

亦可以息乎？曰：王道果可息，則堯之兢兢，舜之業業，湯之汲汲，何爲

者耶？

東○兼○字○每○出○終○雅○美○

上○用○兩○所○期○既○滿○之○

在○於○既○滿○之○時○此○一○句○說○不○在○既○滿○之○時○倒○說○也○

夾○出○正○意○

葵邱之會註釋

應期

任昉為范尚書讓封侯表  
陛下應期萬世接統千祀

汗漫

淮南子慮遨遊乎北海見一士  
焉曰吾與汗漫期於九垓之上

無所歸宿

荀子終  
日言成

文典及糾察之則偶然無所歸宿  
不可以經國定分是慎到田駢也

素期

韋應物詩清賞非素期  
又朱子詩隱淪非素期

遐軌

晉書桓彝傳邁周庾之  
清塵遵許郭之遐軌

弱國

戰國策燕策夫制於燕  
者蘇子也而燕弱國也

陋邦

蘇軾詩只恐  
全齊笑陋邦

無志

荀子自知者不怨人知命者不  
怨天怨人者窮怨天者無志

駿

馬

戰國策秦策呂不韋說陽  
泉君曰君之駿馬盈外廄

峻坂

漢書文帝紀帝馳下峻坂爰  
從霸陵欲西袁盎諫乃止

拔管仲於縲紲之中

淮南子汜論訓管仲免於縲紲之中立齊國之政九  
合諸侯一匡天下○極楷二字是淺人妄增當刪去

比閭族黨

周禮地官大司徒令五家為比  
使之相保五比為閭使之相愛

五閭為族使之相葬  
五族為黨使之相救

夙興夜寐

毛詩小雅小宛篇夙  
興夜寐無忝爾所生

淬厲

蘇軾晁錯論錯以身  
任其危日夜淬厲

王人

左傳

王人子

旌旄

史記孔子世家旌旄羽  
紘矛戟劍撥鼓噪而至

壇陞

陸音比階陞也宋史樂  
志謁勅壇陞祇祀泰禋

戒期

左傳齊侯  
戒師期

圭

羅鄴詩疊玉  
駢圭巧思長

環佩衝牙

禮記玉藻篇佩玉有衝牙疏曰凡佩玉必上繫於衡下垂三道蠟  
珠下端前後以懸璜中央下端懸以衝牙觸璜而為聲玉形似牙

故曰

隆寵

晉書傅咸傳虛忝隆寵鮑照詩恩榮難  
久恃隆寵易衰偏○博議作降寵非

明約

史記蘇秦傳做邑趙王  
使臣效憑計奉明約

河漢雷

霆

韓愈上襄陽于相公詩煇  
赫若雷霆浩汗若河漢

鼠壤

莊子天道篇鼠壤有  
餘蔬而棄妹不仁也

蟻封

鄧榮晉紀王湛與姪濟共乘馬  
步驟不異而馬不相勝湛曰今

直行車路何以別馬勝否唯當就蟻封耳於是就蟻封盤馬馬果倒蹄  
曠古北史趙彥深傳小偉觀觀去聲君誠多景莫敢樓詩登臨真偉觀

仰視史記項羽本紀於是已破秦軍項羽召見諸侯將入轅門無不膝行莫敢仰視控御晉書劉琨傳琨善於懷撫短於控御晉侯獻公膏車秣

馬韓愈送李愿歸盤谷序膏吾身今秣吾馬從子於盤谷令終吾身以徜徉後至之誅駱賓王討武氏檄坐昧先機之兆必貽後至之誅五霸莫高

於桓公漢書高祖本紀蓋聞王者莫高於周文霸者莫高於齊桓騷人墨客李白詩哀人起騷人宣和畫譜宋迪畫山水運思高妙如騷人墨客登高賦詩夸

談柳宗元乞巧文夸談雷吼償所願韓愈新修滕王閣記倘得一累年後漢書陳蕃傳輔弼先帝出內累年驕則怠

唐書房喬傳富貴則驕驕則怠意則忘宰孔見題五公子之爭蘇洵管仲論桓公薨於亂五公子爭立顏師古曰五公子謂無虧也元也昭也潘也商人

也功業史記殷本記功業著於百姓百姓以平月望朔月之初一日也望月之十五日也日月相望故曰望常

限國史補李建為吏部郎中條無淹翊以守常限無紛競以求再捷常願後漢書左雄傳懼違本操失其常願踰限申鑒諸侯不專封富人名田逾限富過公侯是自封

也過量諸葛武侯集平為大臣受恩過量不為沼左傳伍子胥曰越不為沼吳其泯矣雨暴陳陶詩願天雨無暴願地風無狂十日

之霖莊子大宗師篇子輿與子桑友而霖雨十日采葉本作霖俗本作淋蚊蠅過前莊子寓言篇會子再仕條彼視三釜堯三千鐘猶視雀蚊蠅相過乎何也堯

兢兢舜業業漢書董仲舒傳故堯兢兢日行其道而舜業業日致其孝湯汲汲揚子法言堯舜禹湯文武汲汲仲尼皇皇榮光尚書中侯武皇

觀於河沈璧禮畢且退  
至於日昧榮光並塞河

### 衛侯遜位激民

僖公十八年冬邢人狄人伐衛對菟圃衛侯以國讓父兄弟及朝衆曰苟能治之燬請從焉衆不可而後師於背婁狄師還定公八年晉師將盟

衛侯於鄆澤趙簡子曰羣侯誰敢盟衛君者涉佗成河曰我能盟之衛人請執牛耳成何曰衛吾温原也焉得視諸侯將插涉佗按衛侯之手及腕衛侯怒王孫賈趨進曰盟以信禮也自如衛君其敢不唯禮是事而受此盟也衛侯欲叛晉而叛諸大夫王孫使次于郊大夫問故公以晉詭語之且曰寡人辱社稷其改卜嗣寡人從焉大夫曰是衛之禍豈君之過也公曰又有患焉謂寡人必以而子與大夫之子爲質大夫曰苟有益也公子則往羣臣之子敢不皆負羈縲以從將行王孫賈曰苟衛國有難工商未嘗不爲患使皆行而後可公以告大夫乃皆將行之行有日公朝國人使賈問焉曰若衛叛晉五伐我病何如矣皆曰五伐我猶可以能戰賈曰然則如叛之病而後質焉何遲之有乃叛晉晉人請改盟弗許

天下之物有置之則不可見動之則不可禦者殆非人力之所能爲

機之字○機○字○生○

也機之發於天者然也兄弟鬩於牆而外禦其侮是心安從生耶

弟之愛天也鬪鬩之時其機伏而不見初未嘗亡也一旦遇途人之

辱以動吾之機是機一發豈薄忿細怨所能遏耶君臣也父子也夫

婦也兄弟也朋友也五者天下之大機也私欲桔之小智藩之封繫

朱字緣曰  
動其機亦  
是平常議  
論取其首  
尾完好引  
代德二宗  
事亦切  
張明德曰  
機伏而動  
單爲選中

一激字伏  
派兩引唐  
事證據確  
切以議論  
為敘事末  
後又歸到  
天字上首  
尾相應自  
是穩當文  
字

固密其機若不可復還也。或叩焉。或觸焉。其機立應。掣其桔。決其藩。固有破百年之人。僞於一息之間者矣。唐之代德。何如君也。昏庸猜虐。民困其暴。固已不復。知有君臣之義也。及在播遷流離之中。用柳伉陸贄之言。貶損自責。以感發天下君臣之機。真機既生。森不可禦。向日之抑塞。向日之殘酷。向日之橫斂。向日之征徭。後機一衝。前怨咸息。愛君之外。舉無餘念。疾首痛心。爭先赴敵。不越月踰時。而歸二君於故都。祀唐配天。不失舊物。暫動其機。效已若此。況其機素明者。應有一年息耶。衛國之君。兩用此機。文公以邢狄之侵。避位而激其民。動是機於前。而終能滅邢。靈公以晉之侮。亦避位而激其民。動是機於後。而終能克晉。是非樂於自屈也。不屈已於此。則無以發機於彼也。文公固賢主。若靈公。豈素拊循其民者耶。民之所以畢力拒晉者。非為靈公。

也。靈公之言適動其愛君之機而不能已也。雖然動天之機者不可

映池代德

復提前天字

雜之以人狄侵晉侮非有陝郊之危奉天之急也。而文公靈公張大

小○忘○不○可以○罪○一○君○出○公○事○各○不○同○牽○合○未○確

其事甚已之辱而起民之怒其動民之本既雜而不純矣。故衛國之

民天機雖動人機亦隨馴致其患。公孫彌牟反竊是機以拒出公非

動其機者不端詎至是耶。以人蔽天猶可也。以人亂天不可也。蔽者

其天尚存方開之以天而遽投之以人本原汨亂吾不知其何時而

能去也。

### 衛侯遜位激民註釋

非人之所能為也。

孟子萬章篇非人之所能為也天也

機發于天。

莊子秋水篇今余動吾天機而不知其所以然吳越春秋夫射之道右手

發機左手不知

兄弟鬩于牆。

詩小雅常棣篇兄弟鬩于牆外禦其侮注鬩闕狠也

君臣也五句。

禮記中庸君臣也父子也夫婦也昆弟也朋友

之交也五者天下之達道也

大機也。

呂氏春秋察微篇夫弩機差一米則不發戰大機也德士而忘其御也將以此機而為虜豈不宜哉

私欲。

左傳昭公十三年私欲不

違小智韓非子小智不可使謀事小忠不可使主法

決其藩陸游詩吾君本廣大談笑決其藩

人偽蘇軾詩人偽相加有餘怨夫真喪盡無純誠

猜虐馬燧請刻御製碑表僻邪無自而入猜虐不萌於中

君臣之義也禮記文王世子然而衆著於君臣之義也

播遷張說詩金臺此淪沒玉真時播

遷流離詩邶風旄邱篇流離之子朱子曰流離漂散也

柳伉通鑑韓覽唐代宗廣德元年冬十月吐蕃入加上如陝州吐蕃入長安關內副元帥郭子儀擊之吐蕃遁去十一月

削程元振辭放歸田里驃騎大將軍程元振專權自恣吐蕃入寇元振不以時奏致上狼狽出幸太常博士柳伉上疏請斬元振首馳告天下上猶以元振有保護功放歸田里

陸贄韓

唐德宗建中四年冬十月涇原兵過京師作亂上如奉天朱泚反據長安自稱大秦皇帝犯奉天十一月渾瑊擊破朱泚奉天圍解興元元年春正月大赦考功郎中陸贄言於上曰昔成湯以罪已勃興楚昭以善言復國陛下能不吝改過以謝天下使書詔無所避忌則反側之徒革心向化矣上然之故奉天所下書詔雖驕將悍卒聞之無不感激揮涕

自責後漢書吳祐傳有爭訟者輒閉

習自責然杜甫詩狗後斷其訟

橫斂唐書劉晏傳國無橫斂而軍旅濟

征徭徵役也杜荀鶴詩任是深山最深處也應無計避征徭

後機南史周宏正傳智不後機體能濟物劉縝新論緩者悔於後機急者敗於機促

疾首痛心

左傳成公十三年斯是用痛心疾首唯就寡人杜汴疾亦痛也

越月踰時禮記三年問踰月踰時焉則必反巡過其故鄉

故都史記項羽紀韓王成因故都之陽翟

祀唐配天不失舊物左傳哀公元年祀夏配天不失舊物杜注物事也

動是機陰符經食其時百骸理動其機萬化安

公孫

彌牟

左傳哀公廿五年衛褚師比公孫彌牟作亂夏五月庚辰衛侯出奔宋廿六年越舉如納衛侯之子致衆而問焉曰君以蠻夷伐國國幾亡矣請納之衆曰勿納曰彌牟亡而有益請自北門

唐荆川曰  
文有理趣  
而語句灑  
脫

孫執升曰  
前半言天  
理後半言  
良心良心  
之不理即  
天理也天  
理獨出於  
紂跖之口  
良心獨在  
於詐心之  
中專為小  
人誣被故  
多用叩擊  
法

出衆曰勿出重越賂人申  
開守陣而納公公不敢入  
化之本  
汨亂 唐書劉蕡傳墮裂  
王度汨亂朝經

訓致 周易馴致其  
道至堅冰也

天機

三國吳志孫權傳君  
臨萬國秉統天機

本原

漢書董仲舒  
傳太學老教

梁亡

僖公十九年初梁伯好  
工功亟城而弗處民罷而弗堪則  
曰某寇將至乃溝公宮曰秦將襲我民懼而潰秦遂取梁

天下之不容泯者天理也登唐虞之朝者舉目皆德政陪洙泗自席  
者入耳皆德音縱橫交錯無非此理左顧右盼應接不暇其何自而  
窺天理之真在哉至於居橫逆淫詖之中天理間發豈非是理之真  
在歟我生不有命在天人皆知紂之託辭也然天之一言胡爲而忽  
出紂之口哉何適而無道人皆知跖之託辭也然道之一言胡爲而  
忽出於跖之口哉紂身與天違而口忽言天跖身與道違而口忽言  
道噫不如何以知是理之果不可亡歟梁伯溺於土功罔民致寇  
自速滅亡其罪固然矣吾獨於罪之中而知天理之所在焉人皆以

朱子言性

雖下愚不

能無道心

自其誠摯

不致從浪

滅良心盡

意而警切

凡為不善

皆由於覆

善而假託

非良心之

所在也王

伯安言良

知是知自

乃曰無善

無惡心之

知又是何

罔民為梁伯之詐心吾獨以為梁伯之良心世之論良心者歸之仁

歸之義歸之禮智信未有敢以詐為良心者名詐以良心豈有說

乎曰詐非良心也所以詐者良心也梁伯之版築其自以為是乎其

自以為非乎如自以為是必不待罔民以其寇將至也必不待罔民

以其秦將襲我也惟其心慊然以為非恐民之不我從故虛張外寇

以脅之耳嗜版築而不已者心之私也慊版築而不安者心之正也

詐固非良心慊獨非良心乎是以知天理常在人欲中未嘗須臾離

也欲心方熾而慊心叢生孰導之而孰發之乎嗚呼梁伯一念之慊

此改過之門也此復禮之基也此堯舜禹湯文武之路也使聖人迎

其善端推而大之沛然若決江河莫之能禦奈何一慊方生而繼

以詐自起自仆良心安得而獨勝乎是知與生俱生者謂之良心毀

物至今祖

應罔民為良心

此處看此良心

此一層文氣充滿

一路委

述其說者必欲打掃善字一空歸於虛無而後止使心之體果無善無善必不知善之為是惡之為非也梁君何復敗罔其民以行不善耶從和尚位下討生活者必又日滿街都是聖人矣張明德曰八性本善上智與下愚均有這點種子朱子亦嘗言人雖極惡大罪未嘗

之而不能消背之而不能遠有以繼之則為君子無以繼之則為小人  
結出君子小人之分在良心繼與不繼  
人繼與不繼而君子小人分焉故學者不憂良心之不生而憂良心之不繼

### 梁亡註釋

天理 朱子孟子集注由堯舜至於湯章而又以見夫天理民彝不可泯滅 唐虞 見前 舉目 張九齡詩乘流坐 德政 王維有京兆尹張公

德政 碑 洙泗 見前 入耳 韓愈送李愿序入耳而不煩 德音 樂記絃歌詩頌此謂之德音 交錯 成公綏嘯賦續紛交錯 左顧右

盼 曹植與吳質書左顧右盼謂若無人豈非君子壯志哉皎然詩左顧右盼生光輝 應接不暇 世說新語子王敬曰從山陰道上行山川自相映發使人應接不暇 橫

逆 橫去聲孟子離婁篇有人於此其待我以橫逆 淫詖 孟子公孫丑篇詖辭知其所蔽淫辭和其所陷 有命在天 尚書西伯戡黎王曰嗚呼我生不有命在天

託辭 說苑上士可以託色中士可以託辭 何適無道 莊子眩僂篇故跖之徒問於跖曰盜亦有道乎跖曰何適而非有道邪夫妄意室中之藏聖也入先勇也出後義也

知可否智也 罔民 孟子梁惠王篇馬有仁人在位罔民而可為也朱子曰罔猶羅網欺其不見而取之 致寇 周易解卦貞且乖致寇至貞吝 良心 孟子告也

均分仁也 有說 莊子天道篇齊桓公讀書條有說則可無說則死 版築 宋史天文志土功吏二星在壁宿南動搖則版築事起 自

篇其所以放其良心者亦猶斧斤之於木也

無道心可

知為善之

良為易見

而為惡之

良心難測

也文能從

此中看出

良心二字

用意獨奇

尤妙在分

君子小人

在良心之

繼與不繼

二句內有

多少咀嚼

且開多少

法門

無惡無善

心之體體

本渾然如

以為是

論語趨而避之注曰接輿自以為是故不欲聞而避之也

虛張

皇甫謚二都賦字虛張異類託有於無

不我從

左傳幾日而不我從心

之正也

孟子梁惠王篇吾何快於是注曰不快於此者心之正也而必為此者欲誘之也

天理人欲

孟子孫文公篇陽虎曰為富不仁節注曰天理人欲不容

並欲心

論語鄉黨篇注聖人之所不食窮口腹者或反食之欲心勝而不暇擇耳

善端

中庸其次致曲章朱子曰其次則必自其善端發見之偏而悉推致之以各造其極也

若決江河

孟子盡心篇及其闡一善言見一善行若決江河沛然莫之能禦也

為君子為小人

朱子曰為善者為君子為惡者為小人

用人祀神

僖公十九年夏宋公使邾文公用鄫子於次睢之社欲以屬東夷司馬子魚曰古者六畜不相為用小事不用大牲而況敢用人乎祭祀以為人也民神之主也用

人其誰饗之齊桓公存三亡國以屬諸侯義士猶曰薄德今一會而虐二國之君又用諸淫昏之鬼將以求霸不亦難乎得死為幸

無聞則仁有聞則暴無聞則天下皆吾體烏得而不仁有聞則獨私

其身烏得而不暴幽明也物我也混混同流而無聞者也喜同一喜

喜觸於心則幽明物我不約而皆喜怒同一怒怒觸於心則幽明物

我不約而皆怒判而為慘舒休戚愛憎哀樂之情別而為盈虛子奪

是非損益之理散而為禍福利害安危死生之變彼動則此應彼發

謂良知者乃渾然中不見不一惡之可指可名因無

惡之可謂  
之名而謂  
之善非心  
之體實有  
善惡之分  
也事有善  
惡而念無  
善惡念如  
於事之善  
者則為善  
念念加於  
事之惡者  
則為惡念  
博議中已  
詳言之人  
有求財不  
厭為貪心  
乃本此心  
以求道則  
與夫子學  
而不厭何  
以異又有  
守財弗失  
為吝心乃  
本此心以  
于道則與  
顏子之服

則此知未嘗有閒也昔之仁人所以視民如傷者豈以冥冥之不可

小落

無閒一段短

欺昭昭之不可犯哉幽明物我通為一體不見其有可傷之地也既

身與神無閒

傷於民亦傷於身既傷於身復傷於神噫知此者其知仁之方乎不

右閒一段長

仁則不覺不覺則不合幽明不合而有人與神之閒焉物我不合而

有人與己之閒焉遂以為苟便於身何恥乎媚神苟媚於神何恤乎

害人以妄傳妄以偽傳偽然後淫誣怪誕之說興然後煮蒿悽愴之

主妄、成、腐

妖作然後陰詭側僻之祀起然後釁塗剝剔之亂生如宋襄楚靈季

平子之事蓋有禽獸之所不忍為者非天獨賦以酷戾很逆之性也

私己深畏神甚淪惑其心至此極也一時之君子又從而譏之曷若

無閒一段短

求其為暴之原而滌之乎天下之理有通有塞其通耶入荒之外六

有閒一段長

合之內幽明物我不見其閒孰非吾仁其塞耶雖汲汲以愛人利物

膺為矣又  
何以異向  
之惡今之  
善特因利  
與義而改  
其名彼心  
之體焉嘗  
有善惡者  
耶顏淵曰  
舜何人也  
子何人也  
自為者亦  
若是果爾  
則滿街都  
是聖人奚  
必從和尙  
位下討生  
活哉然則  
人持心向  
善之心不  
專或轉求  
道守道之  
念以求利  
而守利則  
洋街都不  
免是凡人  
耳至謂祖

為念然毫芒之差藩籬限焉發於其心害於其事發於其事害於其  
政民有不得其死者矣一念之毒流金鑠石一念之駛奔雷走霆雖  
未嘗以兵殺人實以心殺人雖未嘗用人以祭社之神實用人以祭  
心之神也其視宋襄輩何以太相過乎通者仁之門也塞者暴之門  
也是故欲仁者不於其仁於基通去暴者不於其暴於其塞

用人祀神註釋

無間

論語泰伯篇子曰  
禹無吾閒然矣

有間

莊子養生主篇  
以無厚入有閒

幽明

周易繫辭傳仰以觀於天文俯  
以察於地理是故知幽明之故

物我

水經注可謂濠梁  
之性物滕無違矣

混混

混上聲音書傳咸傳江海之  
流混混故能成其深廣也

一喜

唐書柳公權傳從幸未央  
宮帝駐輦曰朕有一喜

一怒

孟子滕文公篇一怒而諸侯懼蘇  
軾起伏龍行有事徑須煩一怒

慘舒

張蘊古大寶箴四時調  
其慘舒三光從其得失

哀樂之情

禮記中庸喜怒哀  
樂之未發謂之中

節注喜怒哀  
哀樂情也

予奪

管子七政篇予奪也儉  
易也開閉也謂之決塞

視民如傷

孟子離婁篇命  
文王視民如傷

一體

管仲先王善與民  
為一體與民為一

體則是以國守  
國以民守民也

昭昭冥冥

列女傳衛靈公與夫人夜坐條夫忠臣  
與孝子不為昭昭變節不為冥冥墮行

傷於身

莊子德充符篇  
惠子條無以好

述王氏之  
說者必將  
善字打掃  
一空歸而  
止於虛無  
此不足患  
也在自伸  
其說者能  
明辯以漸  
而不國圖  
其語焉斯  
得矣

王鳳洲曰  
不就彥忍  
立論但曰  
有開無閉  
字字從性  
命上得來

鍾伯敬曰  
以通墨中  
論無閉更  
覺精透

徐揚貢曰  
胡文定元

惡內傷 傷於神 淮南子說山訓 有言則傷其神 仁之方 論語雍也篇能近取 譬可謂仁之方也已 媚神 易林稱幸上 靈媚悅於神 黷塗

左傳昭公五年吳子使蹇由矯師楚 人執之將以戮鼓。戮以血塗物也 剗剔 周書秦誓焚炙 忠良剗剔孕婦 楚靈 左傳昭公十一年三月丙申楚 子伏甲而饗蔡侯於申醉而殺

之刑其士七十八冬十一月 季平子 事見卷一隱 公問羽數篇 私己 唐書李勣傳 私己畏禍 畏神 大戴禮黃帝生 而人得其利百

年死而人畏其神百年 淪惑 鮑照詩周王日淪 惑漢帝益嗟稱 至此極也 莊子徐无鬼篇子綦有八子 條吾子何為以至此極也 利

物 周易文王傳利物足以和義史記五帝 紀高辛生而神靈自言其名普施利物 八荒之外 列子仲尼篇遠在八荒之外近在眉 睫之內趙壹迅風賦經營八荒之外 六

台之內 莊子齊物論六合之外聖人羣而不論六合 之內聖人論而不譏按上下四方為六合 藩籬限 晉書羊祜傳及進兵 之日曾無藩籬之限 發於

其心四句 孟子滕文公篇作於其心害 於其事作於其事害於其政 民莫得其死 禮記五者一物紕 繆民莫得其死 流金鑠石

淮南子汎論訓大熱鑠 石流金火弗為益其烈 奔電 任昉王憲文集序 追奔電逐遺風 相遇 帝王世紀禹病 偏枯步不相過 欲仁 論語我欲仁 斯仁至矣

宋人圍曹 僖公十九年宋人圍曹討不服也子魚言於宋公曰文王聞崇德亂而伐之軍三 旬而不降退修教而復伐之因壘而降詩曰刑于寡妻至于兄弟以卸于家邦今

君德無乃猶有所闕而以伐人若 之何盍姑內省德乎無闕而後動

天下之情不見其速未有見其遲者也浴焉而食食焉而繭繭焉而

年傳發明  
仁體東萊  
此議更透

孫執升曰  
東萊先生  
說理之文  
最多精語  
讀至復傷  
於神及用  
人以祭心  
之神二說  
毛髮俱豎  
神在人心  
之中殺人  
者自殺其  
心之神似  
為孟夫子  
一闕語下  
注脚語更  
危甚痛甚  
朱字綠曰  
用人祀神  
其惡甚著  
未不足論  
前用幽明

反正一氣。  
縹縹焉而織。歷數月而後得帛。凡蠶者皆以為固然。不聞厭其遲也。

耕焉而種。種焉而耘。耘焉而穫。穫焉而春。歷一歲而後得粟。凡農者

皆以為固然。不聞厭其遲也。身修而後家齊。家齊而後國治。國治而

後天下平。一階一級。豈可妄躐。由三代以前。亦未聞有厭其遲者也。

禮見字  
見倚市門者。得帛於一笑之頃。則回視蠶婦。數月之勞。不勝其遲矣。

見坐賈區者。得粟於一日之間。則回視農夫。終歲之勞。不勝其遲矣。

此以法變。以化其板。  
功利之說。興變詐之風。起棄本徇末。競收富強之效。於立談之餘。反

顧王道。豈不甚遲。而可厭哉。是宜子魚舉文王之事。而終不能止。宋

襄之師也。儒者之論曰。蠶而帛。農而粟。身而治。正也。不以蠶不以農

不以身。雖得利。如不正。何。嗚呼。小人之情。惟利是嗜。既衣其帛。何恤

乎不蠶之名。既食其粟。何恤乎不農之名。既享其治。何恤乎不身之

乎不蠶之名。既食其粟。何恤乎不農之名。既享其治。何恤乎不身之

物我莫非  
同體看出  
仁道之無  
可傷後用  
一念之毒  
一念之駛  
而民不得  
其死者看  
出不在大  
不在大慶  
慶精言能  
發前人所  
未發

張明德曰  
神與人祀  
也神人祀  
神之豈享  
童白叟皆  
知其事之  
誕而立心  
之慘而忍  
也先生活  
必窮源况  
幽明物我  
猶是老生

名爲是論者豈足以梃小人之心哉。蓋反其本矣。天下之所以有僥

正意在此。化二。段。爲。兩。段。

倖而得帛者以蠶婦陰爲之織也。天下之所以有僥倖而得粟者以

一段。折。入。喻。語。文。勢。須。期。有。情。有。景。

農夫陰爲之耕也。如使天下盡厭耕織焚其機斧其耒則雖有巧術

何從而取粟帛皆將凍於冬而餒於途矣。彼僥倖而收功利豈真其

力哉。亦聖人之遺澤三綱五常之猶未亡者。陰有以扶持之也。向若

不見中。有此在也。

聖人皆效後世之欲速蹶其根涸其源以爭旦暮之利則大經大法

殄滅無遺人之類滅久矣。雖有欲速之心何所用哉。然則後世共詆

猶耕。憊。之。有。布。粟。

薄以爲遲鈍迂闊者乃其所恃以生者也。無賢者則不肖者不能獨

立無智者則愚者不能獨存。彼其相戕相賊歲消月鑠而戴髮含齒

設。難。以。待。後。之。君。相。

之屬終不可盡者。意其中必有所恃也。所恃者果專在聖人乎。曰否。

### 宋人圍曹註釋

浴食

食音嗣禮記祭義卜三宮之夫人世婦之吉者使入露於露室捧種浴於川桑於公桑風戾以食之

繭綠

又世婦卒蠶遂獻繭於夫人夫人繭三盆手女仙傳國客條繭大如

獲每一繭繭六七日乃盡

不厭遲

宋詩鈔楊萬里詩厭速不厭遲

耕種耘

龍城錄道逢老叟率年少於路左講明樹藝其言深耕淺種時耘時

野獲春

詩幽風八月其穫說文曰春搆米也

身修三句

大學聖經一章

一階一卮

晉書王祥傳王公相去倚一階而已卮音士破也

倚

市門

史記貨殖傳刺繡文不如倚市門按倚門者倡也

一笑

李延年歌北方有佳人遺世而獨立一笑傾人城再笑傾人國

賈區

賈音古行貨曰商居貨曰賈漢書胡

絕

建傳詩監軍御史為姦穿北軍壘原以為賈區注賈區者賣物之區

利功

朱子論語集注齊俗急功利喜誇詐

變詐

史記三王世家齊地多變詐不習禮義

棄本

徇末

王融策秀才文今農職不修文信是競棄本徇末厥弊滋多

富強

漢書溝洫志鄭國鑿涇水為渠關中為沃野無凶年秦以富強卒并諸侯

立談

楊雄解嘲或七

十而不竭

王道

尚書洪範無偏無黨王道蕩蕩

不蠶

鹽鐵論不耕而食不蠶而衣李翔云佛齋不蠶而衣裳具弗耨而飲食充蘇洵易論生民之初不耕而不飢不

蠶而

食其粟

左傳昭公十五年入用其龍饑食其粟

盍反其本矣

孟子梁惠王篇王欲行之則盍反其本矣

蠶婦

毛詩大雅婦無公事

修其

得粟

宋史歐陽修傳言析代寄嵐多禁地廢田願得令民耕之朝廷下其議歲得粟數百萬斛

粟帛

後漢書和帝紀永元三年賜民爵及粟帛各有差李翱論事疏粟帛

者農之

三綱五常

論語集注三綱五常禮之大體

欲速

論語欲速則不達漢書刑法志晉文隨時苟合以求欲速之功

大經大法

與孟尚書其大經大法皆亡滅而不救壞亂而不收所謂存十一於千百

殄滅無遺

尚書盤庚殄滅之無遺育

人之類滅久矣

韓愈原道如古

情勢引兩化之速在治引甚此急不張

有迴喻倒三段之害不知以明欲

引喻倒三段之害不知以明欲

極變化却  
刁斗不亂

朱字終曰  
左氏量力  
而動原未  
嘗禁其不  
動文看其  
廿冠退法  
為祭所制  
反是由人  
不由己是  
從無可翻  
案處翻出  
新意為末  
養未充為  
未成修未  
備及已充  
已成已備  
兩層說得  
完全否則  
以隨之小  
弱當楚之  
強大不教  
之效死勿  
去而導之  
爭地爭城

之無聖人人  
遲鈍迂闊  
蘇軾上皇帝書忠厚近於迂闊老成初若遲鈍  
無賢者  
孟子告子篇是故無賢者也  
歲消月鑠

韓愈石鼓歌日消月鑠就  
戴髮含齒  
列子黃帝篇有七尺之骸手足之異戴髮含齒倚而趨者謂之人

### 隨伐楚

傳公二十年隨以漢東諸侯叛楚冬楚鬬穀於莒帥師代隨取成而還君子曰隨之見伐不量力也量力而動其過鮮矣善敗由己而由人乎哉詩曰豈不夙夜謂行多露

君子憂我之弱而不憂敵之強。憂我之愚而不憂敵之智。強者弱之對也。我苟不弱則天下無強兵。智者愚之對也。我苟不愚則天下無智術。後之為國者終歲憂敵之強而未嘗一日憂我之弱。終歲憂敵之智而未嘗一日憂我之愚。使其移憂敵之心而自憂則誰敢侮之哉。以隨之陋而鄰於楚。以隨之君臣而與楚成。子文抗其強弱智愚判然矣。隨非惟不知自憂乃不自量其力。怒臂當轍以蹈禍敗。左氏以不量力譏之。允哉。其言曰。隨之見伐不量力也。量力而動其過鮮矣。善敗由己而由人乎哉。左氏之意以謂楚雖強暴終不敢無過加。

是速之也而已矣

張明德曰知已知彼此一定之論

左氏青其不量力而妄動原是確論

來以自強立論拈定由已不由人意處處

剝法以破左氏之說後又發明

量力二字實是由已至理是從無可生法

處翻出一段至理

東萊先生恐小國力量不安動

東萊先生恐小國力量不安動

兵於隨使隨自知力不如楚甘處退怯則禍何由至哉。伐隨者楚也。

召楚者隨也是隨之敗由已而不由人也。見伐者雖在人無致伐之

端者顧不在我乎。嗚呼信如是說乃所謂由人而不由已也。畏楚而

不敢先動者固出於由矣。所以制隨而使之不動者非楚乎。是其不

動者名由於我而實隨於人也。有宗廟有社稷有民人而寄存亡之

命於他國惴惴自保惟幸不見侵陋矣。漢陽諸姬楚實盡之。彼豈皆

先犯楚者哉。隨雖量力自守恪遵信約疆場有釁楚之執事豈其顧

盟然則隨雖自守不能禁楚之吞噬存亡之權固由楚而不由隨也。

左氏能誦善敗由已之言而止耳。孰知善敗由已之理乎。天下之事

未有不由于已者。善者已也。極其善則為堯舜禹湯者亦已也。敗者已

也。極其敗則為桀紂幽厲者亦已也。前無禦者欲聖則聖後無換者

轉語○妙○注○就○上○又○一○句○又○詳○

引此以破左氏之說

又○提○理○字○指○斷○左○氏

以速禍也。故教以養之。為未充。之苟未備。而輕動也。則禍矣。而。又恐甘處。退怯以終。於弱終於。不懼。而。不。已。充。已。成。已。備。動。無。敵。之。說。以。示。之。則。當。此。未。充。已。充。之。時。固。有。一。番。作用。在。內。尚。非。僅。教。以。效。死。勿。去。也。奚。云。導。之。以。爭。地。爭。城。而。速。之。斃。哉。朱。評。博。議。

欲狂則狂。隨侯果知此理。則位天地育萬物。無不由已。况區區之楚。何足畏乎。左氏謂畏楚為量力。不知適以墮人之力也。古人之所謂。量力者。蓋有說矣。養而未充也。為而未成也。脩而未備也。於是量力。而未敢輕動焉。所憂固在於已。而不在于人也。養已充。為已成。修已備。有所不動。動無敵矣。苟以齷齪自保為量力。則人將自安於弱。而終於弱矣。自安於愚。而終於愚矣。驢天下之力者。非量力之論歟。

隨伐楚註釋

強兵

戰國策司馬錯曰欲富國者務廣其地欲強兵者務富其民

智術

三國志諸葛亮傳孤不度德量力欲信大義於天下而智術短淺

誰敢侮之

孟子公孫丑篇治其國不誰敢侮之

怒臂當轍

莊子人間世篇汝不知乎螳螂乎怒其臂以當車轍不知其不勝任也

禍敗

漢白荊通等傳費春秋以來禍敗多

強暴

淮南子汜論訓然而征伐者不能釋甲兵而制強暴

退怯

宋史峭鼎傳累年退怯敵志益驕

惴惴

毛詩秦風黃鳥篇臨其穴惴惴其慄注惴惴懼貌

自保

三國志武帝紀注當紹之強孤猶不能自保而況眾人乎

漢陽諸姬

左傳僖公廿八年漢陽諸姬楚實盡之杜注水北曰陽姬姓之國在漢北者楚盡滅之

信約

唐書韋倫傳吐蕃豺虎野心不可事信約

疆場

場音亦左傳桓公十七年疆埸之事

楚之執事豈其願盟

左傳昭公元年吳濮

處往往摘出而仍不能自圓其說故略舉數端書後以待質云

堯舜禹湯

杜牧華清宮詩几席延堯舜軒擗接禹湯

桀紂幽厲

孟子離婁篇三代之得天下章注禹湯文武以仁得

之桀紂幽厲以不仁失之

未備也

漢書文帝紀是史舉賢之道未備也

不動

孫子爭軍篇不動如山動如雷霆

齷齪

音渥疑六書故曰人之曲詐者曰齷齪

齷齪愈有齷齪詩

### 宋公楚人戰于泓

僖公二十年宋襄公欲合諸侯臧文仲聞之曰以欲從人則可以人從欲鮮濟二十一年宋人為鹿上之盟以求諸侯於楚楚人許之公

焦弱侯曰學宋襄而與子魚所謂善學柳下惠者無如魯男子深得脫胎換骨之法不待辨論而公羊之說自屈尤見筆力之高也

子目夷曰小國爭盟禍也秋諸侯會宋公於孟諸侯曰禍其在此乎於是楚執宋公以伐宋二十二年宋公伐鄭子魚曰所謂禍在此矣秋楚人伐宋以救鄭宋公及楚人戰于泓宋人既成列楚人未既濟司馬曰彼衆我寡及其未既濟也請擊之公曰不可既濟而未成列又以告公曰不可既陳而後擊之宋師敗績公傷股門官殲焉國人皆咎公公曰君子不重傷不禽二毛古之為軍也不以阻隘也寡人雖亡國之餘不鼓不成列子魚曰君未知戰云云二十三年宋襄公卒傷於泓故也

由涿鹿而至牧野舉帝王之兵更數十戰由大經而至諸子談帝王

之兵踰數萬言效非不明而說非不詳也及宋襄公為泓之役而以

帝王之兵自許反至喪敗後世指其一戰之失盡疑帝王之兵為不

朱字綠曰博議好用奇峭之句

獨此篇舉  
事以巧至  
破宋戰極  
愚之論極  
德補快前  
說宋襄陳  
餘以杯水  
救以薪之  
火尚許他  
有一念之  
合於帝王  
此非說所  
言非是帝  
王之道更  
直哉

可信果哉說之遽也。宋襄君於宋豈不知宋之弱迫於楚豈不知楚之強今乃不量宋之力偃然自爲盟主欲屈強楚之君於會其愚而不能料事一矣。齊桓之霸宋襄耳目所接也宋襄自視信義與齊桓孰愈壤地與齊桓孰愈兵甲與齊桓孰愈齊桓九合諸侯終不能屈致楚子而宋襄乃驟欲致之其愚而不能料事二矣。孟之見執幾不免虎口僅而縱釋曾未閱時遽忘前日之辱尙敢稱兵與楚爭鄭其愚而不能料事三矣。是三者皆匹夫匹婦之所共曉况所謂帝王之兵制遠在千百年之外斷簡遺編若藏若沒若存若亡是豈宋襄之所能知乎。觀其料今事之疏即可見其談古道之謬。雖未交鋒之前固知其必敗也。說者乃以宋襄之敗爲古道之累是猶見贖者之誤評宮角遂欲并廢大樂豈不過甚矣哉。或者又謂宋襄無帝王之德

禍之直結  
乃為有制  
之師其說  
宋襄之愚  
處更極痛  
切文之王  
太而不落  
纖巧者此  
篇乃為得  
之

袁中郎曰  
元言瀟瀟  
如聞玉屑  
朱字綠曰  
駁去天與  
人無預之  
說先透  
發天與人  
軒入天後  
一體意博  
法多論此  
動論回激  
越繼答周

而欲效帝王之兵。所以致敗。亦非也。使帝王之世人皆服其德。則固

數語破盡。行備之障。

不待於用兵矣。德不能服。是以有兵。則兵者生於人之所不服也。彼

破宋。呼。所。稱。帝。王。之。兵。非。是。

既不能矣。豈縱豕突。亦何所不至。我乃欲從容揖遜。以待之。適遺之

再破其說。

禽耳。吾恐帝王之兵。不如是之拙也。古之誓師者曰。殄殲乃讐。曰。取

彼凶殘。溘然未嘗有毫髮貸其所寬者。惟弗迓克奔而已。奔而歸。我

是以弗擊。苟推鋒而與之爭。一旦之命。胡為而縱之哉。是縱降者。帝

以下駁公羊而止。

王之兵。縱敵者。宋襄之兵也。烏可置之一域耶。公羊子以宋襄之戰

所以駁出公羊之愚。

為文王不是。過嗚呼。宋襄何足以知文王。若子魚乃真知文王者也。

子魚諫宋襄伐曹。曰。文王聞崇德亂而伐之。軍三旬而不降。退修教

而復伐之。因罽而降。其言薰然而不傷。退然而不伐。妙得文王之本

心。至於泓之戰。諫宋襄之辭。發揚激厲。奮起勁悍。驟與前日異。若與

重令人賞而忘倦。前脩星備。胸中回其天。道遠人天。道遠故人。人有時相。答如響亦。有時漢不。相應畢竟。崇德脩政。以俟天命。爲回天之。要不可非。也。

文王不相似與變推移不主故常此真學文王者也知子魚之善學文王則知宋襄之不善學文王矣

宋公楚人戰於泓註釋

涿鹿 史記五帝紀蚩尤作亂不用帝命於是黃帝與蚩尤戰於涿鹿之野遂禽殺蚩尤而諸侯咸尊軒轅爲天子是爲黃帝 牧野 史記周本紀武王伐紂陳師牧野 數

十載 帝王世紀顓頊平九黎之亂呂氏春秋堯戰於丹水之浦以服南蠻墨子禹征有苗書序啓於有扈戰於甘竹書紀年仲康五年征羲和帝相元年征畎夷國語桀伐有施氏書序湯征葛伐

桀伐三臆紀年可夏甲四年征藍夷易高宗伐鬼方紀年武乙卅五年周王季伐西落鬼戎 大經 文丁二年周人伐燕京之戎帝幸九年伐有蘇史記文王伐崇密須犬夷前編武王戡黎

諸子 史通雜說中篇晉楚方言齊 數萬言 漢書孟卿傳說禮數萬 帝王之兵 戰國策 趙策田 曾俗語六經諸子載之多矣 言號曰后氏曲臺記

單田單聞之帝王之兵所用 喪敗 蘇軾諫用兵書師 強楚 陸機諒布贊名冠 爲盟主 左 者了過三萬而天下服矣 徒喪敗財用耗屈 強楚鋒猶駭電 傳

昭公四年晉以爲盟主 料事 柱甫釋悶詩江邊老翁錯 信義 論語齊一變至於魯章重禮 而獲文公是以爲盟主 料事眼暗不見風塵清 教崇信義猶有先王之遺風

孰愈 論語子謂子貢曰 兵甲 後漢書劉盆子傳盆子肉袒降 壤地 左傳哀公十一年壤 汝與回也孰愈 積兵甲宜陽城西與熊耳山劑 地同而有欲於我 屈

致 三國蜀志徐庶謂先主曰諸葛孔明臥龍也將軍豈願見 不免虎口 莊子盜跖篇料虎頭編 之乎先主曰君與俱來庶曰此人可就見不可屈致也 虎須幾不免虎口哉

匹夫匹婦

論語憲問篇豈若匹夫匹婦之為諒也

共曉

潘存實晨光麗仙掌賦下映而千巖共曉

兵制

尉繚子凡兵制必先定制先定則金鼓所指百

人盡嗣陷行亂陣則千人盡嗣天下莫能當其戰矣

若滅若沒

列子說符篇天下之馬者若滅若沒若亡若失。博議作若藏非

若存若亡

揚子法言

神怪茫茫若存若亡

交鋒

陸機論攻無堅城之將戰無交鋒之虞

贖者

國語晉語贖者可火

宮角

管子聽宮音如牛鳴窮中角音如雉登木以鳴音疾以清

大

樂樂記大樂必易大禮必簡

服德

管子法政獨出於主則天下服德

不服

周禮夏官大司馬負固不服則侵之說苑聖人之治天下也先文德而後武力凡武之興為不

服豕突

唐創業起居注以嬰城膠任之兵當巨猾豕突之勢

遺之禽

左傳昭公五年使擊臣往遺之禽以逞君心遺去聲禽與擒同

殄殲乃讎

尚書秦誓殄殲乃讎注殄殄滅汝之世讎

取彼凶殘

秦誓取彼凶殘我代用張

弗迓克奔

尚書牧誓弗迓克奔注弗迎擊能奔而能降者

推

錄漢書吳王濞傳此年少推可耳。知大庸

爭一日之命

呂氏春秋順民篇越王苦會稽之恥欲築得民心以興吳王爭一日之死劉繇新論奮武厲誠以決一旦

之縱敵左傳僖公卅三年吾聞之

一域

權德輿浩歌得喪同一域是非亦何常

文王不是過

公羊傳宋師大彭故君子

大其不鼓不成列臨大事而不忘大禮以為雖文王之戰不是過也

薰然

韓愈紳陳彤序頤然其長薰然其和

激厲

南史范雲傳性頗激厲少威重有所是非形於造次

勁

悍

柳宗元時令論然而其臣有勁悍者

不主故常

莊子天運篇洞庭張樂條變化齊一不主故常

魯饑而不害

僖公二十一年夏大旱公欲焚巫尪臧文仲曰非旱備也修城郭貶食省用務穡勸分此其務也巫尪何為天欲殺之則如勿生若能為旱焚之滋甚公

張明德曰天者人之所不能外也世之論天者何其小耶日月星辰之運則付  
 昭昭也然執天以論天未免拘墟之見篇中人言之發即天理之發即人心之悔即天理之悔即人事之脩即天道之脩即無動而非天人與合一此方是言天實察先生破左氏無預於天之意於此已透徹而復結以成王胸中之

從之是歲也  
 饑而不害

天者人之所不能外也世之論天者何其小耶日月星辰之運則付

之天災祥妖孽之變則付之天豐歉疫癘之數則付之天若是者非

人之所能為吾知崇吾德修吾政而已彼蒼蒼者吾烏知之哉以湯

之時而天旱天與湯未嘗相參也當是時天亂而湯治以秦之暴而

天稔天與秦未嘗相參也當是時天治而秦亂天自旱之湯自養之

天自稔之秦自暴之天與人曷嘗相預耶自世俗之說行天人始離

而不合矣魯僖遇旱而欲焚巫尪其陋已甚賴從文仲之諫亟修旱

備是歲饑而不害詳考左氏所載殆未免世俗之見也左氏之意以

謂旱在天備在人泉枯石燥土焦金流人固無如天何修城節費務

稽勸分天亦無如人何饑者天之所為也不害者人之所為也果如

天更奇更

言成之若

非有此左

氏所憑此

真可謂之

石破天驚

以學士大

父映出一

女子文勢

益徵其遠

是說則所見者不過覆物之天耳抑不知天大無外人或順或違或

向或背徒為紛紛實未嘗有出於天之外者也順中有天違中有天

向中有天背中有天果何適而非天耶取左氏謂修旱備無預於天抑

不知文仲之諫自何而發僖公之悔自何而生旱備之修自何而出

人言之發即天理之發也人心之悔即天意之悔也人事之修即天

道之修也無動非天而反謂無預於天可不為太息耶善觀天者觀

其精不善觀天者觀其形成王引漢書之方疑周公其天固嘗蔽也及雷電

以風成王肅然祇懼與召公太公共啓金縢之書始信周公之勤勞

是成王胸中之天已回於執書以泣之時矣豈必待天雨反風禾則

盡起然後知天意之回耶待天雨反風而知天意者周人之知天也

非召公太公之知天也

定兩周字  
發論一層  
又申擣周  
禍二字深  
論一層及  
國不能成  
一層原之  
周原發一  
層文情斐  
風下泉之  
詩

### 魯饑而不害註釋

天者人所不能外

春秋繁露天亦有喜怒之氣哀樂之心與人相副以數合之天人一也

日月星辰

尚書堯典星象日月星辰

妖

孽

禮記禮運故無水旱昆蟲之災民無凶饑妖孽之疾中庸國家將亡必有妖孽

豐歉

關尹子二在篇五豐之變可以卜當年一瀉疫之豐歉八風之朝可以卜當時之吉凶

瀉疫

左傳昭公元年山川之神則水旱厲疫之災於馬乎榮之隋書食貨志序關中癘疫炎旱傷稼博議作疫癘恐非

崇德

論論敢問崇德修懃辨惑

修政

亢倉子古之清勤為治修

為治修名 蒼蒼

莊子逍遙篇遊天之蒼蒼其正色耶其遠而無所極至耶

湯之時大旱

說苑湯之時大旱七年於是使人持二足鼎祝山川曰政

不節邪使人疾乃苞苴行邪譏夫昌邪宮室崇耶

天旱

漢書郊祀志元封三年夏旱公孫卿曰黃帝時封則天旱

秦稔

通秦風俗

昭上使凍水為蜀郡太守開成都兩江漸曰萬頃無復水旱之災歲常豐熟

土焦金流

莊子逍遙篇大旱金石流土山焦而不熟

節費

顏氏家訓興造之臣取其

程功節費 務稽

杜氏本作稽注曰稽會也林氏本作稽注曰以稼稽為先如今貸種借牛之類

天之所為人之所為

莊子大宗師篇

知天之所為知人

覆物

中庸高明所以覆物也又萬物覆焉

非天

唐虞綽箴七八論庶類萬物非天無以成受形育氣非天無以立

觀其形

文王八闢而無端

成王疑周公

尚書金縢篇孔氏傳成王信流言而疑周公誅三監而作鳴鵙之詩以還王王猶未悟

雷電以風

不復注

祇懼

宋史趙景緯傳惕息祇懼乃天心之所存

知天意

杜甫詩花葉知天意清溪共石根

知天也

中庸質諸鬼神而無疑天知也

### 成風請封須句

僖公二十一年任宿須句類與風姓也實司大輿與育濟之祀以服事諸夏邦人滅須句須句子來奔因成風也成風為之言於公曰崇明德保小

寡周禮也蠻夷猾夏周禍也若封須句是崇禱濟而修祀紆禮也

先王之澤入人之深雖至於世降道散猶相與誦說歌詠而不衰出

於學士大夫之談者教之餘也出於故家遺老之傳者俗之餘也出

於田夫野父之口者治之餘也習其教漸其俗思其治嚮望懷想而

不能自己亦其勢之當然乃若所謂婦人女子者其視先王之道果

何物耶蓋嘗觀詩之變風往往多出於婦人女子之手綠衣莊姜之

詩也泉水衛女之詩也柏舟共姜之詩也載馳許穆夫人之詩也其

辭忠厚雅馴憂而不傷勁而不怒藹然文武周公之遺澤在焉是孰

開之而孰誘之耶吾是以知文武周公之化固有默行乎禮教風俗

政治之外者矣不然則婦人女子豈告語之所可及防範之所可率

張明德曰成風以推女子能之遺化東萊以爲春秋二百年皆不能言及此知之言者成風一人因周澤之未衰文武成康之舊猶如昨也擒定周子發一層又單擒周禍二字發一層有發一題即要發揮一透

大夫 二二級 又設疑情以呼本意於又疑開

清 二 二 大意

應前學士

胸有成竹  
故目無全  
牛

哉成周之澤。至於使婦人女子不能忘。則文武周公之用功深矣。是

豈一朝一夕之故哉。成風請救須句。特以親昵而發。此人情之常不

足深道。然其言曰崇明祀保小寡。周禮也。蠻夷猾夏。周禍也。成風以

一女子而造次發言。不捨周室。非文武周公之遺化潛中。其心陰致

其意。詎能至是乎。遠矣。周澤之長也。吾嘗紬繹成風周禮之說。如仲

孫湫韓宣子知之者。代不乏人。至周禍之說。則春秋二百四十二年

之間。諸侯皆不能知。知之者成風一人而已。平王之東降於列國。異

政殊俗。各私其私。曰天禍晉國者。晉人自言也。未聞在晉而言周禍

也。曰天禍鄭國者。鄭人自言也。未聞在鄭而言周禍也。成風請救須

句。必以邾既滅。須句勢將偪魯。實魯之禍。庶幾動僖公之聽。今乃置

魯而言周何耶。成風之意。則有在矣。通天下皆周也。魯非魯之魯。乃

周之魯也。須句非須句之須句。乃周之顏句也。邾為不道，翦滅周之須句，則為周之魯者，安得不被髮纓冠而急救之耶？嗚呼！文武周公既沒數百年，而一女子之所見，猶非周時諸侯之所能及，吾是以知周之所以盛，君子蓋為之歎息焉。

### 成風請封須句註釋

先王之澤

毛詩序曰：此乎禮。先王之澤也。

人人深

孟子盡心篇：仁言不如仁政之入人深也。

故家

孟子其故家遺俗。

野父

南史

王景文美風姿有一客及見謝混曰：景文方許叔源則為野父矣。

習教

周易君子以常德行習教事。

嚮望懷想

李陵答蘇武書：望風懷想，能不依依。

不能

已

世說新語：郗公係不能已。

婦人女子

李翱揚烈婦傳：婦人女子之德，委父母舅姑，盡恭順。

先王之道

樂記：先王之道，禮樂可謂盛矣。韓愈原道。

明先王之變風

鄭康成詩譜序：孔子錄詩，王夷王時，詩訖於陳，公謂之變風，變雅。

綠衣

毛詩邶風綠衣篇序曰：莊姜傷已也。

泉水

邶風泉水篇序曰：衛

女思

柏舟

邶風柏舟篇序曰：共姜自誓也。

載馳

邶風載馳篇序曰：許穆夫人作也。

忠厚

毛詩大雅行葦篇曰：行葦忠厚也。

雅馴

史記五帝紀：其文不雅馴，薦

遺澤

顏氏家訓：修善立名者，亦猶築室樹果，生則獲其利，死則遺其澤。

禮教

禮記經解：恭儉莊敬，禮教也。

防範

楊子法言

川有防器有範 用功深 黃庭堅詩公有胸中五色線平生補衮用功深 一朝一夕之故 周易非一朝一夕之故 親昵

左傳莊公元年諸夏親昵不可棄也杜注昵近也 人情之常 歐陽修王文正公神道碑此人之常情 以一女子 戰國策魏策今夫魏氏以一女子承

一弱 遺化 漢書儒林傳高祖引兵圍魯魯中諸儒尚講頌習禮弦歌之音不絕豈非聖人遺化好學之國哉 仲孫湫 見卷二齊仲孫湫觀政篇題注 韓宣

子 左傳昭公二年晉侯使韓子宣來聘觀書於太史氏見易象與魯春秋曰周禮盡在魯矣吾乃今知周公之德與周之所以王也 一人而已 禮記表記中心安仁者天下一

人而已矣列子湯問篇計天下之敵已者一人而已韓愈伯夷頌至於一國一州非之而力行不惑者天下一人而已矣 平王之東 毛詩離黍箋曰平王東遷政遂微弱下列於諸

侯不能復雅而 異政殊俗 毛詩關雎序國異政家殊俗而變風變雅作 天禍晉國 左傳成公十三年天禍晉國文公如齊惠公如秦

天禍鄭國 左傳襄公九年天禍鄭國使介居二大國之間 為不道 左傳僖公二年冀為不道人自顛軫伐鄭三門 被髮纓冠 孟子離婁

篇雖被髮纓冠而救之可也朱子曰不暇束髮而結纓往救言急也

奏晉遷陸渾 傳公二十二年初平王之東遷也辛有適伊川見被髮而祭於野者曰不及百年此其戎乎其禮先亡矣秋秦晉遷陸渾之戎於伊川

物之相召者捷於風雨地夷而人華者公劉之治豳也以華召華不旋踵而有文武之興王地華而人夷者晉帝之納款也以夷召夷不

首段泛論物類相召之理引兩事以實之

一反正 爲本題作 引接入伊 洛先論形 勢說不應 有遷戒之 事自和點 題後推原 其故揭心 字作骨從 心字生出 氣字暢舒 所以然之 故反從推 勤議論深 透文於山 窮水窮處 再就辛有 語推進一 層令閱者 如逢武曠 桃源頓覺 異境造句 奇警其刺 心也可駭 其愜心也 可喜其借

旋踵而有耶律之俘虜。是知居夷而華者必變。夷爲華居華而夷者必變。華爲夷物物相召者未嘗不以其類也。中天下而畫壤者是爲伊洛萬國莫先焉。天地之所合也。四時之所交也。風雨之所會也。陰陽之所和也。自伊洛而俯視夷狄猶鈞天帝居與匱溷然相去不知其幾千百等。政使風俗隳壞何至遽淪於夷狄乎。辛有一見被髮之祭。預期爲戎於百年之前。而秦晉之遷陸渾果不出其所料者。抑有由矣。曠百世而相合者心也。跨百里而相通者氣也。伊洛之民雖居中華。聲明文物之地。然被髮野祭。意之所向已在於大荒絕漠之外矣。故以心感心。以氣動氣。安得不爲陸渾之遷哉。旣爲沮澤。潦水自歸。旣爲羶肉。螻蟻自集。旣爲夷俗。戎狄自至。辛有所以能預期於百年之前者。非有他術也。閒田隙地散在九州者尙多也。秦晉必徒於

證兩結東  
收句結東  
金篇滴水  
不滲結構  
諸嚴有法  
朱張本  
俱闕此篇  
從瞿世瑛  
本補入

此而不之他焉。陸渾亦必居於此而不之他焉。是豈嘗擇而處之哉。風聲氣息自相感召。以默而驅之。潛而趨之。蓋有不能自己者矣。是故秦晉非能徙。不得不徙。陸渾非能居。不得不居。罪在此而不在彼也。使在我無召戎之具。彼胡爲乎來哉。嗚呼。辛有可謂知幾矣。然其言曰。不及百年。此其戎乎。吾以爲猶未盡也。善惡無定位。華夷無定名。一淪禮義。旋踵戎狄。彼被髮野祭之際。固已爲戎矣。豈待百年而始爲戎乎。陸渾未遷之前。戎狄其心者也。陸渾既遷之後。戎狄其形者也。人徒以秦晉之遷。陸渾爲亂華之始。不知伊洛之爲戎久矣。豈待氈毳其服。穹廬其居。侏離其語。然後謂之戎哉。十九年掘鼠牧羊於北海之濱。而未嘗少改。蘇武之漢也。承乾身未離唐宮而已。純乎突厥矣。天下之可畏者。莫大於吾心之夷狄。而要荒之夷狄。次之。

### 秦晉遷陸渾註釋

**物相召**

莊子山木篇莊周訖然曰噫物固相類二類相召也

**公劉治豳**

毛詩大雅公劉篇毛公曰公劉者后稷之曾孫也夏之始衰見迫逐於遷豳而有居民之

道路史記本谷名邠州三水西南有故邠城一所

**不旋踵**

漢書晁錯傳死不旋踵

**文武興**

孟子是故文武興則民好善

**晉帝**

五代史晉本紀唐廢

帝下詔削奪石敬瑭官爵命張敬遠討之敬瑭求援於契丹敬瑭大敗敬瑭見耶律德光約納款魏為父子即皇帝位高祖崩出帝重貴立開運四年契丹滅晉封出帝為負義侯遷之黃龍府

移梁文方知夙沙交符不待兵車有苗納款未勞征伐

**俘虜**

晉書祖逖傳幸哉遺黎免俘虜三辰既助馮慈父

**變夷為華**

柳宗元箕子碑俾夷為華化及民也

伊洛逸周書度邑解橋於伊洛無天室

**萬國**

西都賦隆上都而觀萬國也

**畫壤**

陶宏景許長史舊館壇碑榮巒巴曲畫壤勝浮

**天地所合**

**四句**

周書大司徒曰及之岸尺有五寸謂之地中天地之所合也四時之所交也風雨之所會也陰陽之所和也然則百物阜交乃建王國焉

**鈞天帝居**

列子周穆王篇

鈞天廣漠

**遐溷**

正韻曰遐音懷路側也文同詩遐溷及井甃坻壁皆相連

**風俗隳壤**

五代史一行傳論風俗隳壤至於如此

**被髮**

晉書武帝

紀帝道王饒反居文身之俗神州赤縣翻成被髮之鄉

**預期**

朱子孟子集注正預期也

**曠百世**

韓愈祭田橫墓文事有曠百世而相感者余不自知其何心

**中**

**華**

李曰大獵賦內以中華為天心外以窮髮為海口

**大荒**

山海經大荒之中有山名曰大荒之山是謂大荒之野

**絕漠**

漢書西域傳命遺虎臣浮河絕漠

**沮**

**澤**

埃記王制山川洎澤

**水潦歸**

淮南子天文訓地不滿東南故水潦塵也歸焉博議作潦水非

**羶肉**

莊子徐无鬼有暖妹條羊肉不羶羶慕羊肉羊肉羶也

舜有續行 非有他術 唐書裴度傳人難而聽之則惑合 聞田 禮記王制名山大澤不以 之

百姓悅之 他 孟子離婁篇 非擇而處之 孟子公孫丑篇非擇 風聲氣習 尚書畢命彰善癉惡樹

又顧而之他 隴西迫近羌胡民俗修習戰備高 召戎 左傳僖公十一年夏戎伐京師王子 胡為乎來哉

上勇力甘風聲氣俗了古而然 歐陽修秋聲賦此秋 知幾 周易繫辭傳子 定位 周易略例初上者是事 定名 管子修名而

聲也胡為乎來哉 定戎狄 國語周語不寤失官 亂華 左傳定公十年裔 穹廬 漢書蘇武傳於軒王賜 佚離

後漢書南蠻傳衣裳斑爛語 十九年 漢書蘇武傳匈奴徙武北海無人處使牧羝武仗漢節牧

言侏離注侏離蠻夷語聲 北海之濱 孟子伯夷辭紂 承乾 通鑑輯覽唐太宗貞觀十七年夏四月太子承乾謀

及服飾 突厥 唐書突厥傳突厥蓋古匈奴 子圉逃歸 傳公二十二年晉太子圉為質於秦將逃歸謂嬴氏曰與子歸乎對曰子晉太子

飲食 君命也不敢從亦 不敢言遂逃歸 而辱於秦子之欲歸不亦宜乎寡君之使婢子侍執巾櫛以固子也從子而歸棄

謀於塗者不若謀於鄰謀於鄰者不若謀於家非遠愚而近智也愛

朱子錄曰  
辰贏以一

身事從子 從父之問 而皆以爲 於大義也 審矣齊桓 之重耳以 遺重耳以 行贏氏割 枕席之私 勉圍歸以 就大計也 亦不爲甚 失至入處 耳之策禍 及之圍或 亦非兒女 子當時所 能料也文 思特纏綿 穠郁婉轉 入情

張明德曰 贏氏不言 而歸於夫 之歸於夫

淺者其慮略愛深者其慮詳理也亦勢也四海九州之人卒然相遇  
 問焉而不對叩焉而不應者則有之矣家人婦子則不然同分義均  
 休戚內無所隱故其情直外無所飾故其語真以真遇真懇款惻怛  
 往往得利害之真焉彼家人婦子之智非果踰於他人也智者之略  
 固不如愚者之詳也故家人婦子之謀智慮有所不及聰明有所不  
 逮則付之無可奈何而已豈肯僥倖苟免而懷不盡如塗人之爲耶  
 異哉贏氏之於子圍何其親則同室而情則塗人也當子圍逃秦而  
 歸曾不爲之反覆訂議遽告之宜歸以順其意又不與之俱以脫其  
 身又自詭不泄以解其疑意之所主特欲自爲僥倖苟免之計苟免  
 固賤行也然世人之苟免者猶曰姑以免吾身焉父子一體也夫婦  
 一體也害於彼則傷於此矣義不足以全子圍又何足於全其身哉

伏○後○請○嫁○義○薄○  
伏○身○免○禍○  
斷○得○免○  
意○欲○苟○免○卻○失○自○全○之○善○喚○醒○眞○切○

婦之道未  
其對子圍  
時詞嚴意  
正委婉盡  
情此等識  
見亦巾幗  
鬚眉似不  
必過於追  
求但處人  
倫之際必  
有至當不  
易之情理  
先生設身  
處地代為  
置對而責  
羸氏以自  
為僥倖苟  
免之計豈  
刻論哉

此羸氏所以始欲苟免而終不免於二嬖之辱也。昔之烈女不幸而處不可兩全之地，固有殺身以致吾義者矣。辱子圍之事，未至於不可兩全耶？使羸氏當子圍之謀，歸易辭以對曰：子淹恤事秦者，非他所以合秦晉之交也。今不忍數年之不燕而蔑棄敝邑，若二國何寡君有社稷之事，不得以身服役使賤妾得侍巾櫛，子介然有他志，是寡君不得事子也。妾將復於寡君羸氏，苟能爲此言，則子圍憚羸氏之告，必不敢興逃遁之謀。羸氏席秦伯之勢，必不至爲子圍之害。秦伯顧羸氏之愛，必不入重耳之策。父子夫婦之間，顧不兩全乎？嗚呼，羸氏固知出此則可以成父之志，可以解夫之禍，可以盡婦之道，可以全已之節，可以續惠公廢絕之祀，可以解秦伯戎狄之譏。一舉而數利得，使羸氏少致思焉，則何憚而不出於此也。思之苟生於情之

疏情之疏生於義之薄。土薄則無豐殖，雲薄則無甘霖，鐘薄則無震聲，味薄則無珍膳。未有薄其誠於先而厚其謀於後者也。然則麴氏之不能謀，豈在於子圍逃圍之時哉。

子圍逃歸註釋

謀於塗

毛詩小雅小旻篇如彼築室與道謀是用不潰於成

愛淺

遠史禮志嗜慾深而愛淺妻子具而孝衰

愛深

李白詩歡笑相拜賀則知惠愛深

勢

也

柳宗元封建論封建非聖人意也勢也

四海九州之人

韓愈釋言四海九州之人自百官以下其孰不願忠而望賜

問焉而不

對

左傳昭公二十五年再三問不對

則有之矣

禮記性之直者則有之矣

分義

分去聲荀子禮樂則修分義則明注分謂上下有分義謂各得其宜

遇

真

仕荀鶴詩尋真不遇真

惻怛

春秋繁露仁者惻怛愛人

智慮

孟子有智慮乎曰否

有所不及

莊子外篇宋元君條如是則智有所困神有所

不及

尚書皋陶謨天聰明自我民聰明

有所不逮

屈原卜居數有所不逮神有所不通

不可奈何

莊子德充符篇申屠嘉條

知不可奈何而安之若命唯德者能之

僥倖苟免

孟子滕小國章朱子曰言有國者當守善而愛民不可僥倖而苟免

同室

北史封卓姜劉氏傳生則同室終契黃泉

塗人

蘇洵族譜引喜不慶憂不弔即塗人也

子圍逃秦而歸

史記秦本紀穆公二十二年晉公子圍聞晉君病曰我兄弟多即君百歲後秦必留我而晉輕

亦更立他子子 **脫身** 漢書卜式傳式有少弟式脫身 **不泄** 漢書孔光傳或問溫室省中樹皆何木也光默不應其不泄如是

**苟免** 曲禮臨難母苟免 **賤行** 行去聲史記貨殖傳行賈丈夫賤行也 **父子一體** 儀禮父子一體也夫妻一體也昆弟一體也 **全身**

漢武看內傳修 **二嬖** 左傳文公六年趙孟曰辰羸賤班在九人其子何震之有且為二嬖淫也按二嬖謂嬖於懷公又嬖於文公也 **烈女** 戰國策韓策乃其姊者亦

剛正曰烈 **不可兩全** 呂氏春秋先生知物之不可以兩全故擇務當而處之說苑 **致義** 禮記

天下之豐致義也致讓也疏義謂斷制得宜 **淹恤** 左傳襄公二十六年君淹恤在外十二年矣杜注淹久也恤憂也 **數年不宴** 左傳成公二年臧宣叔曰衡父

不忍數年之不宴以棄魯國 **有他志** 禮記檀弓或敢有他志以辱君義 **寡君不得事子也** 左傳成公八年君後

諸侯是寡君 **逃遁** 韓愈三上宰相書惟其昏憒不知逃遁 **婦道** 史記帝舜紀堯二女不敢以貴驕事舜親戚甚有婦道 **全節** 漢書昭帝紀蘇武奉

使全 **廢絕** 劉歆移太常博士書不皆廢絕之闕 **情疏** 禮記情疏而貌親 **義薄** 史記樂書師曠曰君德義薄不可以聽之 **土薄** 左傳成公六年

鄒瑕氏土薄水淺 **豐殖** 後漢書王符傳穀之所以豐殖者以有民功也 **雲薄** 禮記月令虹始見疏雲薄漏日日照雨滴則虹生杜甫詩天永秋雲薄從西萬里風

**甘霖** 葉湖詩白雲若海前雁游化甘霖 **鐘薄** 周禮攷工記注鐘薄則聲掉鐘太厚則如石叩之無聲 **味薄** 杜甫詩苦辭酒味薄 **珍膳** 後漢書百

官志少府卿堂中服御諸物衣服寶貨珍飾之屬

### 魯卑邾不設備

傳公二十二年邾人以須句故出師公卑邾不設備而禦之臧文仲曰國無小不可易也無備雖衆不可恃也詩曰戰戰兢兢如臨深淵如履薄冰

又曰敬之敬之天維顯思命不易哉先王之明德猶無不難也無不懼也况我小國乎君其無謂邾小誘要有毒而况國乎弗聽八月丁未公及邾師戰於升陘我師敗績邾人獲公曹

懸諸魚門

大勝小強勝弱多勝寡兵家之定論也魯與邾未交兵之前人皆意

魯之必勝矣而僖公卑邾不設備卒以取敗是魯無魯而邾有邾也

以有對無勝安得不在邾敗安得不在魯乎吾嘗論僖公之為君納

莒擊之俘受葛盧之朝擊然軒然自處於衆人之上是亦一僖公也

奔走於葵邱之會周章於踐士之盟惴然眇然自處於衆人之下是

亦一僖公也彼一僖公耳昨勇今怯朝盛夕衰何其多變而無特操

耶殆非專僖公之罪其居使之然也僖公所居者魯以魯而臨介莒

則自大視細心不期驕而驕以魯而望齊晉則自細視大心不期畏

孫執升曰胸無特操大則畏小則驕當其驕中猶懷怯情每至於受辱故於題即寫其昨勇令怯之狀

朱字綠曰魯僖意中無邾却是無魯立說可謂雋妙又因其無邾並推且無莒介且

推到有齊  
晉無莒介  
爲有魯有  
齊晉亦爲  
有魯只有  
一魯竟無  
僖公觸處  
通靈無一  
不歸倚妙  
作文所以  
貴有筆也

張明德曰  
事無小大  
有備則無  
患况君國  
乎僖不自  
揣又不納  
文仲之言  
魚門之辱  
所自之也  
文擒定主  
腦引舜之  
弱爲處安  
若固有之  
之意以反  
照僖公筆

而畏。既見大國之可尊。必見小國之可忽。斯其所以禍生所忽。而召魚門之辱。歟。文仲之諫忠矣。惜其能箴僖公之病。而未知僖公受病之原也。僖公受病之原。安在哉。使僖公易地而居齊晉。則將變畏爲驕。易地而居介莒。則將變驕爲畏。吾是以知尊大國者。非僖公也。魯也。忽小國者。非僖公也。亦魯也。僖公不能以已爲己。而以魯爲己。故大於魯者。吾亦大之。小於魯者。吾亦小之。豈非爲居之所移乎。昔者舜自側微而登至尊。木石不能使之愚。鹿豕不能使之野。耕稼不能使之勞。陶漁不能使之辱。衿衣鼓琴不能使之逸。牛羊倉廩不能使之奢。蓋居爲舜所移。而舜未嘗爲居所移也。噫。當僖公之時。有能誦舜之事。以起僖公之病。庶其有瘳乎。

魯卑邾不設備註釋

之所至妙  
意環生總  
之東萊文  
字處處有  
路

**小勝大** 孟子梁惠王篇然則小固不可以敵大

**強勝弱** 逸周書武稱解象勝寡強勝弱

**兵家** 唐書藝文志兵權謀十三家兵形勢十一家兵技巧十三

**交兵** 淮南子民之思兵也若旱而望雨渴而求飲孰與交兵接刃乎

**必勝** 孟子公孫丑篇故君子有不戰戰必勝矣

**莒如** 左傳僖公元年冬莒人求來賂公子

**友敗諸鄆** 葛盧左傳僖公二十五年春介葛盧來朝

**葛盧** 左傳僖公二十五年春介葛盧來朝

**警然** 莊子天地篇誰以天下譽之得其所謂警然不顧

**軒然** 韓愈岳陽樓詩

**奔走** 韓愈送李愿序奔走於形勢之途

**葵邱之會** 左傳僖公九年夏會於葵邱尋盟且修好禮也公羊傳葵邱之會桓公震而矜之叛

**踐土之盟** 春秋經僖公二十八年正月公會晉侯齊侯宋公蔡侯鄭伯衛子莒

**周章** 六書音義周章怔營貌又懼貌

**子盟於踐土** 又昭公四年

**眇然** 何邵游仙詩眇然心際地

**今怯** 左傳曩者忘入而已今則怯也

**無特操** 莊子齊物論罔兩問景曰曩子

**自大視細** 莊子

**行今子止曩子坐** 今子起何其無持操與

**其居使之然也** 孟子盡心篇而王子若彼者其居使之然也

**可忽** 戰國策秦策人生世上禍生所

**禍生所** 自

**自大視細** 莊子

**秋水篇** 自細視大者不盡自大視細者不明

**不期驕** 尚書周官位不期驕祿不期侈

**可忽** 戰國策秦策人生世上禍生所

**禍生所** 自

**自大視細** 莊子

**勿心** 史記司馬相如傳禍固多藏於隱微而發於人之口忽也

**箴** 箴與針同規也唐書李德裕傳獻丹展六箴曰

**受** 病

**病** 歐陽修本論必推其病之處

**舜側微** 孟子公孫丑篇子路人告之以有過則喜章朱子曰

**受** 病

**舜之側微** 耕於耕山

**木石鹿豕** 孟子盡心篇舜之居深山之中與木石居與鹿豕游

**耕稼陶漁** 孟子公孫丑篇自耕稼陶漁以至於帝無

**受** 病

**病** 歐陽修本論必推其病之處

**尊大國** 左傳昭公三年畏大國者尊夫也

**舜側微** 孟子公孫丑篇子路人告之以有過則喜章朱子曰

**受** 病

**受** 病

**舜之側微** 耕於耕山

**木石鹿豕** 孟子盡心篇舜之居深山之中與木石居與鹿豕游

**耕稼陶漁** 孟子公孫丑篇自耕稼陶漁以至於帝無

**受** 病

先年錄曰  
通籍貴子  
之武子授  
忿怒成其  
射無一筆  
以先王之  
道窮之以  
不能並授  
數人之勢  
至於一殺  
其身一辱

非取於人者  
議作擊非  
袵衣鼓琴  
孟子盡心篇被袵衣鼓琴朱子曰袵畫衣也  
牛羊倉廩  
孟子萬章篇牛羊父母倉廩父母  
莒擊  
如博

### 成得臣卻獻子

傳公二十三年秋楚成得臣帥師伐陳遂取焦夷城頓而還子文以為之功使為令尹叔伯曰子若國何對曰吾以靖國也夫有大功也無清仕其

人能靖者以有幾宣公十七年晉侯使卻克徵會於齊齊頃公惟婦人使觀之卻子登婦人笑於房獻子怒出而誓曰所不此報無能涉河獻子至請伐齊范武子將老召文之曰吾聞

之喜怒以類者鮮易者實多余將老使卻子逞其志庶有少乎乃請老卻獻子為政

滿然也 擊非 一 意 主貴 子文 武子 以權 勢 濟 得 臣

多而不可滿者忿也。銳而不可極者忿也。治忿之法有窒而無開。治忿之法有懲而無肆。或者曰：飢止於食，渴止於飲，忿者得求則止，忿者得報則止。嗚呼！為是說者是畏火之怒而投薪以滅之，祇益其熾也。夫薪者火之資也，權位者忿之資也。假其資而望其止，天下甯有是哉！先王尊權位以示天下，所以嚴萬世之巨防也。何人而無忿，何人而無忿忿然之興，局於無權無位而不得展，足將行而駐，手將

人母議論  
痛快令人  
望而欲避  
其鋒夫有  
功不賞則  
之道也能  
因其使  
伸之於  
敵亦用人  
之術也但  
賞功可耳  
不宜授以  
令尹忿加  
讎敵可耳  
不宜逞於  
與國之齊  
然子文武  
子推己之  
位以予人  
自不可及  
明中葉以  
來皆輔彼  
此相傾前  
者不肯讓  
後者不肯  
止視二人  
不更有愧

舉而斂有谿壑貪林之欲鬱勃炮燔之忿莫不限於權位之巨防而

止回則自趨於善矣天下方馳驚於忿慾而不知反也先王固未嘗

與之爭也嚴吾權位之巨防使忿慾者窮於無資志衰力怠道窮途

絕悵悵然而無所歸雖吾不使之趨於善而彼自不得不趨於善然

則權位者真先王閉忿慾何巨防也歟惜乎先王以是為忿慾之防

後世乃以是為忿慾之資何其反也楚成得臣有功於陳子文推令

尹之位以塞其慾晉卻克既辱於齊范武子授卻克以政使逞其忿

噫令尹豈賞功之物而晉數百年之社稷亦豈二三臣逞憾之具歟

楚非置兩令尹也幸而一成得臣有功耳如使數人者並立大功吾

不知子文復何以與之晉之行人見辱者多矣解揚之見執於宋韓

起羊舌肸之見挫於楚如與卻克並發於時則晉師亦將東馳西逐

色耶

張明德曰

二子推已

之位以予

人自是不

可及處但

令尹非賞

功之物而

譽數百年

之社稷又

豈二三巨

逞念之具

耶說得淋

漓確切其

結處又為

二子開一

條生路橫

說至理總

是至理總

盡報諸臣之怨而後已歟甚矣子文武子之不思也將以飽其慾適

望止

以滋其慾將以散其忿適以張其忿假使得臣之慾與位俱長嗜勝

不止迄至城濮之敗使卻克之慾與位俱長狃鞍之勝忿不思難至

欲質齊侯之母得臣之慾得子文之位而盛卻克之忿得武子之位

不。能。救。未。足。成。惡。加。一。等。

而伸君子不救人之忿慾則已矣安得假其資而成其惡乎雖然武

例。重。子。文。作。結。發。出。大。議。是。卒。頭。更。進。法。

子猶未足賁也彼子文靖國之語一何悖耶凡人爵不足以酬功慊

之者固多矣若遽作不靖危其國家自非盜賊小人未必皆有是心

也子文之言何概以盜賊小人待天下耶斯言一出入臣之立大功

者人君或懼其不靖反加屠戮是功者身之賊也以是位而答是功

不問能否使播其惡於民是功者位之賊也既立大功自謂居危疑

不賞之地而姦謀始出是功者國之賊也一有大功則為身之不幸

位之不幸國之不幸孰敢以功業自奮耶詩曰誰生厲階至今為梗

成得臣郤獻子註釋

不可滿曲禮志不可極慾也廣韻嗜慾也忿也廣韻忿怒也懲忿周易損卦象傳君子以懲忿窒慾投薪鄧析子不

治其本而務其末譬如拯溺權位徐鉉詩功名與權位悠悠何用誇巨防防隄也戰國策燕策齊有長城巨防足以為塞不得展

李陵答蘇武豁壑國語晉語豁壑可盈是不可壓也必以賄死顯貪林唐韻憐音嵐揚子方言貪能不得展延之庭詰古人恥以身為豁壑者屏欲之謂也貪林河之北謂貪曰憐左傳

無駢驚北史魏收傳駢驚這窮新語術事高或悵悵張鷟羊切任行不知所之禮也記仲尼燕居譬猶譬之無相與悵悵

乎其塞忿關尹子九藥篇損卻克辱於齊見趙注杜注云跛逞憾唐書元稹傳因誠何之忿忿然爾物怒人而登階故笑之風俗詔歷詆率有

司以非置兩令尹戰國策齊策陳軫曰令尹貴矣王非立大功左傳文公十八年舜有其憾置兩令尹也臣竊為公譬之可乎大大功二十而為天子孔

護下嘉言篇以小小何以與之毛詩小雅采芣篇君見辱蘇軾留侯論匹夫見辱之衆能立大大之功子來朝何錫與之拔劍而起挺身而鬪解揚

見執於宋左傳昭公十五年楚子圍宋晉侯使解揚如宋使韓起羊舌肸挫於楚左

昭公五年晉韓子如楚送女叔向為介楚子朝其大夫曰若東馳揚雄長楊賦靡節得臣城

吾以興起為闕以羊舌肸為司宮足以辱晉君亦得志矣西征羌夷東馳

濮之敗

春秋經僖公廿有八年夏四月己巳晉侯及楚人戰於城濮楚師敗績楚殺其大夫得臣

欲質齊侯之母

春秋經成公二年六月癸酉晉卻克

及齊侯戰於鞍齊師敗績左傳賓媚人致賂晉人不可曰必以蕭何叔子為質對曰蕭同叔子非他寡君之母也吾子布大命於諸侯而曰必質其母以為信其若王命何

忿思難

論語

李氏篤念思難見得思義

人爵

孟子公卿大夫此人爵也

酬功

隋書蜡祭歌四方有事八蜡酬功

作不靖

尚書盤庚則惟汝衆自作不靖

能否

晉書武帝紀詔曰古者歲書羣吏之能否三年而誅賞之

播其惡

孟子離婁篇是播其惡於衆也

位之賊也

蘇洵春秋論則是道者位之賊也

不賞

史記淮陰侯傳蒯生曰臣聞勇略震主者身危功蓋天下者不賞後漢書皇甫嵩傳身建不賞之功體兼高人之德

姦謀

漢書五行志有姦謀則木不曲直哀帝建平三年丞相朱博坐為姦謀自

殺國之賊也

說苑君道篇愆無罪者國之賊也

有大功

左傳成公十三年孟獻子曰晉帥乘和師必有大功

國之不幸

左傳宣公

十六年諺曰民之多幸國之不幸也是無善人之謂也

誰生厲階

左傳昭公廿四年詩曰誰生厲階至今為梗杜注詩大雅厲階也階道也梗病也

晉懷公殺狐突

傳公二十三年九月晉惠公卒懷公命無從亡人期期而不至無赦狐突之子毛及偃從重耳在秦弗召多懷公執狐突曰子來則免對曰子之能

仕父教之忠古之制也策名委質貳乃辟也令臣之子名在重耳有年數矣若又召之教之貳也父教子貳何以事君刑之不濫君之明也臣之願也淫刑以逞誰則無罪臣聞命矣乃

殺之下偃稱疾不出曰周書有之乃大明服已則不明而殺人以逞亦難乎民不見德而唯戮是聞其何後之有

觀ABC是

一篇眼目。承出觀已語。意、新、巧、

明於觀人暗於觀己此天下之公患也見秋毫之末者不能自見其

孫月峯曰掉轉處文

法靈甚捷

袁中郎曰  
結語悠然  
有餘韻

朱字綠曰

不反已而

尤人千古

同歎若能

如此文一

一對照則

在人心不

達之情在

已無可逞

之事又何

亡國敗家

之有惟不

能反已故

曉舉千鈞之重者不能自舉其身甚矣已之難觀也人皆知以己觀

己之難而不知以人觀己之易因人之善見己之惡因人之惡見己

之善觀孰切於此者乎晉懷公不知己之無以致人徒責人之不從

已殆未嘗以人而觀己也懷公晉國之君彼重耳特一亡公子耳狐

趙之徒出從重耳陷敵困衛逃齊脫楚人有不堪其憂者矣乞食投

塊觀浴操戈人有不堪其辱者矣風羈雨綯過都歷邑人有不堪其

勞者矣使其舍重耳而從懷公則閭里歡迎姻族畢至擊鮮醜酒舒

發性情此天下之至樂也高軒華轂豹飾羔裘前趨後陪光生徒馭

此天下之至榮也堂觀宇深自公退食體胖心廣四顧無虞此天下

之至安也懷公盍亦以人觀己乎從彼者憂如是辱如是勞如是而

狐趙輩乃就之而不辭從我者樂如是榮如是安如是而狐趙輩棄

之相引善

主○意○

照應緊湊

此段將從重耳從懷公兩地相對各

列○二○段

岸、野、明、解、詞、數、調、詩

總此情事顯然可見說來更覺新

則以為植  
黨則小人  
之被攻則  
以為挾錘  
岌岌乎欲  
免懷公之  
續其可得  
耶

張明德曰  
張之休明  
桂海冰天  
荒陬絕壤  
王何至與  
人爭其歸  
附懷公之  
不自責而  
徒以責人  
也亦殊不  
可解衷茶  
語語刺心  
骨情事顯  
然說來更  
覺警策  
人尤妙在  
以重耳作

之而不顧則德之優劣厚薄不待言而可見矣懷公又切蓋亦因此自反  
曰樂也榮也安也人之所同嗜也狐趙之徒所以崎嶇從重耳者豈  
與人異情哉其棄樂而忘憂者必重耳之德有以勝其辱也其棄安  
而就勞者必重耳之德有以勝其危也况吾以晉國之大而增修其  
德則人之從我者既有道德之樂又有名位之樂既有道德之安又  
有名位之安重耳無我之所有而我有重耳之所無有無之相形人  
將不待招而至矣此猶為懷公而言非論之至也德之休明桂海冰  
天荒區絕域將奉琛重譯而皆來臣何至下與一亡公子爭數僕役  
哉陋矣懷公之褊也懷公肆其褊心不知反已徒殺人以逞使在外  
者絕向我之意而堅事讎之志計無失於此者矣雖重耳苟安於外  
彼毛偃挾不戴天之讎思欲一逞豈容重耳之安於外乎則納重耳

於晉者非秦伯也非狐趙也懷公也

晉懷公殺狐突註釋

觀人

論語君子不可小知章 朱子曰此章言觀人法

公患

荀子榮辱篇陋也者天下之公患也楊注公共有此患也

秋毫之末

孟子梁惠王篇明足以察

秋毫 不見其睫

史記越世家目見毫毛而不見其睫韓非子見能見百步之外而不能自見其睫

舉千鈞之重

三十斤為鈞漢書枚乘傳夫以

不能自舉其身

荀子子道篇雖有國士之力不能自舉其身

從己

國語晉語欲人

亡公子

國語晉語曹伯曰諸侯之亡公子多矣余焉能盡禮焉

狐趙之徒

左傳僖公廿二年晉公子重耳從者狐偃趙衰顛頡魏武子司

困衛

左傳處狄十二年而行過衛文公不禮焉出於五鹿乞食於野人野人與之塊

逃齊

左傳及齊齊桓公妻之有馬二十乘公子

脫楚

左傳及楚子玉請殺之楚子曰天將興之誰能廢之乃送諸秦

觀浴

左傳及曹曹共公溺其駢會欲觀其裸浴

風雨綫

權徹于役詩序牧圍從征負風羈與雨綫僕夫整駕執星轡與霜輿聞雞水驟之晨秣馬山郵之夕

歡迎

陶潛歸去來辭堂僕歡迎

醜酒

蘇軾前赤壁賦醜酒臨江

高軒

軒大夫車也唐書李賀傳七誠能詞章韓愈皇甫湜過其家使賦詩援筆輒就自目曰高

徒馭

金史樂志徒馭孔多靈輿載轎

覩深

揚雄甘泉賦稍暗暗而覩深

自公退

對照更無結 非於言者 非秦伯也 非狐趙也 實懷公也 眞是董狐 漢以下人 所能望其 項肯

軒 華 轎

史記陳餘傳令范陽令乘 朱輪華轎 驅燕趙郊

徒馭

孔多靈輿載轎

覩深

揚雄甘泉賦稍暗暗而覩深

自公退

食

毛詩召南羔羊篇注從公門出退食於家也

優劣

曹植漢三祖優劣論比時事之難易論其人之優劣

厚薄

新論風自厚薄俗有清澆

不待言

論語陽貨篇子欲無言章朱子曰四時行百物生莫非天理發見流行之實不待言而可見

同嗜

孟子告子篇口之於味有同嗜也

崎嶇

音奇區玉篇曰山路不平也

異情

沈約謝竟陵王啓去取異情羣略殊珍

名位

管子人之名位不得不殊

相形

潘尼琉璃賦曰表裏相形

休明

左傳宣公三年楚子問鼎篇德之休

明維小

桂海冰天

江淹擬袁淑從稱詩文軫薄桂每聲教燭冰天按南方多桂故名桂海北方多冰故名冰天

荒區

唐高宗幸昔早詔駐蹕荒區頗為師友

絕域

晉書文苑紀九服之外絕域之境咸澤洽來享鼓舞王德

奉琛

北齊書享廟樂章鞠躬貢酬罄折奉琛

重譯

漢書西域傳漢書西域傳漢書西域傳漢書西域傳

文一亡公子

左傳哀公六年若我不可不必亡一公子

褊心

晉書魏風葛屨篇唯是褊心是以爲刺

不知反已

孟子鄒魯曰

穆公不能戶己猶欲歸罪於臣後不誤哉

專讐

失計

宋史唐洛博周之失計未有若東遷之甚者

戴天

弗與表彰

賦詩

凡數十條皆左傳所載賦詩之事今以文多不復載

至理所在可以心遇而不可以力求斷編殘簡呻吟諷誦越宿已有

遺落至於歌途里詠偶入吾耳則雖終身而不忘天下之理固眩於

求而真於遇也理有觸於吾心無意而相遭無約而相會油然自生

朱字綠曰  
理可以心  
遇而不可  
以力求詩  
可以神遇  
而不可以

言求形容自得之妙痛摘破碎之失非親甘苦非親自閱歷人不能言致飛語不可控御

張明德曰六經皆明人治世之書然不能平心觀理而求之過深未免弊鑿附會弊病百出死詩之為教原令人優游涵泳精意自呈應觀古人引用篇什原屬活潑發地未嘗拘

雖吾不能以語人。況可以力求乎。一涉於求。雖有見非其正矣。日用飲食之間。無非至理。惟吾迫而求之。則隨得隨失。研精極思。日入於鑿。曾不知是理。交發於吾前。而吾自不遇是非。不用力之罪。乃用力之罪也。天下之學者。皆知不用力之害。而不知用力之害。苟知力之不足。恃靈黜其力。而至於無所用力之地。則幾矣。二帝三王之書。義文孔子之易。禮之儀章。樂之節奏。春秋之褒貶。皆所以形天下之理也。天下之人。不以理視經。而以經視經。刻剔離析。彫績疏鑿。之變多。而天下無全經矣。聖人有憂焉。汎觀天壤之間。鳥鳴於春。蟲鳴於秋。而匹夫匹婦。懽悲勞佚。喜怒舒慘。動於天機。不能已。而自泄其鳴於詩。謠歌詠之間。於是釋然喜曰。天理之未鑿者。賴有此存。是固匹夫匹婦胸中之全經也。遽取而列諸書。易禮樂春秋之間。并數而謂之。

句。有。柄。而。文。音。

力。求。五。經。之。書。

泥俗儒說  
詩支離破  
碎先生痛  
徹此弊對  
症發藥故  
爾云云非  
靖節不求  
甚解之意  
也○先儒  
謂秦世焚  
經而經存  
漢世窮經  
而經亡先  
生本此立  
意實為當  
時破壞六  
經者作下  
鍼砭故借  
題發揮于  
古書讀書  
人自當知  
其言之不  
謬

詩本人情  
賅物理東  
萊言斷簡

六經羈臣賤妾之辭與堯舜禹湯文武之格言大訓並列而無所輕  
重聖人之意將舉匹夫匹婦胸中之全經以救天下破裂不全之經  
使學者知所謂詩者本發乎閭巷草野之間非可格以義例而局以  
訓詁也一吟一諷聲轉機回虛徐容與至理自遇片言有味而五經  
皆冰釋矣是聖人欲以詩之平易而救五經之支離也孰知後世反  
以五經之支離而變詩之平易乎蓋嘗觀春秋之賦詩詩因於事不  
遷事以就詩事寓於詩不遷詩以就事意傳於肯綮毫釐之中跡略  
於牝牡驪黃之外斷章取義可以神遇而不可以言求區區陋儒之  
義例訓詁至是皆敗春秋時善用詩者蓋如此火於秦雜於漢別之  
以齊魯汨之以織緯亂之以五際狹之以專門銖銖而析之寸寸而  
較之豈復有詩噫安得春秋賦詩之說語之

力求詩之得

句有為而文奇

### 賦詩註釋

**心遇**

江淹詩雲天亦寥  
亮時與賞心遇

**力求**

班彪王命論神器有  
命不可以智力求

**斷編殘簡**

宋史歐陽修傳好古嗜學  
凡周漢以降金石遺文斷

編殘簡一切綴拾謂之集古錄  
稿魚聲筆脫稟屢空斷編自娛

**諷誦**

漢書藝文志孔子取詩凡三百五篇遭  
秦而全者以其諷誦不在獨竹帛也

**越宿**

孟子齋宿注  
齋宿齋戒越

**遺落**

劉向列子序及後遺落  
散在民間未有傳者

**終身不忘**

韓愈張中丞傳後序巡曰吾  
讀書不遺三徧終身不忘也

**塗歌里詠**

齊安陸昭王碑老  
字少懷塗歌里詠

**無約**

徐彙詠燕詩無  
約無期齊自歸

**研精極思**

孔安國尚書序研  
精思博考經籍

**不用力**

史記龜  
策傳安

**平靜正動**

管子天下之所  
生於用力

**幾矣**

幾平聲莊子齊物論以指喻指條通也  
者得也適得而幾矣注曰言近乎道也

**彘章**

晉書  
八王

傳論意古詩氣不備  
處心以擬作儀非

**天下之理**

周易繫辭傳天下之理  
得而成位乎其中矣

**剗剔**

尚書秦誓  
剗剔孕婦

**離析**

論語邦分  
崩離析

**雕績**

南史顏延之傳鮑照曰謝五言詩如初發芙蓉  
自然可愛君詩若鋪錦列繡亦雕績滿眼

**疏鑿**

郭璞江賦巴東  
之峽夏后疏鑿

**全經**

韓愈與孟尚  
書書秦滅先

聖之去歲除其經漢臨日百年  
故學士多老矣新者不見全經

**天壤之間**

晉書張華傳普天壤而遐觀晉書列女傳謝道韞適  
王凝之甚不樂曰不意天壤間之乃有王郎李白詩

陶朱尚五叔  
名播天壤間

**鳥鳴春蟲鳴秋**

韓愈送孟東野序以鳥鳴春以  
雷鳴夏以蟲鳴秋以風鳴冬

**歌詠**

劉向上戰國策序雅  
頌歌詠以思其德

**六經**

莊子天運篇孔子謂老聃曰丘治詩  
書禮樂易春秋六經自以為久矣

**賤妾**

史記衛世家  
襄公有賤妾

**大訓**

尚書古命陳  
寶赤刀大訓

**聖人之**

感誦越宿 己有遺忘 至於吟歌 八耳則雖 終身而不 廢洵是實 論所見之 中策館村 其咄嗚而 不能背其 昨日所讀 至逃學而 受父兄師 長之嚴責 迫其閒時 所得之歌 能出初非 有所傳習 繼非有所

溫理其所  
得時也無  
意而相遭  
無約而相  
會所無可  
以神遇而  
不可以力  
求殊不誣  
也然則東  
萊所謂偶  
然入耳而  
終身不廢  
乃經中一  
理耳五經  
皆所以形  
天下之理  
不以理視  
視經以博  
議中言五  
經即言五  
經之理若  
言五經不  
言理而泥  
其有五經  
其有東萊

意周易繫辭傳然則聖人之意其不可見乎

義例

北史張吾貴傳張生之於左氏兼讀杜服二家異同悉舉諸生後集便講之義例無窮

一吟一諷

晉書孫綽

博練與高陽許詢俱一時名流支道潤綽君何如許答曰一詠一吟許將北面矣

五經

白虎通曰有五常之道故曰五經困學紀聞樂經既亡而有五經自漢武立博士始也

冰

釋杜預春秋左氏經傳集解序渙然冰釋怡然理順然後為得也

平易

史記魯世家平易近民民必歸之

五經支離

楊子法言或問天地簡易而聖人法之何

五經之支離曰支離蓋其所以然也

肯綮

音愷擊莊子養生主注肯綮肋肉結處也

牝牡驪黃之外

列子說符篇秦穆公謂伯樂曰

子之羊長矣子姓有可使求馬者乎伯樂曰臣之所與有九方臯請見之穆公使行求馬三月而反報曰已徂之矣在沙邱北而黃使人往取之牡而驪穆公不悅召伯樂而謂之曰敗矣子所使求馬者物

之牝牡尚第能知又何馬之能知也伯樂喟然太息曰臯之所觀者天機也得其精而忘其相得且內而忘其外若臯之相者乃有貴乎馬者也馬至果天下之良馬也

賦詩神遇

以目行官知止而神不行

訓詁

楊雄答劉歆書蜀人有嚴君平臨叩林閭翁儒者深好訓詁

火於秦雜

於漢

齊魯

玉海詩三百五篇漢興魯申公為詩訓詁故而齊轅固燕韓嬰皆為之傳齊詩魏代已亡魯詩亡於西晉唯毛詩鄭箋至今獨立

織

韋因學制詩緯有三推度災沴歷樞含神霧按五經六緯之名蓋起於哀平至光武篤信之詭言為內學隋焚其書今惟易緯存焉晉書儒林傳虞喜專心經傳兼覽經緯

五際

翼奉傳詩有五際注詩內傳曰五際卯酉午戌亥也陰陽終始際會之歲於此則有變改之政也詩緯含神霧曰下序四始羅列五際郎顛曰五際本於齊詩

專門

漢書夏侯勝傳卒自專門

名聲後漢書儒林傳特塗分冰片專門並顯

銖銖寸寸

漢書枚乘傳夫銖銖而稱之至石必差寸寸而度之至丈必過銖音朱廿四銖為一兩

衛禮至為銘

僖公二十二年衛人將伐邢禮至曰不得其守國不可得也我請昆弟往焉乃往得任二十五年春衛人伐邢二禮從國子巡城掖以定外殺之正月丙

午衛侯燬滅邢同姓也故名禮至  
公銘百餘掖殺國子莫余敢止

乃欲比為  
塗歌異詠  
偶然入耳  
而終身不  
廢是豈可  
得哉之說  
也

茅廬門曰  
前一一轉已  
不勝淋漓  
感物未再  
一轉淒淒  
兩脚幾於  
哭矣

朱字綠曰  
君子之論  
金銷石泐  
而終古不  
磨古今之  
善惡皆託  
之以傳說  
得煨燬有  
神文情酣  
揚真可發  
潛德之幽

物莫壽於金石言於千載之上而傳於千載之下者皆託金石以不

朽然金有時而銷石有時而泐其所託者未必真可恃也一得其託

不銷不泐視古今如旦暮者果何物也曰君子之論是也天下不見

湯之盤而能誦日新之銘者託於大學也天下不見周之量而能誦

文思之銘者託於周官也是則銘託於湯盤者反不如託於大學之

聖銘託於周量者反不如託於周官之固君子之論其可恃豈金石

比耶善託於君子之論固不朽惡託於君子之論亦不朽衛禮至行

險僥倖戕人而滅其國恬不知恥反勒其功於銘以章示後世人皆

以禮至之惡因金石而遺臭萬年也抑不知禮至之惡雖因金石而

光誅姦維  
於既死○  
古人言三  
不朽立言  
在立德立  
功之後其  
輕重次序  
然也然予  
嘗謂德非  
言不傳無  
言則無德  
矣功非言  
不著無言  
則無功矣  
書契未立  
以前其德  
隆其功高  
者不知幾  
千萬人而  
後世無聞  
焉言不存  
也且也鬼  
神無紀則  
世人不能  
識其威靈  
祖宗無紀  
則子孫不

節不因金石而遠自今而求禮至之所銘者鼎耶鐘耶敦耶鉶耶而

已滅已沒化爲飛塵蕩爲太虛無絲髮之存矣物不存則銘不存銘

不存則惡不存然禮至之惡播在人口初不隨物而朽吾是以知禮

至之所以遺臭者非金石也君子之論也使幸而不爲左氏所載則

銘亡而惡亦亡矣豈至於今日猶爲人詆訶而不已耶見辱於市人

越宿而已忘見辱於君子萬世而不泯君子所以筆誅口伐於鐘門

圭竇之間而老姦巨猾心喪膽落者恃此權也遇伯樂者爲駘之不

幸遇匠石者樗櫟之不幸遇左氏者禮至之不幸是舉衛國之嘲哂

不如左氏一字之辱也禮至之辱雖他人代之汗顏泚頰然至曷嘗

自以爲辱哉想其顯書深刻之時未必不願君子之紀錄也以辱爲

榮其無愧而不知恥蓋不足多責吾竊怪戰國秦漢以來用兵者反

若德有致

禮○一○句○文○有○句○附○反接

又轉一○意欺俗之權

附○禮○主○義○一○步○以○可○天○下○之○類○美○禮○主○者

覆狙詐大率皆禮至之比不特其人自矜其功而作史者亦從而咨  
 美頌歎之以誇示來世甚矣風俗之日薄也春秋之時有一禮至人  
 固已指為異物特書之以為笑端孰知後世為禮至者將千百而未  
 已耶又孰知後世執筆而記之者亦禮至之徒耶甚矣風俗之日薄  
 也

衡禮至為銘註釋

金石壽 法中湯錄甚矣 金銷 劉縵新論金可銷而不可易其剛 石泐 音勒解散也周禮考工記石有時以泐水有時以凝 日暮

君子論 鮑照詩側視君子論領見古人風 日新之銘 大學湯之盤銘曰苟日新日日新又日新

文思之銘 周禮考工記與氏為量其銘曰時文思索允臻其極嘉量既成以觀四國永啓厥後茲器維則 行險僥倖 禮記中庸小人章行險以僥倖 章

示 宋史禮志不親 後世 宋史林通傳通喜為詩既就輒棄之或謂何不錄以示後世 遺臭萬年 晉書桓温傳温親視非望曰既不能流芳後世

播在人口 宣和書譜薛道衡為文必杜門高臥冥搜精思故每一篇出則傳播人口 詆訶 陳書

能記其名 字是故德 與功在一 時而言垂 於萬世言 雖處功德 之後而所 繫反有重 焉者要非 有德之言 則以禮至 之徒而傳 禮至之事 人無行 宜非君子 所宜耳是 故立言不 可不勉為 君子

張明德曰 銘之為言 所以彰功 德而垂諸 竹帛也若 無功與德 而徒建言

以傳後世 滿足以形 其諫惡耳 周官以起 左氏用兩 容作證光 居於赫上 幅又深一 有禮至特 書之以為 其端而後 之學禮至 與記禮至 也何味味 也感慨作 然烟波無 際

徐凌傳為一代文宗不以 越宿注見上篇 不泯陸機文賦濟文武於 口伐唐書鄭元壽傳大  
 此矜物未嘗詆訶作者 國元璿隨語折讓不屈 太宗曰知公口伐可汗 筆門圭竇禮記儒行注筆音畢筆門以荆竹織門也 老姦巨猾北史  
 皓史傳叔太姦 膽落唐書温造傳造彈夏州節度使李祐漢 鴛駘音双台劉綱新論漢之伏也  
 巨猾犯義悖禮 勅進馬祐謂人曰今日膽落温御史矣 孫陽未賞必與鴛駘同概  
 樗櫟莊子人間世匠石之 一字春秋正我定一子所嘉有同華衰 汗顏韓愈祭柳子厚文  
 齊至乎曲轅見櫟社 之贈一言所黜無異蕭釜之誅 不義為斷血指汗  
 顏 泚頽孟子滕文公 深刻五代史六臣傳予嘗至樊城讀魏受禪碑見漢之羣 狙詐漢書  
 吳孫沮詐 紀錄唐書藝文志褚無 頌歎班固西部賦秦漢之所 來世列子襄吾修詩正  
 中商酷烈 量帝王紀錄三卷 極觀淵雲之所頌歎 禮樂將以治清天下  
 來 異物賈誼服鳥賦化為 執筆北史李彪傳論執  
 世 異物令又何足患 筆立言遂為良史

周與晉陽樊温原攢茅之田

傳公二十五年夏四月丁巳王入于王城取大叔于温殺之于隰城戊午晉侯朝王王饗醴命之晉詩隰

弗許曰王章也未有代德而有二王不叔父之所 惡也與之陽樊温原攢茅之田晉於是始啓南陽

言周秦之強弱者必歸之形勢其說蓋始於婁敬敬之言曰周公營

成周都雒以為有德易以興無德易以亡不欲阻險今後世驕奢以

德深見帝王之大

揚升庵曰立論必推其原勸理必求其至所以與俗見迥別

瞿昆湖曰議論垂竭折衷仲尼可驚可愕且一難一解語不費而意自析真大手筆

虞民也。及周之衰，天下莫朝。周不能制，非德薄。形勢弱也。秦地被山，帶河四塞，以為固。此不謂天府。論周秦之形勢者，皆宗於敬。吾獨謂敬所見者，特平王之周耳。曷嘗見文武成康之周哉？敬之所謂秦，乃文武成康之周也。文武成康之世，岐豐乃周之故都。所謂被山帶河四塞，以為固者，蓋皆周之形勢。當是時，安得有所謂秦耶？迨至平王東遷，周輕捐岐豐之地，以封秦，遂成秦之強。是秦非能自強也，得周之形勢而強也。秦得周之形勢，以無道處之，猶足以雄視諸侯，并吞天下。況文武成康本之於盛德，輔之以形勢，其孰能禦之耶？是天下形勢之強者，莫周若也。敬何所見而遽以弱名周耶？敬論周之形勢，社定一語既謬其論，周之德益謬。形勢與德，夫豈二物耶？形勢，貌身也。德，猶氣也。人未有恃氣之充，而置身於易死之地者。亦未有恃德之盛，而置

之中

社定一語

轉出德字在形勢

形勢

形勢

小頓

德不在險  
一語與敬  
亦不足辨  
矣

朱字錄曰  
借襲敬引  
起西周之  
形勢說到  
德與形勢  
合一無形  
勢則德無  
所附麗然  
後被割地  
自削之非  
道通達世  
故之言其  
雖諱豪宮  
如天馬行  
空不可羈  
勒○設既  
不可予邑  
又不可割  
尚須補出  
方略以待  
晉文問何  
以待之曰

國於易亡之地者王者之興其德必有以先天下其形勢亦必有以

先天下文武成康之德天下莫如也岐周豐鎬之形天下亦莫如也

隆其德而殺其形勢烏得為王者之道耶陋矣哉敬之論也是論也

非特敬為然雖周之子孫莫不皆然晉文公既定子帶之難請隧以

自寵襄王弗許曰王章也未有代德而有二王亦叔父之所惡也與

之陽樊溫原攢茅之田襄王之意以為吾周之為周在德而不在形

勢其章文物之制子孫當世守之不可一毫假人至以區區土壤吾

何愛而以犯強國之怒耶抑不知隧固王章也千里之畿甸亦王章

也襄王惜禮文不以與晉自謂能守王章抑不知割地自削削畿甸

之王章既不全矣惜其一而輕其一烏在其能守王章耶形勢猶身

也德猶氣也披其肩背斷其手足自謂能守氣者吾不信也嗚呼周

來朝則路  
車乘馬  
衰及  
功則  
張矢賜  
征伐  
自割  
以割  
且齊桓  
事亦止  
文亦之  
而巳晉  
雖時  
改曲以  
以折之  
必鶴齊  
之上乎  
周初封  
自謂侯  
內而具  
仍結之  
子故慶  
之典有

自平王指岐豐以封秦既失周之半矣以破裂不全之周兢兢自保

猶慮難立豈容復有所侵削耶奈何子孫猶不知惜今日割虎牢界

鄭明日割酒泉界虢文武境土歲朞月削至襄王之時鄰於亡矣又

頓損數邑於晉是棄糧於陳蔡之間揮金於原曾之室果何以堪乎

周之湮替至此見之者皆為之憫惻晉文乃忍於此時多取其地以

自肥亦商之類於陳蔡之間攫金於原曾之室其亦不仁甚矣噫晉

文獨非周之苗裔耶坐視宗國之危蹙不能附益反從而漁奪之是

而可忍孰不可忍議者反屑屑然論其伐原之信問守之非何其捨

本而求末也雖然仲叔于奚有功於衛賞之繁纓夫子以為不知多

與之邑隧之與繁纓不亦大乎襄王重隧而輕邑適合夫子之訓夫

子是則襄王亦是襄王非則夫子亦非必居一於此矣曰不類仲叔

審理○勢○

地進律之  
賞有六師  
移之之誅  
海內之地  
予之奪之  
一聽天子  
之命非庶  
王畿千里  
日無國周  
而巳矣自  
夷王下豈  
而見諸侯  
於是公侯  
伯子男各  
據其封  
疆不  
及不  
而後名  
天子  
於列國  
依於  
而取  
琴射  
肩  
矣齊桓  
起為葵  
之會煌  
煌

之○論○皆○可○以○事○而○天○之○人○之○實○  
于奚內臣也雖多與之邑猶衛地也晉文公外臣也朝受圖而夕設  
版矣是不同

### 周與晉陽樊溫原攢茅之田註釋

**婁敬**

漢書婁敬傳周公營成周都維以為此天下中有德則易以王無德則易以亡不效險阻令後世以虐民也及周之衰分而為二天下莫朝非德薄形勢弱也秦地被山帶河四塞以為固卒

然有急百萬之眾可具因秦之政資其美膏腴之地此所謂天府高帝即日駕西都關中

**文武成康**

左傳昭公九年文武成康東遷左傳建母弟以屏藩周室

六平我周之東

**收豐之地**

史記秦本紀周避犬戎難東徙維邑漆襄公以兵送周平王平王封襄公為諸侯賜之岐以西之地曰戎無道侵奪我岐豐之地秦能攻

逐戎有於岐而封

**以無道處之**

左傳寡言有田車四千乘在雖以無道處之必可畏也

**雄視諸侯**

史記秦始

地破山帶河以為固四塞之國也自穆公以來

**并吞**

淮南子要略篇秦國破險而帶河四塞以為國地利形便善積殷富孝公欲以虎狼之勢

而不**威德**周易繫辭傳曰

**誰能禦之**

左傳傳公四年齊侯曰以此衆戰誰能禦之孟子

**下莫如也**

韓非子秦之號令賞罰地形利害天下莫如也

**豐鎬**

蘇軾志林周平王甯使平王定不遷之計收豐鎬之地而修文武成康之政以形勢臨東諸侯齊晉雖強

未敢貳也而

**莫不皆然**

歐陽修祭石曼卿文此自古聖賢莫不皆然而著在簡册者昭如日星

**典章文物**

唐書方技傳李瀛風撰典章文

五命申告

同知天子

之與天子

滴繼其後

於河而流

猶不引而

率諸侯以

以齊桓公

之傷也使

齊桓初霸

其力復先

王方伯連

志物世守之左傳舜重之以明德

土壤後漢書公孫述傳蜀地沃野千里土壤膏腴

畿甸韓愈詩下陳畿甸內根本理無優

地戰國策策從親則諸侯割地以事秦

肩背金史完顏伯嘉傳中原之有河東如人之有肩背

手足漢書外戚傳太后遂斷戚夫人手足

侵削禮記月令小兵時起土地侵削

割虎牢割酒泉左傳莊公二十一年夏同伐王城鄭伯將王自闕門入魏叔自北門入殺王子頽鄭伯享王王與之武公

之地自虎牢以東又王巡號號為王宮於珪王與之

歲腴月削陳蔡

之開史記孔子世家孔子在陳蔡之野禁使人鳴孔子

揮金張協詩揮金樂當年歲暮不留儲

原曾之室原憲曾子也李白詩暮入原憲室荒僻隱

苗裔國語周語湮替隸圉世注湮沒也替廢也

自肥杜甫詩熊羆覺自肥

苗裔三國吳志周瑜傳漢高祖封爵之誓曰使黃河如帶泰山如礪國以永存爰及

苗裔列子說符篇適鑿者之所因攫其金而去

附益論語先進篇而求也為之聚斂而附益之

漁奪漢書景帝紀漁奪百姓得牟萬民

可忍論語季氏篇是可忍也孰不可忍也

伐原之信左傳僖公二十五年冬晉侯圍原命三日之糧原不降命去之謀出曰原將降矣公曰信國之寶也民之所庇也得

原信何以此之

問守之非柳宗元晉文公問原守議晉文公既受原於王難其守問寺人敫鞅以界趙衰余謂守原政之大者也不宜謀至媾近以忝王命

合本求末關尹子九藥篇天下之理舍本求末則害生

仲叔于奚左傳成公二年新蔡人仲叔于奚救孫桓子桓子是以免既衛人賞之以邑辭

內臣史記司馬相如傳邛符冉

外臣議禮他國之人則曰

請曲於繁縷以朝許之仲尼聞之曰惜也不如

多與之邑唯器與名不可以假人君之所司也

率孔賜昨  
之與而無  
所修明故  
晉文拔繡  
城之功冒  
然請以而  
不忌蓋不  
能自強於  
齊桓與周  
之初而欲  
不依違於  
晉文陵過  
之日不可  
得矣情天  
張明德曰  
請隨而王  
勿許割四  
邑以爲  
之意以爲  
王制不可  
亂區區下  
邑所不惜  
也繆不思  
典章文物  
固不可以  
假人而

外夕設版 左傳僖公三年朝濟河而夕設版  
焉杜注朝濟河而夕設版以拒秦

### 鄭子臧好聚鵠冠

傳公二十四年鄭子華之弟子臧出奔宋好聚鵠冠鄭伯聞而惡之  
使盜誘之八月盜殺之於陳宋之間君子曰服之不衷身之災也詩

曰彼其之子不稱其服子臧之服不稱也夫詩曰  
自治伊臧其子臧之謂矣夏書曰地平天成稱也

此○字○是○一○篇○主○意○

物之有是根者遇物必發鄭世子華以賣國誅其弟子臧出奔宋境

翻起筆意悠悠揚揚可喜

坐鵠冠而死當見殺之時去子華之誅殆將十年而宋鄭之封疆亦

不啻數百里也況鵠冠之侈得之道路之傳其在鄭伯無損益聞之

非所怒也怒之非所殺也今一聞鵠冠之侈必置之死地法、容、以、起、何喜怒之

下、息、

此○是○正○經○

點、出、根、字、

不類耶蓋鄭伯之怒本不在冠也特遇冠而發耳鄭伯殺子臧之根

固已萌於朋附子華之時矣以國君而誅一亡公子如孤豚腐鼠何

所不可乃淹遲而不發者非有所待也時移地移鄭伯固已忘其怒

也怒雖忘而怒之根不忘未與物遇之時固伏匿而不可見及鵠冠



以定襄王不王之案

張明德曰

服之不衷

然卒以此

殺其身自

誅伊戚子

賊已無所

解免但得

冠之聚不

之傳聞不

應怒而殺

之吾以為

鄭伯之怒

不在一冠

也其所已

段之根已

萌於附會

子華之時

文覲定根

# 鄭子臧好聚鵠冠註釋

**賣國**

史記蘇秦傳人有毀蘇秦者曰左右賣國反覆之臣也孔鵠冠

鵠音聿翠鳥也爾雅釋鳥

翠鵠郭注似燕紺色生鸞

**封疆**

易通卦驗春分庶風至封疆修田疇

**喜怒不類**

左傳宣公十七年喜怒以類者鮮易者實多

**孤豚腐鼠耳**

後漢書竇顯傳

國家棄憲如孤豚腐鼠耳

**忘怒**

三國蜀志水至平而邪者取法鏡至明而醜者忘怒

**伏匿**

史記龜策傳聖人伏匿百姓莫行

**宿憾**

三國魏志孫資傳注鄉人田豫

等求釋宿憾資曰吾無憾心不知所釋

**翦滅**

左傳成公二年余姑翦滅此而朝食

**逞毒**

南史齊東昏侯紀潘妃父寶慶與諸小共逞毒每

**冠雞**

史記仲尼弟子

列傳仲由字子路性好勇力志抗直冠雄雞佩綴豚陵暴孔子

**孔門**

史通品藻篇董仲舒楊子雲漸孔門之教義服魯國之儒風

**貂蟬**

漢書劉向傳王氏一姓乘朱輪華轂

者二十三人奇紫貂蟬充盈內古今注貂取其清應識也

**漢室**

劉長卿詩賈誼上書憂漢室

**鄰人之笛**

齊向秀思舊賦片余

與縉康呂安居止接近鄰人有吹笛者發聲寥亮感音而嘆故作賦云

**懷舊**

杜甫有懷舊詩

**斜谷之鈴**

明皇雜錄帝幸蜀南入斜谷霖雨彌旬於棧道中聞鈴聲與雨

相應帝既悼曾妃因採其聲為雨淋鈴曲以寄悵焉

**溺愛**

江淹空青賦溺愛靡意魂飛心離

**百里之外**

家語子路為親負米百里之外

篇不藏怒焉

**遷善改過**

孟子燕人畔章朱子曰責賢不能免其君以遷善改過

**睢陽**

史記宋世家成王乃命微子代殷後奉其先祀國於宋世本宋

更曰溱洧

毛詩鄭風溱洧篇傳曰溱洧鄭兩水名

**胡越**

北史魏孝文帝紀苟能均誠胡越之人亦可親如兄弟

雖陽

李本富曰  
胡口奇特  
後理甚確

孫執升曰  
氣是本詞  
是枝本治  
言必先治  
氣尊論出  
辭氣斯遠  
鄙倍孟子  
知言必由  
養氣由來  
小立論  
見大學問  
讀之肅然  
而敬深於  
立言之道  
○夢子執  
諸侯之祀  
無過其祖  
之禮以是  
見滅楚人  
以夢以歸  
而春秋不  
胡氏以不

### 楚滅夔

僖公二十六年夔子不祀祝融與鬻熊楚人讓之對曰我先王熊摯有疾鬼神弗赦而自竄於夔吾是以失楚又何祀焉秋楚成得臣鬬宜申帥師滅夔以夔子歸

以君子之言借小人之口發之則天下見其邪而不見其正以小人  
之言借君子之口發之則天下見其正而不見其邪是故大誥之篇  
入於王莽之筆則為姦說是非變乎言也枯○出 氣○字○有○原○委○氣變則言隨之變也於此  
有木焉柯幹未嘗改也春氣至則枯者榮衰者盛陳者新悴者澤秋  
氣至則榮者枯盛者衰新者陳澤者悴氣也者潛乎柯幹之中而浮  
乎柯幹之外者也惟言亦然溫厚之氣加焉凡勁暴粗厲之言皆變  
而為溫厚忿戾之氣加焉凡易直平恕之言皆變而為忿戾一言不  
移而善惡霄壤是孰使之然哉氣可以奪言而言不可以奪氣也故  
君子之學治氣而不治言夔子之對楚問正也共激楚怒而見滅者  
以氣之忿而奪言之正也夔不祀祝融與鬻熊禮也衛祖康叔不敢

為非夔子之罪然則楚自憑陵江漢滅其同姓所以利耳夔即屈辱告哀亦未必矜而全之也東萊謂其氣暴取禍不過為學者下鍼砭而已非果當日事實也

祀后稷魯祖周公不敢祀公劉非所以為罪也此固先儒之所已論

也然夔子言之則是而言之所出則非治言而不治氣雖有正禮大

義反為忿戾之所敗不足以解紛而反所速禍豈不甚可惜哉

楚滅夔註釋

君子之言

孟子盡心篇君子之言也不下帶而道存焉

王莽大誥

漢書王莽傳東郡太守翟義移檄郡國言莽毒殺平帝攝天子位欲絕漢室令共行天罰

誅莽莽惶懼不食禱告郊廟做大誥作策師故曰大誥周書篇名周公所作也

姦說

荀子齊給便利而不順猶謂之姦說

氣變

白虎通春秋物變感冬夏氣變感

柯

幹凍樵詩亭山上柏柯幹如青銅

春氣至秋氣至

呂氏春秋義賞篇春風至則草木產秋氣致則草木落

溫厚之氣

禮記鄉飲

酒天地溫厚之氣始於東北而盛於東南北天地之感德氣也

粗厲

禮記樂記粗厲猛起奮未廣賁之音作而民剛毅

易直

傳或詩進賢與功取諸易直

平恕

唐書狄仁傑傳為大理丞歲斷人獄萬七千人時號平恕

霄壤

張養浩詩緬思霄壤間實與逆旅均

是孰使之然哉

蘇軾潮州韓文公廟碑是孰使之然

哉奪氣

孫子三軍可奪氣將軍可奪心

治氣

史記五帝紀帝顓廬治氣以教化絜誠以祭祀

衛祖康叔

左傳哀公二年衛太子禱曰敢昭告皇祖

文王列祖康叔

魯祖周公

孟子滕文公章朱子曰滕與魯俱文王之後而魯魯周公為長兄弟完之

大義

尚書太傳二十八大學見大節焉踐大義焉

解

紛

史記滑稽傳談言微中亦可以解紛

速禍

左傳隱公三年去順效逆所以速禍也蘇洵六國論至丹以荆卿為計始速禍焉

臧文仲分曹田

僖公三十一年春取濟西田分曹地也使臧文仲往宿於重館重館人告曰晉新得諸侯必親其共不速行將無及也從之分曹池自洪以南東傳

於濟盡曹地也襄公如晉拜曹田也

利則居後害則居先此君子處利害之常法也是故見利而先謂之

貪見利而後謂之廉見害而先謂之義見害而後謂之怯晉文私有

討於曹披裂其地諸侯不能救則已矣乃乘其危而共取其利是誠

何心哉臧文仲所以遲遲其行者亦忸怩而不安歟異哉重館人之

言也曰晉新得諸侯必親其共不速行將無及也重館之人所謂共

其諸異乎聖人之所謂共歟信如是說則狡商豪賈趨利如風雨者

皆重館人之所謂共也彼逡巡推揖恥於冒利之君子格以重館人

之言皆不共之大者也其說陋甚孰謂臧文仲之賢而反為所動乎

氣字探喉而出無非至理但此亦是在中樓閣為粗心人下藥石故借養氣意思立此快論此文之無中生有善於解嘲者唐荆川曰先自委曲辨明使人不得議其後此東萊論法最高處因文仲懸斷其忸怩不安有不能忍分會之意因從館人之言不能如存

衛之義懸  
斷其本心  
易失利心  
易昏迷心  
結之曰在  
明善此一  
篇前後起  
伏呼應之  
細脈也以  
禍爲福又  
以文仲免  
衛侯相形  
謂文仲恩  
衛侯曹劌  
制精曹劌  
文仲無可  
置辨○胡  
氏謂不繫  
國者吾故  
田也臧孫  
所以重館  
人之言者  
殆知復吾  
故田之爲  
急而不知  
以亂易亂  
之爲非也

昔萬章與石顯善顯免官留物數百萬與章章不受曰吾以布衣見  
哀於石君石君家破不能有以安也而受其財物此爲石君之禍萬  
氏反當以爲福耶魯與曹同出姬姓並列諸侯其恩義信誓之重非  
若顯章一時之私交也魯坐視曹之翦覆不惟不能辭其地又奔走  
而趨之以曹之禍爲魯之福曾謂文仲之言不如一萬章乎使文仲  
緩轡徐驅以致吾不忍之意雖後諸侯之期不得尺土以歸吾親親  
之義固已盡矣今冒利競進雖得地之多吾恐文仲之所喪者多於  
地也前日魯僖之請復衛仲文侯嘗爲謀主矣諸侯之患諸侯恤之  
所以訓民也君盍請衛君以示親於諸侯且以動晉夫晉新得諸侯  
使亦曰魯不棄其親其亦不可以惡於是納玉於晉以免衛侯曹衛  
一體也免衛之難其義既足以動晉辭曹之田其義反不足以動晉

張明德曰  
東萊文章  
所以為後  
學開法門  
者全在立  
講高而出  
筆快每遇  
一題必先  
度其題之  
虛實輕重  
劍定一  
拔之  
原思一段  
至理說  
原原本本  
令人無可  
議處此文  
先借文仲  
行之遲遲  
懸斷其不  
安不忍之  
意後又從  
館人之  
言以斷其  
利令智昏

乎文仲於衛則割我之所有棄之而不惜於曹則奪彼之所有受之

而不疑非恩衛而讎曹也本心易失而利心易昏也吁可畏哉雖然

太公之就封道宿行遊逆旅人曰客寢甚安殆非就國者也太公聞

之夜衣而行黎明至國則萊侯既與之爭營邱矣太公聽逆旅之言

其心亦未免趨於利歟非也君子固不以利自浼亦不以利自嫌也

一國之重有民人焉有社稷焉吾其可以避趨利之小嫌而濡滯逗

擄使為姦寇之所伺乎故太公之不可遲猶文仲之不可速也然受

封分地之事逆旅重館之言同異是非間不容髮若之何而辨之曰

在明善

臧文仲分曹田註釋

居先

宋書朱劭石傳攻戰常居先才避矢石

私有討

左傳襄公十七年舉比私有討於吳

乘危

陸賈新語聖人處高居上則以仁義為樂乘危履傾則以聖賢

之虞前後  
起伏無一  
不規規於  
法

為**忸怩**音丑尼慚色也尚書五子之歌顏厚其諸異乎朱子曰其諸語辭也**豪賈**音古宋史食貨志永興帥臣陸

師閱言既毀私錢禁止銅冶則物價當減詔用其言而豪賈富家多不便**如風雨**淮南子兵略訓發如雷霹疾如風雨**冒利**蘇軾詩吳兒生長狎濤淵冒利輕生不自憐

**萬章**萬從禹博議作萬非漢書萬章傳章字子夏長安人與中書令石顯相善成章初石顯免官當去留牀席器物數百萬以與章章不受或問其故意嘆曰吾以布衣見哀於石君石君家破不

能有以決也而受事財物此為石氏之禍高氏尸當以為福耶諸公以是稱之**私交**荀悅三游論立氣勢作威福結私交以立強於勢者謂之游俠**恩義**杜甫詩故人恩義重

**信誓**毛詩信誓旦旦**徐驅**唐書劉仁軌傳六飛徐驅公私交泰**尺土**漢書異姓諸侯王表漢無尺土之階由一劍之任五載而成帝業**為謀主**

左傳襄公二十六年析公奔晉晉人置諸戎車之殿以爲謀主蘇軾范增論且義帝之立增為謀主**諸侯之患**諸侯之患至其亦不可以惡皆國語之文下文曰公說行玉二十穀

乃免衛侯**利令智昏**史記平原君傳贊鄒諺曰利令智昏穀梁傳心昏耳目塞**太公就封**史記齊世家武王封師尚父於齊營邱東就國道宿行逆旅

之人曰吾聞時難得而易失客寢甚安殆非就國者也**營邱**爾雅水出其左營邱郭注淄水過其東**自嫌**三國志魏志

郗芝傳終不自嫌以托於國**小嫌**唐書尉遲敬德傳秦王曰大丈夫濡滯朱子孟子集注**逗撓**漢書韓安國傳廷尉

當成重濤當斬**姦寇**徐陵陳公九錫文姦寇途窮隍然冰泮**同異是非**曲禮禮者所以決疑疑別同異明是非也**聞不容髮**

漢書枚乘傳其出**明善**中庸不明乎善不出阿不容髮不誠乎身矣

增批輯註東萊博議卷三終

# 增批輯註東萊博議卷四

雙芙蓉館藏本

大城劉紫山輯註

## 穆伯襄仲

文公七年穆伯娶於莒曰戴己生文伯其婦肇己生惠叔戴己卒又聘於莒莒人以聲己辭則為襄仲聘焉冬徐伐莒莒人來請盟穆伯如莒泣盟且為仲逆及鄆

凌登城見之美自為娶之仲請攻之公將許之叔仲惠伯諫曰臣聞之兵作於內為亂於外為寇寇猶及人亂自及也今臣作亂而君不禁以啓寇讎若之何公止之惠伯成之使眾舍之公孫敖反之復為兄弟如初從之

問修怨於君子必以為非問修怨於小人則以為是二者皆未為定

論也專於報怨者商鞅范雎之徒耳專於忘怨者老聃莊周之徒耳

吾聖人未嘗修怨亦未嘗忘怨權其小大輕重而中持衡焉未嘗倚

一偏而主一說也穆伯為襄仲聘婦於莒中道而奪之夫豈細怨也

朱字綠曰兄弟之間不可較怨一語可救人倫之患

張明德曰恩怨報復之理總是

人情天理四字可以解釋得清楚穆伯為襄仲娶於莒中道而奪之怨孰甚焉而得惠伯之片言委曲調護於其間釋怨而全恩文於平淡中說得親切醒快中間出字更見根底千古人倫之變於舜而極而入宮之後處之恬然胸中純乎天理又何人之情之不合也

篇之意俱已在此。

哉而惠伯區區其間委曲調護姑釋其憾終全其恩彼非不知輕重

小大之所在也蓋穆伯之於襄仲兄弟也怨之小大輕重在他人可

言耳兄弟之間豈較小大輕重之地哉以人合者有時而離以天合

者無時而離兄弟之屬天也人怨不足以害之襄仲之怨穆伯以人

觀之固大矣重矣以天觀之則兄弟之親與生俱生而不可離豈以

恩怨而加損哉雨暘變於前而太虛之真體未嘗動也恩怨交於前

而兄弟之真情未嘗動也襄仲向者之怨私情之怨耳今者之解私

情之解耳乃若胸中之天則向無怨而今無解也不然豈惠伯立談

之頃所能解耶焚廩捐階之虐治棲入宮之侮百世之後讀其書者

猶為舜切齒而混之恩意源源不絕者非以德報怨也以弟待象而

不以象待象也以天觀象而不以人觀象也蓋鬱陶思舜乃象之天

將小大輕重又准一步喚出天合一字

兄弟之屬天也人皆知之說來親切感快

指出之

天○即○傲○第○不○容○不○化○於○尊○  
彼傲而害舜者特象之人耳舜之胸中純乎天故見象之天而不見象之人也使惠伯立於舜之廷將化於舜之天而不自知爾雖有喙三尺焉攸用

### 穆伯襄仲注釋

修怨

傳堯俞論責任疏小人無知或伺隙修怨

商鞅

史記商君傳商君者衛之庶孽公子也名鞅姓公孫氏

范雎

史記范雎者魏人也秦王拜雎相一飯之德必

償睚眦之怨必報

忘怨

國語楚語子西曰德其忘怨乎

老聃

史記老子傳註許慎曰名耳字聃

莊周

史記莊子傳莊子者蒙人也名周嘗為蒙漆園吏老子曰

報怨以德

輕重

淮南子齊俗訓夫挈輕重不失銖兩而聖人弗用而懸之乎權衡

持衡

唐書李石傳帝曰天下之勢猶持衡然此首重則彼尾輕矣

一偏

史記

陳亮傳陛下明足以照羣臣一偏之論

一說

三國魏志衛顛傳誰能犯顏色顛已諱建一言開一說哉宋書歷志偏據一說未若今之為長也

中道

晉傳元秋胡行奈何胡中

秋道懷邪

細怨

劉縯新論魯酒薄而邯鄲圍羊羹偏而宋師敗皆以輕蔑細怨妄謝禍端

委曲

毛詩召南委蛇箋曰委曲自得之貌

調護

史記留侯世家及燕置酒

太子侍四人各言姓名曰東園公田里先生綺里季夏黃公上曰煩公幸卒認護太子

釋憾

宋史范仲淹傳夷簡再入相帝諭仲淹使釋前憾

兄弟也

左傳公孫兄弟

也人怨

漢書安帝紀夫霖雨者人怨之所致

恩怨

韓愈詩呢呢兒女語恩怨相爾汝

雨暘

玉海景祐元年召晁迥對延和殿問洪範雨暘之處

太

虛

杜甫詩東嶽雲峰起溶溶滿太虛

真體

五燈會元寶誌禪師條欲識大道真體不離聲色言語

私情

晉書李宓傳欲苟順私情則告訴不許

胸中

之天

關尹子五鑿篇曰想曰識譬如犀牛望月月影入角而彼真月初不在角胸中之天地萬物亦然

無怨

禮記故君子有禮則外譖而內無怨

焚廩捐

階

孟子萬章篇父母使舜完廩捐階瞽瞍焚廩

治棲入宮

又象曰二嫂使治朕棲象往入舜宮舜在牀琴象曰鸞陶思君耳

切齒

易林張牙切齒斷怒

相恩義

韓愈榮陽鄭公神道碑及門接引皆有恩義

源源

又孟子雖然欲長長而見之故源而來

有喙三尺

莊子徐無鬼篇仲尼之楚條丘願有

尺喙

三焉攸用法言夫有刀者聳諸有玉者錯諸不聳不錯焉攸用按焉攸用猶左傳昭公四年焉用之也

先軫死師

僖公三十三年夏四月辛巳敗秦師于殽獲百里孟明視西乞術白乙丙以歸遂墨以葬文公晉於是始愆文嬴請三帥曰彼實構吾二君寡君若得而食之不厭

君何辱討焉使歸就戮於秦以逞寡君之志若何公許之先軫朝問秦囚公曰夫人請之吾舍之矣先軫怒曰武夫力而拘諸原婦人暫而免諸國墮軍實而長寇讎亡無日矣秦不顧而唾公使陽處父追之及諸河則在舟中矣釋左驂以公命贈孟明穆首曰君之惠不以纍臣擊鼓使歸就戮於秦寡君之以為戮死且不朽若從君惠而免之三年將拜君賜秦伯素服郊次鄉師而哭曰孤違蹇叔以辱二三子孤之罪也不替孟明孤之過也大夫何罪且吾不以一箭掩大德狄伐晉及箕八月戊子晉侯敗狄於箕卻缺獲曰狄子先軫曰匹夫逞志於君而無討敢不自討乎免胄入狄師死焉狄人歸其元面如生

兩意並起側重唯持

至難發者悔心也至難持者亦悔心也凡人之過很者遂之詐者文

孫月峯曰  
寫人情歷

歷如見乃  
知不深維  
世故不可  
以為文章

王鳳洲曰  
只就海心  
難持四字  
翻論到底  
句句明言

朱字綠曰  
說不能持  
悔心引風  
為喻一段  
極親切有  
味

先軫為人  
大約氣管  
粗猛始而  
唾其君既  
而死於敵  
而一暴氣  
也為國事  
其死敵也

發  
之愚者蔽之。吝者執之。誇者諱之。怠者安之。孰能盡出數累之外而

悔心獨發者乎。然是悔也。未發則憂其難發。既發則憂其難持。悔心

初發自厭自愧自怨自咎。焦然不能以一日安。苟無以持之。則自厭

者。苟且弛縱。必入於自肆矣。自愧者。退縮羞赧。必入於自棄矣。自怨

者。鬱積繳繞。必入於自懟矣。自咎者。憂憤感激。必入於自殘矣。是悔

固可以生善。亦可以生不善也。萬斛之舟。非遇大風。則不回。苟無以

持之。因風而反。溺者多矣。一念之悔。其勁烈蓋甚於風焉。烏可不知

所以持之。聞吾觀先軫之死。未嘗不嘉其悔。而又傷其無以自持也。

軫以不顧而唾。無禮於君。及箕之役。深悔前過。免胄而死於狄師。一

念之勁烈如此。使有以持之。固可一日而收克己復禮之功矣。惟其

無以持之。不用是力於禮義。而用是力於血氣。身為元帥。總三軍之

亦為國事  
初非有所  
私但於寇  
之既縱即  
爭之已遲  
而何至於  
唾於寇之  
方來正當  
嚴大帥之  
旗鼓而向  
為免宵以  
投其鋒是  
所謂血氣  
之勇不能  
自克者也  
東萊欲引  
之舒泰恬  
愉之樂也  
非所以告  
戰陣之士  
然故時說  
禮乃大將  
才則其言  
未為迂也

張明德曰  
拈定難持

重輕棄其身身死無名。驕敵遺笑。殆與自經於溝壑者等耳。先軫意在於改過而反。至於生過失不在於悔而在於不能特其悔也。風之無力者不能回舟。至於風力之勁者。惟善操舟者為能持之。悔之無力者不能遷善。至於悔力之勁者。惟善治心者為能持之。使軫果能持其悔。則舒泰恬愉之地自有真樂。何至輕殺其身哉。惜乎軫之不能持其悔也。

先軫死師註釋

悔心 中說樂必悲來 遂過 淮南子兵略訓拒諫喜諛僥倖遂過 文過 楊揮報孫會宗書若逆指而文過 諱過 穀梁傳魯賢者諱過

自咎 左傳中饋自咎曰豈將軍食之而有不足是以再嘆 自肆 唐書狄仁傑傳左司郎中王本立怙寵自肆仁傑劾奏其惡 自棄 孟子吾身不能居仁由義謂之

自棄 也 鬱積 張華詩感 感激 阮籍詩感 自殘 孫樵寓居對憊耶餓耶何自殘耶蘇軾賈誼論不知默默以待其變而自殘至此 萬

斛之舟 晉書石季龍載記徒洛陽鐘篋翁仲造萬斛舟以渡之杜少陵集杜甫夔州歌萬斛之舟行若風 勁烈 晉書段匹碑傳匹 自持 盧

二字千迴  
百折反覆  
辨難直窮  
到可生窮  
發處總是  
得孟夫子  
養氣大意  
推勘得透  
後又歸根  
治心上頭  
正是持其  
志無暴其  
氣之意先  
軫果操持  
到這等地  
位又何有  
免謂入師  
之事乎先  
生不獨行  
文勝人幾  
籀即此等  
經濟此等  
學問亦周  
程張朱遺  
派也朱遺  
篇未引先  
軫以舒泰

師道詩經

盈不自恃

史記諡法解追悔前過曰思唐書韓愈傳窮思畢精以贖前過

一日克己復禮

論語顏淵篇又左傳昭公十二年仲尼曰

古也有志克己復禮仁也信善哉

不用於禮義

禮記聘義勇敢強有力而不用之於禮義戰勝而用之於爭鬪則謂之亂人

血氣

史記正義血勇之人面赤

驕敵

新語至德篇外驕敵國內克百姓李華弔古戰場文主將驕敵

改過

尚書仲虺之誥用人惟己改過不吝

回舟

陶潛詩自送回舟遠

風力勁

朱子到袁州詩多謝晚來風力勁朔雲寒日共悠悠

恬愈

管子恬愉無為去智與故

能持

論衡小石附於山山力能持之

殺其身

禮記文王世子聞之曰為

人臣者殺其身有益於君則為之

相術

文公元年王使內史叔服來會葬公孫敖聞其能相人也見其二子焉叔伯曰穀也食子雖也收子穀也豐下必有後於魯國宣公四年初楚司馬子良生子越椒子文曰必殺之

是子也熊虎之狀豺狼之聲弗殺必滅若敖氏矣昭公二十八年初叔向娶於申公巫臣氏生伯石伯石始生姑視之及堂聞其聲而還曰是豺狼之聲也狼子野心非是莫喪羊舌氏矣

勢相敵而後訟未有非其敵而訟者也親屈公卿之貴而與皂隸訟親屈巨室之富而與甕人訟親屈儒者之重而與卜祝訟勝之不武不勝為笑適自卑而已矣苟卿以大儒而著非相之篇下與卜祝較

恬愉之樂 乃東萊先 生進將才 以學問令 作風流之 儒將耳若 謂非所以 以告戰陣 之士拘矣 夫戰陣之 事軍中自 有紀律尤 當聽命於 大帥之旗 鼓亦非可 以粗暴猛 戾為也

何其不自愛也。彼挾相術以苟衣食者，卑冗凡賤，廁迹於巫醫優伶之間，仰視儒者如斥鷃望大鵬於羊角扶搖之上，敢有一毫爭衡之心乎？道○爭苟卿饒饒與相師辨連簡累牘而不已是書，一出相師之氣，坐增十倍，以謂我何人也，彼何人也。今彼乃明目張膽極其辯而與我爭曲直，若恐不勝者，是必我之道可以與彼抗也。由是卜祝之流相勸相勉，相形之術遂蔓延於天下矣。然則苟卿之於相術，將以排之適以助之，非相之篇吾恐未免為是相之篇也。提出孔子○應前苟

己概見於世矣。若周叔服相公孫敖之二子，一言其必食子，一言其必收子，是以相而預言人之福也。子文及叔向母見越椒，伯石之始生，一言其必滅若敖氏，一言其必喪羊舌氏，是以相而預言人之禍也。子猶不取數十年之後，福焉而福，禍焉而禍，無一不合。誇於口者有之，筆於

聖人居上  
流之法而  
又就相冷  
敲熱棒痛  
喝一番奇  
文妙義匪  
夷所思

揚升庵曰  
落筆何等  
於貴東萊  
胸次曠然  
可想

袁中郎曰  
掀翻名理  
之窟而妙  
在遊戲  
出之

朱字綠曰  
說小術不  
足與較占  
得地步高  
透得議論

書者有之。孔子未嘗過而問焉。豈孔子衛道之心。反緩於荀卿耶。孔

之意以入荀卿之罪

子以謂天下之曲。拔小術雜然而不可縷數。如蝸蟬龜。自鳴自止。

本不足為吾道之輕重。苟獨取其一而辯焉。則天下必以為是術也。

至勞。聖人與之辨。必其道可與聖人抗。殆將有陷溺而從之矣。是反

為吾道增一異端也。天下本未嘗以異端待相術。苟卿強斥以為異

端。而與之辨。無故而為吾道增一異端。非荀卿之罪耶。吾嘗觀孔子

相術不必。非但付一笑。

周游於天下。鄙夫陋人。每以區區相術而窺之。有曰：類類堯也。項類

臯陶也。肩類子產也。孔子與門弟子聞之。不過付之一笑耳。乃若吾

孔子相書

夫子之門。自有相書。申申天天。即孔門相容貌之術。閭閻侃侃。即孔

門相言語之術。翼如檐如。即孔門相步趨之術。勃如愉如。即孔門相

顏色之術。曾子傳此以相人。故發而為動容貌之論。子思傳此以相



大道理與之辨論已於吾道樹敵篇中引孔子以為證據深闢荀卿非相之篇多此一說自是衛道正旨又從孔子身上說出多少相法東萊善於解嘲另是一種筆法

小鳥爭衡唐文粹前修敢爭衡連簡累牘北史李諤傳諤以時文體尚輕薄又書曰連篇相師唐語

林明皇帝曰阿氣增十倍漢書龍錯傳戰勝之威民氣百倍明目張膽宋史劉安世傳初除諫官人白母曰朝廷不以安世不肖使在

官語倚居其官須明目張膽以身任責爭曲直鹽鐵論故武安丞相訟田園爭曲直人主之前也相勉白居易與元九書小通則以詩相勉

蔓延蘇洵管仲論五公二爭立其禍蔓延筆於書韓愈原道不惟舉之於其口而又筆之於其書未嘗過而問焉莊子外物篇聖人之

所以號天下神人未嘗過而問焉五代史司天考卜祝小術小術不能舉其大體蝸蟬毛詩幽風五月鳴蝸蟬蝸蟬一物方俗異名鼃龜龜古蛙字周禮秋官

蝸氏掌去鼃龜音猛狀似青蛙而腹大鼃陸居龜水居其鳴甚壯自鳴自止蘇軾答李端叔書譬之侯蟲詩鳥自鳴自己何足為損益周遊淮南子進退周遊莫

不如頽頽堯家語困誓篇孔子適鄭與弟子相失獨立東郭門外或謂子貢曰東門外有一人焉其長九尺有六寸河目隆額其頭似堯其頸似皋陶其肩似子產然自腰以下不及

禹者三寸樂焉如喪家之狗子貢以告孔子欣然而嘆曰形狀末也如喪家之狗然乎哉然乎哉一笑漢書薛宣傳一笑相樂申申天天論語述而篇子之燕

居章朱子曰申申其容舒也天天其色愈也閭閻侃侃論語鄉黨篇朝與下大夫言侃侃如也與上大夫言閭閻如也翼如襜如又衣前後襜如也趨

進翼如也勃如愉如又君召使積色勃如也私覲愈愈如也動容貌又泰伯篇會子言曰動容貌斯遠暴慢矣動乎四體中庸至誠

之道可以前知見乎蒼龜動乎四體眸子瞭眊孟子離婁篇胸中正則眸子瞭焉胸中不正則眸子眊焉相人漢書蒯通傳傑嘗受相人之術心醉列子

欲衛之朝已而朝王是非尊周乃自尊自尊者無周矣中書以君父大義後論無已非人庶幾不惡而嚴

張明德曰目無天王已非一日而乃假以尊王之聲罪致討殊屬可笑篤中以子喻君以子喻臣以子喻之事父喻臣之事君極平常語却寫得一種呆人說夢之妙伯

說符篇鄭有神巫曰季咸知人之死生存亡禍福壽夭期以歲月旬日若神列子見之而心醉文中子子遊河間之渚河上丈人曰何居乎斯人也心若醉六經目若營四海

大卜掌三兆之法太祝掌三佾北夢瑣言孔緯拜官教衛道宋史劉焯傳衛道之功莫大焉

### 晉侯朝王伐衛

文公元年晉文公之季年諸侯朝晉衛成公不朝使孔達侵鄭伐蔡及匡晉襄公既祥使告於諸侯而伐衛及南陽先且居曰效尤禍也請君朝

王臣從師晉侯朝王於温先且居晉臣伐衛五月辛酉朔晉師圍戚六月戊戌取之獲孫昭子衛人使告於陳陳共公曰更伐之我辭之衛孔達帥師伐晉君子以為古者越國而謀

主客並起

因人而有過者君子不謂之過因人而有善者君子不謂之善因人

而過猶鑑遇歎母而醜本非鑑之醜也因人而善猶木託泰華而高

本非木之高也為善由己而由人乎哉晉襄公即位而朝王於温人

皆善其尊周也及考其朝王之由蓋將討衛之不朝故身先朝周以

責之然則尊王之善豈襄公之本心哉則吾知晉襄之施未必入於

之論

能

以父喻君謙自正大

周境矣彼因人而有善者果足以為善耶臣之於君猶子之於父也

子必因責人而始敬父則父得子之敬寡矣臣必因責人而始朝君

恭以嘲笑  
作爲文字  
讀者當爲  
絕倒

則君得臣之朝寡矣。又況子之敬父自敬汝父耳。於人何有臣之朝。君自朝汝君耳。亦於人何有使晉襄之事。周春秋朝覲史不絕書。亦更說得親切晨省昏定之常耳。猶不足以自高。況甫陟周之庭。遽傲然自足。鳴鐘擊鼓。凌責他人之無禮。安得不納孔達之侮哉。世有妄人嘗拜其父晉非人君何以責者。他日執塗人而責之曰。我嘗拜父。汝何爲不拜我。天下未有不笑其狂者。晉襄之責衛。非此類耶。雖然。無諸已而後非諸人。大學之道也。晉襄先朝王而後責衛。似有合於大學之旨。庸可毀耶。非也。觀書者要當忘言而得意。大學之意在於無諸已。而不在於非諸人也。欲學者將非人之時。常思無諸已之戒。不欲學者持無諸已之論。用爲非人之資也。故先日無諸已。次日非諸人。其意主於攻己。過而不主於攻人。過明矣。吾恐說經者以文害辭。故力辯之。以告吾黨之士云。

### 晉侯朝王伐衛註釋

**鑑** 淮南子詮言訓人舉其疵則怨人鑑見其醜則善鑑

**嫫母** 荀子僉詩嫫母刁父楊注嫫母醜女黃帝時人也史通言語篇猶鑑形者見嫫母多媿而歸罪於明鏡也

**木荀** 荀子僉詩嫫母刁父楊注嫫母醜女黃帝時人也史通言語篇猶鑑形者見嫫母多媿而歸罪於明鏡也

勸學篇西方有木焉名曰射干莖長四寸生於高山之上莖非能長也所立者然也

**泰華** 山海經西山經泰華之山削成而四方其高五千仞

**尊周** 史記晉世家求霸莫如入王尊

**周朝周** 尚書大傳子朝周過殷胡墟乃為秀麥之歌

**尊王** 周禮春官大宗伯夏見曰宗注宗尊也欲其尊王

**於人何有** 左傳昭公六年汝喪而宗

室於人何有人亦於汝何有

**春秋朝覲** 周禮春官大宗伯以賓禮親邦國春見曰朝秋見曰覲

**史不絕書** 左傳襄公二十九年史不絕書府無虛月

**晨省昏定** 曲禮昏定而晨省陳注定其衽席省其安否

**自高** 莊子不以人之卑自高也

**傲然自足** 王羲之蘭亭序快然自足曾不知老之將

**至鳴鐘擊鼓** 國語晉語是故伐備鐘鼓擊其罪也乃鳴鐘鼓以至於宋毛詩云擊鼓其鏜踴用兵

**妄人** 孟子離婁篇此亦妄人也已矣

**執塗**

**人** 蘇洵春秋論執塗之人而告之曰某為善某為惡可也

**拜其父** 蘇洵禮論無故而使之拜其君無故而使之拜其父

**責衛** 毛詩序旄丘責衛伯也

**無**

**諸已而后非諸人** 禮記大學是故君子有諸已而后求諸人無諸已而后非諸人朱子曰有善於己然後可以責人之善無惡於己然後可以止人之惡皆推己以及

人所謂恕也

**忘言** 莊子外物篇言者所以在意得意而忘言注在察也

**攻過** 抱朴子攻過彌違講道精義

**以文害辭** 孟子萬章篇故說詩者不以文害辭朱子曰不可

**吾黨之士** 左傳昭公十二年已乎已乎非吾黨之士乎

以文害辭朱子曰不可以一字而害一句之義

**吾黨之士** 左傳昭公十二年已乎已乎非吾黨之士乎

已乎非吾黨之士乎

宋字綠曰  
胡氏謂蕩  
意諸死職  
春秋削之  
不得班於  
孔父仇牧  
荀息者三  
之閑其君  
而見殺春  
秋所取意  
諸知國人  
將弒其君  
而不能止  
知昭公之  
將見殺而  
不能止坐  
待其及禍  
而死之所  
謂匹夫匹  
婦自經於  
溝瀆者東  
萊文約略

### 宋蕩意諸

文公八年宋襄夫八殺昭公之黨司城蕩意諸來奔效節於府人而出十六年昭公無道國人奉公子鮑以因夫人夫人將使公田孟諸而殺之公知之盡以其寶

賜左右以使用夫人使謂司城去公對曰臣之而逃其難若後君何冬宋昭公將田孟諸未至夫人使帥甸攻而殺之蕩意諸死之

待人欲寬論人欲盡論人者借人之短以攻我之短借人之失以攻我之失言主於自爲而非爲人也品題之高下所以驗我識之高下與奪之公私所以驗吾心之公私苟發於言者略而不盡則藏於心者必有昏而不明矣吾夫子譏賜之方人而自操春秋褒貶之筆豈遽忘前語哉待人與論人固自有禮也宋襄夫人之亂蕩意諸始則出奔終則致死大浸稽天而砥柱不移風雨如晦而鷄鳴不已凜然亂臣賊子之大閑也當是時奔赴於君夫人之宮者冠蓋相望受施於公子鮑之室者肩袂相屬至於安受昭公之賜彙珍囊寶散而之四方者又不知其幾人也不追議此而惟意諸之是責吾不知與逆

此段是揚○法

輕○取○局○

本其意

正救調護  
擊斷三者  
俱無徒一  
死塞責說  
盡庸臣之  
態又推倒  
無難則忍  
恥以庇宗  
有難則捐  
身以刷恥  
言似深文  
而亦切中  
情事君子  
當懷然於  
是言

方正學論  
豫護大約  
本此然讓  
猶欲為主  
報讎不克  
而自較後  
世自經入  
井者為更  
勝也甲申

徒何親與公室何讎乎與小人何厚與君子何薄乎讎公室而親逆

徒厚小人而薄君子雖鄉黨自好者猶恥為之未有名學者而反不

恥者也然立論之際先則譽意諸之忠後則責意諸之過變譽為責

夫豈得已哉蓋將假意諸既往之過為吾身將來之戒也意諸效節

之去義當去也意諸從田之死義當死也然意諸親則公族官則司

城坐視昭公之失道襄夫人之蓄怒公子鮑之陰謀凶德參會待釁

而發上則不聞有正救之諫中則不聞有調護之功下則不聞有擊

斷之勇見亂而始去去何晚也見弑而始死死何補也想夫亂機之

將兆弑械之將成通國內外舉知之矣曾謂意諸之賢獨不知耶其

所以徘徊濡滯不能翻然高舉者蓋懷其父去官則族無所庇之言

顧位苟祿日復一日其心以謂無難則忍恥以庇宗有難則捐身以

又○推○其○意○意○刺○入○為○諫○心○之○痛○

○取○自○舉○音○自○責○了○不○相○借○

○前○半○獲○德○曲○折○寫○來○方○入○責○意○諸○語

之事泥首  
賊庭者不  
足論其賢  
者多以身  
殉國錢景  
論之曰古  
者不稱同  
死社稷之  
為賢蜚廉  
死商之亂  
惡來哭紂  
之尸皆不  
可以為忠  
長惡速亡  
罪之大者  
也春秋弑  
君三十六  
死難者三  
宋華督弑  
其君與夷  
而及孔父  
宋萬弑其  
君捷而及  
仇牧晉里  
克弑其君  
卓而及荀

刷恥以後之節贖前之非後世君子要必有哀吾之用心者殊不知  
君子不忍一日置其身於可愧之地今日為善尚恐他日為惡詎有  
身居可愧之中預指他日之節以贖前日之非乎他日之節未至今  
日之非方萌斯時也斯心也君子乎小人乎此吾所以為意諸懼也  
此吾所以不為意諸懼而為吾身懼也

宋蕩意諸註釋

攻我短

唐書李悝傳喜獎善而  
攻人攻己短為天下歸重

品題

李白上韓荊州書一  
經品題便作佳士

與奪

晉書祖納傳若使王隱  
修一代之典褒貶與奪

誠一時  
之儔也

公私

尚書周官  
以公滅私

子貢方人

論語憲問篇子貢方人子曰  
賜也賢乎哉夫我則不暇

忘前語

漢書師丹傳  
丹老人忘其

前語唐書吉溫傳祿山大悅  
亟稱溫才天子亦忘前語

有體

宋史揚摯帝謂大臣曰梅摯  
言事有體以為戶部副使

致死

左傳召公二十一年大  
用少莫如齊與死

浸稽天

莊子逍遙遊大浸稽天而不溺註  
大浸大澤之總名稽至也溺沒也

砥柱

尚書禹貢註砥柱山名河水  
分流包山而過山若柱然

風雨如晦

毛詩鄭風鷄鳴篇又辨命論風雨如晦鷄鳴不已善人為善焉有  
息哉梁簡文帝自序立身行己始終如一風雨如晦鷄鳴不已

亂臣賊子

朱子孟子集註如  
春秋之法亂臣賊

息然皆死 於賊非自 裁也衛之 石不號純 臣不聖嬰 吁齊嬰嬰 稱賢相不 死誰仔周 召二君著 續共知不 死流遊人 臣謀厥之 忠豈律賢 於一死哉 三代而下 死社稷者 多有近代 莫不稱文 信其入 燕也三年 而後死丞 相傳羅詰 之曰爾立 二王竟何 成功知其 不可何必 強為信國

子人人得而討 大閑 廣韻閑防也唐書卓行 傳節義天下之大閑 夫人之宮 左傳成公十八年以戈殺國佐 於內宮之朝師逃於夫人之宮 冠

蓋相望 漢書晁錯傳千里 灤珍 白居易詩須防杯 散而之四方 孟子梁惠王篇壯 者散而之四方者

幾千鄉黨自好 孟子葛章篇鄉黨自好者 不為而謂賢者為之乎 立論 漢書敘傳營平 以武公廢司空杜

註武公名司 蓄怒 顏延之緒白馬 賦蓄怒未洩 陰謀 史記陳丞相世家陳平曰 凶德參會 漢書韓安 國傳贊凶

德參會待時而發註 待覺而發 擊斷 史記仲尼弟子傳 弑械 公羊傳莊公三 十二年俄而牙

和藥而飲之 高舉 屈原卜居寓超然 高舉以保真乎 去官則族無所庇 左傳文公十六年初司城蕩 卒公孫壽辭司城請使意諸

為之既而告人曰君無道吾官近瀆及焉棄官則族無所庇乎 願位苟祿 包佶詩巧拙循名異 身之貳也姑舒死焉雖亡子猶不亡族杜註曰意諸壽之乎

詩苟祿亦可差 日復一日 周髀算經日復日為一日星復星為一 無難 左傳昭公四年或 吾將返蓬蓽 歲韓愈詩一日復一日一朝復一朝 多難以固其國啓

其或無難以 忍恥 左傳悼公四年趙孟曰以 刷恥 史記世家昭睢曰王雖東取地於越 卑其國失其守宇 能忍恥庶無害趙宗乎 不足以刷恥必取地於秦而後足以

刷前非 崔湜詩事 用心 莊子天道篇昔者舜問於堯曰天王之用心何如 可愧 李密詩偷 恥 往覺前非 堯曰吾呆傲無告不廢窮民此吾所以用心已 生真可愧

楚范山請圖北方 文公九年范山言於楚子曰晉君少不在諸侯北方可 圖也楚子師於狼淵以伐晉囚公子堅公子廙及樂耳

楚范山請圖北方

文公九年范山言於楚子曰晉君少不在諸侯北方可 圖也楚子師於狼淵以伐晉囚公子堅公子廙及樂耳

曰父母不可疾雖才不可為與不為藥之理由是言之信國豈徒拱手以天下與人而第烈耶乎論諸臣議紛更使天子無終朝之令進人不必舉其人則必張其明黨政以暗成其必略冒此必不可移之志也及大專既去曰吾死已耳是社稷可亡天下可

直起作疑情又。是。一。格。  
晉靈公即位之初其失德未有聞於人也內而樂卻胥原日陪日侍

傳不載其諷諫之辭外而宋衛陳鄭時聘時覲傳不載其怨誹之語

彼苑山者邈然价居方城漢水之間果何自而知靈公之可輕北方

之可圖乎吾知其說矣開論立案以地以勢則近者詳而遠者略以情以理則

近者蔽而遠者明問官府之政於鈴下馬走甲是乙非迄無定說至

於大山之隈絕澗之曲農夫樵父相與畫地而議長吏之能否若辨

黑白若數一二彼豈常識刺史之屏而望縣令之烏哉蓋愛憎絕於

耳目之前毀譽公於郊野之外近者之蔽固不如遠者之明也靈公

不君此段中文字議。明揚基於始而成於終當其嗣服之初雖無萌芽之可尋豈無兆朕

之可卜舉世不知而苑山獨知之豈山之智獨踰於眾人乎亦有所

蔽焉爾嬖幸者靈公恩賞之所及也故蔽於愛而不知卿大夫者靈

拱手授賊 所稱謀人 之社稷謂 何而徒以 死自厲也 其言猶東 萊相發明 故附錄之 使後之君 子讀之知 後之節不 能贖前之 罪庶不以 蕩意諸自 處而扶危 定保當早 謀於未敗 之尤矣

張明德曰 意諸死職 律以人臣 之義意諸 近之春秋 乃削而不 書正在知 其禍之將

公政令之所及也。故蔽於尊而不知列於齊盟者。靈公兵威之所及也。故蔽於畏而不知惟范山立楚之朝。食楚之祿。非晉國恩。賞政令兵威之所可及。故揆之趙盾。隨會之諫。反在於十年之先也。孰請近者難掩而遠者易欺耶。吾嘗深味范山晉君不在諸侯之一語。深有感焉。晉主夏盟。自文至靈三君矣。靈公即位之始。其拊循諸侯。必未敢遽改先世之舊。玉帛瑞節。猶文襄也。芻粟牲牢。猶交襄也。物采辭令。盟約要束。猶文襄也。推其心不在諸侯。故幣雖厚而人自見其薄。禮雖備而人自見其略。儀雖華而人自見其瘁。令雖嚴而人自見其慢。吁。范山其妙於觀國哉。

楚范山請圖北方註釋

失德

毛詩小雅民之失德乾以愆

灤卻胥原

左傳昭公三年叔向曰灤卻胥原狐續慶伯降在皂隸杜註八姓晉舊臣

宋衛陳鄭

左傳昭公

及而不能  
早為之計  
死亦何濟  
於君乎東  
萊歷觀往  
事知三代  
以下死社  
稷者多有  
往往以天  
下與人而  
第以身殉  
為烈意諸  
所為大率  
類此文先  
寬其罪後  
誅其心譽  
自譽責自  
責各不相  
蒙說到以  
後之節贖  
前之非云  
云更覺愧  
死可見扶  
危定傾當  
預國於早  
也

十八年梓慎曰 怨誹 史記屈原傳國風好色而不淫小雅怨誹而不亂 諷諫 白虎通諫有五其一曰諷諫二曰順諫三曰諷諫四曰指諫五曰陷諫昭明文選漢

草孟有 方城漢水 左傳僖公四年楚國方城以為城漢水以為池杜注 鈴下 晉書羊祐傳

御不過數十人蘇軾食荔芟 甲是乙非 關尹子一字篇曰道無人 大山之隈 管子平原之

大山之隈 絕澗 北史爾朱兆傳至窮巖絕澗 樵父 蘇軾詩偶隨 辨黑白 史記龜策傳天

白數一二 荀子儒效篇修百王之法若辨 刺史屏 宋史蔡崇禮傳嘗進唐太宗錄刺史姓

知盡心職業困學紀聞唐岐陽公 縣令烏 後漢書方術傳王喬為葉令每月朔望嘗自縣詣臺諫

於是侯鳥至舉羅張之但得一 郊野 南史袁粲傳粲嘗步屨白陽效野 嗣服 毛詩大雅下民

我嗣服朱子曰嗣服 萌芽 漢書李尋傳誅放 朕兆 朕直引切吉凶形兆謂之兆 嬖倖 後漢

寶傳閭太后以寶等阿附 恩賞 後漢書彭寵傳寵自以與耿 政令 毛詩顯瞻周道箋 齊盟

國語晉語有盟未退而魯背 兵威 左傳襄公二十七年子罕曰凡 趙盾隨會 左傳宣公二年

盾士李申之將諫士季曰諫而不入則莫之繼也會請先不入則子 晉主夏盟 左傳襄公二十

王鳳洲曰東萊文字妙處在必究其原衷中郎曰觀其傷處直據歐魚之上

鍾伯敬曰構思梁細人服其論理下筆球外姿

孫執升曰道古若逸唱數有餘韻而詞意工整俱經百鍊近藪遠明尤為論卓識

朱字綠曰近蔽遠明

昔句之祖在周為唐杜氏晉主夏盟為范氏杜註晉為諸夏盟主范氏復為之佐

### 幣厚

史記晉四家三子曰幣厚言甘此必邪鄭賣我於秦

周禮秋官司盟凡邦國有疑會同則掌其盟約之載書

儀華 北史崔子約傳憑凡對之儀望俱華

令嚴 杜甫詩中天懸明月令厥夜寂寥

觀國

玉帛 左傳男贄大者玉帛杜注公侯伯子男執玉諸侯世子附庸孤卿執帛

盟約 周禮秋官司盟凡邦國有疑會同則掌其盟約之載書

要束 漢書高帝紀且吾所以軍壩上待諸侯至而定要束耳

### 楚文無畏戮宋公僕

文公十年陳侯鄭伯會楚子於息冬遂及蔡侯次于厥貉將以伐宋乃逆楚子遂道以田孟諸宋公為右孟鄭伯為左孟文之無畏

為左司馬命夙駕載燧宋公違命無畏扶其僕以徇或謂子舟曰國君不可戮也子舟曰當官流行何懼之有敢愛死以亂官乎宣公十四年楚子使申舟聘於齊曰無假道於宋亦使

公子馮聘於晉不假道於鄭申舟以孟諸之役惡宋曰鄭昭宋聾晉使不害我則必死及宋宋人止之華元曰過我而不假道鄙我也鄙我亡也殺其死者必伐我伐我亦亡也亡一也

乃殺之

名不可以幸取也天下之事固有外似而中實不然者幸其似而竊

其名非不可以欺一時然他日人即其似而求其真則情見實吐無

說得可畏  
詩所云鶴  
鳴於九皋  
聲聞於天  
殆謂是也  
人君知此  
則所以謹  
於言行以  
待千里之  
應違者不  
容忽矣

不立敗名果可以幸取耶。然則受名之始，乃受責之始也。孟諸之役，文之無畏，席強楚之威，而窘辱宋公。本無足稱者，然宋公國雖弱，而位則君也。文之無畏，國雖強，而位則臣也。論其實則以楚加宋，以強凌弱，人之所甚易。論其迹則以卑犯尊，以弱擊強，人之所甚難。居易，易之地而坐，得至難之名人情，誰不樂此哉。此無畏之所以因其似而竊其名也。必嘗揮金發粟，然後人許其豪。必嘗赴敵突圍，然後人許其勇。今無畏挾六千里之楚，而折一與國之君，前無權勢之可懼，後無憂患之可虞，從容談笑而冒不畏強禦之名，天下之所謂幸者，有過於此乎。想無畏正色莊語以答或人之問，必謂名固可以幸取，人固可以名欺。雖吾君亦將以直道見期，孰知吾之有所挾哉。梭衛正色侯之腕人知涉佗之直，而不知其借晉之威也。沒太子之直，人知江

東萊謂拊循諸侯不滅先世之舊而歸之於功蔽遠明恐亦不盡當時情事晉自文襄而後被弑者靈屬二公靈之失德不甚著聞然委政趙氏未能自行一伐弗復親行而人以熊人於臺而觀其避丸其及禍有故若厲則勤於諸侯後啓悼公曹伯之執

充之直而不知其借漢之威也。戮宋公之僕人知無畏之直而不知其借楚之威也。無畏借楚之威以爲己名無毫末之勞而有邱山之譽使如是而無後憂則城不如詐直不如曲君子不如小人矣。抑不知人既以直期之亦必以直使之。楚子異日遣使過宋而不假道置他人而推無畏豈不以直辭勁氣固可以橫身犯難而張強楚之大聲乎。無畏始知前日之虛名適所以招今日之實禍。惶惑而言曰：鄭昭宋襲晉使不害我則必死，哀憐至此向之直辭勁氣安在耶？始則曰：敢愛死以亂官，今則曰：我則必死，始一何壯，今一何怯耶？無事則爲不畏死之言，有事則爲畏死之語，真情本態至是盡露矣。名之不可苟得如是哉。自古以來挾外以爲重者，失其所挾，未有不危者也。無畏之所挾者楚耳，一旦身出方城之外，宋人豈懼夫楚之無畏哉。

歸、東、餘、文、丁、前、挾、字、填、密、不、漏、收、得、有、力、通、篇、意、俱、

歸於京師 所為伯討 視齊桓晉 文殆於近 外待以多 族身清強 逆死後猶 被惡聲吾 友方靈臯 力辯其誣 足以解千 古之惑其 說甚詳今 不及具載

宜其甘心而不顧也。吾故表而出之，以為挾外物者之戒。

### 楚文無畏戮宋公僕註釋

**竊名**

逸周書規諫而不類道行而不平曰竊名者也

**受名**

左傳成公二年無功而愛名臣不敢

**受責**

尚書秦誓惟受責俾如流是為艱哉

**席**

鹽鐵論席天下

**之權注**

宋太祖紀七年河中之府饑發粟三萬石振之

**赴敵**

唐書淮陰王道王傳道王每赴敵飛矢着身如蜩氣益厲

**突圍**

元稹詩三陷思明三突圍

**六千里之楚**

戰國策楚策蘇秦說楚威王曰地方五千里又宋策墨子曰荆之地方五千里又史記平原君傳今楚地方五千里持戟百萬惟荀子作六千里荀子仲尼篇楚六

**千里而為**

**與國**

孟子我能為君約與國朱子曰與國和好相與之國也

**不畏強禦**

毛詩大雅不侮鰥寡不畏強禦

**正色**

晉書傳林弈傳

**抗正色補**

**莊語**

莊子天下篇謂一世沈濁不可與莊語

**真道**

論語斯民也三代之所以直道而行也

**按衛侯之腕**

按子對切左傳

定公八年晉師將盟衛侯於鄆澤將敵涉佗按衛侯之手及腕杜注按擠也

**借威**

晉陸機演連珠良宰謀朝不必借威

**沒太子之車**

漢書江充傳充從上甘泉

逢太子家使乘車馬行馳道中充以屬吏上曰人臣當如是矣大見信用威震京師

**毫末邱山**

莊子秋水篇知毫末之為邱山則差數觀矣

**後憂**

說苑先憂事者後樂

**先傲事**

**直辭**

戴叔倫詩共向人間聽直辭

**勁氣**

王勃九成宮頌序凜勁氣於叢檻起淒風於洞穴

**犯難**

周易說以犯難民忘其死

**大聲**

揚子法言或問大聲曰非雷非露隱隱絃絃久而愈盈尸諸聖

**虛名實禍**

荀悅鄭食其謀立六國論割己之有以齊敵設虛名而受實禍也蘇軾諫用兵書使陛下受此虛名而受

王聖俞曰  
小人虛情  
狀無不寫  
出

朱字綠曰  
形容申舟  
以幸得名  
處心滿意  
足真有左  
顧右盼之  
雄跌下得  
名即所以  
受禍其前  
壯後怯之  
狀如在目  
中筆筆靈  
快亦復若  
往無前

張明德曰  
始無畏之  
戮辱宋公  
席強楚之  
勢以威震  
天下人以  
為直詞勁

於實 惶感 後漢書光武帝紀 哀憐 漢書刑法志 縲繫不屬逮者人所 何怯 史記王勇列傳 秦王欲取荆王

剪曰非六十萬人不可始 皇曰王將軍老矣何怯也

方城之外

左傳昭公二十年 費無極言於楚 子曰建與伍奢將以方城之外叛

甘心

左傳莊公九年 管召讎也

請受而 甘心焉

表而出之

論語當暑袷絺 給必表而出之

長狄

文公十一年冬十月甲午敗狄于鹹 獲長狄僑如 富父終甥 椿其喉以戈 殺之 埋其首於 之駒之門 以命宣伯 初宋武公之世 鄭驥伐宋 司徒皇父帥師禦之 彫班御皇父 充石公

子穀甥為右司 犛牛父駟乘 以敗狄于長邱 獲長狄隸斯 皇父之二子死焉 宋公子是 以門 賞彫班 使食其征 謂之彫門 晉之滅潞也 獲僑如之弟 焚如 齊襄公之二年 鄭驥伐齊 齊王

子成父 獲其弟榮 如埋其首于周首之北 門衛人 獲其弟季簡 如鄭驥由是遂亡

防風氏身橫九畝不能免於會稽之誅。巨無霸身大十圍不能免於昆陽之敗。久矣形之不足恃也。造化一機。坯冶一陶。陰翕陽張。萬形並賦。遇川澤則黑而津。遇墳衍則皙而瘠。遇原隰則豐而瘠。遇山林則毛而方。予其形者無愛。憎受其形者無怨。是故鷓鴣不以大自夸。蜩鷓不以小自慊。冥靈不以久自喜。螻蛄不以短自憂。私天地之

氣挺身犯  
 難而不顯  
 及楚子異  
 日遣使過  
 宋而不假  
 道乃惶恐  
 慄慄而言  
 曰鄭昭宋  
 擊晉使不  
 害我則必  
 死一人而  
 前後異詞  
 向之氣概  
 何在也形  
 容得小人  
 情態前壯  
 後怯如在  
 目前彼天  
 下之倖得  
 名而不顧  
 其後者三  
 復斯文通  
 身汗下至  
 其文情之  
 橫盜筆致  
 之跌宕則  
 又驚秦漢

形以爲己有固己得罪於鑪錘況敢恃之爲暴耶衣不勝而成霸晉  
步○步○固○輔○恃○字○  
 之功者無所恃也貌不稱而擅佐漢之謀者無所恃也形不長而專  
 伐蔡之勳者無所恃也以是知無恃者存有恃者亡尙羸么麼未必  
 非福魁梧壯偉未必非殃有形不能使而反見使於形可不爲大哀  
 耶長狄之種其軀幹絕異於人是亦偶得一氣之偏者耳自緣斯以  
 來負其軀幹暴蔑上國每出輒敗種殲族殄靡有子遣○形○非○累○恃○則○豈非形爲之  
○○○○○  
 累耶東西南北自古及今其族類自若也使長狄賦形與他處等彼  
 必安其氈毳甘其漣酪未必敢與上國抗衡詎至此極耶惟其偉岸  
 自伐故飛揚跋扈塊視秦華埵視城郭蟻視甲兵兄踞於前而不悛  
 弟仆於後而不止挫愈奮敗愈張非覆宗絕祀蕩無炊火未有晏然  
 而不爲害者也貔虎之猛形實驅之犬馬之馴形實束之長狄族類

而上之

焦弱侯曰

似子非子

別饒雋永

朱字緣曰

說形不可

特引物連

類抑揚反

覆足以發

昏惑之意

而徵狂暴

之心徐偃

王目可瞻

耳仲尼面

如蒙俱周

公身如斷

如削瓜闕

天狀無見

膚傅說身

如植鱗伊

尹面無須

翠鳥跳湯

僂蹇舜參

豈皆好為暴哉一受其形雖欲已而不能自己也心為君則形為臣

形為君則心為臣同是貌也仲尼聖而陽貨狂同是目也大舜仁而

項羽暴賦其形者非有異特制其形者不同耳小心翼翼微柔懿恭

忘其十尺之高者是亦西夷之人也議者勿謂狄無人

長狄註釋

防風氏

國語魯語吳伐越墮會稽獲骨焉節專車吳子使問諸仲尼仲尼曰昔禹致羣神於會稽之山防風氏後至禹殺而戮之其骨節專車竹書紀年夏禹八年春會諸侯於會稽殺防

風身橫九畝

穀梁傳文公十一年叔孫得臣敗狄于鹹長狄也射其目身橫九畝斷其首而載之眉見於軾

巨無霸大十圍

後漢書光武帝

紀初王莽徵天下能為兵法者六十三家並以為軍吏時有長人巨無霸長一丈大十圍以為墨尉

昆陽之敗

後漢書光武帝紀初王莽徵天下乃與敢死者三千人衝其中堅尋

邑陣亂遂殺王尋城中亦鼓譟而出中外合勢震呼動天地莽兵大潰走者相騰踐奔殪百餘里間

造化機

李威用詩意下紛紛造化機

坯治一陶

陶俗所謂

參差同質坯治一陶

陰翕

宋史樂志謂地蓋厚陰翕而成

萬形

陸雲答顧處徵詩類聚百族羣分萬形

川澤

周禮地官大司徒以土會之法

辨五地之物生一曰山林其民毛而方二曰川澤其民黑而津四曰墳衍其民皙而捲五曰原隰其民豐肉而瘠注津潤也皙白也瘠瘦也豐猶厚也瘠猶短也瘠音婢

無愛憎

列子黃帝

牟子聖賢之形不同  
唐人取士以言書  
判定制於此數人常  
何以取之耶  
張明德曰  
開首引會稽昆陽二  
事已將題  
之大意道  
破後擒定  
一形字長  
引曲喻言  
形不足累  
恃形乃足  
累中間更  
透發持字  
無一意不  
確無一字  
不爽後又  
說到聖凡  
以不形限  
以不地限

篤知親已不知  
疎故無愛憎  
**受形** 列子裏生受形  
既有制之者矣  
**鵲鵲** 見前鵲字博  
議作鵲非  
**蜩蟬** 蜩與鳩笑大鵬  
見莊子逍遙遊  
**自謙** 音

恨也  
**冥靈** 逍遙遊楚之南有冥靈者以五百歲為一息  
春五百歲為秋古今注龜一名冥靈  
**螻蛄** 逍遙遊朝菌不知晦朔螻蛄不知春秋司馬彪曰螻蛄寒蟬也  
**鑪錘**

莊子大宗師意而子  
條皆在鑪錘之間耳  
**衣不勝** 禮記檀弓趙文子其  
中退然如不勝衣  
**貌不稱** 稱去聲史記留侯世家贊余以  
其為人計魁梧奇章至見其圖

狀貌如婦人婦女蘇軾留侯論太史公疑子房以為魁梧奇章而其狀貌乃如婦人女子不稱其志氣嗚呼此其所以為子房歟  
**形不長** 通鑑輯覽唐憲宗元和十二年以向平章事裴

度兼彰義節度使充淮西宣慰招討使討吳元濟冬十月李愬夜襲蔡州擒元濟檻送京師十二月賜  
度晉威公復入知政事全唐又度自為像贊曰爾形不長爾貌不揚胡為相胡為將一點靈臺丹青莫  
狀  
**么麼** 麼亡果切么麼細小也舊唐書肅宗紀比平王  
之遷洛我則英雄論元帝之涉江彼誠么麼  
**大哀** 莊子齊物論其形化其心  
與之言可不謂大哀乎  
**有**

**形** 文字有形則有  
聲無形則無聲  
**軀幹** 晉隴上歌隴上壯士有  
陳安軀幹雖小腹中寬  
**暴蔑** 左傳暴蔑其  
君而去其親  
**靡有子遺** 毛詩

雲漢篇周餘黎  
民靡有子遺  
**自古及今** 淮南子汜論訓自古及今五  
帝三王未有能全其行者也  
**賦形** 文心雕龍造化  
賦形支體必變  
**氈毳** 隋煬

高昌國王詔葉彼氈  
毳還為冠帶之國  
**運酪** 史記匈奴傳得漢食物皆去  
之以示不如不運之便美也  
**抗衡上國** 史記陸賈傳與天子抗  
衡為敵國注抗對也抗

衡言兩衡相對拒不相避下也晉書王渾傳奄  
有水鄉抗衡上國左傳注曰居上流故謂之上國  
**偉岸** 宋史韓世忠傳世宗  
風骨偉岸目瞬如電  
**自伐** 老子自伐  
者無功注

伐誇  
**飛揚跋扈** 杜甫贈李白詩飛  
揚跋扈為誰雄  
**覆宗絕嗣** 尚書五  
子之歌  
**貔虎** 後漢書光武帝紀尋  
邑百萬貔虎為羣  
**心**

此又眼空  
一世具此  
大手字方  
有此大文  
章

朱字綠曰  
王臣左右  
之訟王不  
能自決而  
平取於晉  
芮生於虞  
芮質成始  
終以商周  
對勘到底  
甲說到商  
紂猶能自  
操其柄周  
匡則已早  
委其權奇

爲君荀子心者形之君也而神明之主也 陽貨史記孔子世家孔子狀類陽貨 項羽史記項羽本紀太史公曰吾聞之周生曰舜目蓋重瞳子又聞項羽亦重瞳子

羽豈其苗裔耶何興之暴也 制形文子神制形則從形勝神則窮 小心毛詩大雅惟此文王小心翼翼 徽柔尚書惟逸徽柔 十尺齋恭懷保小民

孟子告子篇交門文王十尺 西夷之人孟子離婁篇文王西夷之人也 十尺左傳文公十三年子無謂秦無人 自喜漢書鄭當時傳當時任挾自喜

### 周公閱王孫蘇訟于晉

文公十四年春頃王崩周公閱與王孫蘇爭政周公將與王孫蘇訟于晉王叛王孫蘇而使尹氏與聘啓訟周公于晉趙

宣子平王室而復之

昔者文王聽虞芮之訟而商道始衰聽訟非文王之心也文王不與虞芮期而虞芮自至故議者以二國之嚮背筮商周之興亡也舜避朱禹避均未嘗不視獄訟之所歸以爲決虞芮之訟爭田近捨朝歌而遠趨豐鎬彼紂雖偏強於酒池肉林間直寄坐焉爾吾嘗持是以觀後世隆替之由權在則昌權去則亡未有失權而國不隨亡者也周道既降辱王僕臣不能主方夏之柄儕於列國至匡王之始則殆

確無比具  
能自見故  
論自成快

商有權而  
周無權是  
已然謂晉  
非不取無  
足取者亦  
不盡然周  
自建國以  
後雖有穆  
之盤游昭  
之不復  
之五彝幽  
之舉烽平  
之東遷數  
經大故而  
國祚無改  
者當時天  
子原無私  
天下之意  
當時諸侯  
亦本無取  
五霸迭興  
七雄競出

甚焉周公大臣也。王孫蘇卿士也。二臣有訟不之王而之晉。君天下者。尙將照臨萬國。大彰淑慝。外薄海隅。咸得其職。今至不能尸階。屺之訟。則國之置王。將何用乎。虞芮介然遠國。其質成於周。議者尙爲商危之向。若飛廉惡來內相忿兢。棄紂而卽文。紂雖無道。亦未必能堪也。匡王怡然坐視。不惟不駭。反使人於晉。助所厚者之訟。惴惴然恐其不伸。巍然被充。號稱天子。顧乃企足矯首待晉之予奪。以爲輕重。何其衰也。是周之危過於商。而匡王之無恥甚於紂也。周之頹敝甚於商。季何爲當亡而不亡。晉侯之小心不及文王。何爲可取而不取。蓋嘗思其故矣。紂之季年。雖三分失其性動精確二。然威令尙行。境內凶虐尙能及人。故民不堪其暴。而共亡之。晚周之微。門內小訟。猶不得專。雖欲淫侈。誰聽其播克。雖欲凶酷。誰受其指令。其起其仆。近不係斯。

而齊威王  
孝公猶先  
行朝禮所  
王之教治  
以流洽而  
久而愈未  
嘗忘也言  
則天下有  
朝周者取  
之矣言取  
周者有之  
乎其不取  
也非畏而  
不取也非  
忍取也非  
重而不取  
取也非薄  
而不取也  
也盡從無  
能取之之  
念者勢如  
不振猶如  
家衆之於  
長嫡相依  
以為生而

民之休戚遠不係諸侯之強弱晉雖陽尊貌敬不過以邾莒遇之耳  
何嫌何疑而遽欲墟之哉故周非不亡無可亡也晉非不取不足取  
也大抵能害人者必能利人能殺人者必能生人紂雖下愚不移然  
操柄猶未盡失使其移此干之戮於崇侯移崇侯之寵於比干朝散  
鹿臺之財募發鉅橋之粟烏知其不祈天永命編名於六七君之列  
乎至於匡王楊然建空名於六服之上禮樂政刑舉不在已雖欲自  
奮其道何由是將償之商猶有起復之望未墜之周已如既隕之時  
也左支廢右支緩奄奄餘息綿百世而閱千齡樂乎哉周過其歷之  
言吾斯之未能信

周公閱王孫蘇訟于晉註釋

虞芮

見卷一楚武王心蕩篇註

嚮背

宋史何鑄傳首尾嚮背行險自售

朝歌

朝音昭紂都也漢書地理志今之東郡及魏郡黎陽河內之野王朝歌皆衛分也

已若云下  
足取而棄  
之獨意  
內之地猶  
多於陽樊  
湯原攢茅  
之田何前  
食而後廉  
哉

張明德曰  
王臣左右  
之訟不能  
取決於王  
而下訟於  
晉天子蓋  
一守府徒  
擁空名何  
益也引虞  
芳贊成一  
事借商周  
為對證見  
得紂雖無  
道已極而  
猶能操天  
子之柄以  
轉移天下

**豐鎬**

漢書郊祀志公孫發迹於幽太山遷國於郊梁文武  
興於豐鎬淮南子秦誓訓泰處豐鎬地方不過百里

**酒池肉林**

史記殷本紀紂大聚樂  
戲者沙邱以酒為池懸

肉為林為  
長夜之飲

**寄坐**

潘安仁西征賦假譎逆  
以天權銷衆口而寄坐

**辱王**

史記張耳傳吾王辱王  
也註辱音潺懦弱也

**主柄**

宋史常安民傳  
論章熒顯國植

黨乞收主柄  
而抑其權

**照臨萬國**

易林日出國  
谷照臨萬國

**旌別**

尚書畢命  
旌別淑慝

**外薄**

尚書益稷謨  
外薄四海

**尸**

尸主  
階也

尚書顧命  
夾兩階

**遠國**

周禮考工記梓人張  
五采之侯則遠國屬

**被充**

禮記祭之日王  
被充以象天

**企足**

張來大禮漫成賦傾  
都空閭翹首企足

**矯首**

陸機思歸賦羨  
歸鴻以矯首

**何其衰也**

五代史至於誓天斷髮  
泣下沾襟何其衰也

**商季**

易林長財善  
賈商季悅喜

**季年**

左傳

閔公二年元年革車三  
十乘季年乃三百乘

**三分失二**

論語三分天下有其二以服事  
殷周之德其可謂至德也已

**威令**

梁武帝高祖武皇帝  
諡議威令所行通燭

龍之境內  
禮記廟中者

**凶虐**

班固燕然山銘剿  
凶虐令截海外

**淫侈**

新書志苟得而行淫侈  
則用不足而蓄積少矣

**培克**

孟子

培克在位朱子  
曰培克聚斂也

**凶酷**

柳宗元凌君權屠  
志仍禍凶邁茲酷

**門內**

周禮春官右社稷左宗廟  
註庫門內雉門外之左右

**休戚**

晉書王渾傳  
臣同國休戚

意在諸侯強弱  
盡言

**素書**

素書失其所強者弱註曰周得諸  
侯之勢而強失諸侯之勢而弱

**陽尊**

史記高祖紀項羽乃佯尊  
王懷為義帝實不用其命

**貌敬**

韓愈石鼎聯句詩序  
見其老頗貌敬之

**邾莒**

戰國策邾莒亡於  
齊陳蔡亡於楚

**何嫌何疑**

後漢書馮異傳詔報曰將軍之於  
國家義為君臣恩猶父子何嫌何

疑而有  
殺意

**殺人**

蘇洵上韓樞密書天子  
者可以生人可以殺人

**操柄**

漢書賈山傳富貴  
者人主之操持也

**比干**

史記殷本紀王子比  
干強諫紂紂怒曰弄

周王已早委其權此千古經論快於大開自膽有識讀此等文而不善生發者必為

王鳳洲曰將青狼曠先詩其烈文字紆徐

開聖人心有七竅

祈天永命

尚書召詔用供王能祈天永命

六七君

孟子由湯至於武丁賢聖之君六七作

枵然

莊子逍遙

遊惠子大瓢條非不枵然大也吾為其無用而培之枵音馨虛大貌

空名

新書善守上下之分者雖空名弗使踰焉

六服

尚書周官六服羣辟罔不承德蔡註侯甸男采衛并幾內

為六

不在己

莊子秋水篇以俗觀之賈賤不在己

自奮

世說新語王彥深嘗欲以將領自奮每撫刀曰龍泉太阿汝知我者

其道何由

蘇轍

為兄軾下獄上書雖欲改過自新洗心以事明主其道何由

起復

北史李德林傳奪情起復固辭不起

奄奄

李密陳情表氣息奄奄任昉弔樂永世書餘息惟存

千

齡

周書王悅傳膺千齡之運創三分之業

周過其歷

漢書諸侯王表周過其歷秦不及期國勢然也

吾斯之未能信

論語

### 狼曠死秦師

文公二年春甲子晉侯及秦師戰于彭衙秦師敗績晉謂秦人拜賜之師戰于殺也晉梁弘御戎萊駒為右戰之明日晉襄公縛秦囚晉秦駒以戈斬之

囚呼萊駒失戈狼曠取戈以斬囚禽之以從公乘遂以為右箕之役先軫黜之而立續簡伯狼曠怒其友曰盍死之曠曰吾未獲死所其友曰吾與汝為難曠曰周志有之勇則害上不

登於明堂死而不義非勇也共用之謂勇吾以勇求右無勇而黜亦其所也謂上不我知黜而宜乃知我矣子姑待之及彭衙既陳以其屬馳秦師死焉晉師從之大敗秦師君子謂狼

曠於是乎君子

狼曠之死左氏之所譽也然曠烈士也回犯上之氣而為徇國之勇

雖非中節要非常人之所能望也以曠之烈豈僕僕乞憐而求人之

將狼曠先論一番筆情深

容與而意亦新奇

樂執升曰青狼獾無苛詞意實嚴謹

責吾者愛吾者也譽吾者寬吾者也願受責不願受譽亦見規責之語

朱字綠曰前日為右死敵可也既不以止固可以止四語鐵案如山不肯為難而不死敵以明勇卒以致命遂

怨者耶。雖往矣。吾想其心必願受人之責而不願受人之譽也。請  
 得而備責之。人心當知所止。非可出其位也。惟各止其位。故冉有之  
 用矛。不為讎齊。顏回之後至。不為懼匡。曾子之避寇。不為畏越。子思  
 之守國。不為厚衛。皆止其所止而已矣。狼獾前日為右死敵可也。既  
 不為右固可以止。今乃無職而侵。在職者之憂。輕進而死於敵。則是  
 心不止於事而思出其位矣。雖所成之功壯偉勁厲。外為人之所譽。  
 而一心之間實忿懟怨恨之所集也。當蹕赴敵之時。忿懟怨恨交衝。  
 競進含毒而沒。雖得千百年之虛譽。豈救其心之擾哉。我實清淵人。  
 以我為污渠。於我何損。我實邱垤人。以我為華岱。於我何加。君子當  
即不中位之意  
 觀其在我者。何如爾人之毀譽。何有焉。九原可作。吾意狼獾樂聞吾  
 之言。未必不過於左氏之譽也。

### 狼曠死秦師註釋

**狼曠** 漢書古今人表 師古曰曠音審 **烈士** 史記伯夷傳貪夫徇財烈士徇名 **犯上** 論語朱子註曰犯上徇

**國** 中論奉君忘身徇國忘家宋史 雖非中節 雖其不肯阿曲以事人者灼灼明矣 **僕僕**

朱子孟子集註 乞憐 韓愈應科目時與人書搖尾而乞憐者非我之志也 **知所止** 禮記大學於 **出其位** 周易艮卦

良君子以思 冉有用矛 左傳哀公十三年冉有用矛於 **顏回後至** 論語子畏於 **曾子**

**避寇子思守國** 孟子離婁篇宋史馬知節傳時部民入堡避寇 **無職** 文中子無職者罪無

乎 **在職** 孟子公孫丑篇賢者在位能者在職晉 **輕進** 晉書張華傳武帝謀伐吳大臣皆以 **壯**

**偉** 北史薛彪子傳壯 **勁厲** 三國魏志明帝紀註秦朗子秀 **怨恨** 越絕書夫人 **競進** 離騷

皆競進以貪婪兮 **虛譽** 文中子君子不受虛譽 **心擾** 淮南子心治則百節皆 **清淵** 莊子山

於濁水而 **汗渠** 韓愈詩清 **邱垤** 孟子公孫丑篇泰山之於 **華岱** 潘岳乘輿傳序譬猶邱垤

**於我何加** 孟子萬鍾於 **九原可作** 禮記檀弓趙文子與叔譽觀乎九原文子曰死者如可

志獲彭衙 之勝故左 氏以君子 予之竊謂 雖不為右 亦自師旅 之責即願 回之為弟 子會子之 為師不同 縱未弟以 憤亡軀然 於人臣事 君之道未 為失也未 左氏之說 不可盡非 張明德曰 君子盡其 在我不以 人之虛譽 為譽始不 愧於死不 暉之死死

非其時節  
中不死於  
右而反死  
於臣在位  
之時一語  
破的有論  
古之識方  
可以為傳  
世文章至  
其短兵相  
接尺幅中  
有千尋之  
勢此與可  
畫竹也

東萊先生  
畫狼暉詞  
並不苛而  
論於以為  
準於此時  
雖不為右  
亦有師旅  
之責縱未  
免以憤忘  
懼然尚不  
失人臣事  
君之道噫

楚人滅江

秦穆之  
謂矣

文公四年楚人滅江秦伯為之降服出次不舉過數大夫諫公曰同盟滅雖不能救敢不矜乎吾自懼也君子曰詩云惟彼二國其政不獲惟此四國爰究爰度其

天下之可懼者惟出乎利害之外乃能知之風濤浩蕩舟中之人不知懼而舟外之人為之懼酣醉怒罵席上之人不知懼而席外之人為之懼身遊乎吉凶禍福之塗心戰乎搶攘爭奪之境未有知懼之為懼者也春秋之世王澤既竭反道敗德亂倫悖理不可概舉至如滅國之禍尤所謂慘烈而可懼者國於天地有與立焉封殖於唐虞長育於夏商灌溉潤澤於文武成康之際廟陳四代之鼎彝府藏百世之典籍朝有世臣野有世農肆有世工市有世賈雖蕞爾小國不知幾人之功幾日之功扶持保衛而至於斯也一旦忽為強暴之所凌滅繫其君而俘其臣墟其宮而遷其社刊其木而埋其井此豈小

臣之於君，果可以逞。憤為事耶。幸而晉師無恙，大勝而回，俗其不幸，固亦而敗，不亦憤軍國之大事乎。規未可少也。

孫月峯曰：典雅似國語。

揚升庵曰：正論說得人。

孫執升曰：戰國相淺滅秦有吞併之志，其視利害為切矣。然列

故也哉。而當時之君視之恬然，此無他，惟處於危亂之中而不知懼之可懼也。秦穆公於江之滅，獨怵然戒，惕然悟，避朝，貶食，不勝其憂。非出於危亂之外，豈能深見可懼之真者乎。穆公信能推此懼心而充之，視天下之諸侯國一滅則心一警，心一警則政一新，固可離危亡之門而得治安之基矣。豈止西戎之霸耶。

### 楚人滅江註釋

可懼

謝應芳詩舟既疾如飛可喜亦可懼

利害

莊子齊物論死生無變於己而況利害之端乎

風濤浩蕩

杜甫詩風濤甚浩蕩

舟中之

人

史記吳起傳舟中之人皆敵國也

不知懼

荀子魯哀公問於孔子曰：寡人未嘗知懼也，見嘗知危也。

酣醉

晉書：籍阮傳：鍾會數以時事問之，欲因其可否而致

之罪皆以

怒罵

史記：灌夫傳：丞相使籍福請魏其城，田灌夫聞怒罵籍福。

爭奪

晉書：范甯傳：爭奪兆於仁義是非成於儒墨。

王澤竭

班固

兩都賦：序昔成康沒而頌聲寢，王澤竭而詩不作。

反道敗德

尚書：大禹謨：侮慢自賢，反道敗德。

悖理

孝經：聖治章：不敬其親而敬他人者，謂之悖理。

滅

國

孟子：滕文公篇：滅國者五十

慘烈

張平子西京賦：冰霜敗烈

國於天地

左傳：昭公元年：秦后子曰：國於天地有與立焉。杜註：言欲輔助之者多。

封

國之君處  
堂宴然乃  
見秦穆之  
憂深慮遠  
謂伯業之  
基立此一  
懼亦可

朱字綠曰  
事內不知  
懼事外知  
懼亦是近  
蔽遠明之  
意中聞鋪  
揚立國一  
段生氣勃  
然

張明德曰  
懼不於近  
而於遠此  
亦近蔽遠  
明之意總  
之東萊摛  
題有斬關  
直入之勢  
不作鋪張

殖

宋史謝深甫傳裁

長育

長上聲左傳為溫慈惠

潤澤

司馬相如封禪文非

四代

商周

也

左傳昭公二十六年王子

世臣

朱子孟子集註世臣累世勳

世農

孔叢子子思曰

音者賢而有實其

保衛

唐書張仲方傳詔幸華清宮

至於斯也

禮記檀弓余唯不食嗟

強

暴

史記三王世家內

陵蔑

左傳齊侯召萊子疏以其比鄰

俘其臣

李密陳情表今

遷其

社

書序湯既勝夏欲遷

井堙木刊

左傳襄公二十五年初陳侯會楚子伐鄭當陳

小故

疏任禁忌之

危亂

元結詩自經危亂

貶食

見卷三魯飢

一新

宋史會鞏傳選受

霸西

戎

左傳文公三年秦伯伐晉晉

陽處父

文公五年晉陽處父聘於衛反過甯寘贏從之及温而還其妻問之贏曰以剛商書

曰沈漸剛克高明柔克夫子壹之其不沒乎天為剛德猶不干時況在人乎且華而

至書無悅人之淺效而有化人之深功至樂無娛人之近音而有感

人之餘韻凡天下之理不能窺於未得味之前必不能捨於既得味

套話中問  
立國一段  
尤得不宰  
茅廬門曰  
起處便覺  
雋永有味

孫執升曰  
盡發於外  
而中無所  
留陽處父  
之剛尤淺  
淺者不深  
貶之更何  
足與孔子  
相較而論  
朱字緣曰  
不令人喜  
亦不令人  
厭道之所  
以大也作  
令人喜作  
令人厭德  
之所以喪  
也雖未能  
大有發明

之後也。昔夫子設教於洙泗之間。子貢初見。挾其智而傲之。子路初見。挾其勇而陵之。以夫子之聖。猶不能動物。悟人於一日之速也。彼陽處父何人耶。寧羸一遇諸途。躡屨擔簪。從之如不及。其移人之速。若過於夫子矣。然夫子雖不能服由。賜於一見。而能役由。賜於終身。陽處父雖能致甯羸於一朝。而不能留甯羸於數日。孰優孰劣。必有能辨之者矣。嘗考甯羸之言。然後知處父所以易使人喜。易使人厭者。抑有由也。蓋處父之剛。盡發之於外。而中無所留。溢於聲音。浮於笑貌。形於步趨。平生神氣發露。無餘外。雖震厲而中無所蓄。外雖暢茂而中無所根。其始見也。其美易見。其德易親。所以易使人喜也。其既見也。索之易窮。探之易盡。所以易使人厭也。發之為春華。曾不能斂之為秋實。玩虛華而忘實味。是豈為腹而不為目者所肯留哉。此

淺○剛○顯○照○筆○致○疏○故○

而立意深遠非淺人所能道

張明德曰天下事之感者其入人必不深而待入必不久而也處父之剛盡發於外而中無留餘望之可喜轉盼則使人厭矣引夫子一段說得聖人且猶不能感於立談之頃况尋常萬萬乎發之為春華會不能斂之為秋實此見道

寧羸所以乍喜乍厭而不辭往來之煩也

### 陽處父註釋

**至禮**

大戴禮至禮不讓而天下治○博議作至書非

**悅人**

曲禮禮不妄悅人不辭費

**深功**

魏兼恕詩足食乃深功

**至樂**

大戴禮至樂無聲而天下

**和**

謝靈運詩清暉能娛人

**感人**

樂記正聲感人之而順氣應之

**餘韻**

東觀餘論錢鎮州詩雖未脫五季餘韻然迴旋讀之故自娓娓可觀

**味**

賈誼新書使人味食然後食者其得味也多

**洙泗之間**

禮記檀弓吾與汝事夫子於洙泗之間

**夫子之聖**

史記孔子世家言六藝者折衷

**於夫子可**

**動物**

中庸明則動朱子曰動物誠能動物

**悟人**

唐書權德輿傳陳古今本末以覺悟人主

**遇諸塗**

論語陽貨篇遇諸塗

**如不**

**及**

論語泰伯篇學如不及猶恐失之

**移人**

班固東都賦痛乎風俗之移人也

**躡屣擔簦**

史記虞卿傳躡屣擔簦說趙孝成王一見賜黃金百鎰白璧一

**雙屨草履也**

**子貢子路**

淮南子人間訓或問孔子曰顏回何人也曰仁人也丘弗如也子貢何如人也曰辨人也丘弗如也子路何如人也曰勇人也丘弗如也賓曰

**三人皆賢而為夫子役何也**

孔子曰丘能仁且忍辨且訥勇且法以三子之能易丘一道丘弗為也

**由賜**

莊子讓王篇由與賜細人也

**使人厭**

史記淮陰侯傳常從

**人寄飲食人多厭之者**

**抑有由也**

左傳襄公二十三年仲尼曰有臧武仲之智而不容於魯國抑有由也作不順而施不怨也

**聲音笑貌**

孟子恭儉

**豈可以聲音笑貌為哉**

**神氣**

淮南子古之人有處混冥之中神氣不落於外

**發露**

柳宗元陸文通墓表明章大中發露公器

**震厲**

北史崔光詔傳光詔性嚴

語非更禁不能道

邱穆山曰深得排擊之體

孫執升曰責華耦者祇一篇就左氏魯人就以爲敏一爲反覆攻擊其非左氏之罪定則華耦自不得從輕是

聲謂抗烈與人平談常如震厲

暢茂

漢書武帝紀陰陽不變物不暢茂

易見

後漢書張綱傳中興之世文明二帝德化尤盛觀其理爲易循易見

春華秋

實

三國魏志郭顯傳爲平原侯植家丞顯防閑以禮無所屈撓由是不合庶子劉植諫植曰君侯虛近習不肖說賢不足私懼觀者將謂君侯探庶子之春華忘家丞之秋實爲上招誘其罪不小

虛

華

三國周志卻正傳士無虛華之寵民有一行之跡

爲腹不爲目

老子聖人爲腹不爲目故去彼取此註腹內也目外也聖人務內不務外

往來煩

後漢書王良傳不肯忠言奇謀而取六位何其往來屑屑不憚煩也

宋華耦辭宴

文公十五年三月宋華耦來盟其官皆從之書曰宋司馬華孫責之也公與之宴辭曰君之先臣督得罪於宋殤公名在諸侯之策臣承其祀其敢辱君

請承命於亞旅魯人以爲敏

先立先立君子之立言待天下甚尊。期天下甚重。識雖在一世之先。而心嘗處

一。世之後。非自託於謙退也。降衷在天。秉彝在民。凡具耳目口鼻。號

爲人者。罔不備參贊化育之神。經緯幽明之用。吾其敢以淺心隘量

大棄之於罷冗無能之地乎。左氏世傳以爲魯史。則魯其父母之邦

也。其載華耦來聘。無故揚其先人之惡。以辭宴乃繫之曰。魯人以爲

見不。可。薄。待。魯。

文字避實  
擊虛法是  
論人責備  
賢者法

朱字綠曰  
世之巧詆  
者可以知  
警

張明德曰  
左氏一言  
關係魯庭  
多少名節  
耦揚其罪  
而魯人以  
為敏誠千  
古罪案提  
此一語左  
擊右攻令  
左氏無詞  
以對而華  
耦之失言  
又不辨自  
明矣

敏左氏之意豈不以耦之辭令魯人之所誇而非君子之所貴乎耦  
 之言少知禮義者皆知賤之雖當時二三浮薄輩妄相矜銜然曲阜  
 龜蒙七百里之封寧無一人知其非者今概稱魯人以爲敏果哉左  
 氏之論也概稱魯人以爲敏是謂魯空國無君子抑不思所謂魯人  
 者誰非爾之僚友乎誰非爾之姻戚乎誰非爾之師長乎一出言而  
 盡置於庸鄙之域倨傲暴慢之氣勃然可掬歸之以不孫不弟之名  
 吾意左氏不能解也昔吾夫子亦嘗稱魯矣曰魯無君子斯焉取斯  
 是夫子一言而待魯爲君子左氏一言而待魯爲小人人心之不同  
 如是哉或謂左氏之言魯人特蚩蚩之流耳至於閔達博雅之君子  
 敢名之以魯人哉曰閔達博雅之君子其材雖出人千百等然履魯  
 地啜魯泉食魯粟豈不名之以魯人乎一爲君子而背鄉閭蔑名教

先跌明法妙

點左氏一語作定案

言魯本多君子左氏倚與聖人之言相反

又設一難將人字生出許多辨論排擊不借

不以魯人自命是外父兄而恥與同類也夫豈君子之所敢安哉吾益見左氏之誤也

宋華耦辭宴註釋

立言

左傳襄公二十四年太上有立德其次有立功其次有立言

謙退

史記樂書君子以謙退為禮以損減為樂

降衷

尚書惟上帝降衷于下民註衷善也

秉彝

詩大雅蒸民篇民之秉彝朱子曰彝常也言民所秉執之常性也

耳目口鼻

禮記耳目鼻口心智百體呂氏春秋有始篇衆耳目鼻口也貴生篇夫耳目鼻口生

之役也莊子徐無鬼篇盡於酒肉入於鼻口矣博議作口鼻是淺人妄改

參贊化育

中庸可以贊天地之化育則可以與天地參矣

經緯

左傳子太叔曰禮上下之紀天

地之經緯也

幽明

尚書黜陟幽明

罷冗

罷古疲字宋書周朗傳吾雖罷冗亦嘗聽君子之餘論

魯史

史通鑿識篇邱明躬為魯史受經仲尼

魯

父母之邦

論語枉道而事人何必去父母之邦孔叢子抗志篇魯父母之國也

無故揚其先人之惡

左傳杜註無故而揚其先祖之

罪是不敏魯人以為敏明君子所不與也春秋經桓公二年春王正月戊申宋督弑其君與夷

浮溥

宋史李沆傳真宗問治道所宜先沉曰不用浮溥新進喜事之人

矜衒

唐

書河間王孝恭傳長史馮長命素矜衒事多專決

龜蒙

毛詩魯頌奄有龜蒙註二山名

曲阜七百里

禮記明堂位成王以周公為有勳勞於天下是以封周公

於曲阜地

無君子

孟子去人倫無君子

僚友

同官為僚同志為友曲禮為酒食以召鄉黨僚友

姻戚

後漢書鄧皇后紀宗門廣大姻戚不少

師長

杜甫詩神農極闕  
漏黃石槐師長

一出言

禮記一出言而不敢忘父母

倨傲

抱朴子勞謙虛己則附之者  
衆驕慢倨傲則去之者疾

暴

慢

論語動容貌  
斯遠暴慢矣

不孫弟

孫古遜字論語  
幼而不孫弟

人心之不同

左傳襄公三十一年人  
心之不同如其面焉

蚩蚩

毛詩衛風氓之蚩蚩  
廣交論天下蚩蚩

閔達

班固西都賦大雅  
閔達于茲為羣

博雅

王逸楚詞章句昔淮  
南安博雅好古

魯地

史記正義  
魯地塗裏

之分野東至東  
海南自泗水

魯泉

論語先進篇浴乎沂朱子曰沂水  
名在魯城南地志以為有溫泉焉

魯粟

管子滕魯之粟釜百  
而使吾國之粟釜千

鄉閭

爾雅

巷門謂之閭周禮地官大司徒令五家為比五  
比為閭華嶠後漢書陳實為鄉閭平心率物

名教

范質誠子詩  
周孔垂名教

同類

孟子若犬馬之  
與我不同類也

辭

令

晉書王濟傳濟善  
於清言修飾辭令

僚友

人物志其功足以激  
濁揚清師範僚友

季文子出莒僕

文公十八年公薨襄仲殺太子惡及視而立宣公○莒紀公生太子僕又  
生季佗愛季佗而黜僕僕因國人以弑紀公以其寶玉來奔納諸宣公公

命與之邑曰今日必授季文子使司寇出諸境曰今日必達公問其故季文子使太史克對  
曰先大夫臧文仲教行父事君之禮行父奉以周旋弗敢失隊曰見有禮於其君者事之如

孝子之養父母也見無禮於其  
君得誅之如鷹鷂之逐鳥雀也

魯道衰而權移於季氏議者徒見其專權之禍而不見其竊權之由  
吾讀左氏書至季文子出莒僕之事然後知季氏竊權之始蓋在此

袁中郎曰  
古今竊臣  
竊權莫不  
奉此為妙

術即過求  
文子而伯  
恭胸中筆  
下固凜凜  
自具一春  
秋矣

朱字綠曰  
行父黨於  
襄仲身事  
叛亂而不  
能稍有異  
同其罪難  
以然執此  
則文子平  
常不能生  
色特亡其  
一節立論  
謂其陰奪  
君權明示  
臣節名實  
兼收而人  
止覺其直  
不覺其惡  
便令境界

也案權君之所司也。人臣豈能一日徒手而奪之哉。平列必有隙焉。然後能乘之。必有名焉。然後能假之。必有術焉。然後能攘之。宣公篡立大臣未附。國人未信其權。未有所屬。此千載一時之大隙也。故因莒僕之事。借其名。闕其術。默收一國之權於掌中。而人不悟。甚矣文子之險且譎也。此以反言。文子之險。且譎。且莒僕弑君竊寶。宣公不惟納之。而又欲封之。是固羣臣之所當爭也。文子託去惡之名。改君命。而使司寇斥僕於境外。以嘗試宣公意。以謂君苟怒我耶。則我固可自附於忠憤愛君之徒。君苟聽我耶。則魯之大柄自是歸我矣。退不失譽。進不失權。君有從違。我無增損。其自為計。乃如此。自古之盜權者。皆覬成而惡敗。蓋成則受大福。敗則蹈大禍。未有如文子之計。不幸不成。猶不失譽。諤之稱者。其為計可謂高出古人之右矣。既而宣公果惑於史克之對。終莫能詰一

迴別然後  
從史克語  
中斷出不  
鷹鷂於襄  
仲而鷹鷂  
於莒僕勢  
如轉石千  
仞之豁萬  
壑皆震知  
此可得文  
家布置之  
法。不納  
叛人弼君  
以正此自  
是。大臣之  
事。但他人  
行之。則爲  
以道事君  
文子行之  
則爲盜君  
之柄。以君  
原與鷹鷂  
同黨耳。

張明德曰  
誅奸雄之  
心千百世

時上下皆爲所眩。君嘉其直。人誦其忠。而不知國命已移於冥冥之  
中。更千百載。觀者猶以斥莒僕爲文子之美。莫有辨其爲竊權之始  
者。嗚呼。死諸葛可以走生仲達。死姚崇可以算生張說。孰謂既死之  
文子餘斯遺。譎尙能欺千百歲之後乎。吾詳考史克之對。歷數莒僕  
之罪。言雖指僕。而意譏宣公。宣公負篡弒之惡。實魯之僕耳。聞克之  
言。其類能無泚乎。克內則陰中。宣公之隱。以脅之外。則盛稱文子之  
功。以誑之一脅。一誑一揜。闔箝制真。季氏徒也。然克之辭。浮麗夸靡。學  
者或咀其華。而忘其實。吾請摘其妄。以示之。克首稱先大夫臧文仲。  
教行父事君之禮。行父奉以周旋。弗敢失墜。見無禮於其君者。誅之  
如鷹鷂之逐鳥雀也。嗚呼。行父尙記文仲之教乎。前日襄仲之難。嗣  
子受弒。無禮於君。孰大於是。行父乃恬若不見者。文仲之教何在也。

後存為定案向非東萊卓識不能斷決此文生於情此春秋快筆一之出莒僕一人之在則為以道事君自文子行之則為盜君之柄易與人不肯絲毫讓過

季文子出莒僕註釋

魯道毛詩齊風魯道有蕩專權史記齊太公世家三子專權唐書張巡傳楊國忠方專國權勢可炙竊權孟子公孫衍張儀章朱子曰此言三子阿諛苟容竊取權

勢手奪南史蕭摩訶傳手奪濟軍大旗齊衆大潰有隙史記項羽本紀今者有小人之言令將軍與臣有隙假名假借也後漢書邳彤傳卜者王郎假名因勢

有術孟子觀水有術必觀其濶攘之有因而盜曰攘千載一時晉書慕容暉載記觀其君臣相得千載一時一國之權說苑

今將軍方吞一國之權唐書李逢吉傳性忌刻險譎多端竊寶國語魯語莒僕殺紀公里革曰竊寶者為軌用軌之財者為姦境外管子士三出妻逐於

境怒我左傳所以怒我而怠也忠憤北史刁冲傳辭旨總直文義忠憤聽我毛詩大雅聽我藐藐大柄宋史趙普傳為邦在乎任人任人在

乎公正公正之道莫先于賞罰斯為政之大柄也管子滕魯之粟四流而歸我增損道記呂不韋傳著春氏春秋有能增損一字者予千金受大福

易林四門雍蹇譎晉書武帝紀讜言蹇譎所望於左右也莫能詰左傳襄公二十五年士莊伯不能詰國命論語陪臣執國命三世希不失

矣冥冥之中呂氏春秋離謂篇冥冥之中有昭昭焉死諸葛走生仲達漢晉春秋諸葛亮卒於氏塢楊儀等整軍而出宣王追焉

矣冥冥之中呂氏春秋離謂篇冥冥之中有昭昭焉死諸葛走生仲達漢晉春秋諸葛亮卒於氏塢楊儀等整軍而出宣王追焉

維令儀反旗鳴鼓宣王乃退不敢傷百姓為之諺曰死諸葛走生仲達宣王曰吾能料生不能料死也。宣王司馬懿也懿字仲達

死姚崇算生張說說音悅世說新

語補姚崇張說同為宰相與吾輩隙甚深吾沒後來弔汝具陳吾輩帶重器羅列帳前張若顧此當盡致之仍以神道碑為請既得其文登時錄進崇沒張果至日其服玩者三四崇家悉如崇戒不數日文成時謂極筆數日遣使取本欲加刪改姚氏諸子引使者視其碑已刻成仍告以奏御使者復命張悔恨撫膺曰死姚崇能算生張說吾今日方知才之不及遠矣

漢書五行志長狄一者之魯一者之齊其類孟子滕文公篇其類有泚朱子曰類額也泚泚然汗出之貌陰中中去聲蘇軾杭州召還乞

郡狀臣豈敢恃聖主公道盛稱兩都賦序而盛稱長安舊制捍闔鬼谷子有捍闔篇捍闔者以變勤陰陽四時開閉以化萬物箝制

易林執囚東浮麗亢倉子事文逐舉會濁浮麗之材至咀華韓愈進學解含英咀華孰大於是孟子盡心篇不素餐令孰大於是

可憐哉莊子庚桑楚篇汝欲反汝性往而無由入可憐哉謬妄南史曹景宗傳帝數宴見功臣景宗酒後謬妄或誤傳下官帝故縱之以為笑樂

宋昭公子武氏族文公十六年宋人弑其君杵臼君無道也十八年宋武氏之族道昭公子將奉司城須以作亂宋公殺母弟須及昭公子遂出武穆之族

宣公三年武穆之族以曹師伐宋

是非善惡之辨至於子孫而後定。宋昭公之無道。其子孫豈有措足之地哉。武氏道昭公子為亂。雖不克成。然搖民心。蕩國勢。凡三四年。

王濟之曰從本心揭出君民一體懷然欲

吳可補性  
善註疏

朱字後曰  
揭出民之  
本心四字  
為一篇張  
本說得可  
歌可泣尤  
妙怨去則  
思來一句  
作通篇筋  
脈文無定  
見何敢道  
雙字  
孫月峯曰  
掉轉最靈

而後已。使宋人果憾昭公，安能至此。彼昭公又何以得此於民哉。君天也。民之於君，固有不可解於心者。昭公雖無道，然嘗託在君位矣。君民之間，蓋有不膠漆而自固者。前日之怨，豈民之本心哉。鈇焉鉞焉，則怨。桁焉摺焉，則怨。斲焉遊焉，則怨。臺焉囿焉，則怨。至於身沒之後，鈇鉞弊，桁摺朽，斲遊弛，臺囿荒。前日之怨，皆然空然墮於渺茫不見蹤迹。冰泮則水流，塵盡則鑑徹，雲散則日明。怨去則思來，斯民始怵惕，悽慘追維，疇昔君臣之義，見其遺嗣，惻怛興憐，故姦宄乘之，猶足疑誤羣聽。此真民之本心哉。惜乎怨在身前，思在身後。昭公親當今日之怨，而不及待後日之思，此所以履危亡而莫救歟。抑不知民心本未嘗忘昭公，特奪於殘虐，不暇思爾。使昭公奮發悔悟，改前之為則，民將其移身後之思於身前，向之鴟鵂皆鸞鳳也，向之莖葛皆

參朮也。向之礎。鑽皆几席也。向之讐敵。皆姻婭也。遷善之門。翻手可闢。適治之路。舉足可登。乃延頸待斃。自謂無策。愚矣哉。

### 宋昭公子武氏族註釋

**措足**

湖見錄司馬溫公曰登山徐行則不困措足於平穩之地則不跌

**搖民心**

孫樵梓潼移江記羣疑牽綿民心蕩搖

**國勢**

漢書諸侯王表周過其歷秦不

**及期國**

左傳昭公四年君天也天可逃乎

**不可解於心**

莊子人間世業公子高條子之愛親命也不可解於心

**君位**

**孟子君一位**

**不膠漆而固**

莊子駢拇篇附離不以膠漆春秋繁露以德為國者固於膠漆

**鈇鉞**

朱子曰鈇莖斫刀也鉞斧也禮記王制諸侯賜鈇鉞然後

**殺桁檣**

莊子在宥篇甚矣吾未知聖知之不為桁楊接檣也桁音杭足械也檣席入切枷中橫木

**改遊**

改音田取禽獸也西京賦盤於游改

**臺囿**

初學記有藩曰

**園有牆曰園**

**臺囿荒**

司馬光詩得趣弗嫌臺館荒

**身沒之後**

魏武帝表青州刺史劉琮令身沒之後諸子鼎峙陸機日重光行身沒之後無遺名

**宵**

**然空然**

莊子知北遊篇光曜問無有條視其狀貌窅然空然

**不見縱迹**

韓愈詩涼風九月到掃不見蹤跡

**冰泮**

淮南子傲慎訓冰迎春則泮而

**為鑑徹**

徹明也梁肅遊雲門序蓄為澄潭涵虛鏡徹

**雲散月明**

蘇軾夜渡海詩雲散月明誰點綴天容海色本澄清○博議作日明非

**疇昔**

**檀弓予疇昔之夜疇發語聲**

**君臣之義**

禮記禮器父子之義君臣之義倫也

**遺嗣**

潘岳南陽公主誄噉噉遺嗣榮榮孤臣

**惻怛**

漢書文帝紀朕憂苦



朱字綠曰：享羊不及，而以爲厚。翻案之文，却說得人。情曲至。季孫不納。叛人而以。爲竊權。是於好處看。出他不好。華元不享。羊斟而以。爲親厚。是於無情處。看出他有。情都從生。平爲人處。下斷案所。以奇而確。

蓋疏則相責，親則相恕。其待鄉人物，至而情不至，所謂厚之而薄者也。其待子弟，物不至而情至，所謂薄之而厚者也。凡人情相與，至於無間，則用之不憚，置之不愠，予之不辭，奪之不怨，曠然相期於形骸之外，夫豈以薄物細故而遽爲向背哉？華元殺羊，食士而其御羊斟不與人，皆以爲待羊斟之薄，吾獨以爲待羊斟之厚焉。元之意豈不以斟爲吾御，幾年矣。左執鞭，右奉轡，日則偕出，暮則偕入，險夷寒暑升降，馳驟無不與吾俱，相悉已久，相信已熟。今日饗士，吾肘腋同禮之人，豈計一杯羹爲輕重，姑及疏者遠者可也。羊雖不及，然親厚之意固已踰百牢而豐五鼎矣。斟不知享其意而徒欲享其食，忿戾勃興，驅車趨敵，投華元於死地。元待之以君子之心，斟報之以小人之行，非特負元乃負國也。議者或謂元御下寡恩，以起羊斟之怒。吾觀

○疏明首○一○語清○穴○圓○  
 ○推○附○一○步○責○以○大○義○講○之○可○恨  
 ○此

元非薄於  
斟大義凜  
然真是絕  
處逢生

元之爲人樂易慈祥之氣溫然可挹其免於囚虜而歸再與斟遇猶  
 慰解勉勞若恐傷其意者彼尙能恕羊斟於對爲變之後豈不能撫  
 羊斟於未交兵之前哉此吾所以論元之待斟蓋厚而非薄也然元  
 亦不能無罪焉日與斟周旋不知其肺腑猶以君子待之一罪也簞  
 食豆羹見於色之人乃與共載二罪也情意未孚而遽忘彼我以示  
 無聞三罪也明不足以燭姦誠不足以動物何適而不逢禍哉惜乎  
 華元有君子之資而未嘗學也

宋華元羊斟註釋

不可不察

孫子始計篇兵者國之大事死生之地存亡之道不可不察也

觴酒豆肉

禮記坊記子云觴酒豆肉讓而受辱民猶犯齒按觴酒者實酒與觴豆肉

者盛肉於豆也

先鄉人

孟子告子篇酌則誰先曰先酌鄉人

相責

朱子曰朋友當相責以善

物至

淮南子事來而制物至而應

情至

毛詩

大雅老夫灌灌

相與

漢書荆通傳此二人相與天下之至驪也

不懌

孔叢子衛君問子思條口順而心不懌懌然也

不愠

論語人不知而不愠朱子

曰愠含 形骸之外 莊子德充符篇申屠嘉條今子與我遊於形骸之內而子索我於形骸之外不已過乎 薄物細故 漢書匈奴傳

怒意 左執鞭 左傳襄公二十三年若不獲命其左執鞭弭右屬棄鞬以與君周旋 奉轡 上林賦孫叔奉轡 馳

驟 顏延之赭白馬賦序 相悉 李翱答獨孤舍人書何遠不相悉 相信 管子君明相信五官肅士廉農慮 饗

士 說苑家所有 同體之人 史記黥布傳云三人者同功一體之人也劉勰新論同體之人嘗患於過譽 一杯羹 史記項羽紀

若欲烹而翁則 親厚之意 三國蜀志楊戲傳篤於故舊居誠親厚論語君子周而不比章朱子曰周比皆與人親厚之意 百牢 周禮天官

幸分我一杯羹 忿戾 潛夫論凡民痛則無恥禍則不仁忿戾怨對生於無恥 勃興 後漢書黨錮傳論漢

趨敵 史記張儀傳秦人損甲徒褐以趨敵 君子之心 左傳昭公二十八年顧以 負國 李陵答蘇武書身

寡恩 諸葛亮新書多語者寡信自奉者寡恩 慈祥 儀禮士相見禮與衆言之忠信慈祥 可挹 江淹知己賦如彼 勉勞 後漢

禹傳勸率吏民親自勉勞 恐傷其意 晉書謝元傳少好佩紫羅香囊叔父安患之而不欲傷其意因戲賭取即焚之 爲變 北史隋

以平陳所得古器多 肺腑 史記衛青傳青幸得 簞食豆羹 孟子苟非其人簞食豆羹見於色 共載 晉書

爲禍變悉命毀之 無聞 問去聲朱子曰聞缺也 燭姦 申子明以燭姦嚴以禦究 誠能動

傳秦何與 彼我 王儉補淵碑均責賤於條風忘榮辱於彼我 燭姦 申子明以燭姦嚴以禦究 誠能動

物見前陽未嘗學孟子滕文公篇吾他日未嘗學問

楚鬪椒

宣公二年夏晉趙盾救焦遂自陰地及諸侯之師侵鄭以報大棘之役楚鬪椒救鄭曰能欲諸侯而惡其難乎遂次於鄭以待晉師趙盾曰彼宗競於楚殆將斃矣姑益

其疾乃去之

朱字絲曰意在於善所遇皆善善之物意在於惡所遇皆惡之物此是

物以順至者必以逆觀天下之禍不生於逆而生於順劍楛戈戟未必能敗敵而金繒玉帛每足以滅人之國霜雪霾霧未必能生疾而聲色眩遊每足以殞人之軀久矣夫順之生禍也物方順吾意而吾又以順觀之則見其吉而不見其凶瀾心縱欲蓋有陷於死亡而不悟者矣至於拔足紛華寓目昭曠彼以順至我以逆觀停筋於大食之時覆觴於劇飲之際惟天下之至明者能之鬪椒汰侈於楚帥師救鄭晉趙盾乃退師示怯以順適其意而益其疾椒謂趙盾真畏己者憑恃其強肆為悖逆親集矢於其君之車以覆其宗盾投之以順

張明德曰：趙盾之謀，原非難察。彼椒自不，能觀其微，故遇盾而，為盾所制，順至逆觀，二意發揮，自是透關，且善為關，椒地步空，中結撰真，擊雲手段，順至逆觀，乃千古不，易之定論，故遇順即，以為順者，無不立見，其敗也若，謂人有美，意以順我，而概以逆，觀之是逆，詐意不待，非所以信。

而椒不觀之以逆殆非盾之能誤椒蓋椒之不能察盾也然盾之為此段

謀於難察之中猶有可察者焉豪奴悍婢冥頑很戾闔室之人畏避

之出而詈市人則必奮臂與之鬪蓋其威行於家而不行於市此殆

易曉也椒之跋扈不過能使楚人畏之爾一出楚境則相視如道路

人何為遽下之哉況以堂堂之晉一旦相遇卷旆改轅未戰而卻遂

巡若有所懼者此理之不當然也理不當然而然其必有所以然矣

椒於此曷不深致其觀乎謂晉封略不如楚則否謂晉謀臣不如楚

則否謂晉兵甲不如楚則否反覆推考莫知其端是殆養我而納之

於禍也牛羊犬豕醉於豢養身日膺而死日近椒亦人爾乃坐受讎

敵之豢養自赴刀几亦愚矣向使不遇趙盾豈至此極乎曰意在於

善凡所遇者皆養吾善之物也意在於惡凡所遇者皆養吾惡之物

自養惡不必遇盾而然

也。豈必遇一趙盾哉。一雨露也。梧櫨得之以養其柯。條荆棘得之以養其芒。刺造物者。曷嘗有心厚梧櫨之材。而稔荆棘之毒。歟。咸其自養。而未有養之者也。椒苟意於善。則盾雖示弱。而養其惡。未必不逆。觀其詐悚。然微懼而啓改過之門矣。盾本將以養其惡。椒反資以養其善。殆惟恐遇盾之不蚤也。

楚鬪椒註釋

順至

唐呂溫成皋銘順至則平逆來惟難

劍楯

漢書晁錯傳曲道相伏隘隱相薄此劍楯之地也

戈戟

漢書陳勝項籍傳贊銷鋒銳師古注鋒戈戟也

金

繒帛

宋史食貨志太祖太宗守以恭儉外無金繒之遺

玉帛

左傳禹合諸侯於塗山執玉帛者萬國

羶霧

柳宗元與楊憑書內生羶霧填掩慘沮

生

疾

左傳伶州鳩曰心聲色是以感實生疾

聲色

稽康養生論聲色是耽

敗遊

張載七命敗遊馳利刃駸足

生禍

禮記樂記則酒之流生禍也

溺

心

莊子繕性篇文滅質博溺心

縱欲

說苑觸情縱欲謂之禽獸

拔足

班彪王命論拔足揮洗

紛華

漢書貨殖傳奇麗紛華非其所習

寓目

左思吳都賦徘徊倘佯寓目幽蔚

昭曠

謝靈運山居賦山野昭曠

傳筴

李白詩投筴解驢矚喚酒醉北堂

大殮

淮南子詮言訓飢而大殮非不贍也然而

而

物此舍去  
博議中察  
之一字而  
自為其說  
并不知有  
不逆不億  
而能先覺  
者也且全  
部博議大  
半以反已  
為主重在  
已而不重  
在人逆詐  
億不信固  
為君子所  
不取然為  
人乎抑為  
已乎為已  
則人有美  
意以順我  
當思我果  
有所以致  
順之道在  
先否逆億  
云乎哉徒  
舍已以徇  
人似非東

萊先生立論之本意也

弗為者害於性也

覆觴

晉書元帝紀帝渡江以酒廢事王導以為言帝命引觴覆之於此遂絕鄒陽酒賦乃縱酒作倡傾碗覆觴

劇飲

南史梁臨川王宏傳

可更劇飲至夜舉燭還唐書陽城傳城與二帝延賓客日夜劇飲

汰侈

左傳昭公元年越王太侈汰從大博議從太非

退師

後漢書張堪傳吳漢伐公孫述餘七日糧

欲遁其說不宜退師之策漢乃示弱挑戰

畏己

戰國策楚策虎不知戰之畏己而走也以為畏狐也

恃強

管子強國得之也以收小其失之也以恃強

悖逆

史記

樂善必是有悖逆詐偽之心有淫佚作亂之事

集矢

矢箭也左傳襄公二年楚君以鄭故親集矢於其目

覆其宗

韓愈畢君墓志銘抗為廣平太守抗安祿山城陷覆其宗

難察

論語顏淵篇子張問明章朱子曰二者難察而能察之則可見其心之明而不蔽於近矣

豪奴悍婢

蘇洵權書第九篇獨計以為家有主母而豪奴悍婢不敢與弱

抗

子真頌 是鯉魚冥頑不靈

狼戾

北史蘇威傳其性狼戾不切世要

畏避之

漢書酷吏傳涿郡大姓西高氏東高氏自郡吏以下

避 南子闔閭伐楚五戰入郢昭王將隨百姓皆方命奮臂而為之鬪

易曉

曉明也五代史馮道傳聶夷中田家詩其言近而易曉

楚境

左傳定公

四 則相視如路人

如字下衍一 道字當刪去

卷旆

杜甫詩風高卷旆旌蘇轍魏佛經歌擊鉦卷旆抽行營

改轍

左傳 十二年改乘轅而封略

柳宗元封建論世食祿邑以盡其封略

不如楚

左傳晉卿不如楚

莫知其端

蘇軾詩每

呂 終莫知其門莫如其端莫知其源

豢養

子華子禎祥瑞應之物聖王不識君子不道彼其視鳳皇麒麟也乃豢牢之養耳

刀几

蘇軾詩每

食乃 幾善

毛詩鄭箋不願亦臨二句言養善使之積小致高大

柯條

王延壽王孫賦尋柯條以宛轉

亡刺

漢書霍光傳宣帝謁高廟光從驂乘上內殿憚之若

有芒刺在背

梧櫨之材

孟子告子篇舍其梧櫨朱子曰梧桐也櫨梓也皆美材也

自養

周易頤卦象曰自求口實觀其自養也

示弱

見退師注

下傲懼

國語四鄰諸侯誰不傲懼於君之威

楚子問鼎

宣公三年楚子伐陸渾之戎遂至于雒觀兵于周疆定王使王孫滿勞楚子楚子問鼎之大小輕重焉對曰在德不在鼎昔夏之方有德也遠方圖物貢金九牧鑄

鼎象物百物而爲之備使民知神姦故民入川澤山林不逢不若魘魅罔兩莫能逢之用能協于上下以承天休桀有昏德鼎遷于商載祀六百商紂暴虐鼎遷于周德之休明雖小重也其姦回昏亂雖大輕也天祚明德有所底止成王定鼎于郊郭卜世三十卜年七百天所命也周德雖衰天命未改鼎之輕重未可問也

一夫而抗強敵一言而排大難此衆人之所喜而識者之所憂也楚

爲封豕長蛇薦食上國陳師鞠旅觀兵周郊問九鼎之輕重其勢岌

岌若岱華嵩岳將覆而未壓王孫滿獨善爲說辭引天援神折其狂

僭使楚人卷甲韜戈逡巡自郤文昭武穆鐘簴不移瀍水雒都城闕

靡改其再造周室之功實在社稷是固衆人之所同喜也夫何憂憂

之云者非憂其一時之功也喜在今日而憂在他日也天下之禍不

邱瓊山曰初讀疑迂疑刻殊覺不近人情然徐繹之則真儒治國規模已矣悠然而外

王聖俞曰由盡周家弱景可發一慨

此場其却楚之功

他日一字一皆從此發

此下說

朱字緣曰  
喜在今日  
憂在異日  
禍不可狂  
幸不可恃  
祇此四語  
盤旋到底  
敵百年大  
勢約之方  
幅閒瞭然  
如見○周  
以文治亦  
以文弱襄  
王之時禮  
樂征伐不  
自天子出  
其來已久  
所為朝覲  
獄訟命討  
之具舉不  
可恃舍文  
告亦更無  
他法可以  
退楚雖王  
靈不可復  
振然猶恃

可狂而幸不可恃問鼎大變也國幾亡而祀幾絕王孫滿持辨口以

禦之所以楚子退聽者亦幸焉耳周人遂以為強楚之凶讎如是尙

畏吾文告而不敢前異日復有跳梁畿甸者政煩一辯士足矣是狂

寇難為常而其以三寸舌為可恃也由東遷以來周之君臣上恬下

嬉奄奄略無立志身不見驅竄之釁口不誦板蕩之詩玩於宴安寢

以媮惰君子猶意儻遇禍變庶幾微懼改前之為今三代所傳之大

寶乃敢睥睨蕩搖欲以腥羶汗漫之侈然有改玉改步之意禍變孰

大於此使王公卿士怵惕祇畏懷覆亡之虞則后稷公劉之業猶有

望也適王孫滿之說偶行其君臣相與高枕遂謂吾舌尙存寇至何

畏狂其禍而恃其幸開之者非滿歟自是之後相襲成風問其治國

則先文華而後德政問其禦寇則先辨說而後甲兵問其用人則先

○可○憂○寸○兩○柱○後○面○字○字○照○應○

此段言周○室○本○弱

○又○玩○於○宴○安○不○能○敵○懼○覆○亡○反○鏡○倖○於○口○舌○王○孫○滿○為○禍○之○始○

○下○一○開○字○便○見○滿○於○禍○無○辭○發○明○憂○在○他○日○意○



小其詐偽之術得罪於王孫滿甚矣東萊乃相提而論不亦誣乎王孫滿方幼而師能決秦師之敗其折華之數言煌煌大義可與誥誓並傳故能折其強悍而使之自退若欲先甲兵而後辨說則稽首歸命不俟報王而早己見於春秋之世矣。南宋之季聲容威而武備衰故東萊

**卷甲韜戈** 舊唐書陳少游傳韜戈卷甲仁候指揮  
**文昭武穆** 顏延之詩昔在文昭今惟武穆  
**鐘簾不移** 通鑑輯覽唐德宗興

元元年李晟收復京城遣掌書記于公異作露布上行在曰臣已肅清宮禁祗謁寢園鐘簾不移廟貌如故  
**灑水** 尚書我又卜灑水東亦惟洛食  
**雒都** 蕭子範直坊賦寫學

宮於維都模 **再造** 宋史禮志李晟有再造王室之勳  
**同喜** 蔡邕上始加元服上壽表同喜逸豫式歌且舞  
**大變** 後漢書順帝紀天

**辯口** 史記范雎傳齊襄王聞雎辯口乃使人賜雎千金及牛肉  
**凶燄** 唐書李抱玉傳史思明已破東都凶燄勃然鼓而行自謂無前  
**文告** 三國魏志鍾

告之訓以濟 **跳梁** 莊子逍遙游跳梁東西跳梁  
**辯士** 史記范雎傳贊范雎蔡澤世所謂一切辯士  
**寇難** 三國蜀志先生傳不能

**三寸舌** 史記平原君傳毛先生以三寸之舌強於百萬之師  
**上恬下嬉** 唐書鄭餘慶傳禍難己平上恬下嬉施施自如  
**立志** 孟子懦夫

**彘驪** 史記周本紀厲王三年民乃相與畔厲王出奔於彘共和十四年王死於彘韋昭曰彘板蕩晉地又犬戎攻幽王遂殺王驪山下索隱曰驪山在雍州新豐縣南○博議作驪非

詩序板凡伯刺厲王也蕩召穆公傷周室大壞也厲王無道天下板蕩無綱紀文章故作是詩  
**媮惰** 朱子答劉子澄書因循媮惰安得不至於此  
**禍變** 唐書張說傳

人所 **睥睨** 集韻睥睨音婢詣邪視也  
**汗漫** 荀子強國篇楊注汗漫謂穢汗不修潔也  
**改玉改步** 左傳定公五年改玉改步

佩水蒼玉是玉不同也君與尸行接武大夫繼武是步不同也  
**祗畏** 後漢書李固傳天道無親可為祗畏  
**后稷公劉** 史記周本紀公劉雖在

業周道之 **吾舌** 史記張儀傳嘗從楚相飲已而亡壁門下意張儀盜幣掠答數百不與自此始 服釋之張儀謂其妻曰視吾舌尚在否其妻笑曰舌在也儀曰足矣  
**高枕** 韓愈

有激而為 是言然元 世祖之初 實欲通好 此正先文 告後甲兵 之時也乃 聘問之禮 不行而徒 拘留其使 卒致用為 口實與伯 顏之師而 宗社以亡 矣君子傷 之是故宋 之於金患 其不能戰 而於元又 患其不不 和

與鳳翔邢尚書書戎狄棄甲 而遠遁朝廷高枕而不虞 文華 北史李諤傳競聘 文華遂成風俗 德政 三國魏志高堂隆傳民 詠德政則延期過歷 禦寇 周 易

蒙卦不利為 寇利禦寇 辨說 阮籍達莊論結徒 行實 劉寬失汴州曹廳壁記 故君之行實敢不詳知 撫邦 尚書周官惟 周王撫萬邦 典

冊 宋史王珪傳文章宏麗自成一 家凡朝廷大典冊多出其手 絢麗 常袞授崔殷刑部員外郎 制學義精深辭華絢麗 形勢 漢書藝文志權謀 者以正守國以奇

用兵先計而後戰兼形 勢包陰陽用技巧者也 陵夷 漢書成帝紀帝王 之道日以陵夷 吞噬 孫綽喻道論君臣相滅父子 相害吞噬之甚過於豺虎 虛張 韓 愈

論淮西事宜狀虛 張聲勢則必有之 九九 戰國策周策齊將求九鼎願率謂齊王曰昔周之伐殷也時九鼎 給徒 亥 切欺 得計 莊子於 魚時計 緩頰 史記魏豹傳注緩 頰徐言譬喻也 長喙 柳宗元解崇賦夫 何長喙之紛華 虛詞 鄒陽文此不 可以虛詞借

也 不可恃 韓愈詩疾 急不可恃 有望 左傳昭公八年頃 靈福子吾猶有望

### 楚箴尹克黃

宣公四年秋七月戊戌楚子與若敖氏戰于皋澨伯棼射王汰駟及鼓跗著 子丁寯又射汰駟以貫笠師懼退王使巡師曰吾先君文王克息獲三矢

焉伯棼縶其二盡於是矣鼓而進之遂滅若敖氏初若敖娶於郢生鬬伯比若敖卒從其母 畜於郢淫於郢子之女生子文焉却夫人使棄諸夢中虎乳之郢子田見之懼而歸夫人以

告遂使收之楚人謂乳穀謂虎於菟故命之曰鬬穀於菟以其女妻伯比實為今尹子文其 孫箴尹克黃使於齊還及宋聞亂其人曰不可以入矣箴尹曰棄君之命獨誰受之君天也

天可逃乎遂歸復命而自拘於司敗王思子文之治 楚國也曰子文無後何以勸善使復其所改命曰生

張明曰德 起語雄渾 如轉石千 仍之豁萬 擊皆震中

問言周室  
 東遷之後  
 國勢既弱  
 又玩於宴  
 安為滿者  
 不能警懼  
 覆亡而僥  
 倖於口舌  
 之閒以啓  
 他日無窮  
 之禍真不  
 朽名論觀  
 結處王孫  
 卻楚之功  
 不足償意  
 周之罪吃  
 如山岳稟  
 若風霜即  
 令起滿於  
 九泉亦不  
 得不為心  
 折

正其義不謀其利明其道不計其功此吾儒之本指也自謀利計功  
 之說行雖古人之事峻厲卓絕表表然出於常情俗慮之外者莫不  
 以是心量之其為害豈淺鮮哉楚之滅若敖氏也箴尹克黃實其餘  
 裔適出使於齊幸而漏網是宜委質諸侯以逃其死策無先於此者  
 矣箴尹獨以君命為重明知死地而直赴之非審知義命一視生死  
 者豈能之乎謀利計功者猶曰死地乃生地也犯死以復君命君必  
 以為輕其死而重吾命殆將赦之以勸事君是陽以死結君而陰取  
 生之利也嗚呼是說也乃謀利計功者之心初非箴尹之心也箴尹  
 之言曰棄君之命獨誰受之君天也天可逃乎由其言以觀其心明  
 粹端直固可對越在天而無愧使有一毫覬倖之心聞之則心聲所  
 發必有不可掩者矣箴尹知有君而不知有己知就義而不知就生

先說謀利計功者不可處庸冒起文情糾緩  
數語表明箴尹之為一八〇一〇篇之意已見  
便伏計利計功意  
此段提生死二字折功利之言廣尹非區區也  
因其言而知其心

知他篇之深文苛辭特誅小人於漏網也張明德曰從正誼明道引徐不情紆徐不迫中斷數語表明箴尹之為人已定一篇大旨非死二字非所計也末復結出楚宥箴尹乃為子文破前陽以死結陰以取生意東萊深為謀利計功者下一鍼砭

雖不免於司敗之戮必以死得其所為幸固瞑目而無憾也豈預期楚子之宥哉死與不死在箴尹本無加損向若借箴尹一身之死以塞萬世謀利計功者之口身雖沒而道則彰矣今適會楚子之寬宥箴尹之心有如白水固不待辨彼紛紛謀利計功之徒以已度箴尹者殆深可憐也吾嘗深求其故矣楚子之宥箴尹也非嘉其復命也蓋思子文之法楚也箴尹之宥繫於為子文之後不繫於復命也然則箴尹之歸死豈求生之計耶吾故發之以折謀利計功者之說

楚箴尹克黃註釋

正其義二句

漢書董仲舒傳夫仁人者正其義不謀其利明其道不計其功

本指

史記張耳傳貫高具道本指

峻厲

三國魏志徐何等傳貫尚

峻厲為世名人

卓絕

晉書孫楚傳才藻卓絕爽邁不羣

表表

表明也韓愈祭柳子厚文子之自著表表愈偉

俗慮

孟郊詩世途非一險俗慮有千結

淺

鮮

鮮上聲少也史記刺客傳毒政曰臣之所以待之至淺鮮矣

餘裔

朱子大學序內則弟子職諸篇實小學之支流餘裔

漏網

陸機五等諸侯論六臣犯其弱網七

王鳳洲曰  
兩著嗚呼  
兩東是誠  
何心感慨

子衝其  
漏網  
**委質**  
左傳二十三年策名委質朱子曰實所執以見上者如士則執雉也  
**輕死**  
老子民之輕死以其求生之厚是以輕死也  
**君命**  
論語君命召不

俟駕  
而行  
**義命**  
孟子萬章篇孔子進以禮退以義得之不得曰有命  
**赦之以勸事君者**  
左傳成公二年卻子曰人不難以死免其君我戮之不祥赦之

以勸事  
君者  
**對越在天**  
毛詩周頌清廟篇傳曰對配也越於也  
**明粹**  
夏侯湛昆弟誥宣慈愷悌明粹篤誠  
**端直**  
晉書歷律志繩者上下端直經

緯四  
通也  
**覲倖**  
覲音冀希望也元史仁宗紀食汗不殺者  
**心聲**  
揚子法言言心聲也書心畫也  
**不可掩也**  
漢書

董仲舒傳言出於已不可  
塞也行發於身不可掩也  
**得死為幸**  
左傳僖公十九年得死為幸  
**司敗**  
左傳文公十年子西曰臣歸死於司敗也杜注陳楚名司寇為

司  
敗  
**瞑目**  
李白詩瞑目歸黃泥  
**加損**  
鶴山題跋君子亨否碩寢無毫髮加損也  
**道彰**  
韓愈送許鄧州序道德彰而名聞流  
**寬宥**  
孔子家語明君必寬

宥以容其民慈  
愛以優柔之  
**有如白水**  
左傳僖公二十四年所不與舅氏同心者有如白水  
**求生**  
戰國策齊策固不求生也

**荀林父伯宗**  
宣公六年赤狄伐晉圍懷及邢邱晉侯欲伐之中行桓子曰使疾其民以盈其貫將可殲也十五年潞子嬰兒之夫人晉景公之姊也鄆舒為政而殺之

又傷潞子之目晉侯將伐之諸大夫皆曰不可鄆舒有三備才不如待後之人伯宗曰必伐之狄有五罪備才雖多何補焉

世未有事非而心是者譽共驩者必非信朋跲躄者必非廉入許史者必非正屬衰劉者必非忠見其事則其心固不問而可知也事非

歎息中揭  
 出聖賢正  
 派以事是  
 心非立論  
 詞旨甚嚴  
 未以風韻  
 結之更覺  
 機趣橫溢  
 林父伯宗  
 宗用兵之  
 霸衛也東  
 萊守正之  
 王道也然  
 邊事之壞  
 多起於許  
 謀故漢武  
 之用主恢  
 不如漢文  
 之報當戶  
 張明德曰  
 事是心非  
 非東萊不  
 能看破中  
 閉引聖賢  
 立論申明  
 所以心非

心是理所無有抑天下有事是而心非者乎曰有赤狄伐晉圍懷之

際勢方強也晉侯欲犯其疆荀林父欲待其衰林父之策是也赤狄

鄆舒殺伯姬之際惡已暴也晉大夫欲縱其暴伯宗欲討其罪伯宗

之策是也人觀其前莫不非晉侯而是荀林父人觀其後莫不非晉

大夫而是伯宗孰知二子策雖是而心則非乎圍懷之役林父堅忍

以待其衰是固理之正也至於所以設謀者則曰使疾者民以盈其

貫將可殪也嗚呼是誠何心哉鄆舒之事伯宗奮厲欲討其罪是亦

理之正也至於所以設謀者則曰後之人或者將敬奉德義以事神

人而申固其命若之何待之嗚呼是誠何心哉聞君子成人之美矣

未聞成人之惡也聞君子懼人之亂矣未聞懼人之治也今林父則

養人之惡惟恐其不盈伯宗則幸人之亂惟恐其或改處心積慮可

是也擊出心非一二字  
 點睛  
 前既明說心非又用嗚呼是誠何心句感慨歎息冷語  
 引聖賢立論斷其

之故更見  
周市總之  
東萊胸中  
止有王道  
二字遇此  
續行徑純  
是伯術焉  
得不云爾

謂忍矣。此吾所謂事是而心非者也。論者安可信其事而略其心哉。

人苟心不在於善。凡所遇之事。曲固曲也。直亦曲也。邪固邪也。正亦

邪也。董仲舒、公孫宏同以春秋而事武帝者也。劉向、谷永同以諫諍

而正成帝者也。然世皆內仲舒而外宏，右向而左永，何耶？宏之春秋

人所以羞道之者，心累其書也。永之諫疏，人所以喜攻之者，心累其

言也。并辱秣陵泉，貪交廣果，誰為之累者？并耶？泉耶？人耶？

### 荀林父、伯宗註釋

事非

杜甫詩：歎息人間萬事非。韋莊詩：再到山陽事事非。

共驩

共音恭。尚書：堯典曰：疇咨若予采驩。兜曰：共工官名。都共工方鳩僝功。注驩：兜臣曰：共工官名。

跖躄

史記

游俠列傳：跖躄暴戾，其徒誦義無窮。淮南子：主術訓明，分以示則，跖躄之姦止矣。高注：盜跖孔子時人，莊躄楚威王時將軍，能大為盜也。鹽鐵論：跖躄之徒無倚頓之富。

許史

漢書：蓋寬饒傳

許史注：許伯宣帝皇后父，史高宣帝外家也。

袁劉

宋書：袁粲傳。粲字景倩，與齊王劉秉平決萬幾，順帝即位，詔移石頭，時齊王功大，天命有歸，粲密與秉謀，剋日攻齊王，事泄，並誅。南史：謝

超宗傳：不能賣。袁劉得富貴。

縱暴

史通：人物篇或為。張縱暴其罪滔天。

心非

史記：秦本紀入則心非，出則巷議。

是誠何心

孟子：梁惠王篇：王笑

曰是誠理之正也孟子滕小國章楊氏曰始堅忍漢書周昌傳御史大夫昌其人堅忍伉直設謀禮記少儀軍旅思險

阻之地出奇設謀以覆敗前敵奮厲晉書荀晞傳自奉明詔三軍奮厲討其罪奇書皋陶謨天討有罪五刑五用哉君子

成人之美論語君子成人之美不成人之惡小人反是惟恐其或改困學紀聞伯宗伐潞條樂毅伐齊曰待彼悔前之非改過恤下而撫其民則難

慮也羊祜伐吳曰若更立令主雖有百萬之衆長江未可窺也此皆兵家權謀惟恐人之遷善豈所謂以善養人者哉處心積慮注見卷一鄭伯克段篇不在

於善李經聖治章不在於善而皆在於凶德雖得之君子不貴也諫疏疏音素宋史薛居正傳太祖曰吾觀董仲舒漢書

董仲舒傳仲舒廣川人也少治春秋武帝即位舉賢良文學之士以仲舒為江都相公孫宏漢書公孫宏傳宏菑川人也年四十餘乃學春秋武帝元朔中代薛澤為丞相封平津侯

劉向漢書劉向傳向字子政常顯頌宗室谷永漢書谷永傳永字子雲長安人也成帝時擢為光祿大夫將軍王鳳輔政尤與永善

心累王維詩妄識皆心井辱潛確類書景陽井在南直應天府臺城內一名胭脂井秣陵累浮生定死媒

六朝事迹秦始皇東巡會稽經秣陵因繫鐘山斷金陵以疏淮泉貪晉書吳隱之傳為廣州刺史至末州二十里地名石門有水曰食泉飲者懷無厭之欲隱之至泉所酌而飲之賦詩曰昔人云

此水一飲懷千金試使夷齊飲終當不易心清操愈交廣隋書武帝紀豫章妖寇依馮山澤結從連橫爰自交廣漢武

帝漢書武帝紀孝武皇帝皇帝中子也注漢成帝漢書成帝紀孝成皇帝元帝太子也注

曰帝諱徵在位五十四年壽七十一

曰帝諱縉在位二十六年壽四十六



會之矣吾  
於先生文  
每一讀過  
輒欲起舞  
可與兩舞  
周鼎並傳  
正不在文  
字閉也

一得熊蹯牛心之饋。則譽其珍。歲衣布帛。未嘗以告人。一得霧縠文錦之服。則譽其美。吾是以知歸父之言魯樂。必棄常而嗜利也。棄常嗜利。乾沒不已。雖非晏氏。固可指期而俟其亡。至樂之地。人皆有之。惟不能有其樂。而樂移於物。故馳騫而忘反。權寵之樂。勃如也。詞華之樂。驕如也。聲色之樂。昏如也。畋遊之樂。蕩如也。是皆陋人之所樂。君子之所哀。哀之者。豈預憂其禍至哉。鴟鴞嗜鼠。卽且甘帶。何等臭腐。而忻慕耽惑。以身償而不悔。是固達者之所甚憐也。歸父譽魯樂之時。固已可悲矣。奚必悲其將亡哉。吾嘗聞孔顏之樂矣。曰樂在其中者。孔子之樂也。曰不改其樂者。顏子之樂也。然而飯也。飲也。曲肱也。非孔子之樂。特樂在其中而已。簞也。瓢也。陋巷也。非顏子之樂。特不改其樂而已。意者聖賢之樂。果窅然而無物耶。彼所謂樂在其中。

者在之一辭必有所居也彼所謂不改其樂者其之一辭必有所指也居何所居指何所指吾黨盍共繹之。

### 公孫歸父言魯樂註釋

舊國舊都

莊子則陽篇舊國舊都望之悵然

遲遲

孟子孔子去魯曰遲遲吾行也去父母國之道也

聖愚

孟子滕文公篇世子章朱子曰此明古今

聖愚本同一性

儀之琴

左傳成公九年晉侯觀於軍府見鍾儀問之曰南冠而縶者誰也

鳥之吟

史記陳軫傳昔越人莊寫仕執圭有頃而病人往聽之猶尚越聲也王粲登樓賦莊寫顯而越吟

去國

曲禮去國三世

在國

孟子在國曰市井之臣

在阱

漢書

司馬遷傳猛虎處深山百獸震恐及在檻阱之中搖尾而求食

走墻

孟子猶水之就下獸之走墻也朱子曰墻廣野也

棲林

揚雄羽獵賦麒麟臻其圃神爵棲其林○爵古雀字

喋喋

集韻喋音牒多言也漢書張釋之傳絳侯言事曾不能出口豈效此畜夫喋喋利口捷給哉

嗜利

中說子曰吾未見嗜義如嗜利者也

岱

岱說文曰泰山也

洙水

左傳莊公九年冬洙水杜註洙水在魯城北

五父之衢

左傳襄公十一年乃盟諸僖闕詛諸五父子衢杜註五父衢在魯國東南道名

大庭

之庫

左傳昭公十八年夏五月宋衛陳鄭皆火梓慎登大庭氏之庫以望之杜註大庭氏古國名在魯城內魯於其處作庫

城闕

曹植詩嘉賓填城闕豐膳出中廚

井

邑

晉書地理志始調立城郭皆井邑

物產

宋史高宗紀蠲貧戶帖錢之半無物產者悉除之又食貨志物產之品有六一畜二齒羽三茶鹽四竹木麻草五果藥油紙薪炭蠟漆六

雜物 **土俗** 曲禮使從俗疏使請臣為君出聘皆出土俗牲幣以為享 **呱** 音姑說文曰小兒啼聲 **髻** 音迢埤蒼曰小兒垂髮也 **弁** 士冠禮疏弁是古冠之大號

**稻梁** 史記禮書食先黍稷而飯稻梁 **熊蹯** 音煩掌也左傳文公元年王請食熊蹯而死 **牛心** 晉書王羲之傳時重牛心炙 **布帛** 漢書食貨志貨

謂布帛可衣 **霧縠** 音斛漢書禮樂志被華文廁霧縠註霧縠言輕細若雲霧也 **文錦** 漢書食貨志富者土木被文錦犬馬餘肉粟 **棄常** 左傳人棄常則妖興

**乾沒不已** 晉書潘岳傳其母數誚之曰爾當知足而乾沒不已乎又顏氏家訓陸機犯順履險潘岳乾沒取危 **權寵** 後漢書寇榮傳樂性矜潔自貴於人少所與以此見

害於權寵 **詞華** 杜甫詩詞華傾後輩 **鳴鴉卽且** 且音直蜘蛛亦曰卽且史記龜策傳騰蛇之神而殆於卽且莊子齊物論蜘蛛甘帶鳴鴉嗜鼠蜘蛛蜈蚣也帶者蛇

**臭腐** 莊子知北遊篇是其所美者為神奇其所惡者為臭腐臭腐復化為神奇神奇復晏為臭腐 **忻慕** 史記管晏傳贊雖為之執鞭所忻慕焉 **一辭** 史記

孔子世家至於為春秋筆則筆削則削子夏之徒不能贊一辭

增批輯註東萊博議卷四終

[ G e n e r a l I n f o r m a t i o n ]

书名 = 东莱博议

作者 =

页数 = 3 1 4

SS号 = 1 1 3 4 8 3 4 1

出版日期 = 1 9 3 7 年 0 3 月

封面页  
书名页  
版权页  
前言页  
目录页  
卷一

郑伯克段于鄢    周郑交恶  
宋穆公立殇公    臧僖伯谏观鱼  
用兵    隐公问羽数  
郑伯侵陈    盟会聘享失礼  
颖考叔争车    齐鲁郑入许  
息侯伐郑    羽父弑隐公  
臧哀伯谏郟鼎    晋封曲沃曲沃并晋  
齐郑卫战于郎    郑忽辞昏  
詹父以王师伐虢    虞叔伐虞公  
楚莫敖屈瑕    祭仲杀雍纠楚杀子南  
盗杀伋寿    桓公文姜如齐  
楚武王心荡

卷二

邓三甥请杀楚子    鲁庄公围郟  
妖祥    齐鲁战长勺  
宋万弑闵公    郑厉公杀傅瑕原繁  
王赐虢公晋侯玉马    鬻拳兵谏  
卜筮    曹刿谏观社  
晋杀其世子申生    齐侯救邢封卫  
管仲言宴安    齐仲孙湫观政  
晋里克    卫懿公好鹤  
齐寺人貂漏师    郑孔叔申侯  
齐伐楚    楚灭弦黄  
楚文王宠申侯    齐桓公辞太子华

卷三

葵邱之会    卫侯逊位激民  
梁亡    用人祀神  
宋人围曹    随伐楚  
宋公楚人战于泓    鲁饥而不害  
成风请封须句    秦晋迁陆浑  
子圉逃归    鲁卑邾不设备  
成得臣却献子    晋怀公杀狐突  
赋诗    卫礼至为铭  
周与晋阳樊温原攢茅之田    郑子臧好聚鹖冠

楚灭夔 臧文仲分曹田

卷四

穆伯襄仲 先轸死师

相术 晋侯朝王伐卫

宋荡意诸 楚范山请图北方

楚文无畏戮宋公仆 长狄

周公王孙苏讼于晋 狼曠死秦师

楚人灭江 阳处父

宋华耦辞宴 季文子出莒仆

宋昭公子武氏族 宋华元羊斟

楚斗椒 楚子问鼎

楚箴尹克黄 荀林父伯宗

公孙归父言鲁乐

附录页